

საქართველოს სსრ მეცნიერებათა აკადემიის

მაცნე

675-7/2
 1988

ისტორიის
 არქეოლოგიის
 ეთნოგრაფიისა და
 ხელოვნების ისტორიის
 სერია

2 . 1988

საქართველოს სსრ მეცნიერებათა აკადემიის „მაცნე“,
ისტორიის, არქეოლოგიის, ეთნოგრაფიისა და ხელოვნების ისტორიის სერია, 1988, № 2

საქართველოს სსრ მეცნიერებათა აკადემიის მაცნე
ИЗВЕСТИЯ АКАДЕМИИ НАУК ГРУЗИНСКОЙ ССР

ისტორიის, არქეოლოგიის,
ეთნოგრაფიისა და
ხელოვნების ისტორიის
სერია

СЕРИЯ
ИСТОРИИ, АРХЕОЛОГИИ,
ЭТНОГРАФИИ И
ИСТОРИИ ИСКУССТВА



თბილისი
ТБИЛИСИ

2. 1988

ქართული ლიტერატურა 1971 წელს
Журнал основан в 1971 году



გამოდის 3 თვეში ერთხელ
Выходит раз в 3 месяца

სარედაქციო კოლეგია: ა. აფაქიძე, ვ. ბერიძე, ო. გიგინეი-
შვილი, ვ. ითონიშვილი, ი. კაჭარავა (რედაქტორის მოადგილე), რ. კიკნაძე
(რედაქტორის მოადგილე), გ. მელიქიშვილი (რედაქტორი), ა. რობაქიძე,
ლ. ჭილაშვილი.

РЕДАКЦИОННАЯ КОЛЛЕГИЯ: А. М. Апакидзе, В. В. Беридзе, В. Д. Итони-
швили, О. И. Гигинейшвили, Ю. М. Качарава (зам. редактора), Р. К. Кикинадзе
(зам. редактора), Г. А. Меликишвили (редактор), А. И. Робакидзе, Л. А. Чилашвили,

პასუხისმგებელი მდივანი გ. ლორთქიფანიძე
Ответственный секретарь Г. Г. Лордкипанидзе

რედაქციის მისამართი: თბილისი, 380060, კუტუზოვის ქ., № 19
Адрес редакции: Тбилиси, 380060, ул. Кутузова, 19
ტელეფონი 37-85-50 Телефон

გადაეცა წარმოებას 18.V.1988; ხელმოწერილია დასაბეჭდად 19.07.88;
ანაწყოების ზომა 7×12; ქაღალდის ზომა 70×108¹/₁₆; პირობ. ნაბეჭდი 16,8
პირ. სალ. გატარება 17.15; სააღრიცხვო-სავაჭრომეცლო თაბახი 13.39;
უე 07917; შეკ. 1712; ტირაჟი 1000;

ფასი 1 მან. 30 კაპ.

•

გამომცემლობა «მეცნიერება», თბილისი 380060, კუტუზოვის ქ., 19
Издательство «Мецниереба», Тбилиси, 380060, ул. Кутузова, 19

•

საქართველოს სსრ მეცნ. აკადემიის სტამბა, თბილისი 380060, კუტუზოვის ქ. 19
Типография АН Грузинской ССР, Тбилиси, 380060, ул. Кутузова, 19

შ ი ნ ა ა რ ს ი

წარჩევა

რ. მაღალაშვილი, საქართველოს პოლიტიკის ძირითადი პრინციპები დიდი სამამულო ომის პერიოდში (1911—1945)	5
შ. ხანთაძე, ისტორიოგრაფიის საგნის შესახებ	11
თ. ოჩიაშვილი, ეთნიკური პროცესები თბილისში	26
ლ. შრუშაძე, ქართველთა ეთნიკური წარმომავლობისა და საზოგადოებრივ-პოლიტიკური უფის ზოგიერთი საკითხი თანამედროვე თურქულ ისტორიოგრაფიაში	29
წ. მინთაშვილი, ფრანგული ბურჟუაზიული ისტორიოგრაფია საფრანგეთის „ბერბერული“ პოლიტიკის შესახებ	52

ცნობები და შენიშვნები

შ. შალვაშვილი, სიღნაღის მაზრის გლეხთა რევოლუციური მოძრაობა 1905—1907 წწ.	67
ბ. მანისაძე, „მუშაკთა“ სოციალური ფენა ფეოდალურ საქართველოში	73
ვ. გომილაძე, „ფირან გუშნასის მარტვილობის“ ცნობათა მნიშვნელობა V—VI საუკუნეების საქართველოს ისტორიისათვის	89
ლ. ბატარძიძე, „ნინოს ცხოვრების“ ერთი სიმბოლოს გაგებისათვის	103
ნ. სულაშვილი, ანტიკური ხანის არქეოლოგიური ძეგლები ლეჩხუმიდან	109
ბ. მარტვილი, სტელის ფრაგმენტის სოფელ ნიაღვარევიდან	117
მ. ბაბუნია, პ. ვეკუა, მ. ჯანაშიძე, მ. ყვარაძე, პირველი შედაპალეოლითური სადგომი ქავახეთის ზეგანზე (ბავრას მღვიმე I)	135

დისკუსია და განხილვა

შ. შირაშვილი, ამანათობის საკითხისათვის აღმოსავლეთ საქართველოს მთიანეთში	148
ვ. შინგორაძე, ჩრდილო-დასავლეთ კავკასიაზე საქართველოს გავლენის რეალურობის შესახებ X—XIII სს	162
ბ. სილაგაძე, XIII საუკუნის დამდეგის საქართველოს ისტორიის ქრონოლოგიიდან	170

პრეზენტაცია და ბიბლიოგრაფია

ვ. ჯიქია, მ. ჯიქიანი, მ. ნათელაძე, საქართველოს მუშათა კლასის ისტორია (ივნისი 1941—1980 წწ.)	188
ბ. მარტვილი, უ. სილაგაძე, პროკოფი რატიანი (ნეკროლოგი)	191

СОДЕРЖАНИЕ

СТАТЬИ

Р. Г. МАГАЛАШВИЛИ. Основные принципы кадровой политики в период Великой Отечественной войны Советского Союза (1941—1945 гг.)	5
Ш. А. ХАНТАДЗЕ. О предмете историографии	11
Т. А. ОЧИАУРИ. Этнические процессы в г. Тбилиси	26
Л. З. УРУШАДЗЕ. Некоторые вопросы этнического происхождения и общественно-политического быта грузинского народа в современной турецкой историографии	39
З. А. МЕНТЕШАШВИЛИ. Французская буржуазная историография о «берберской политике» Франции	52

СООБЩЕНИЯ И ЗАМЕТКИ

Ш. Н. ШАЛВАШВИЛИ. Революционное движение крестьян Сигнахского уезда в 1905—1907 гг.	67
Г. Я. МАЙСУРАДЗЕ. Социальный слой «мушаков» в феодальной Грузии	73
В. И. ГОИЛАДЗЕ. «Мученичество Фирана Гушнаспа» и его значение для истории Грузии V—VI вв.	89
Л. А. ПАТАРИДЗЕ. К толкованию одного символа в «Житии святой Нино»	103
Н. О. СУЛАВА. Археологические памятники античной эпохи из Лечхуми	109
К. Г. МАЧАБЕЛИ. Фрагмент стелы из с. Нагвареви	117
М. К. ГАБУНИЯ, А. К. ВЕКВА, Г. П. ДЖАНЕЛИДЗЕ, Э. К. КВАВАДЗЕ. Первая верхнепалеолитическая стоянка на Джавахетском плоскогорье (Баврская пещера I)	135

ДИСКУССИЯ И ОБСУЖДЕНИЕ

Ж. Г. ЭРИАШВИЛИ. К вопросу об «аманатства у горцев Восточной Грузии»	148
В. Б. ВИНОГРАДОВ. О реальности грузинского влияния на Северо-Западном Кавказе в X—XIII вв.	162
Б. Г. СИЛАГАДЗЕ. Из хронологии истории Грузии начала XIII века	170

КРИТИКА И БИБЛИОГРАФИЯ

В. И. ДЖИКИЯ, М. ДЖИДЖЕНШВИЛИ, М. В. Натмеладзе. История рабочего класса Грузии	188
Г. Н. МАРГИАНИ, У. И. СИДАМОНИДЗЕ, П. К. Ратиани (некролог)	191

548
81

რუსულან მაღალაშვილი

საკადრო პოლიტიკის ძირითადი პრინციპები დიდი სამამულო ომის პერიოდში (1941—1945 წ.)

მუშახელის პრობლემა ამავე დროს კვალიფიციური მუშათა კადრების პრობლემაა. კ. მარქსი მიუთითებდა, რომ ყოველი ახალი თაობა გამოდის რაცხოვრების ასპარეზზე, ღებულობს წარმოების იმ იარაღებს, რომელიც შექმნილია წინამორბედი თაობების ძალებით. იგი ახორციელებს წარმოებას ამ იარაღის მეშვეობით, მხოლოდ მისი სახის თანდათანობითი შეცვლითა და გაუმჯობესებით¹. წარმოადგენენ რა საწარმოო ძალების უმნიშვნელოვანეს ელემენტს, ადამიანები ახორციელებენ მატერიალური დოვლათის წარმოებას. ეს შესაძლებელი ხდება იმ საწარმოო გამოცდილების, შრომითი ჩვევებისა და ცოდნის წყალობით, რომელთაც ადამიანები თავიანთი პრაქტიკული საქმიანობის პროცესში შეიძენენ, აგროვებენ და აუმჯობესებენ. ადამიანთა საწარმოო გამოცდილების განვითარება, მათი კვალიფიკაციისა და კულტურის ამაღლება მთელი საზოგადოებრივი წარმოების თანდათანობითი ზრდის აუცილებელი პირობაა.

კვალიფიციური კადრების როლი განსაკუთრებით იზრდება ომიანობის პირობებში, ომი თავის ბუნებით იწვევს მეომარი სახელმწიფოების ეკონომიკური შესაძლებლობის მაქსიმალური გამოყენების აუცილებლობას. ამასთან დაკავშირებით სამამულო წარმოების ძირითადი მიმართულებანი გადადის პროდუქციის ახალი სახის წარმოებაზე. ეს პროდუქცია ძირითადად შეიარაღებულ ძალთა მოთხოვნის დასაკმაყოფილებლად მიემართება. იმისათვის რომ დაეფუძონ სამხედრო წარმოებას, მუშები იძულებული არიან შეიძინონ ახალი შრომითი ჩვევები, ხშირად იცვლიან თავიანთ ადრინდელ სპეციალობასა და კვალიფიკაციას. სახალხო მეურნეობის სამხედრო გარდაქმნები და სამრეწველო პერსონალის მიერ ახალი ტექნოლოგიური პროცესების, ამა თუ იმ სახის თანამედროვე იარაღის დამზადების ტექნიკის ათვისება მით უფრო სწრაფად და შედეგიანად ხდება, რაც უფრო მაღალია კადრების კვალიფიკაცია, მათი შეგებისა და კულტურის დონე.

სამწუხაროდ, საბჭოთა ისტორიულ ლიტერატურაში დიდი სამამულო ომის პერიოდის კვალიფიციური კადრების მომზადების მეტად მნიშვნელოვან საკითხს არ ეთმობა სათანადო ყურადღება. ომის პერიოდის კვალიფიციურ მუშაკთა კადრების მომზადების ზოგიერთ საკითხს ვხვდებით ცენტრალურსა და ადგილობრივ პრესაში, აგრეთვე ამ პერიოდის რიგ სტატიებსა და ბროშუ-

¹ კ. მარქსი, თხ. ტ. 11, გვ. 115.

საქ. სსრ კ. მარქსის
სახ. საბ. რესპუბ.

რებში. ამ ნაშრომთა უმრავლესობა ატარებდა პროპაგანდისტულ ხასიათს. წინამდებარე მოკლე ნარკვევში ვეცდებით მოვხაზოთ ის ძირითადი პრინციპები, რომელთა მიხედვითაც დიდი სამამულო ომის პერიოდში პარტია და მთავრობა ახორციელებდნენ კვალიფიციური კადრების მომზადებას.

ომის პირველივე დღეებიდან კვალიფიციური კადრების მომზადება იქცა სახალხო მეურნეობის ერთ-ერთ უმნიშვნელოვანეს საკითხად. 1941 წლის 20 აგვისტოს ვაზ. „პრავდა“ წერდა: „არ შეიძლება ვიყოთ მხოლოდ ახალი მუშების ენთუზიაზმის იმედით, ვენდოთ მათს ინიციატივასა და ახალი პროფესიის რაც შეიძლება მალე ათვისებისათვის მზადყოფნას. ომი მოითხოვს ყურადღებას. მომზადების უაღრესად სწრაფ ტემპებს, აქედან გამომდინარე, მათს სისტემატურ და შეუპოვარ სწავლებას, აღზრდას, ტექნიკურ ზრდასა და წარმოებით წვრთნას“².

მუშათა კულტურულ-ტექნიკური დონის ამაღლება, შრომის დისციპლინის განმტკიცება და მისი ორგანიზაციის გაუმჯობესება წარმოადგენს შრომის ნაყოფიერების, პროდუქციის გამოშვების ზრდისა და მისი ხარისხის გაუმჯობესების გარდუევალ პირობას.

სამხედრო წარმოება მიეკუთვნება მრეწველობის მეტისმეტად რთულ დარგს. იგი დაფუძნებულია მეცნიერებისა და ტექნიკის უახლეს მიღწევებზე და ამ დარგის მუშაკებისაგან მოითხოვს მრავალმხრივ ცოდნასა და შრომისუნარიანობას.

სამხედრო-სამეცნიერო პრობლემების გადასაწყვეტად მთელი რიგი მსხვილი უნივერსიტეტები, ინსტიტუტები და სამეცნიერო-ტექნიკური ორგანიზაციები იქნა მოშველიებული. დაარსდა სპეციალური კომიტეტები, ცენტრები, პოლიგონები, რომლებიც უახლესი სამხედრო ნიმუშების შემუშავებაზე გამოცდასა და პროექტირებაზე მუშაობდნენ.

ტექნიკური პროგრესი ქმნის ხელსაყრელ მატერიალურ-პირობებს შრომის ნაყოფიერების სწრაფი ზრდისათვის. მაგრამ, მხოლოდ მოწინავე ტექნიკის არსებობა თავისთავად არ წყვეტს ამოცანას. აუცილებელია ამ ტექნიკის მოძრაობაში მოყვანა და მისი შესაძლებლობის გამოყენება.

მშრომელი მოსახლეობის კვალიფიციური უპირატესობა სოციალიზმის დროს არის კვალიფიციური კადრების გაფართოებული კვალიფიციური, კვალიფიციური მშრომელი მასების ხვედრითი წონის ზრდა, მუშათა კლასის კულტურულ-ტექნიკური დონის ამაღლება, რასაც უშუალოდ მიეყვართ გონებრივ და ფიზიკურ შრომას შორის სხვაობის ლიკვიდაციამდე. მხედველობაში ჰქონდა რა ფ. ენგელსის სოციალისტური საზოგადოება, წერდა: „რომ წარმოების ერთობლივი წარმართვა მთელი საზოგადოების ძალებით და აქედან გამომდინარე ამ წარმოების ახალ სახეს დასჭირდება სრულიად სხვა ხალხი და იგი შექმნის მათ.“

საბჭოთა კავშირის კომუნისტური პარტია და მთელი საბჭოთა ხალხი ხელმძღვანელობდნენ ვ. ი. ლენინის ცნობილი მითითებით: „ომის ნამდვილად საწარმოებლად აუცილებელია მტკიცედ ორგანიზებული ზურგი. ყველაზე უკეთეს აზრის, რევოლუციის საქმისადმი ყველაზე ერთგულ ადამიანებს დაუ-

² Правда, 1941, 20 აგვისტო.

ყოველწლივ განადგურებს მოწინააღმდეგე თუ ისინი საკმარისად შეიარაღებულნი, სურსათით მომარაგებულნი, გაწვრთნილი არ იქნებიან³.

საბჭოთა სახელმწიფომ წაუყენა რა აგრესორს რიცხოვრივად საკმაოდ შესაფერისი პირადი შემადგენლობის არმია, იძულებული იყო მოთხოვნილებისაღმი არაპროფორციული რაოდენობით შეემცირებინა ზურგში მომუშავე სამრეწველო კადრები. არმიაში მობილიზაცია მწვავედ შეეხო მრეწველობაში მომუშავე კადრების მრავალრიცხოვან რაზმს.

არმიაში გაწვევასთან დაკავშირებით და აგრეთვე საბჭოთა კავშირის დასავლეთი რაიონების მთელი რიგი მსხვილი სამრეწველო საწარმოების მტრის მიერ დროებითი ოკუპაციის გამო სახალხო მეურნეობის ყველა დარგში მუშათა და მოსამსახურეთა რიცხვი 1942 წლისათვის შემცირდა 18,4 მლნ. კაცამდე, მათ შორის მრეწველობაში⁴, 2 მლნ-მდე, რაც 1940 წლის დონესთან შედარებით შეადგენდა 59 და 65, 5%⁵.

მდგომარეობა მით უფრო მწვავე იყო იმასთან დაკავშირებით, რომ ომის პირველსავე თვეებში გერმანელ ფაშისტთა ჯარებმა მოკლე დროში მოახერხეს განვითარებული სამრეწველო-ინდუსტრიული რაიონების ხელში ჩაგდება, სადაც ომამდელ პერიოდში თავმოყრილი იყო მნიშვნელოვანი შრომითი რეზერვები და კვალიფიციური მუშათა კადრები.

პარტია და მთავრობა შეუდგნენ მრეწველობის კვალიფიციური კადრებით უზრუნველყოფის პრობლემის გადაწყვეტას. ომის დასაწყისში დაიწყო მუშაობა ფართო ღონისძიებების გასახორციელებლად. ამის პარალელურად ანაწილებდნენ ძირითად სამრეწველო ფონდებს თავდაცვითი მრეწველობის ხელშესაწყობად.

ჯერ კიდევ ომის დასაწყისში, 1941 წლის 30 ივნისს საბჭოთა მთავრობამ შექმნა მუშახელის აღრიცხვისა და განაწილების კომიტეტი. მის მოვალეობას შეადგენდა ქალაქისა და სოფლის შრომისუნარიანი მოსახლეობის მობილიზაცია და მისი შემდგომი განაწილება სახალხო მეურნეობის სხვადასხვა დარგსა და სახალხო კომიტეტებს შორის⁶.

ომის პერიოდში ამ კომიტეტების მეშვეობით მობილიზებულ იქნა 12 მილიონამდე კაცი. მათგან სამ მილიონზე მეტი გაიგზავნა მრეწველობასა და ტრანსპორტის მუდმივ სამუშაოებზე.

1942 წლის 13 თებერვალს საბჭოთა კავშირის უმაღლესი საბჭოს პრეზიდიუმმა გამოსცა ბრძანებულება „ომიანობის დროს ქალაქის შრომისუნარიანი მოსახლეობის საწარმოებსა და მშენებლობებზე მობილიზაციის შესახებ“ მობილიზაცია ეხებოდა მამაკაცებს 16-დან 55-წლამდე და ქალებს 16-დან 45-წლამდე, რომლებიც არ მუშაობდნენ სახელმწიფო დაწესებულებებსა და საწარმოებში. მოგვიანებით ეს ბრძანებულება სოფლის მოსახლეობაზეც გაერცელდა.

მობილიზაციის შესახებ ამ ბრძანებულებას ჰქონდა დიდი პოლიტიკური და სახალხო მეურნეობრივი მნიშვნელობა. მან საბჭოთა ქვეყანას საშუალება

³ ვ. ი. ლენინი, რჩეული თხზ., ტ. 27 გვ. 72—73.

⁴ История советской экономики СССР, т. V, გვ. 202.

⁵ იქვე, გვ. 200.

⁶ „კომუნისტი“, 1942 წ. 14 თებერვალი.

მისცა მაქსიმალურად გამოეყენებინა შრომითი რესურსები. ეს ბრძანებულება ომის ბოლომდე იყო ძალაში და ამ პერიოდის განმავლობაში ივსებოდა პარტიისა და მთავრობის მიერ შემუშავებული მთელი რიგი ღონისძიებებით, რომლებიც თავდაცვითი ინდუსტრიის ცალკეული დარგების მოთხოვნილებებიდან გამომდინარეობდა.

სამუშაოდლის გაზრდის შედეგად მოხდა ის, რომ მუშათა კონტიგენტისა და მოსამსახურეთა რიცხვის ზრდის გარეშე ჯერ კიდევ ომის დასაწყისში შესაძლებელი გახდა დამატებით დაეტვირთათ სამრეწველო საწარმოთა სიმძლავრეები ერთი მესამედით. მასობრივი მასშტაბით განხორციელდა მშენებლობის კონსერვაციისა და შტატების შემცირების შედეგად გამოთავისუფლებულ მუშათა სხვადასხვა, უპირველეს ყოვლისა, თავდაცვითი მრეწველობის საწარმოებში გადაყვანა.

სამხედრო მრეწველობის დარგების მუშახელით უზრუნველყოფის მიზნით კვალიფიციური მუშათა კადრების მნიშვნელოვანი ნაწილი განთავისუფლდა ჯარში გაწვევისაგან.

სამხედრო მრეწველობაში, მათ შორის ევაკუირებულ საწარმოებში დასაქმებული სამხედრო მრეწველობასთან კოოპერირებული დარგების მუშებმა ომის პერიოდში მობილიზებული და მიმაგრებული იყვნენ იმ დაწესებულებებზე, რომლებშიც ისინი მუშაობდნენ.

ამგვარმა სისტემატურმა ღონისძიებებმა, რომლებიც ემსახურებოდნენ შრომისუნარიანი მოსახლეობის წარმოებაში მოზიდვას, მნიშვნელოვნად შეცვალა მუშათა და მოსამსახურეთა ის ნაწილი, რომელიც შეიარაღებულ ძალებში იქნა გაწვეული.

ომიანობის პირობებში შრომისუნარიანი მოსახლეობის გაწვევა გეგმაზომიერი იყო. ამ მუშახელის უდიდესი ნაწილი გაგზავნილი იქნა სამუშაოდ ძირითადად მძიმე და სამხედრო მრეწველობაში.

ძალზე გაიზარდა როლი და მნიშვნელობა სახელმწიფოს მიერ დაწესებული მუშახელის ორგანიზებული გადაწველებისა ეკონომიკურ რეგიონებს შორის, აგრეთვე სახალხო მეურნეობისა და მრეწველობის სხვადასხვა დარგში, წარმოება შრომითი რესურსების გეგმაზომიერი გადაწვევა სამხედრო სფეროებსა და სახალხო მეურნეობას შორის.

კომუნისტური პარტია და საბჭოთა მთავრობა შრომითი რესურსების მობილიზაციის საქმეში იყენებდნენ სხვადასხვა ფორმებს, რომლებიც განპირობებულნი იყო ომიანობის სპეციფიკური მდგომარეობით. ეს ძირითადად შემდეგი ფორმები იყო: 1. საწარმოებში აუცილებელი და საზეგანკვეთო სამუშაოების შემოღება და მორიგი, აგრეთვე დამატებითი შვებულებების გაუქმება; 2. მუშებისა და მოსამსახურეების მუდმივ სამუშაოებზე მობილიზაცია და მათი მიმაგრება სამხედრო საწარმოებსა და მათთან კოოპერირებულ სამრეწველო საწარმოებში; 3. შრომისუნარიანი ქალაქის მოსახლეობის მობილიზაცია სამრეწველო საწარმოებსა და მშენებლობაზე სამუშაოდ; 4. საყოველთაო შრომითი ვალდებულების შემოღება, რომელიც უზრუნველყოფდა თავდაცვით მრეწველობას საჭირო მუშახელით; 5. აუცილებელი კვალიფიციური მუშათა კადრების, სპეციალისტების, ხელმძღვანელი კადრების მიმაგრება მრეწველობის უმნიშვნელოვანეს დარგებზე, რაც განსაზღვრული ვადით ხორციელდებოდა დაჯავშნის ანუ ჯარში გაწვევისაგან განთავისუფლების მეშვეობით.

დიდი სამამულო ომის პერიოდში განსაკუთრებული ყურადღება მიექცა შრომის ორგანიზაციის სრულყოფას სახალხო მეურნეობაში. ფრონტის შეუფერხებლად მომარაგება საომარი პროდუქციითა და ტანსაცმლით, საწარმოთა მიერ საწარმოო გეგმების შესრულება დიდად იყო დამოკიდებული შრომის ორგანიზაციის გაუმჯობესებაზე შეიცვალა დროებითი პრემიალური სისტემა, უზრუნველყოფილი იქნა მრეწველობის წამყვან დარგებში მომსახურე პირთა ხელფასის მაღალი დონე. გატარებულ ღონისძიებათა შედეგად გაიზარდა მუშათა საშუალო ხელფასი ისეთ დარგებში, როგორცაა შავი მეტალურგია.

იმ მუშებისათვის, რომლებიც გამოუმუშავების ნორმას გადაჭარბებით ასრულებდნენ, დაწესდა შრომის ანაზღაურების პროგრესული სისტემა.

იმ მუშების წახალისება, დაჯილდოება, რომლებიც შრომით გვირობას იჩენდნენ, პრემიალური სისტემით ხდებოდა. ამან დიდი აღმზრდელითი როლი შეასრულა და წარმოადგენდა შრომის ნაყოფიერების გადიდების ერთ-ერთ უმნიშვნელოვანეს საშუალებას. უნდა აღინიშნოს, რომ შრომის ნაყოფიერება ომის პერიოდში ყოველთვის ერთნაირი არ იყო. ომის დასაწყისში, როდესაც მიმდინარეობდა მრეწველობის რეორგანიზაცია და სამრეწველო საწარმოებში ბევრი არაკვალიფიციური მუშა მოვიდა, პროდუქციის რაოდენობა გაიზარდა სამუშაო დროის გადიდების ხარჯზე. 1942 წლიდან სულ უფრო მეტი ყურადღება მიექცა ხარისხის ფაქტორს — გამოუმუშავების გადიდებას პროდუქციის ერთეულზე შრომის დანახარჯების შემცირების გზით. ამის მიღწევა კი შესაძლებელი გახდა მოწინავე ტექნიკის, სრულყოფილი ტექნოლოგიისა და წარმოების საუკეთესო ორგანიზაციის საშუალებით. ომის მძიმე წლებში შრომის ნაყოფიერების გადიდება წარმოადგენდა მეურნეობის სოციალისტური სისტემის უპირატესობის, საბჭოთა წყობილების სიმტკიცისა და ურყეობის დამადასტურებელ ფაქტორს.

აუცილებელია აღვნიშნოთ ის ფაქტი, რომ დიდი სამამულო ომის წლებში წარმოებდა ინდუსტრიული კადრების მნიშვნელოვანი ხარისხობრივი ზრდა. ომის მსვლელობის დროს წარმოებაში მოსულ მუშათა კლასის ახალი შევსება წარმატებით ეუფლებოდა ახალ სპეციალობებს, ითვისებდა ტექნიკას, იმალელებდა თავის კვალიფიკაციასა და კულტურულ-ტექნიკურ დონეს.

1943 წლიდან საბჭოთა სახელმწიფომ უზრუნველყო სამრეწველო კადრების მუდმივი ზრდა. 1943 წლიდან დაწყებული 1945 წლამდე სახალხო მეურნეობაში დასაქმებული კადრების რიცხვმა მოიმატა 8,9 მილიონით, მათ შორის მრეწველობაში 2, 5 მილიონი კაცით.

1945 წლისათვის საბჭოთა კავშირის სახალხო მეურნეობაში დასაქმებული მუშა-მოსამსახურეების საშუალო წლიური რაოდენობა აღწევდა 27,3 მილიონ კაცს, მათ შორის 9,5 მრეწველობაში იყო დასაქმებული, რაც 87,5 და 86,4% -ს შეადგენს 1940 წლის მონაცემებისას.

მნიშვნელოვანი როლი შეასრულა ინდუსტრიის კვალიფიციური კადრებით უზრუნველყოფის საქმეში სახელმწიფო შრომითი რეზერვების სისტემაში.

ახალგაზრდობის რიგებიდან კვალიფიციური კადრების მომზადებამ განსაკუთრებით ფართო ხასიათი მიიღო 1943 წელს, როდესაც საბჭოთა მრეწველობამ, მშენებლობამ და ტრანსპორტმა საფაბრიკო-საქარხნო სკოლებიდან და სხვა სასწავლებლებიდან მიიღო თითქმის 600 ათასი კაცი, მთლიანად კი ომის მსვლელობის ხუთი წლის განმავლობაში შრომითი რეზერვების სისტემის სა-

წავლებლებიდან სახალხო მეურნეობაში გაგზავნილი იყო 2 მილიონ 480 ათასზე მეტი ახალგაზრდა კვალიფიციური მუშა⁷.

დიდ სამამულო ომში გამარჯვება საბჭოთა ხალხმა მოიპოვა განუზომელი სიძნელეების გმირულად გადალახვის ფასად. ეს სიძნელეები თანაბარი სიმძიმით აწვა საბჭოთა ხალხს მხრებზე, როგორც ფრონტზე აგრეთვე ზურგშიც. აღდმინათა რეზერვებით არმიისა და სახალხო მეურნეობის უზრუნველყოფა ერთ-ერთი მძიმე ამოცანა იყო მთელი სამამულო ომის მსვლელობაში. საბჭოთა კავშირის კომუნისტური პარტია და საბჭოთა მთავრობა დაუღალავად ზრუნავდნენ მუშათა კლასის რაოდენობრივ და თვისებრივ ზრდაზე. მუშათა კლასისა და სახალხო მეურნეობაში დასაქმებული მშრომელი კადრების რიცხობრივი და რაოდენობრივი ზრდა წარმოადგენდა ერთ-ერთ უმნიშვნელოვანეს ნაწილს იმ ფართო პროგრამისა, რომელიც მიმართული იყო მტერზე გამარჯვების მოსაპოვებლად დიდ სამამულო ომში.

მხოლოდ მეურნეობის სოციალისტური სისტემა. დაფუძნებული წარმოების საშუალებათა საზოგადოებრივ საკუთრებაზე, ქმნის ობიექტურ პირობებს ყველა რესურსების გეგმაზომიერი და მიზანდასახული გამოყენებისათვის როგორც მშვიდობიანი სოციალისტური მშენებლობის, ასევე ომის პერიოდში.

Р. Г. МАГАЛАШВИЛИ

ОСНОВНЫЕ ПРИНЦИПЫ КАДРОВОЙ ПОЛИТИКИ В ПЕРИОД ВЕЛИКОЙ ОТЕЧЕСТВЕННОЙ ВОЙНЫ СОВЕТСКОГО СОЮЗА (1941—1945 гг.)

Резюме

Характеризуя вкратце кадровую политику в экономике нашей страны в предвоенные годы, в статье подчеркивается особое значение правильной кадровой политики в преодолении дефицита квалифицированных рабочих кадров в народном хозяйстве, в первую очередь оборонной промышленности.

В работе охарактеризованы мероприятия Коммунистической партии и Советского государства в этом направлении, указаны основные формы подготовки квалифицированных рабочих кадров (мобилизация рабочих и служащих на постоянную работу на оборонного значения предприятиях, прикрепление кадров квалифицированных рабочих и специалистов, руководящих кадров к важнейшим отраслям промышленности, с освобождением их на определенное время от призыва в армию и т. д.).

В статье приведены некоторые статистические данные о подготовке рабочих и служащих для разных отраслей народного хозяйства.

წარმოადგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის სამამულო ომის ისტორიის განყოფილებამ

⁷ М. С. Зинич, Трудовой подвиг рабочего класса, 1941—1945 гг. гл. 127.

შოთა ხანთაძე

ისტორიოგრაფიის საგნის შესახებ

ტერმინ ისტორიოგრაფიას ვხმარობთ ისტორიული მეცნიერების ისტორიის მნიშვნელობით. ეს, რა თქმა უნდა, პირობითია. პირდაპირი მნიშვნელობით ეს ტერმინი ისტორიის წერას ნიშნავს, საგნობრივად იგი აღნიშნავს წერილობით, დაწერილ ისტორიას, საისტორიო მწერლობას. ისტორიოგრაფიას უწოდებენ ამა თუ იმ ხალხის, ეპოქისა თუ პრობლემის ირგვლივ შექმნილ ისტორიულ თხზულებათა ერთობლიობას. ეს არის ამ ტერმინის თავდაპირველი და ძირითადი მნიშვნელობა. უცხოეთის ისტორიკოსები ტერმინს — ისტორიოგრაფია, ძირითადად, მხოლოდ ამ მნიშვნელობით ხმარობენ. ისტორიული მეცნიერების ისტორიას კი ისინი ისტორიოგრაფიის ისტორიას უწოდებენ. არაერთი საბჭოთა ისტორიკოსი (მაგ., ა. სახაროვი) მიიჩნევს, რომ ამ ტერმინით უპრიანია აღინიშნოს ამა თუ იმ პრობლემის შესახებ არსებული ლიტერატურა, ხოლო ისტორიული მეცნიერების ისტორია ასევე იქნას სახელდებული — ისტორიული მეცნიერების ისტორიად.

ჩვენ შესაწყნარებლად მივივაჩნია ისტორიული მეცნიერების ისტორიის აღსანიშნავად ტერმინ ისტორიოგრაფიის ხმარება. ისევე, როგორც ტერმინი ისტორია იხმარება. ერთი მხრივ, გარკვეული პროცესების აღსანიშნავად, ხოლო მეორე მხრივ, ამ პროცესების შემსწავლელი მეცნიერების სახელწოდებად, ისტორიოგრაფიაც შეიძლება გამოვიყენოთ იმ ფენომენის შემსწავლელი მეცნიერების სახელად. რასაც საკუთრივ ისტორიოგრაფია აღნიშნავს, ანუ საისტორიო მწერლობის ისტორიის შემსწავლელი მეცნიერებისა.

ისტორიოგრაფიის საგნის განსაზღვრას დიდი მეთოდოლოგიური მნიშვნელობა აქვს. საბჭოთა მეცნიერებთმცოდნეობის აღიარებული სპეციალისტი ბ. კედროვი თვლის, რომ მეცნიერების საგნის განსაზღვრა თვით ამ მეცნიერების განსაზღვრას ნიშნავს¹.

ისტორიოგრაფიული ხასიათის ნაშრომები ქართულ ისტორიულ მეცნიერებაში დიდი ხანია იქმნება და იწერება. XVII ს-ის სწავლულ კაცთა კრიტიკული დამოკიდებულება წინამორბედ ისტორიკოსებთან (ქართლის ცხოვრებასთან), ამავე სწავლულ კაცთა ნაშრომის კრიტიკული განხილვა ვახუშტი ბაგრატიონის მიერ ქართული ისტორიოგრაფიული მუშაობის ადრეული ნიმუშებია. XIX და XX საუკუნეებში მრავალი ისტორიოგრაფიული ნაშრომი შეიქმნა და გამოქვეყნდა. მაგრამ საკუთრივ ისტორიოგრაფიის საგანზე, მიზანსა და მეთოდოლოგიაზე პირველი სიტყვა ივ. ჯავახიშვილს ეკუთვნის. თავის ნაშრომში — „ძველი ქართული საისტორიო მწერლობა“ (პირველი გამოცემა 1916 წ., მეოთხე გამოცემა 1977 წ.) ივ. ჯავახიშვილი ისტორიოგრაფიული

¹ Б. М. Кедров. Классификация наук, II, М., 1965, გვ. 443.

კვლევის ამოცანას შემდეგნაირად განსაზღვრავს: „ამ წიგნის მკითხველს უნდა ახსოვდეს, რომ ჩემი წადილი იყო, შეძლებისდაგვარად გამომერკვია, როგორც თვითოეული მემატინანისა და ისტორიკოსის პიროვნება. — თუ რა წრესა და მიმართულებას ეკუთვნოდა სახელდობრ იგი, რა მსოფლმხედველობისა და თვალსაზრისის კაცი იყო, — ისე ავრეთვე შემეტყო, რა მიზანი ჰქონდა და რა სწაღდა მას, როდესაც თავის თხზულების წერას შეუდგა. ამასთანავე ყოველთვის ვცდილობდი გამეგო რაღარა და რამდენად სანდო წყაროები ჰქონდა თვითოეულს მათგანს და რა გზით და რა საშუალებით სურდათ და შესძლეს თავიანთი მიზნის განხორციელება?“.

„...თვითოეული ძველი საისტორიო თხზულების განხილვის დროს — განაგრძობს ივ. ჯავახიშვილი — მკვლევარს მარტო ავტორის თანამედროვეობა კი არ უნდა ჰქონდეს გათვალისწინებული, არამედ მისი პიროვნებაც, განათლება, აზროვნობა და მედასეობა, მისი წყაროების თვისება, ჟამთააღმწერლის წერის წესი და მეთოდები“.

დაბოლოს, ივ. ჯავახიშვილი დასძენს: „თანამედროვე მკვლევარმა ისიც უნდა იცოდეს, რომ აღმწერლის თვალსაზრისი, წოდება. და მედასეობა საისტორიო მოთხრობაზე თავის ძლიერ დაღს ასვამს ხოლმე და ნება-უნებლიედ მიუდგომლობაზე მოქმედებს...“².

ამრიგად, ივ. ჯავახიშვილი ისტორიოგრაფიული კვლევის მიზნად მიიჩნევდა ძველ მემატინანეთა და ისტორიკოსთა სოციალური და პოლიტიკური პროფილის („წრე და მიმართულება“) გამორკვევას, მათი მსოფლმხედველობის, თვალსაზრისისა და მიზანდასახულობის შესწავლას. ამას გარდა, მას აინტერესებდა ისტორიკოსის წყაროები, მათი ხასიათი, სანდოობა და, ბოლოს, ისტორიკოსის მიზნის მისაღწევი გზები და მეთოდები.

უნდა შევნიშნოთ, რომ აქ მოცემულია ისტორიულ თხზულებათა განხილვის კომპლექსური პროგრამა, მოხაზულია როგორც წმინდა ისტორიოგრაფიული, ასევე წყაროთმცოდნეობითი და მეთოდოლოგიური ასპექტები. ეს საკვებით გასაგები და ლოგიკური იყო იმ ვითარებაში, რომელშიც წერდა განსვენებული ისტორიკოსი.

ისტორიოგრაფიის საგანსა და ამოცანებზე საგანგებო მსჯელობას ვხვდებით უ. სიღამონიძის ნაშრომში: „ისტორიული მეცნიერება და სამეცნიერო ინფორმაციის საკითხები“. უ. სიღამონიძე ისტორიული მეცნიერების ისტორიის ძირითად ობიექტად მიიჩნევს ისტორიული აზრის ისტორიის შესწავლას. „კვლევის ძირითადი ობიექტის — ისტორიული აზრის ისტორიის პარალელურად ის სწავლობს ისტორიული მეცნიერების ორგანიზაციის პრობლემების ფართო წრეს“³. შემდეგ მკვლევარი განაგრძობს: „მის ფუნქციებში შედის ისტორიული მეცნიერების მონაპოვრის — არსებული ისტორიული ლიტერატურის — რეტროსპექტული და მიმდინარე ისტორიული ლიტერატურის შესწავლა; ისტორიული მეცნიერების განვლილი გზის გააზრება; წარსულში დაგროვილ ცოდნაზე დაყრდნობით ისტორიული მეცნიერების განვითარების ახალი გზების დანახვა; ახალი ისტორიული ცოდნის დაგროვებისათვის ახალი წყაროების, მეცნიერული კვლევის ახალი ორგანიზაციული ფორმების მოძებნა“. ცოტა ქვემოთ ვკითხულობთ. „ამასთან ის არის საზოგადოებრივი აზრის

² ივ. ჯავახიშვილი, თხზულებანი, ტ. VIII, თბ., 1977, გვ. 25—26.

³ უ. სიღამონიძე, ისტორიული მეცნიერება და სამეცნიერო ინფორმაციის საკითხები.

ისტორიის ნაწილი, რადგან სწავლობს ისტორიული აზრის ისტორიას, თავის-თავად ისტორიულ აზრი საზოგადოებრივი აზრის ნაწილია. ისტორიული მეცნიერების ისტორიის კვლევის საგანია აგრეთვე ისტორიული საკვლევი დაწესებულების, კათედრების, გამოცემების, ისტორიული ცოდნის გავრცელების ისტორია⁴.

ამრიგად, უ. სიდამონიძე ისტორიული მეცნიერების ისტორიის ძირითად ამოცანად (საგნად) მიიჩნევს ისტორიული აზროვნების განვითარების და ისტორიული მეცნიერების ორგანიზაციული ფორმების შესწავლას.

ქართულ ისტორიოგრაფიაში ჩვენთვის საინტერესო საკითხზე სხვა ნაშრომი არ გავაჩნია.

რუსულ ისტორიოგრაფიაში ამ საკითხის ირგვლივ გაცილებით ფართო მუშაობაა გაშლილი, მრავლადაა ნაშრომები, თვალსაზრისები. მუშაობის ვაფართოებას დიდად შეუწყობ ხელი სპეციალური ისტორიოგრაფიული სამეცნიერო ცენტრების შექმნამ, პერიოდული გამოცემების დაარსებამ, დისკუსიებისა და სპეციალური სესია-კონფერენციების გამართვამ⁵.

საწყისს კი ეს მუშაობა იღებს რევოლუციამდელ რუსულ ისტორიოგრაფიაში.

შეინიშნება, რომ თავდაპირველად რუს მკვლევარებს ისტორიოგრაფიას საგანი ერთობ ვიწროდ ესმოდათ, შემდეგ კი მისი გაფართოება ხდება და დღეს იგი მრავალბროფილიან კომპლექსურ დარგად წარმოგვიდგება.

გასული საუკუნის 80-იან წლებში მ. კოიალოვიჩი თვლიდა, რომ ისტორიოგრაფიის ამოცანაა შეისწავლოს სხვადასხვა სახის სუბიექტივიზმები რუსეთის ისტორიულ მეცნიერებაში („Разобраться в разного рода субъективизма по изучению русской истории“)⁶. ასეთი შეხედულება გამომდინარეობდა მ. კოიალოვიჩის ფილოსოფიური სუბიექტივიზმიდან (უკეთ. სუბიექტური იდეალოზმიდან). მას საერთოდ არ სწამდა ობიექტურ კანონზომიერებათა არსებობა და თვლიდა, რომ ისტორიაში ყველაფერი სუბიექტურია. ამ თვალსაზრისის მეთოდოლოგიური უსუსურობა ნათელია, მაგრამ აქვე უნდა შევნიშნოთ, რომ მ. კოიალოვიჩს მოეპოვება ერთი საყურადღებო მოსაზრება: იგი ისტორიული შემეცნების ამ სუბიექტივიზმს უკავშირებდა რუსული საზოგადოებრივი აზრის განვითარებას, ხოლო ეს უკანასკნელი მიაჩნდა რუსი ხალხის ეროვნული ნაციონალური თვითშეგნების გამოხატულებად.

3. მილიუკოვი ისტორიოგრაფიის საგნად თვლიდა იმ ფილოსოფიური სისტემების გამოკვლევას და მათი მონაცვლეობის დადგენას, რომლებიც საფუძვლად ედო სპეციალურ კვლევა-ძიებებს რუსეთის ისტორიაში.

ვ. იკონიკოვი ისტორიოგრაფიის საგანს აიგივებდა წყაროთმცოდნეობის

⁴ უ. სიდამონიძე, დასახ. ნაშრომი, გვ. 26—27.

⁵ საკმაოდ მძლავრი ისტორიოგრაფიული ცენტრები შექმნილია მოსკოვში, ლენინგრადში, ტომსკში, ვორონეჟში, და სხვ. მოსკოვში გამოდის პერიოდული გამოცემა: «История и историки», ლენინგრადში აქვეყნებენ: «Критика новейшей буржуазной историографии», უკვე შექმნილია რუსული და სსრ კავშირის ისტორიოგრაფიის ზოგადი კურსები (იხ. ქვემოთ). ისტორიოგრაფიისა და საერთოდ ისტორიის თეორიულ საკითხებს დიდი ადგილი ეთმობა «Вопросы истории»-სა და «История СССР»-ის ფურცლებზე.

⁶ О. М. Коялович, История русского самосознания... СПб, 1884, гл VI..

ამოცანებთან და მის მიზნად წყაროებისა და ლიტერატურის კრიტიკულ შესწავლას თვლიდა.

ა. სახაროვის მართებული შენიშვნით „ბურჟუაზიულმა ისტორიულმა მეცნიერებამ ვერ შეძლო თავი გაერთმია ისტორიული მეცნიერების ისტორიის საგნის განსაზღვრისათვის“⁷, ვერ შეძლო ჩამოეყალიბებინა ისტორიოგრაფია მეცნიერების ცალკე დარგად⁸. ამის უმთავრესი მიზეზი იყო მცდარი მეთოდოლოგია, სუბიექტივიზმი და პოზიტივიზმი, რომლებსაც ემყარებოდა ბურჟუაზიული ისტორიული მეცნიერება.

საბჭოთა ხელისუფლების პირველ წლებში მ. პოკროვსკიმ და მისმა მოწაფეებმა ისტორიოგრაფიის საგნისა და ამოცანების განსაზღვრებაში შემოიტანეს ისტორიულ შეხედულებათა კლასობრივი ბუნების გარკვევის აუცილებლობა, მოითხოვეს ისტორიული მეცნიერების განვითარების კლასობრივ კრილიში შესწავლა⁹.

რუსულ პროფესიულ ისტორიოგრაფიაში ამით დაიწყო ახალი ეტაპი — მარქსისტული ისტორიოგრაფიის, ისტორიული მეცნიერების მარქსისტული ისტორიის შექმნის ეტაპი. მაგრამ არც პოკროვსკის და არც მის მოწაფეებს მაშინ არ მოუციათ ისტორიოგრაფიის საგნისა და ამოცანების სპეციალური და დასაბუთებული განსაზღვრება. ისტორიოგრაფიული მუშაობა წლითი წლით ფართოვდებოდა და ღრმავდებოდა, მაგრამ ამ დარგის თეორიულ საკითხებს, კერძოდ კი მისი ამოცანებისა და საგნის განსაზღვრას, დიდხანს უვლიდნენ გვერდს.

30—40-იანი წლების მიჯნაზე შეიქმნა რუსული და ევროპული ისტორიოგრაფიის კურსები. მათი ავტორები იყვნენ ე. კოსმინსკი, ო. ვინშტეინი და ნ. რუბინშტეინი¹⁰.

ე. კოსმინსკიმ თავის ლექციებში შუა საუკუნეების ისტორიოგრაფიის შესახებ განავითარა შეხედულება, რომლის მიხედვითაც ისტორიოგრაფია წარმოადგენს რა საზოგადოებრივი აზრის ერთ-ერთ დარგს, ხასიათდება პოლიტიკური მიკერძობებით და კლასობრივი შეზღუდულობით. ამდენად, ისტორიული კონცეფციები თეორიულ ასპექტში ახალს ვერაფერს მოგვცემენ. „ჩვენთვის უფრო ფასეულია და მნიშვნელოვანია იმ ფაქტების სფეროს გაფართოება, რომელთაც იყენებს ისტორიოგრაფია, მეთოდის დაზუსტება, კვლევითების ტექნიკის განვითარება. ეს არის ის, რაც შეიძლება ვისწავლოთ წინამორბედ თაობათა ისტორიკოსებისაგან“¹¹.

როგორც ვხედავთ, ისტორიოგრაფიული ძიებების სიმძიმის ცენტრი ე. კოსმინსკის გადაჰქონდა ისტორიული მეცნიერების მეთოდოლოგიურ და ტექნიკურ მხარეზე, რაც არ შეგვიძლია მივიჩნიოთ მთლად გამართლებულად.

⁷ А. М. Сахаров, Методология истории и историография, М., 1981, стр. 93-94.

⁸ Е. Н. Городецкий, Историография как специальная отрасль исторической науки, „История СССР“, 1974, № 3, стр. 97.

⁹ М. Н. Покровский, Борьба классов и русская историческая литература, 1923, Сб. «Русская историческая литература в классовом освещении» 2 тома, М., 1927—1930.

¹⁰ Е. А. Косминский, Историография средних веков, изд. МГУ в 1963 г. О. Л. Вайнштейн, Историография средних веков, М.-Л., 1940. Н. Л. Рубинштейн, Русская историография, М., 1941.

¹¹ Е. А. Косминский, ук. соч., стр. 7.

ო. ვაინშტეინის აზრით ისტორიოგრაფიის საგანია ისტორიული სკოლების, მიმდინარეობების, ისტორიულ წარმოდგენათა მთელი სისტემების კანონზომიერი მონაცვლეობის პროცესი. ამასთან ერთად, მან უნდა შეისწავლოს „ისტორიული მეცნიერების ზეგავლენა უმნიშვნელოვანესი საზოგადოებრივი იდეების შემუშავებაზე“¹². აქ სწორადაა მითითებული ისტორიოგრაფიის ძირითადი ამოცანა, მაგრამ ეს განსაზღვრა მაინც ზოგადია და დაკონკრეტებას საჭიროებს.

რაც შეეხება ნ. რუბინშტეინს, მან ისტორიოგრაფიის საგანი და ამოცანები შემდეგნაირად განსაზღვრა: „... ისტორიოგრაფიის, როგორც ისტორიული მეცნიერების ისტორიის ამოცანაა არა უბრალოდ დაგროვილი ფაქტობრივი ცოდნის შეჯამება და შედეგების გამოყვანა, არამედ მან უნდა შეისწავლოს მეცნიერების ზრდა მისი შინაარსის განვითარებაში, მეცნიერების შემოქმედებითი გზის ისტორია მეცნიერული აზრის განვითარებაში“. შემდეგ ავტორი განაგრძობს „მარქსისტული ისტორიოგრაფია, უპირველეს ყოვლისა, არკვევს ისტორიული შემეცნების განვითარების კეშმარტივად ისტორიულ კანონზომიერებას, ამ განვითარების შინაგან მთლიანობაში და რეალურ შეპირისპირებულობაში... მარქსისტული ისტორიოგრაფია შეისწავლის ისტორიული მეცნიერების განვითარებას საზოგადოებრივ ურთიერთობათა განვითარებასთან კავშირში, ისტორიული პროცესის საერთო განვითარებაში“¹³. აქ ყურადღებას იქცევს ავტორისული აქცენტი ისტორიული შემეცნების ზოგად კანონზომიერებებზე და საზოგადოებრივი ურთიერთობების განვითარებასთან მათ კავშირზე. საერთოდ, ეს ფორმულირებაც მეტად ზოგადი ხასიათისაა.

ინტერესის გამოცოცხლება და ისტორიოგრაფიის საკითხებისადმი ყურადღების გამახვილება რუსულ მეცნიერებაში შეიძინევა 50-იან წლებში. ამ დროს ზედიზედ გამოქვეყნდა რუსული ისტორიოგრაფიის შესახებ ლ. ჩერეპნიის, ს. ბუშუევის ვ. ასტახოვის და სხვათა ნაშრომები¹⁴.

1955 წელს გამოვიდა მრავალტომეულის — სსრ კავშირის ისტორიული მეცნიერების ისტორიის ნარკვევები — პირველი ტომი მ. ტიხომიროვის რედაქციით¹⁵. ვინაიდან ეს გამოცემა ქრონოლოგიურად წინ უსწრებს ზემოაღსაზღვრებული ავტორების შრომებს, ჩვენ აქ გამოთქმული მოსაზრების განხილვას შევუდგებით.

ნარკვევების წინასიტყვაობაში, რომელიც რედაქტორის კალამს ეკუთვნის, ისტორიოგრაფიის საგნის განსაზღვრის დროს ჩამოთვლილია რამდენიმე ძირითადი საკითხი:

1. საზოგადოების განვითარებაზე ცოდნის დაგროვების ისტორია; 2. ისტორიულ კვლევა-ძიებათა მეთოდების გაუმჯობესებისა და განვითარების ისტორია; 3. საზოგადოებრივ მოვლენათა გაგებაში სხვადასხვა მიმდინარეობათა ბრძოლის ისტორია, რაც საზოგადოებაში მიმდინარე კლასთა ბრძოლის ანა-

¹² О. Л. Вайнштейн, ук. соч. გვ. 7.

¹³ Н. Л. Рубинштейн, ук. соч. გვ. 7—8.

¹⁴ Л. В. Черепнин, Русская историография до XIX в., М., 1957; С. К. Бушув, Русская историография, I—II, М., 1957; III, М., 1959; В. И. Астахов, Курс лекций по русской историографии, I, Харьков, 1959.

¹⁵ Очерки истории исторической науки в СССР, I, М., 1955.

რეკლს წარმოადგენს; 4. საზოგადოების განვითარების კანონზომიერებათა აღმოჩენის ისტორია, 5. ბურჟუაზიულ ისტორიულ კონცეფციებზე მარქსისტულ-ლენინური ისტორიოგრაფიის გამარჯვების ისტორია¹⁶.

ესაა ის საკითხები, რომლებიც ქმნიან ისტორიოგრაფიის საგანს, მათი შესწავლა ამ სამეცნიერო დისციპლინის ამოცანა. ამასთან ერთად, ისტორიული აზროვნება მართებულადაა მიჩნეული საზოგადოებრივი აზრის განუყრელ ნაწილად.

ამრიგად, ნარკვევებში ისტორიოგრაფიის საგანი დიფერენცირებული სახითაა წარმოდგენილი. მისი შემადგენელი ნაწილებიდან უპირატესობა ეძლევა პროგრესული ისტორიული აზრის ისტორიის შესწავლას. სხვა ელემენტები, როგორც ჩანს, მეორე რიგისანი არიან.

ნარკვევების ავტორთა ეს თვალსაზრისი კრიტიკისა და კომენტარის ობიექტად იქცა¹⁷. ზოგიერთმა მკვლევარმა არ გაიზიარა იგი. მათ მიუთითეს, რომ პროგრესული აზრისადმი უპირატესი მნიშვნელობის მინიჭება ერთგვარად ავიწროებს ისტორიოგრაფიის საგანს, ანელებს ყურადღებას სხვა მიმართულებებისადმი. ეს შენიშვნები ყოველთვის მართებული არ იყო. ვფიქრობთ, ნარკვევების წინასიტყვაობაში წარმოდგენილი თვალსაზრისი მნიშვნელოვან წინსვლას წარმოადგენდა ამ საკითხის ისტორიაში და მან დასაბამი მისცა მოსაზრებათა მთელ სერიას, რითაც მნიშვნელოვნად გამდიდრდა ჩვენი წარმოდგენა ისტორიოგრაფიის საგანსა და ამოცანებზე.

ლ. ჩერეპნინი, განმარტავდა რა ტერმინ ისტორიოგრაფიის სხვადასხვა მნიშვნელობას, დასძენდა: „მას აქვს უფრო ფართო და ღრმა მნიშვნელობაც მნიშვნელობა მეცნიერებისა, რომელიც სწავლობს ისტორიული მეცნიერების განვითარებას მთლიანად რომელიმე ქვეყანაში ან რიგ ქვეყნებში, არკვევს როგორ თანდათანობით ყალიბდებოდა წარმოდგენები კაცობრიობის წარსულზე, აღამიანთა საზოგადოების განვითარებაზე“¹⁸.

იქვე ავტორი აკონკრეტებს ისტორიოგრაფიის ამოცანებს და ყურადღებას ამახვილებს ოთხ ძირითად ელემენტზე:

1. აღამიანთა საზოგადოების შესახებ (sic) ცოდნის დაგროვებაზე; 2. ისტორიულ წყაროთა შესწავლის მეთოდების, ტექნიკისა და მეთოდის ცვლილებებსა და გაუმჯობესებაზე; 3. ცვლილებებზე ისტორიულ პრობლემატიკაში, იმაზე თუ რა საკითხები იდგა ისტორიული მეცნიერების წინაშე ამა თუ იმ ეტაპზე, რატომ წამოიჭრებოდა ეს პრობლემები, როგორ ასახავდნენ ისინი ამა თუ იმ კლასის ინტერესებს; 4. დაბოლოს, კონცეფციებისა და თეორიების მონაცვლეობაზე, იმაზე თუ როგორ ხსნიდნენ სხვადასხვა მიმართულების ისტორიკოსები ისტორიულ წარსულს, როგორი იყო მათი მსოფლმხედველობა, როგორ უახლოვდებოდნენ ისინი წარსულის ობიექტური სურათის შეცნობას. აღნიშნული საკითხების განხილვა, ცხადია, უნდა ხდებოდეს საზოგადოებრივ განვითარებასთან კავშირში, საზოგადოებრივი იდეოლოგიის განვითარების ფონზე.

¹⁶ Очерки истории исторической науки в СССР, I, М., 1955, გვ. 13.

¹⁷ См. А. М. Сахаров, А. Г. Подольский, Н. Н. Самохина, Об Очерках истории исторической науки в СССР, ж. «Вопросы истории», 1956, № 7.

¹⁸ Л. В. Черепин, ук. соч. გვ. 4.

ამრიგად, ფაქტები, მეთოდები, პრობლემატიკა და კონცეფციები — ასეთია ისტორიოგრაფიული კვლევის საგნის შემადგენელი ელემენტები. ამათგან უკანასკნელი მთავარადაა მიჩნეული.

1961 წელს გამოქვეყნდა დამხმარე სახელმძღვანელო სსრ კავშირის ისტორიის ისტორიოგრაფიის დარგში (1971 წელს დაამტკიცეს სახელმძღვანელოდ). ვ. ილიერიძის მიერ დაწერილ შესავალში მოცემულია ისტორიოგრაფიის საგნის შემდეგი ფორმულირება: „ისტორიოგრაფიის შინაარსად იქცა ადამიანთა საზოგადოების განვითარების შესახებ ცოდნის დაგროვების პროცესისა და ამ ცოდნის მეცნიერებად გადაქცევის შესწავლა, ისტორიულ მოვლენებზე სხვადასხვაგვარ შეხედულებათა დახასიათება, ისტორიული კვლევადობის მეთოდების სრულყოფის განხილვა. ისტორიოგრაფიის მარქსისტულ განმარტებაში, ამას გარდა, შედის ისტორიულ თეორიათა კლასობრივი არსის დადგენა, ისტორიულ მეცნიერებაში მიმართულებათა შორის ბრძოლის გახსნა (раскрытие), საზოგადოებრივი განვითარების კანონთა შეცნობისა და მარქსისტულ-ლენინური ისტორიული მეცნიერების ბურჟუაზიულ მეცნიერებაზე გამარჯვების ისტორიის შესწავლა“¹⁹. შემდეგ ხაზგასმულია, რომ განსაკუთრებული ყურადღება უნდა მიექცეს მოწინავე და პროგრესული მიმდინარეობების შესწავლას...

ამრიგად, 50—60-იანი წლების მიჯნაზე ჩამოყალიბებული ჩანს გარკვეული თვალსაზრისი, რომელიც ძირითადად სწორედ ასახავს ისტორიოგრაფიის საგანსა და ამოცანებს.

60-იანი წლებიდან იწყება ახალი ეტაპი ისტორიოგრაფიის შინაარსისა და ამოცანების განსაზღვრაში. თუ აქამდე სამისო მსჯელობებს ეხვდებოდით ზოგადი ხასიათის ნაშრომებში, ისტორიოგრაფიის კურსებში და სახელმძღვანელოებში, ამ დროიდან ჩვენთვის საინტერესო საკითხზე იწერება სპეციალური სტატიები, გამოკვლევები და მონოგრაფიებიც კი. კრებულისადმი წამძღვარებული წერილით: „История истории (Некоторые методологические вопросы истории исторической науки)“²⁰.

კითხვაზე თუ რა შედის ისტორიოგრაფიული შესწავლის სფეროში მ. ნეჩკინა ასე პასუხობს:

1. საკუთარი ქვეყნის ისტორიის ისტორიოგრაფია, ესაა უპირველესი საგანი; 2. სხვა ქვეყნებისა და მსოფლიო ისტორიის შესწავლის ისტორიოგრაფია; 3. სხვა საისტორიო მეცნიერული დისციპლინებისა და დამხმარე დარგების შესწავლის ისტორია (არქეოლოგია, ეთნოგრაფია, წყართმცოდნეობა, ისტორიული გეოგრაფია, მხარეთმცოდნეობა, პალეოგრაფია, ნუმისმატიკა და ა. შ.) მ. ნეჩკინა ეხება ისტორიოგრაფიული პირველწყაროების საკითხს და ასეთად მიიჩნევს ისტორიკოსთა ნაშრომებს (ყოველგვარი სახისას), მათ არქივებს, სახელმწიფო და პარტიულ დადგენილებებს ისტორიული მეცნიერების დარგში, მასალებს საისტორიო საზოგადოებების დაწესებულებებისა და ისტორიკოსთა კადრების აღზრდის სისტემის შესახებ და სხვ. სხვათა შორის,

¹⁹ Историография истории СССР, под ред. В. Е. Иллерицкого и И. А. Кудрявцева, М., 1961, зб. 3.

²⁰ Сб. «История и историки», М., 1965, зб. 6—26.

2. „მაცნე“, ისტორიის სერია, 1988, № 2

საქ. სსრ კ. მარქსის
სსს, სახ. რესპუბ.
ბ. ბლ. კ. ტომბა

მ. ნეჩინა მეცნიერ ისტორიკოსთა ნაშრომებს ისტორიოგრაფიულ ფაქტებად მიიჩნევს და მაშასადამე, ისტორიოგრაფიული წყარო და ისტორიოგრაფიული ფაქტი მის კონცეფციაში ერთხვევა ერთმანეთს.

ისტორიოგრაფიული ფაქტების ანალიზმა, მ. ნეჩინას აზრით, უნდა მოგვეცეს წარმოდგენა არა მარტო კვლევა-ძიების შედეგებზე, არამედ კვლევა-ძიების პროცესზეც, მის მიმდინარეობაზე. მეცნიერთა ნაშრომების შესწავლასას უნდა გამოიყოს პრობლემატიკა, დადგინდეს მათი სიახლე, საბუთიანობა, წყაროთა წრე, მათი სანდოობა. შემდეგ გაირკვეს ისტორიკოსთა კონცეფცია, მათი ფილოსოფიური შეხედულებები, მათი სოციოლოგიური იერსახე და პოლიტიკური პოზიციები. ისტორიოგრაფი ვალდებულია დაადგინოს მიმდინარეობები ისტორიულ მეცნიერებაში, შეისწავლოს მათი დაპირისპირებისა და ბრძოლის პერიპეტეიები. ისტორიოგრაფიულ გამოკვლევას აკვირგვინებს ისტორიული მეცნიერების განვითარების კანონზომიერებათა დადგენა. დიდი მნიშვნელობა ენიჭება, აგრეთვე, ამ მეცნიერების ისტორიის პერიოდიზაციის დადგენას.

როგორც ვხედავთ, მ. ნეჩინა რამდენადმე აფართოებს ისტორიოგრაფიის შესწავლის საგანს, შემოაქვს მის სფეროში სპეციალური და დამხმარე დარგების ისტორია, არქივების, სამეცნიერო დაწესებულებებისა და ისტორიკოსთა კადრების აღზრდის მთელი სისტემის ისტორია.

ისტორიოგრაფიის საგნის ასეთი გაფართოება ჩვენ საკვებით კანონზომიერ მოვლენად მიგვაჩნია და ვთვლით რომ ისტორიოგრაფი მართლაც ასეთი ფართო ასპექტით უნდა მიუდგეს ისტორიული მეცნიერების ისტორიის შესწავლას. მაგრამ არ შეგვიძლია გავიზიაროთ მ. ნეჩინას მტკიცება, რომ ისტორიოგრაფიული წყარო და ისტორიოგრაფიული ფაქტი ერთხვევა ერთმანეთს.

თუ ჩვენ მეცნიერთა ნაშრომებს ისტორიოგრაფიულ წყაროდაც ჩავთვლით და ისტორიოგრაფიულ ფაქტადაც, მაშინ გამოირიცხება კვლევის საჭიროება. კვლევის მიზანი კი იმაში მდგომარეობს, რომ ისტორიოგრაფიული წყაროდან ისტორიოგრაფიული ფაქტი მიიღოს. თუ ეს ორი ცნება გავაიგივებთ, კვლევა-ძიება აღარ იქნება საჭირო. ისტორიკოსთა შრომები ჩვენ მიგვაჩნია ისტორიოგრაფიულ წყაროდ, ისტორიოგრაფიული ფაქტი კი არის ის კონცეფცია, ის თეორია, რომელიც გამოთქმულია ამ ნაშრომში. ისტორიკოსის ნაშრომი შეიძლება არ შეიცავდეს სრულ ინფორმაციას მეცნიერის კონცეფციის შესახებ. ან კიდევ შეიძლება საქმე გვქონდეს საპირისპირო შემთხვევასთან: ნაშრომი სცილდებოდეს მეცნიერის კონცეფციის საზღვრებს და იძლეოდეს დამატებით ინფორმაციას მეცნიერის იდეური პროფილის შესახებ, რაც ზოგჯერ არ ემთხვევა მის ისტორიოგრაფიულ კონცეფციას. ჩვენნი აზრით, ნაშრომისა და კონცეფციის გაიგივება არ შეიძლება, წყარო და ფაქტი არ ემთხვევა ყოველთვის ერთმანეთს, მათი იგივეობის მტკიცება უმართებულოა.

60-იან წლებშივე ა. შაპირომ, ს. შმიდტმა, ლ. ჩერეპნიმ დააყენეს საკითხი ისტორიოგრაფიის კვლევის ამოცანად აღიარებული ყოფილიყო ისტორიული თემატიკის შემცველი მხატვრული ლიტერატურისა და ხელოვნების ნაწარმოებთა ანალიზიც. 1968 წ. ჩერეპნიმა გამოაქვეყნა წიგნი: „რუსული ლიტერატურის კლასიკოსთა ისტორიული შეხედულებების შესახებ“²¹, სადაც

²¹ Л. В. Черепнин, Исторические взгляды классиков русской литературы, М., 1968.

მას შესწავლილი აქვს პუშკინის, ლერმონტოვის, გოგოლის, ტურგენევის, დოსტოევსკის, ტუტჩევის, ლესკოვის, ნეკრასოვის, სალტიკოვ-შჩედრინის, ტოლსტოისა და ბლოკის ისტორიული შეხედულებები. ამასთან დაკავშირებით იგი ისტორიოგრაფიას მიიჩნევს „მეცნიერებად, რომელიც შეისწავლის ისტორიული ცოდნის ფორმირებას და განვითარებას“. გამოდის, რომ ამ მეცნიერების მიზანია არა მარტო მეცნიერული ცოდნის ისტორიის შესწავლა, არამედ ყოველგვარი ისტორიული ცოდნისა. ისტორიოგრაფიის საგნის ასეთი გაფართოება ჩვენ გამართლებულად არ მიგვაჩნია. მეცნიერული ცოდნა დასაბუთებადი ცოდნაა, მხატვრულ ნაწარმოებებში ასახული ცოდნა შეიძლება იყოს ამ ხასიათის და შეიძლება არც იყოს. ამდენად, მისი გამოცხადება ისტორიოგრაფიის საგნად ეჭვქვეშ აყენებს ამ საგნის მდგრადობას, მეცნიერულობას. ჩვენი რწმენით, მხატვრულ აზროვნებაში ასახული ისტორიული ცოდნა ანგარიშგასაწევია, მაგრამ ისტორიული მეცნიერების განვითარების განმსაზღვრელი იგი არ არის. მისი შემოტანა ისტორიოგრაფიული კვლევის სფეროში შეიძლება მხოლოდ პირობითად, გარკვეული შენიშვნებით, დამატებით.

საბჭოთა ისტორიულ ლიტერატურაში ა. სახაროვის მართებული შენიშვნით, „ისტორიოგრაფიის საგნის გაგების ევოლუცია მიდიოდა ისტორიოგრაფიის საზოგადოებრივ-პოლიტიკური აზრის ისტორიის სახესხვაობამდე დაყვანიდან ისტორიულ თემაზე კულტურის ყველა შესაძლებელი ნაწარმოების ყველაზე ფართოდ მოცვამდე“. ა. სახაროვი მართებულად შენიშნავს, რომ ამ დარგის საგანმა განიცადა ცვლილება ისტორიული აზრის ისტორიიდან ისტორიული მეცნიერების ისტორიისაკენ და ამ უკანასკნელიდან ისტორიული ცოდნის ისტორიამდე ამ ცოდნის ყოველგვარ ფორმამდე, ყოველგვარ გამოკვლინებამდე²².

ამის შემდეგ ე. გოროდეციმ ყურადღება გაამახვილა ისტორიული კვლევა-ძიებების ორგანიზაციული ფორმების შესწავლაზე (საზოგადოებების, ინსტიტუტების და სხვ.), ისტორიული მეცნიერების დარგში სხვადასხვა კლასის პოლიტიკის შესწავლაზე, ისტორიკოსთა კადრების მომზადების, განაწილების, კვალიფიკაციის, ისტორიული განათლების სისტემის ისტორიის საკითხებზე.

დაბოლოს, ს. შმიდტმა მოითხოვა ისტორიოგრაფიის შესწავლის ობიექტად მიჩნეული ყოფილიყო ისტორიული ცოდნის ვერცხვებულობა ხალხში, მკითხველთა ფართო მასებში. „ისტორიოგრაფია — ამბობს იგი — ეს ისტორიული პროცესის ისტორიის შესწავლაა და იმის ისტორიაა თუ როგორ შეაღწია ამ ისტორიული პროცესის ცოდნამ იმათ წრეში, ვისთვისაც ისტორიკოსი ქმნის თავის შრომებს. ისტორიული მეცნიერების განვითარების დონე განისაზღვრება არა მარტო ისტორიკოსებისა და ისტორიული შრომების რაოდენობით, არამედ მათი მკითხველებისა და მსმენელების რიცხვითაც, არა მარტო ისტორიული ცოდნის დაგროვებით, არამედ საზოგადოების ინტერესებითაც მისი ათვისებისადმი“²³.

დაბოლოს, უნდა ითქვას ა. სახაროვის ნაშრომთა შესახებ. სახაროვი იწინარებს თვალსაზრისს იმის შესახებ, რომ ისტორიოგრაფიის საკვლევ საკითხთა

²² А. М. Сахаров, ук. соч., зб. 27.

²³ იქვე.

წორის უმთავრესია კონცეფციების, თეორიების მეცნიერულ შეხედულებათა ისტორია მათი მონაცვლეობა, დაპირისპირება, ბრძოლა...²⁴.

ასეთია ზოგად ხაზებში რუსულ ისტორიოგრაფიაში საკითხი ისტორიული მეცნიერების ისტორიის საკვლევი საგნის, მისი ამოცანების შესახებ. როგორც დავინახეთ, ისტორიოგრაფიის ფარგლები მეტად ფართოდაა წარმოდგენილი, ერთიანი აზრი ამ საკითხზე ჯერ კიდევ არ არის გამომუშავებული, თუმცა ბევრი რამ, საერთო, უკვე ნათქვამი.

ახლა ორიოდ სიტყვით შევხვთ ჩვენთვის საინტერესო საკითხის დაყენებასა და გავებას უცხოეთის ისტორიოგრაფიაში.

ევროპულ ენებზე არსებული მრავალრიცხოვანი ლიტერატურიდან ჩვენ გავცანით ბ. კროჩეს²⁵, ჯ. შოტველის²⁶, ჰ. ბარნესის²⁷, გ. ლეფვერის²⁸, გ. გუჩის²⁹, რ. მაჯუმრადისა და ა. სრივასტას³⁰, ნ. სუბრაჰმანიანისა³¹ და სხვათა ნაშრომებს. კარგად გვესმის, რომ ევროპულ ენებზე არსებული ლიტერატურიდან ეს არის ერთი მცირე ნაწილი, იქნებ არასაკმარისიც, მაგრამ ამ ლიტერატურის გაცნობამ მიგვიყვანა ერთ ფრიად საინტერესო დასკვნამდე, რომელმაც ზედმეტი ვახდა ამ მიმართულებით შემდეგი ძიება: საქმე ის არის, რომ საზღვარგარეთის (ბუტყუაზიული) ისტორიოგრაფია ისტორიული მეცნიერების ისტორიის არ გამოჰყოფს ცალკე დარგად, ცალკე საგნად და არ მსჯელობს მის პრინციპებისა და მეთოდოლოგიის შესახებ. როგორც ითქვა, ისტორიოგრაფიის ქვეშ იგი გულისხმობს საკუთრივ ისტორიულ მეცნიერებას, საისტორიო მწერლობას და ყველა ამ ნაშრომში ლაბარაკია საკუთრივ ისტორიული მეცნიერების რაობაზე, მის საგანზე და მეთოდებზე, შემდეგ გადმოცემულია ისტორიული მეცნიერების ისტორია. ანალოგიური სურათია უცხოეთის ენციკლოპედიებშიც (ლარუსი, ბრიტანიკა, ამერიკანა, ვებსტერი და სხვ.).

აი, მაგალითად რა საკითხებს იხილავს ჰ. ბარნესი დასახელებულ ნაშრომში: პირველ თავს ეწოდება — საისტორიო მწერლობის წარმოშობა. მასში ასეთი ქვეთავებია: ისტორიის ბუნება, დამწერლობამდელი ისტორიის განვითარება, წერის ხელოვნების დაუფლება, დროის აღმოჩენა, ქრონოლოგიის წარმოშობა, საისტორიო მწერლობის აღმოსავლური საწყისები. მეორე თავში ბერძნული და რომაული ისტორიოგრაფიის შესახებაა მოთხრობილი და ა. შ.

აღსანიშნავია, რომ ჰ. ბარნესის ამ წიგნზე ამერიკელმა ისტორიკოსმა კ. ბეკერმა გამოაქვეყნა რეცენზია სათაურით: „რა არის ისტორიოგრაფია?“. იგი დაიბეჭდა ჟურნალში: „ამერიკული ისტორიული მიმოხილვა“ და აქაც ისტორიოგრაფიად მიიჩნევა საკუთრივ ისტორიული მეცნიერება და არა ამ

²⁴ B. Croce, L'histoire comme pensée et comme action, Paris, 1968.

²⁵ B. Croce, Théorie et histoire de l'historiographie, Geneve, 1968.

²⁶ J. Th. Shotwel, The Introduction to the History of history, Col. 1939.

²⁷ H. E. Barnes. A History of historical writing, NJ, 1963.

²⁸ G. Lefevre, La naissance de l'historiographie Moderne, Paris, 1971.

²⁹ G. P. Gooch, History and Historians in the nineteenth century, Bos. 1959.

³⁰ Historiography, by R. K. Majumrad and A. N. Srivasta, Dehli, 1975.

³¹ N. Subrahmanian, Historiography, Madurai, 1973.

მეცნიერების ისტორია, მსჯელობა ისტორიული მეცნიერების რაობასა და მნიშვნელობაზე და არა ამ მეცნიერების ისტორიის შემსწავლელ მეცნიერებაზე³².

მაგრამ მიუხედავად იმისა, რომ უცხოელი ისტორიკოსები არ აყენებენ და არ იხილავენ საკითხს ისტორიოგრაფიის, როგორც ისტორიული მეცნიერების ისტორიის საგნისა და ამოცანების შესახებ, მისი მეთოდებისა და მეთოდოლოგიის შესახებ, მათი ნაშრომებიდან კარგად ჩანს თუ რას თვლიან ისინი შესწავლის ობიექტად, რას იკვლევენ, როცა ისტორიოგრაფიის ისტორიას წერენ. გარდა ცალკეული ისტორიკოსების ბიოგრაფიების, ნაშრომებისა და შეხედულების დახასიათებისა, მათ ნაშრომებში განხილულია ისტორიული მეცნიერების თეორიის საკითხები, ისტორიის ფილოსოფიისა და მეთოდოლოგიის პრობლემები და, ამდენად, ისტორიული მეცნიერების ისტორიის ასპარეზი მეტად ფართოდაა წარმოდგენილი.

აი, რა საკითხებს იხილავენ ზემოდსახელებული ინდოელი ისტორიკოსები. ს. სუბრაჰმანიანის ნაშრომის პირველ თავს ეწოდება ისტორიული თეორია. აქ შემდეგი საკითხებია განხილული: ისტორიის განსაზღვრება (დეფინიცია), ისტორიის ბუნება, ისტორიის გამოყენება, ისტორიის შემადგენელი ნაწილები, ისტორიის ფუნქცია, ისტორიული ობიექტურობა, ისტორიზმი და ისტორიული რელატივიზმი, ისტორიული დეტერმინიზმი, ისტორიის ფილოსოფია, დრო, პროგრესის კონცეფცია და სხვ. მეორე თავი უკვე ევროპულ და ამერიკულ ისტორიკოსთა შემოქმედებას ეხება. ისტორიული მეცნიერების ისტორიის საგანსა და ამოცანებზე აქ არაფერია ნათქვამი.

ასეთივე სურათია რ. მაჯუმრადისა და ა. სრივასტას ნაშრომშიც. აქაც აირველ თავში ისტორიის თეორიაა გადმოცემული (ისტორიის საზრისი, მისი ნაწილები, ისტორიული ცოდნის ბუნება, ისტორიის ურთიერთობა სხვა მეცნიერებებთან, მეთოდი, მიზეზობრიობა და დეტერმინიზმი და ა. შ). მეორე თავი ისტორიის მეთოდოლოგიის საკითხებს განმარტავს (წყაროების შერჩევა, პირველადი და მეორადი წყაროები, მათი გარეგანი კრიტიკა, კრიტერიუმების საკითხი, ფაქტების სინთეზი, პრობლემების შერჩევა, შეხედულებების ფორმირება...).

ისტორიული მეცნიერების ისტორიის საგანზე აქაც არაფერია ნათქვამი.

ამრიგად, ჩვენი დაკვირვებით, უცხოელი ისტორიკოსები ისტორიოგრაფიის ქვეშ გულისხმობენ საკუთრივ ისტორიულ მეცნიერებას თავისი თეორიით, მეთოდოლოგიით, ფილოსოფიითა და დამხმარე დარგებით. ისტორიული მეცნიერების ისტორიას, მის საგანსა და ამოცანებს ისინი ცალკე არ გამოჰყოფენ, მათ შესახებ საგანგებოდ არ მსჯელობენ.

ასეთია ჩვენთვის საინტერესო საკითხის ისტორიოგრაფიული მდგომარეობა. როგორ წარმოგვიდგენია ჩვენ ისტორიოგრაფიის საგანი?

უდავოა, რომ ისტორიოგრაფიის როგორც ისტორიული მეცნიერების ისტორიის საგანია ისტორიული მეცნიერების ისტორია და არა თვით ეს მეცნიერება — ისტორია, ისტორიული მეცნიერების თეორია, მისი მეთოდოლოგია, მისი ფილოსოფია, სოციოლოგია და ა. შ. ვერ გავიზიარებთ იმ ისტორიკოსთა შეხედულებას, რომელთაც ისტორიოგრაფიის საგნად შემოაქვთ ისტორიის

³² K. Becker, What is Historiography? The American Historical Review, vol XLIV, October 1938 to July 1939, NJ, 1939, გვ. 20—28.

თეორიული და მეთოდოლოგიური საკითხები. მაგრამ ერთი რამ უნდა აღინიშნოს: ისტორიული მეცნიერების ისტორიის შიგნით ეს თეორიული და მეთოდოლოგიური საკითხები შეისწავლება მათ განვითარებაში, უკეთ, შეისწავლება ისტორიული მეცნიერების განვითარების ეტაპების შესაბამისად, მაგ., ისტორიის მეთოდოლოგია არ წარმოადგენს ისტორიოგრაფიის შესწავლის საგანს, მაგრამ მეთოდოლოგიის ისტორია ისტორიული მეცნიერების განვითარების ამა თუ იმ ეტაპზე, რა თქმა უნდა, წარმოადგენს ისტორიოგრაფიის შესწავლის ობიექტს. ასევეა წყაროთმცოდნეობა. ეს დარგი დამოუკიდებელი ისტორიული მეცნიერებაა, მაგრამ მისი ისტორია, ანუ წყაროთმცოდნეობის მდგომარეობა და განვითარება ისტორიული მეცნიერების ამა თუ იმ ეტაპზე ისტორიოგრაფიული თემაა. იგივე უნდა ითქვას ისტორიული მეცნიერების სხვა დამოუკიდებელ, სპეციალურ თუ დამხმარე დარგების მიმართაც. ამდენად, მართებული გვეგონია მ. ნეჩკინას მითითება, რომ ისტორიოგრაფიული კვლევის სფეროში შემოტანილი უნდა იქნეს ისეთი საისტორიო მეცნიერებათა ისტორია, როგორცაა არქეოლოგია, ეთნოგრაფია, მხარეთმცოდნეობა და ა. შ. აქვე უნდა შევნიშნოთ, რომ ეს დარგები იმდენად ღრმად განცალკევდნენ, ჩამოყალიბდნენ საკუთარი მეთოდოლოგიური და თეორიული პრინციპების საფუძველზე, რომ გამოიწვიეს სპეციალიზაცია ისტორიოგრაფიული კვლევა-ძიებისა. ყალიბდება წყაროთმცოდნეობის ისტორიოგრაფია, არქეოლოგიის ისტორიოგრაფია, ეთნოგრაფიის ისტორიოგრაფია და ა. შ.; რაც სპეციალურ მომზადებას და კვლევის სპეციალურ მეთოდებს მოითხოვს. ამდენად, ისტორიოგრაფია რთულ და კომპლექსურ დარგად იქცა. მისი განვითარება ამ მიმართულებით ჯერ კიდევ გრძელდება.

აღნიშვნა იმისა, რომ ისტორიოგრაფია სწავლობს ისტორიული მეცნიერების ისტორიას, არ არის საკმარისი. ისტორია, როგორც მეცნიერება, რთული სტრუქტურის მქონე დარგია, მისი ცალკეული ნაწილები ერთმანეთთან გარკვეულ ფუნქციონალურ დამოკიდებულებაში იმყოფებიან. ისტორიოგრაფიამ უნდა გაარკვიოს როგორ ხდებოდა ამ სისტემის ჩამოყალიბება, როგორ გროვდებოდა ისტორიული ცოდნა, როგორ იქნა შემუშავებული ის მეთოდოლოგიური პრინციპები, რომელთა საფუძველზედაც ხდებოდა ამ ცოდნის მეცნიერულ სისტემად ორგანიზება, ვის მიერ და როდის იქნა დანერგილი ისტორიულ მეცნიერებაში ესა თუ ის პრინციპი, ესა თუ ის თეორიული დებულება, შეხედულება, თვალსაზრისი. და თუ კი ისტორიოგრაფია იკვლევს ისტორიის როგორც მეცნიერების ისტორიას, მან მთავარი ყურადღება უნდა მიექციოს ისტორიული ცოდნის იმ ელემენტს, რომელიც ამ ცოდნას მეცნიერებად აქცევს. რა ელემენტია ეს?

ამ კითხვაზე პასუხის გასაცემად საჭიროდ მივიჩნევთ გავანალიზოთ ისტორიული ცოდნის, ისტორიული მეცნიერების სტრუქტურა, ვაჩვენოთ მისი ცალკეული ნაწილების ადგილი და მნიშვნელობა ცოდნის მთლიან სისტემაში. ისტორიული მეცნიერების სისტემაში ფუნდამენტის როლს ასრულებს წყაროთმცოდნეობითი ბაზა. ისტორიული წყაროების ცოდნით, მათთან მეცნიერის კონტაქტით იწყება ისტორიული შემეცნების პროცესი, იწყება მეცნიერული მუშაობა. ამ მუშაობის თავდაპირველ შედეგს წარმოადგენს თვით ამ წყაროს რაობისა და მნიშვნელობის დადგენა, ასახულ ეპოქასთან წყაროს მიმართებას გარკვევა.

წყაროზე მუშაობამ უნდა მიგვიყვანოს ისტორიული ფაქტების დადგენამდე, ანუ უნდა მოგვცეს ისტორიული მეცნიერების საშენი მასალა.

ამ პროცესში მნიშვნელოვან როლს ასრულებს არა მარტო წყაროს ხასიათი, მისი სანდოობა და შინაარსობრივი დატვირთულობა, არამედ მეცნიერის მეთოდოლოგიაც, მისი ცოდნის სისტემა, გამოცდილება და სხვა სუბიექტური ფაქტორები (მაგ., ნიჭიერება) ფაქტის დადგენა, პირველწყაროებიდან ფაქტების გამოწვლილვა, ფაქტოლოგიური კვლევა მეტად მნიშვნელოვანი ეტაპია ისტორიული მეცნიერების სტრუქტურულ ფორმირებაში.

წყაროების შესწავლას, წყაროებიდან ფაქტების მიღებას, ფაქტოლოგიურ კვლევას უკვე თან ახლავს მეცნიერებისათვის დამახასიათებელი ელემენტი — ინტერპრეტაცია, გაგება, გარკვეული შეხედულება, თვალსაზრისი. იფიქსირდება, რომ ეს ინტერპრეტაცია მეცნიერული ხასიათისაა, ანუ შეიცავს შემოწმებად და დასაბუთებად დებულებებს. ამის გარეშე მას მეცნიერულობის პრეტენზია ვერ ექნება. მეცნიერული ინტერპრეტაცია, შეხედულება, თვალსაზრისი თავისთავად რთული აღნაგობისაა. იგი უნდა შედგებოდეს არა მარტო ახსნითი ნაწილისაგან, არამედ შეფასებითი დამოკიდებულებით დადგენილი ფაქტისადმი, იგი არა მარტო უნდა გამოხატავდეს და ახასიათებდეს მოვლენის რაობას, არამედ უნდა ადგენდეს ამ მოვლენის მიმართულებას სხვა მოვლენებთან, უპირველეს ყოვლისა, ისტორიულ პროგრესთან.

ამრიგად, ისტორიული კვლევა-ძიების დასაწყისიდანვე ამ პროცესს თან ახლავს კონცეპტუალური მომენტი, რომელიც მას მეცნიერულ ხასიათს ანიჭებს. სწორედ ეს მომენტი ისტორიოგრაფიის ყურადღების უმთავრესი საგანია.

ისტორიული შემეცნების შემდგომ ეტაპზე ადგილი აქვს ფაქტების გარკვეულ დაჯგუფებას, მათ შორის შინაგანი კავშირებისა და მიზეზ-შედეგობრივი ურთიერთობების დადგენას. ყალიბდება ფაქტების კომპლექსი, ანუ პრობლემა, საკითხი, რომლის შინაარსის გახსნას და დახასიათებას კიდევ უფრო მეტი დოზით ახლავს კონცეპტუალური მომენტი. არ არსებობს პრობლემის, თემის გაშუქება გარკვეული კონცეფციური სუბტრატის გარეშე, შეფასებისა და ტენდენციის გარეშე.

პრობლემების გამოყოფა და შერჩევა, პრობლემატიკა საერთოდ ავლენს მეცნიერების იერსახეს, მის ხასიათსა და განვითარების დონეს. პრობლემების ერთობლიობა განსაზღვრულია გარკვეული კონცეფციით, თეორიით, მსოფლმხედველობით. ხოლო თეორიები და კონცეფციები ქმნიან მიმართულებებს (სკოლებს) ისტორიულ მეცნიერებაში. აქედან გამომდინარე მიგვაჩნია, რომ ისტორიოგრაფიის მთავარი ამოცანაა ისტორიული თეორიების, კონცეფციების, სკოლებისა და მიმდინარეობების შესწავლა, ისტორიული კვლევა-ძიების კონცეპტუალური ელემენტების გამოვლენა, შესწავლა და შეფასება.

ეს თვალსაზრისი არ წარმოადგენს ახალსა და ორიგინალურს. იგი მრავალ ისტორიკოსს გამოუთქვამს. ჩვენ მხოლოდ შევეცადეთ მიგვეთითებინა მისი დასაბუთების ერთ-ერთ გზაზე.

ისტორიული თეორიების შესწავლისა და შეფასების მეთოდოლოგია ემყარება მარქსისტულ-ლენინურ თეორიას, დიალექტიკურ და ისტორიულ მატერიალიზმს. იგი მამასადამაე, იცავს ისტორიზმს, თეორიათა სოციალურ (კლასობრივი) განსაზღვრულობის თვალსაზრისს, საზოგადოებრივი პროგრესის იდეას და ა. შ.

ამ უმთავრესი მიზნიდან გამომდინარეობენ ისტორიოგრაფიის სხვა ამოცანებიც. იმისათვის რომ ავსახოთ ისტორიული ცოდნის მეცნიერულ ცოდნად გადაქცევის პროცესი, დრო და პირობები, უნდა შევისწავლოთ ამის წინარე პერიოდი, ვაჩვენოთ იმჟამინდელი ისტორიული ცოდნის ხასიათი, მისი განმსაზღვრელი ფაქტორები (მითოლოგია, რელიგიური წარმოდგენები, ნატურალისტური რეფლექსია და ა. შ.). ცოდნის მეცნიერებად გადაქცევას მეთოდოლოგიის სრულყოფა განაპირობებდა. ისტორიულ კვლევა-ძიებათა მეთოდოლოგიის განვითარების ისტორია ისტორიოგრაფთა განსაკუთრებულ ყურადღებას მოითხოვს. ასევე პირველხარისხოვანი მნიშვნელობა აქვს ისტორიული თვალსაზრისების ეპოქასთან მიმართების გარკვევას, მათი როლის ჩვენებას ამა თუ იმ ეპოქის საზოგადოებრივ მოძრაობაში, კლასობრივ თუ ეროვნულ ბრძოლებში. ისტორიული განვითარების ცოდნის შინაგანი, იმანენტური კანონზომიერებების გამოვლენაც. ისტორიოგრაფიის ერთ-ერთი მნიშვნელოვანი ამოცანაა.

რა შეიძლება ითქვას ისტორიოგრაფიის საგნის იმ უსაზღვროდ გაფართოების შესახებ, რომელსაც, როგორც ვნახეთ, ადგილი აქვს რუსი ისტორიკოსების ნაწრომებში? კერძოდ, მხედველობაში გვაქვს მხატვრული ლიტერატურისა და ხელოვნების ნაწარმოებთა შემოტანა ისტორიოგრაფიის კვლევის სფეროში. ვფიქრობთ, ეს არ უნდა იყოს მართებული. უპირველეს ყოვლისა, იმიტომ, რომ ამ ნაწარმოებებში ასახულ თვალსაზრისებს არ მოეპოვებათ მეცნიერული კონცეფციისათვის დამახასიათებელი და საჭირო ნიშნები, დასაბუთება, ფაქტების კრიტიკული ანალიზი, მეთოდოლოგიური გამართულობა და ა. შ. ეს, რა თქმა უნდა, არ გამოირიცხავს იმის შესაძლებლობას, რომ მხატვრულ სახეებში ასახული ისტორიული სიტუაცია შეესაბამებოდეს ჭეშმარიტებას, სწორად ასახავდეს ვითარებას, მაგრამ ეს მაინც არ არის მეცნიერული კონცეფცია, მოკლებულია ზემოხსენებულ ნიშნებს და მათი მიჩნევა ისტორიული მეცნიერების ისტორიის საგნად უმართებულო გვეგონია. ლ. ჩერუპინი და ა. სახაროვი ამ შემთხვევაში გვთავაზობენ მწერალ-კლასიკოსთა მხატვრულ სახეობებში და სიტუაციებში გამოხატული შეხედულებები გადავიყვანოთ მეცნიერულ ცნებათა სისტემაში და შემდეგ მოვახდინოთ მათი ისტორიოგრაფიული ანალიზი. ვფიქრობთ, გამოსავალი არც ესაა, ვინაიდან მეცნიერულ ცნებათა სისტემაში გადმოცემული შეხედულებების ავტორები მწერლები კი არ იქნებიან, არამედ ის მეცნიერები, რომლებიც ამ ოპერაციას განახორციელებენ.

ასევე საეჭვოდ მიგვაჩნია ს. შმიდტის აზრი იმის შესახებ, რომ ისტორიოგრაფიამ უნდა გამოავლინოს ისტორიული ცოდნის გავრცელებულობა ხალხში, მისი პოპულარობა. ვფიქრობთ, ეს სხვა დარგის ამოცანაა. ამ საკითხებს უნდა იკვლევდეს სახალხო განათლების ან კიდევ კულტურის ისტორიის სპეციალისტები. საერთოდ კი ძნელად წარმოსადგენია, როგორ უნდა გამოარკვეოთ ისტორიული ცოდნის, ისტორიული შეხედულებების გავრცელებულობა ხალხში, მათი პოპულარობა. აქ მხოლოდ ზოგადი მითითებებით თუ შეიძლება შემოიფარგლოს მკვლევარი.

ამრიგად, ჩვენი აზრით, ისტორიოგრაფიის საგნად მიჩნეული უნდა იქნეს ისტორიულ შეხედულებათა, თეორიათა და კონცეფციათა მონაცვლეობა და განვითარება, მათი მიმართება ეპოქასთან, ეპოქის სოციალურ და პოლიტიკურ

მოვლენებთან. ესაა მთავარი. ამასთან ერთად კი შესწავლილი უნდა იქნეს ისტორიულ კვლევა-ძიებათა მეთოდოლოგია, პრობლემატიკა, ორგანიზაციული ფორმები, წყაროთმცოდნეობითი ბაზა და რიგი სხვა საკითხებისა.

Ш. А. ХАНТАДЗЕ

О ПРЕДМЕТЕ ИСТОРИОГРАФИИ

Резюме

В статье дан обзор взглядов советских и зарубежных историков на предмет историографических исследований. Автор примыкает к ученым, которые считают, что предметом историографического исследования следует считать исторические теории, взгляды, концепции и их отношение к эпохе, к ее социально-политическим проблемам. Это признано главным. Вместе с тем, историография изучает развитие источниковедческой базы исторической науки той или иной эпохи, методологии истории, организационные формы научно-исторических исследований и т. д.

Обоснованием признания взглядов и теории историков в качестве основного предмета историографии служит то обстоятельство, что именно в концепциях, интерпретации исторических фактов и явлений проявляется научный характер исторического знания и, так как историография является историей истории как науки, главное внимание следует обратить на концептуальные элементы в научном наследии историков прошлого.

Автор отрицает правомерность включения в предмет историографических исследований произведений художественной литературы и искусства, так как в них отсутствуют присущие научным теориям признаки (аргументированность взглядов, анализ первоисточников, методологическая обоснованность и т. д.), хотя и признается, что зачастую художественные произведения правильно отражают ту или иную историческую эпоху, ее героев и события.

წარმოდგინა შრომის წითელი დროშის ორდენისაჲნა თბილისის სახელმწიფო უნივერსიტეტმა

თინათინ ოჩიაური

ეთნიკური პროცესები თბილისში

ცნობილია, რომ ქალაქი, როგორც ხელოსნობისა და ვაჭრობის, კულტურული, პოლიტიკური, სამხედრო და ადმინისტრაციული ცხოვრების ცენტრი, თავისკენ იზიდავს არა მხოლოდ მახლობელი მიდამოების, არამედ შორეული ქვეყნის მოსახლეობასაც, რის გამოც იგი მრავალეროვანი ხდება¹.

თბილისი, რომელიც ძველთაგანვე ცნობილი იყო თავისი სიმდიდრით, ხელსაყრელი საეპრო გზებით, რომელიც მუდამ იყო და რჩებოდა ქართველი ხალხის გამაერთიანებლად, დედაქალაქად, მის პოლიტიკურ, ეკონომიკურ და კულტურულ ცენტრად², მუდამ იზიდავდა სხვა ქვეყნების ვაჭარ-ხელოსნებსა და უცხო დამპყრობლებს, რასაც მოსდევდა მრავალეროვანი მოსახლეობის თავმოყრა ქალაქში. „საქართველოში დავით აღმაშენებლის დროიდან დამკვიდრებული იყო „ერთა შორის თანაცხოვრების პოლიტიკური კურსი“³. ეს გარემოება შენიშნული აქვს ჟან შარდენსაც. იგი წერს, რომ „საქართველოში უფლება გაქვს იცხოვრო შენი სარწმუნოებით და ადათებით, იმსჯელო მასზე და დაიცვა იგი-ო“. ასეთი პოლიტიკური ვითარების დროს კი სხვა ერების წარმომადგენელთა ჩამოსახლებას არავინ ზღუდავდა და თბილისი ინტერნაციონალურ ქალაქად გადაიქცა.

საქართველოს რუსეთთან შეერთების შემდეგ, როდესაც ქვეყნად მშვიდობიანობა დამყარდა, მოსახლეობის რიცხვი სწრაფად გაიზარდა არა მხოლოდ საქართველოს სხვადასხვა მხარიდან ჩამოსახლებულთა ხარჯზე, არამედ უცხოეთის წარმომადგენელთა ცალკეული, თუ ჯგუფობრივად ჩამოსახლების გზით. უცხო ერის ჩამოსახლებას ან განთესვითი ხასიათი აქვს, ან იგი კომპაქტურად ხდება. თუ რა კანონზომიერებით მიმდინარეობს მიგრანტთა და დამხედურთა ურთიერთობა ქალაქის პირობებში, ამაზე მ. რაბინოვიჩი წერს „ქალაქისათვის დიდი მნიშვნელობა ჰქონდა ახალი მოსახლეობის კომპლექსურად ჩამოსახლებას. მოსულნი ან ცალკეულ ოჯახებად სახლდებოდნენ, ან დიდ ჯგუფებად, რომელთაც ზოგჯერ საკუთარი ორგანიზაციაც კი ჰქონდათ. პირველ შემთხვევაში, როდესაც განთესილად ესახლებოდნენ ძირითად მოსახლეობაში, ისინი ნაკლებ გავლენას ახდენდნენ ქალაქის ეთნიკურ შემადგენლობაზე, მეორე შემთხვევაში კი, შეიძლება მეტად მწვავედ დამდგარიყო ქალაქის ეთნიკური სახის საკითხი. ყველაფერი დამოკიდებული იყო იმაზე, თუ კულტურულ-

¹ М. Г. Рабинович, Очерки этнографии русского феодального города, 1978, 1, 67.

² შ. მესხია, თბილისის როლი ქართველი ხალხის ისტორიაში, თბილისი 1500, თბ., 1958, გვ. 14.

³ გ. მაისურაძე, ქართველი და სომეხი ხალხების ურთიერთობა XIII—XVIII საუკუნეებში, თბ., 1982, გვ. 291.

ლად და ეთნიკურად რამდენად ძლიერი იყო ადრე, ჩამოყალიბებული მოქალაქეთა ძირითადი ბირთვი. თუ იგი საკმაოდ მტკიცე იყო, მაშინ უცხო ტომთა მიერ დაპყრობის შემთხვევაშიც კი, ქალაქის ეთნიკური სახე არ იცვლებოდა. ერთი-ორი თაობის შემდეგ ძირითად მოსახლეობასთან მოსულთა ასიმილაცია ხდებოდა⁴.

საქართველოს დედაქალაქი, სწორედ იმ ქალაქთა რიცხვს ეკუთვნის, რომელიც ეთნიკურად და კულტურულად ძველთაგანვე მკვიდრ საფუძველზე იყო აღმოცენებული, რომელსაც თავისი სახე ვერ დაუკარგა ვერც დამპყრობლების მიმე უღელმა, ვერც აოხრებამ და მოსახლეობისაგან დაეცა.

მას შემდეგ, რაც საქართველო რუსეთს შეუერთდა (1801 წ.), რუსეთის ცენტრალურმა ხელისუფლებამ მიერთებული ტერიტორიის უკეთ ათვისებისა და ექსპლუატაციის მიზნით დაიწყო აქ არსებულ სიმდიდრეთა და მცხოვრებთა აღწერა-აღრიცხვები.

ვინაიდან მეფის რუსეთისათვის თბილისი ახლად შეერთებული სამხედრო ადმინისტრაციული ცენტრი იყო, 1803 წლის იანვარში პირველად ამიერკავკასიაში ჩატარდა, როგორც თვით ქალაქ თბილისის, ისე მისი მოსახლეობის აღწერა-აღრუხვება. ჩვენც ამ დროიდან შეგვხვებით ქალაქში მიმდინარე სხვადასხვა ეთნოსის ხალხთა ურთიერთობას ადგილობრივ მოსახლეობასთან.

1803 წლის აღწერილობით ქართველთა რიცხვი 2621 სულს უდრიდა. სხვა ეროვნებათაგან იმ დროს ფიქსირებულია: სომეხი — 8982, თათარი — 235, ბერძენი — 15, რუსი — I (ჯარისა და მოხელეების გარდა). როგორც ჩანს, ბერძენები ერეკლეს მიერ ახტალის სამთაბანო მრეწველობისათვის ჩამოყვანილ ბერძენთა ნაწილია, რომლებიც XIX საუკუნისათვის თითქმის ამოწყვდნენ ავადმყოფობისა და ცხოვრების მიმე პირობების მიზეზით.

რაკი ქვეყნად მშვიდობის დამყარების შედეგად თბილისის ზრდა სწრაფი ტემპით წავიდა წინ, საყურადღებოა ამ ზრდის მანქვენებლები აღწერილობათა ცხრილების მიხედვით. ამასთან ცხრილებში ნაჩვენებია სხვადასხვა ეროვნების ხალხთა გაჩენისა და მისი მატების ფაქტობრივი მასალაც⁵.

როგორც აღწერილობათა ცხრილები მიუთითებს, მოსახლეობის ყველაზე დიდი რიცხვითი მანქვენებელი სომეხებზე მოდიოდა. 1926 წლამდე სომეხები ყველა აღწერილობის მიხედვით ქართველ მოსახლეობას აღემატებოდნენ. სომეხების რიცხვის ზრდას რამდენიმე გარემოება განაპირობებდა. პირველი და მთავარი, ეს არის მათი დინება საქართველოსაკენ, რაც საუკუნეთა მანძილზე გრძელდებოდა. „XV საუკუნიდან განსაკუთრებით ფართო და სისტემატური ხასიათი მიიღო სომეხთა გადმოსახლებამ საქართველოში. XV საუკუნის 30-იან წლებში სივნიეთიდან ბეშქენ ორბელიანთან ერთად 6000 ოჯახი გადმოსულა საქართველოში, ვასპურაკანში გადაწერილი ერთი სომეხური ხელნაწერის ნოწმობით კი იმ ხანად 12 ათასი კომლი სომეხი და ტაჯიკი გადმოსულა საქართველოში. დიდი რაოდენობით სომეხთა გადმოსვლა საქართველოში შემდგომ საუკუნეებშიც გრძელდებოდა“⁶.

განსაკუთრებით გაიზარდა სომეხების რიცხვი XIX საუკუნის ბოლო წლებში, რუსეთ-თურქეთის ომის შედეგად. ამის შესახებ ვ. ჯაოშვილი წერს: „სო-

⁴ М. Г. Рабинович, დასახ. ნაშრომი, გვ. 69.

⁵ შ. კაკუტია, ქ. თბილისის მოსახლეობა 1803—1970 წლებში, თბ., 1976, გვ. 8.

⁶ ვ. ჯაოშვილი, დასახ. ნაშრომი, გვ. 271.

მეხი მიგრანტების ახალი მძლავრი ნაკადის შემოქრას ადგილი ჰქონდა XIX ს-ის ბოლო წლებში, როდესაც თურქეთში სომეხთა დევნის შედეგად მათ მასობრივად დაიწყეს საქართველოში ჩამოსახლება. ზოგი წყაროს მიხედვით იმ წლებში ამიერკავკასიაში ჩამოსახლდა 36 ათასი სომეხი, სხვა წყაროებით 70 ათასი. მხოლოდ თბილისის გუბერნიაში სომეხთა რიცხვმა ხუთი წლის მანძილზე (1897—1902) იმატა 96,2 ათასიდან 266 ათას კაცამდე... მითითებულ წლებში განსაკუთრებით გაიზარდა სომხური დასახლებები თბილისში, გორში, ახალციხეში, ახალქალაქში. ეს იმაზე მიუთითებს, რომ ლტოლვილთა ძირითადი მასა ამ ქალაქებში დამკვიდრდა. თურქეთიდან სომეხთა დინება შემდეგ წლებშიც გრძელდებოდა. პ. არლუთინსკის მიხედვით, სომეხი ლტოლვილები თურქეთიდან დიდი რაოდენობით ჩამოდიოდნენ თბილისში, სადაც 1897—1910 წლებში მათი რიცხვი 46,7 ათასიდან გაიზარდა 124,9 ათასამდე, ე. ი. 78,2 ათასიკაცით“.

საყურადღებოა, რომ ჩამოსახლებულთა უმრავლესობა ვაჭრები, ხელოსნები და გარკვეული პროფესიის არმქონენი იყვნენ⁷.

გ. ჯაოშვილი მიუთითებს, რომ XIX ს. და XX სს-ის პირველ წლებში საქართველოში და კერძოდ თბილისში გადმოსახლებული სომეხები წამოსული იყვნენ ძირითადად თურქეთიდან, ნაწილობრივ სომხეთიდან და მთიანი ყარაბაღიდან. სომეხი მოსახლეობის რიცხვის ზრდას თბილისში, სხვა გარემოებებიც უწყობდა ხელს. გ. მაისურაძე ეხება რა XVIII ს-ის ვაჭრობის განვითარებას, წერს: „ქართული ქალაქების პროფესიული გაერთიანებები, ვაჭრობაში სომეხთა უპირატესობის გამო, უმთავრესად მონოფიზიტურ ეკლესიასთან უნდა ყოფილიყვნენ დაკავშირებული. ამიტომ ამ გაერთიანებებში შესვლა და მის საფუძველზე გარკვეული პრივილეგიების მიღება, გასაგებია, მხოლოდ სომხურ სარწმუნოებაში გადასვლით შეიძლებოდა-ო“⁸. იქვე იგი აღნიშნავს, რომ „სომხურ სარწმუნოებაზე არა მარტო საერთაშორისო ვაჭრობაში ჩამბული ქართველი ვაჭრები გადადიოდნენ. არამედ თვით საქართველოში ადგილობრივ მოსაქმე ქართველ ვაჭარ-ხელოსანთა გარკვეული ნაწილიც უერთდებოდა სომხურ ეკლესიას“-ო. ამასთან ერთად, თბილისში სომეხი მოსახლეობის ზრდას ხელს უწყობდა შემდეგი გარემოებაც: „საგლეხო რეფორმამდე, წერს შ. კაკურია, -- ბატონ-ყმობიდან თავის დაღწევის მიზნით თბილისში გამოქცეული მართლმადიდებელი სარწმუნოების მქონე ქართველი ყმა-გლეხები თავის დაფარვისა და დაცვის მიზნით იღებდნენ და ეგუებოდნენ სომხურ გრიგორიანულ სარწმუნოებას... სოფლებიდან გამოქცეულ ქართველ ყმა-გლეხებს სომხური ენის უცოდინარობა ხელს არ უშლიდა თბილისის სომხურ მოსახლეობასთან ურთიერთობაში. რადგანაც ეს უკანასკნელი ძირითადად ქართულ ენაზე ლაპარაკობდა, ხოლო თბილისელი სომეხების ერთმა ნაწილმა სომხური ენა სულაც არ იცოდა.

ამდენად, თბილისის სომეხების საგრძნობი ნაწილი თავისი წარმოშობისა, თუ საქართველოში ხანგრძლივი ცხოვრების შედეგად, მიუხედავად თავისი კონფესიონალური მდგომარეობისა, ქართველ ან გაქართველების გზაზე მდგომ მოსახლეობას წარმოადგენდა“-ო⁹.

⁷ В. Ш. Джаошвили, Население Грузии, т. 5, 1968, გვ. 115.

⁸ გ. მაისურაძე, დასახ. ნაშრომი, იქვე, გვ. 304.

⁹ შ. კაკურია, დასახ. ნაშრომი, გვ. 47—88.

თბილისში მოსახლე სომხები საუკუნეთა მანძილზე ქართველ მოსახლეობასთან კონტაქტის გამო. თანდათან შეეზარდნენ მას. „უმკიდროესმა პოლიტიკურმა, ეკონომიკურმა და კულტურულმა კავშირმა თბილისის ქართულ და სომხურ მოსახლეობას შორის განსხვავება თანდათან წაშალა“¹⁰.

„საუკუნეთა მანძილზე საქართველოში მოსახლე სომხობამ დიდი კულტურული ცვლილება განიცადა... მისი ზნე-ჩვეულებანი და სასაუბრო ენა ძირითადად ქართული გახდა, რასაც არ შეეძლო შესაფერისი ზეგავლენა არ მოეხდინა მის შეგნებაზე. ეს სომხობა თავისი კულტურული სახითა და ეთნო-სოციალური ერთობისადმი კუთვნილების შეგნებით არა მარტო განსხვავდებოდა, არამედ საკმაოდ დაცილებული იყო ძირითადი სომხური კოლექტივისაგან“¹¹. განსაკუთრებით ეს იგრძნობოდა ქალაქ თბილისის მოსახლეობაში, რასაც ისტორიულ მონაცემებთან ერთად კარგად ასახავს ეთნოგრაფიული მასალა.

თუ სომხური მოსახლეობა თბილისში აღრიდნვე ჩანს, რუსეთ-საქართველოს შეერთების შემდეგ, სრულიად უცხო, თბილისისათვის მანამდე უცნობი ეთნიკური ერთეულის გაჩენასა და მის სწრაფ ზრდასთან გვაქვს საქმე. 1849 წლის „მოამბეში“ ალ. ყიფშიძე (ა. ფრონელი) წერდა: „საქართველოს დამშვიდების შემდეგ აღმოჩნდა, რომ ნახევარზე მეტი ველ-მინდორი ცარიელი იყო. მხენელ-მთესველი ნაკლებად სჩანდა და ამისათვის ახალი მთავრობა დიდი ხალისით აძლევდა ადგილებს დასახლებლად ყველას, ვინც კი სურვილს გამოაცხადებდა აქ დაბინავებისას. ამ სახით დაიწყო ქართლ-კახეთის დასახლება უცხოეთიდან მოსულ სხვადასხვა ტომისა და მილეეთის ხალხით. პირველად შემოხიზვნა დაიწყო სომხებმა და როგორც ვხედავთ, დღესაც არ შეწყვეტილა ეს შამოხიზვნა. შენდევ გვესტუმრნენ გერმანელები, ბერძნები, რუსი მწვალებელნი, მართმადიდებელი რუსობა, ყავლგასული ჭარისკაცობა და ბოლოს, მთიდან ჩამოსული ოსობა. რუსის მართვა-გამგეობის დამკვიდრებამდე ჩვენში უცხოელნი ბინადვებოდნენ ქალაქად (ტფილისი, გორი, სიღნაღი, თელავი, დაბა სურამი, დაბა ცხინვალი), შემდეგ კი სოფლად“. ამის შემდეგ ალ. ყიფშიძე საგანგებოდ ეხება თითოეული ეროვნების ჩვენში ჩამოსახლება-დამკვიდრების საკითხს. რუსების შესახებ წერს, რომ მათი ჩვენში დამკვიდრების პირველი გზა იყო სამხედრო სამსახურის გათავების შემდეგ ჭარისკაცების ადგილზე დარჩენა. მეორე გზად თვლის მწვალებლების ჩამოსახლებას ჩვენში XIX ს. დასაწყისში. ალექსანდრე I და ნიკოლოზ I-ის დროს მათ სასტიკად სდევნიდნენ და დასასჯელად ჩვენსკენ გზავნიდნენ, — წერს იგი. „დასობით გამოგზავნეს საქართველოში ოცდაათ. ორმოცსა და ორმოცდაათ წელსა. მომეტებულად მწვალებლები იყვნენ ტამბოვისა, სარატოვისა, ტავრისა, ვორონეჟისა, ორენბურგისა და ენისეის გუბერნიებიდან. აგრეთვე ბესარაბიის ოლქიდან“¹². ყიფშიძის ცნობით, იმ დროს თბილისის გუბერნიაში ირიცხებოდა 32 რუსის სოფელი, სახელდობრ თბილისის მაზრაში 12 სოფელი იყო.

¹⁰ Ш. А. Месхиа, Города и городской строй феодальной Грузии. გვ. 266-268.

¹¹ გ. შაიხურაძე, დასახ. ნაშრომი, გვ. 319.

¹² ალ. ყიფშიძე (ა. ფრონელი), გადმოსახლებულების დაბინავება საქართველოში, „მოამბე“, 1899, IV, VI.

თუ 1803 წლის აღწერილობით თბილისში რუსი 1 სულია აღრიცხული, 1864—65 წლებისათვის უკვე 12302 სულია, 1876 წ. 30830, 1897 წ. 44813 და ა. შ.

გერმანელები კავკასიაში და კერძოდ თბილისში ჩნდებიან 1817—1818 წლებიდან. როგორც ა. ყიფშიძე (ფრონელი) წერს — „გერმანელები გამოიწვია 1817 წ. ვირტემბერგის სამეფოდან უმაღლესმა კავკასიის მთავრობამ იმ აზრით, რომ ადგილობრივ მკვიდრთათვის ესწავლებინათ საუკეთესოდ მამულისა და ვენახების შემუშავება, აგრეთვე რომ შრომისა და მუყაითობის მაგალითი ეჩვენებინათ“¹³.

გერმანელთა კავკასიაში ჩამოსახლების ერთ-ერთი ინიციატორი და აქტიური მოღვაწე ყოფილა გენერალი ა. პ. ერმოლოვი¹⁴, რომელიც „საქართველოს სოფლის მეურნეობის დაბალ დონეს ადგილობრივ მკვიდრთა გაუნათლებლობითა და სიზარმაცით ხსნიდა“¹⁵.

გამოუწვევიათ სულ 1. 400 ოჯახი, მაგრამ ამიერკავკასიის მთაწვია მხოლოდ 486 ოჯახმა 1818 წლის გასულს. ისინი დაასახლეს თბილისისა და განჯის გუბერნიისაში¹⁶.

1819 წლის დასასრულისათვის გერმანიიდან გადმოსახლებულებმა ქვეყნის ადმინისტრაციის დახმარებით სულ რვა კოლონია შექმნეს. აქედან ორი კოლონია თბილისში ან უკეთ, თბილისის გარეუბანში მოეწყო. I. თბილისის გარეუბან კუკიაში (ახლანდელი პლენანოვის გამზირის ტერიტორია) 51 ოჯახით. 1852 წ. ეს კოლონია, რომელიც მხოლოდ ხელოსნებისაგან შედგებოდა, ქალაქს მიეკუთვნა.

II. ალექსანდრესდოროფი — 23 ოჯახით, მდ. მტკვრის მარცხენა ნაპირზე, დიდუბის სახაზინო მიწებზე. „ჩამოსახლების პირველ წლებში, — წერს გ. მანჯგალაძე — გაჭირვებას განიცდიდნენ არა მარტო სოფლად დასახლებული კოლონისტები, არამედ თბილისში (კუკიაზე) დასახლებულნიც, თუმცა მათი განცხადებით, ისინი სხვადასხვა ხელობის ოსტატები იყვნენ. ამ დროს თბილისში ხელოსანთა დიდი ნაკლებობა იყო და ყოველი კარგი ხელოსნის შრომა ძვირად ფასობდა“¹⁷.

„ცარიზმის იმედები იმის შესახებ, რომ დასახლებული კოლონისტები საქართველოში განავითარებდნენ სოფლის მეურნეობას, მოაშენებდნენ მხარისათვის უცნობ კულტურებს, გამოიყენებდნენ ახალ სასოფლო-სამეურნეო იარაღებსა და მიწის დამუშავების გაუმჯობესებულ წესებს და ასეთი საშუალებებით გავლენას მოახდენდნენ და აამალებდნენ ადგილობრივი მოსახლეობის სამეურნეო და კულტურულ დონეს, არ გამართლდა“¹⁸.

მიუხედავად იმისა, რომ გერმანელები გაუზრდობდნენ სხვა მოსახლეობასთან კონტაქტს და როგორც ა. ფრონელი წერს — „ისინი ერთმანეთს დიდად ეტა-

13 ალ. ყიფშიძე (ა. ფრონელი), გადმოსახლებულების დაბინავება საქართველოში, გვ. 5—6.

14 Записки А. П. Ермолова во время управления Грузией, М., 1868, 67; Акты, т. VI, გვ. 318, 427.

15 გ. მანჯგალაძე, გერმანელი კოლონისტები ამიერკავკასიაში, თბ., 1974, გვ. 11.

16 ალ. ყიფშიძე, დასახ. ნაშრომი გვ. 6.

17 გ. მანჯგალაძე, დასახ. ნაშრომი, გვ. 35.

18 დ. გოგოლაძე, კაპიტალისტური საწარმოები სოფლის მეურნეობისა და მრეწველობაში რევოლუციური საქართველოში 1830—1864 წწ., თბ., 1959, გვ. 18.

ნებოდნენ, სხვას კი ავტორიგად სულსა და გულს არ უხსნიდნენ, ცხოვრობდნენ კარჩაკეტილად და სხვისი დარდით თავს არ იწუხებდნენ, მათ ყოფაში მაინც შეიჭრა ადგილობრივი გავლენა.

მათი გაჭირვება ხანგრძლივი არ ყოფილა; მოკლე ხნის მანძილზე „გერმანელები მშვენივრად მოეწყვენ, გამდიდრდნენ და ჩვენებურ ნიათ გამოლულ გლეხებს სრულიად არ მოგაგონებენ. გერმანელი ახალშენელის ოჯახი, ბინადრობა და სახლ-კარი სწორედ ამერიკელი ფერმერის მოწყობილობას ჰგავს. ვისაც თავისი თვლით არ უნახავს გერმანელთა ახალშენები, ვერც კი წარმოიდგენს, თუ რა ნივთიერ კეთილდღეობას მიაღწიეს ამ ჩვენის ქვეყნის ზიზანსტუმრებმა. ორ სართულიანი ქვითყირის სახლები, რიგზე ჩამწკრივებული ქუჩის პირად, სიამოვნებასა ჰგვრის მაყურებელს, სიუხვე მოსავლისა, სიმრავლე საქონლისა, კარგად მოწყობილი სასოფლო სკოლა და ეკლესია აუცილებელი კუთვნილებაა გერმანელ ახალშენისა. საკვირველი ისაა, რომ გერმანელებმა კი არ ასწავლეს ჩვენებურ ტეტიას მიწის დამუშავება და ვენახის მოვლა, არამედ ტეტიასაგან შეისწავლეს ერთიცა და მეორეც. მე ჩემის თვლით ვნახე ახალშენ ელისაბეტტალში ნემენცების ხენა-თესვა და შემუშავებული ვენახი და ახალი, ევროპული იქ ვერა ვიპოვე რა. ისევ ის მამა-პაპური გუთანია ექვს-შვიდ უღელა ხარ-კამეჩით, ზოგან კი ხარებთან ცხენები მიუბამთ, ახალრევროპული, მხოლოდ ეს ცხენების შებმაა გუთანში“¹⁹. მეტად საყურადღებო გარემოებაა. აქ აშკარად ჩანს, თუ როგორ ეგუება ადგილობრივ გეოგრაფიულ სამეურნეო პირობებს მიგრირებული მოსახლეობა და რა გავლენას ახდენს მათ მეურნეობაზე დამხედური, ტრადიციული მეურნეობის წესი.

თუ ქალაქში მოსახლე გერმანელთა ყოფას გადავხედავთ, ვნახავთ, რომ აქ ძირითადად სხვადასხვა ხელობის ხელოსნები ცხოვრობდნენ, რომლებიც თანდათან ეუფლებოდნენ სათანადო ასპარეზს. „XIX საუკუნის 20-იანი წლები-სათვის ამიერკავკასიაში და კერძოდ თბილისში საკმაოდ მომრავლებულან რუსი და უცხოელი ხელოსნები. უცხოელთაგან დიდი უმრავლესობა გერმანელი კოლონისტები იყვნენ“²⁰, რომელთა ნახელავს დიდი მოთხოვნილება და მოწონება ჰქონია. იმდენად შეუვიწროვებია თბილისელი ხელოსნები ჩამოსულ ხელოსნებს, მათ შორის კოლონისტებს, რომ სწორად საქმე შეტაკებამდე მიდიოდა, სწრაფად იზრდებოდა გერმანელთა ეკონომიური კეთილდღეობა და შესაბამისად უმჯობესდებოდა საყოფაცხოვრებო პირობები.

გერმანელები ჩამოსახლების პირველივე წლებში აარსებდნენ სასწავლებლებს. „ამიერკავკასიის კოლონიებში საზოგადოების ხარჯზე მათი დაარსებიდანვე მოწყობილი იყო სასწავლებლები... ეს სასწავლებლები არსებობდნენ ლუთერანულ ეკლესიასთან და იმყოფებოდნენ ადგილობრივი პასტორის უშუალო მეთვალყურეობის ქვეშ. სასწავლებლებს საერთო ხელმძღვანელობას უწევდა ამიერკავკასიის კოლონისტთა სინოდი“²¹. 1870 წლამდე სწავლება მხოლოდ გერმანულ ენაზე მიმდინარეობდა. ამ პერიოდში დაისვა საკითხი სასწავლებლებში რუსული ენის სწავლების შემოღების შესახებ ოლონდ მასწავლებლები ისევ გერმანელები უნდა ყოფილიყვნენ, რომლებიც საგანგებოდ შესისწავლიდნენ რუსულ ენას.

19 ალ. ყიფშიძე, დანახ. ნაშრომი, გვ. 6.
20 გ. მანჯგალაძე, დანახ. ნაშრომი, გვ. 9.
21 იქვე, გვ. 116.

გარდა დაწყებითი სკოლებისა, გერმანელ კოლონისტებს ჰქონდათ სხვა ტიპის სასწავლებლებიც.

მაგალითად, 1850 წ. თბილისში გაუხსნიათ საშუალო სასულიერო სასწავლებელი პეტრე-პავლეს ლუთერანულ ეკლესიასთან. იმავე წელს გაუხსნიათ გერმანელთა კოლონისტების სასწავლებელი.

1892 წელს სახელმწიფო საბჭოს დადგენილებით კოლონისტთა სკოლები პროტესტანტულ ლუთერანული ეკლესიების დაქვემდებარებიდან, გადაეცა სახალხო განათლების სამინისტროს, საგნების სწავლება გერმანულ ენაზე მიმდინარეობდა. ამ გარემოებით ისინი აღწევდნენ ეროვნული ერთიანობის შენარჩუნებას²².

როგორც გ. მანჯალაძე მიუთითებს, — გერმანულ კოლონიებში მეტ-ნაკლებად — იცოდნენ ადგილობრივი ენები, რაც მათ პრაქტიკულად ჭირდებოდათ ადგილობრივ მოსახლეობასთან, დაქირავებულ მუშახელთან ურთიერთობისათვის. მიუხედავად დიდი კარჩაკეტილობისა და სხვა მოსახლეობასთან ძალზე მცირე კონტაქტებისა, დროთა განმავლობაში მაინც გარდუვალი აღმოჩნდა სხვა ეთნოსის ხალხთან დაახლოება. გერმანულ სასწავლებლებში ჯერ კიდევ XIX საუკუნის შუა წლებიდან უკვე მითითებულია სხვა ერის წარმომადგენელთა სწავლის ფაქტი გერმანულ სკოლებში, რაც გაგრძელდა ჩვენი საუკუნის თითქმის 30-იან წლებამდე. ეს გარემოება ხელს უწყობდა სხვადასხვა ეთნოსის წარმომადგენელი ახალგაზრდობის დაახლოებას, რაც არაიშვიათად ქორწინებით მთავრდებოდა. თანდათან იშლებოდა ენის ბარიერი, ხდებოდა გერმანელთა ასიმილაცია ადგილობრივ მოსახლეობასთან, მაგრამ ეს პროცესი პრაქტიკულად შეწყდა.

ამიერკავკასიაში ბერძნების ჩამოსახლება დაიწყო XVIII ს-ის II ნახევარში. ერეკლე II-მ თურქეთის სამთო მრეწველობის რაიონებიდან ჩამოსახლდა ვერცხლ-ტყვიის საბადოებში სამუშაოდ ზხტალაში (დღეს ეს ტერიტორია სომხეთს ეკუთვნის). ამ ვრცელი ნაკადის მოსახლეობა მძიმე პირობების გამო, თითქმის გაწყდა. შემდეგში, როდესაც საქართველო რუსეთს შეუერთდა, მეფის მთავრობამ მიიღო ზომები ოსმალეთის იმპერიიდან ქრისტიანთა ამიერკავკასიაში გადმოსახლების შესახებ (კონკრეტულად თურქეთის რაიონებიდან). ამისათვის 1810 წელს თბილისში დაარსდა საგანგებო კომიტეტი.

ბერძნების დიდი ტალღა ჩამოვიდა 1828—29 წლებში რუსეთ-თურქეთის ომის ზავის დადების შემდეგ. საქართველოში ჩამოსახლდა 100 კომლი. 1830 წელს კიდევ ჩამოვიდა 7000 სული (1025 ოჯახი), რომლებიც წალკაში დასახლდნენ²³.

ბერძენთა საქართველოში ჩამოსახლების შესახებ ალ. ყიფშიძე წერს: „ელლინთა ჩამომავალი ტომი — ბერძნები ეწვია საქართველოს ადრიანოპოლის ზელშეკრულების შემდეგ, ამ საუკუნის ოცდაათ წლებში, როცა ოსმალეთიდან რუსის გამარჯვებულ ჯარს უკან გამოჰყვა დიდძალი სომხობა. ამასთანავე გაჭირებულ მდგომარეობაში მყოფი ბერძნებიც თან დაედევნა ჯარს

22 გ. მანჯალაძე, დასახ. ნაშრომი, გვ. 116—126.

23 Народы мира, II, გვ. 424-425.

და მოადგა საქართველოს. ბერძნებმა დასაბინავებლად აირჩიეს წალკა ბორჩალოს მაზრაში, სადაც ოცდაოთხი სოფელი დაიჭირეს, ერთიც ტფილისის მაზრაში. მცირედი ნაწილი ბერძნებისა დამკვიდრდა აგრეთვე ახალქალაქის მაზრაში და ერევნის გუბერნიაში, სადაც სულ ორი სოფელია ბერძნებით დასახლებული²⁴. ტფილისში დაბინავებული ბერძნები 388 სულია, — მიუთითებს იქვე ავტორი. მისივე თქმით, ბერძნები მისდევენ ხენა-თესვას, მესაქონლეობას და ქვის თლას. „სარწმუნოებით მართლმადიდებლები არიან, მაგრამ სამშობლო ენა სრულიად დავიწყებული აქვთ. მხოლოდ მცირეოდენმა იცოდა ბერძნული, დანარჩენები კი ოსმალურად ლაპარაკობენ-ო“, — აღნიშნავს ალ. ყიფშიძე.

თბილისის აღწერილობათა დავთრებში ბერძნები 1809 წელს 15 სულის რაოდენობით არიან ფიქსირებული. 1864 წ. მათი რიცხვი 119 აღწევს. 1876 წ. 417 სულია, 1879 წელს — 1238, 1922 წ. — 1257; 1926 წ. — 1402; 1930 წ. — 1411; 1939 წ. — 3207; 1959 წ. — 7054, ხოლო 1970 წ. — 10. 696 სული.

ქურთები ამიერკავკასიაში ჩნდებიან XIX ს-ის პირველ ათეულში, 1853 — 1856 წლებში²⁵. ამ დროს რუსეთს შეუერთდა ყარაბახის სახანო, სადაც ქურთები მომთაბარებდნენ. XIX ს-ის დასაწყისში ქურთების რაოდენობა სომხეთში 10 733 სულს აღწევდა, საუკუნის დასასრულისათვის კი 36 136 სულს.

საქართველოში და კერძოდ თბილისში ქურთების არსებობა მინიშნებულია XIX საუკუნეშიც („Известная часть курдов проживала в Тбилисской области и Кутаисской губернии“²⁶).

ქურთთა დიდი ტალღა საქართველოში შემოიჭრა პირველი მსოფლიო ომის შემდეგ წლებში. კერძოდ, როცა ლტოლვილები გამოიქცნენ ოსმალეთიდან სომხებისა და ქურთების ხოცვა-ჟლეტისაგან თავის დაღწევის მიზნით.

1922 წლის აღწერილობაში ქურთები თბილისში არ ჩანან. შეიძლება იმით, რომ ისინი ჯერ კიდევ დამკვიდრებულნი არ იყვნენ და არ ითვლებოდნენ ადგილობრივ მოსახლეობად. ანდა, ისინი შეტანილი არიან გრაფაში — სხვა ეროვნებაში. 1926 წლის აღწერილობით ქურთი მოსახლეობა უკვე ცალკე გამოყოფილი. ფიქსირებულია 458 ქურთი, 2044 იეზიდი, 1929 წლის აღწერილობით ქურთი — 614, იეზიდი — 1565, 1939 წლის აღწერით — ქურთი და იეზიდი ერთ გრაფაშია შეტანილი და მათი რიცხვი 4511 სულს აღწევს. 1959 წ. 12 935 სულია, ხოლო 1970 წელს — 18 409.

ქურთი მოსახლეობის რიცხვის ზრდა, ერთი მხრივ, გამოწვეულია შობადობის დიდი მაჩვენებლით, ხოლო, მეორე მხრივ, სომხეთში მოსახლე ქურთების დიდი რაოდენობით თბილისში ჩამოსახლებით (ეს პროცესი დღემდე გრძელდება).

ეთნოგრაფიული მასალა, რომელიც თბილისში შეგვრჩებთ ქურთ, ბერძენ და აზერბაიჯანელ მოსახლეობას შეეხება.

საერთოდ ცნობილია, რომ კომპაქტურად დასახლებული ერთი ეთნოსის ადამიანთა ჯგუფი დიდხანს ინარჩუნებს მისთვის დამახასიათებელ კულტურის ელემენტებს. უცხო გარემოში პირველ რიგში იგი განიცდის ადგილობრივი

²⁴ ალ. ყიფშიძე, დასახ. ნაშრომი, გვ. 5—6.

²⁵ Народы мира, II, გვ. 602.

²⁶ Х. И. Чатоев, Курды советской Армении, Ереван, 1965, გვ. 12.

2. „მაცნე“, ისტორიის სერია, 1988, № 2

მატერიალური კულტურის ელემენტების გავლენას, ექვემდებარება ახალ გარემოს და თავის ყოფას თანდათანობით ამის შესაბამისად გარდაქმნის. ქალაქის პირობებში ეს გამოიხატება პირველ რიგში ჩაცმულობის, კვების, საცხოვრებლისა და მისი შიდა მოწყობილობის ცვალებადობაში. ყველაზე ხანგრძლივად რჩება ენა, რელიგიური კულტი, წეს-ჩვეულებები.

თბილისის ძველ უბნებში ეთნიკურად ჭრელი მოსახლეობა იყო. ამაზე თვალსაჩინოდ მიუთითებს თუნდაც ის გარემოება, რომ შაითან ბაზრის მიდამოებში, ხარფუსა და მეტეხის უბანში წარმოდგენილია სხვადასხვა ეროვნების ხალხთა საკულტო სამლოცველოები. კერძოდ შაითან-ბაზართან არის სომხური ეკლესია — სურბგეურჯი, სინაგოგა, ორი მეჩეთი, სიონი (ქართული ეკლესია)) ბერძნული ეკლესია. მტკვარ-გალმა ავლაბარში მეტეხი — (ქართ.) და სომხური საყდრები — სურბკარაპეტი, ეჩმიადინი, სურბმინასი; კარმირ ავეტარანი (წითელი ავეტარანი), სურბსარქისი, ასტვაწაწინი (ღვთისმშობელი). ასეთ გარემოში, ბუნებრივია, სხვადასხვა ეთნოსის ხალხთა ურთიერთგავლენა ძლიერად და ყოფის გარკვეულ სფეროებში მათ შორის ზღვარი თითქმის წაშლილია.

აქ არაფერს ვიტყვით საცხოვრებელ ნაგებობაზე. ვინაიდან თბილისში ამა თუ იმ ეთნოსისათვის დამახასიათებელ რაიმე ნიშნებს ამ მხრივ ვერ ვაღწევთ. საცხოვრებლის ინტერიერი, დგამი და საერთოდ შიდამოწყობილობა განსხვავდებოდა მხოლოდ მაცხოვრებლის სოციალ-ეკონომიკური მდგომარეობისა და გემოვნების მიხედვით.

გამონაკლისის სახით შეიძლება აღინიშნოს გერმანელთა მიერ აგებული სახლები, რომლებიც ძირითადად გერმანული არქიტექტურის ეროვნული მოტივების გათვალისწინებით იყო აგებული.

რაც შეეხება ჩაცმულობას, შემორჩენილი ცნობების მიხედვით, გერმანელი კოლონისტები გასული საუკუნის 80-იან წლებამდე ატარებდნენ „ტიპიურ შვებურ კოსტუმს — ლურჯ ქურთუკს, რომელზედაც ორ მწკრივად იყო დაკრებული თეთრი ძვლის ღილები, მის შიგნით იცვამდნენ ფართო და გრძელ ქილეტს და ატარებდნენ ფართო და მოკლე შარავლებს. ქუდეები გამოირჩეოდა დიდი კოკარდით, მამაკაცები ძირითადად ხმარობდნენ ჩექმებს, ხოლო ქალები შალის წინდებსა და უხეშ ტყავის ფეხსაცმელებს. ქალებს ეცვათ მუქი ფერის გამოყვანილი გრძელი კაბები და ატარებდნენ იმავე ფერის წინაფრებს. თავს იკრავდნენ შავი ან ფერადი აბრეშუმის თავსაფრით²⁷.

80-იანი წლებიდან ნაციონალური შვებური ტანსაცმელი თანდათან გაქრა და კოლონისტები იცვამდნენ იმდროინდელ ქალაქებში გავრცელებულ ევროპულ სამუშაო და სადღესასწაულო კოსტუმს²⁸.

ჩაცმულობის მხრივ ქართველი და სომეხი მოქალაქეების ტანსაცმელი ერთმანეთისაგან არ განსხვავდებოდა. სხვაობა თავს იჩენდა როგორც პროფესიის, ისე წოდებრივი ნიშნის მიხედვით XIX და XX ს-ის 20-იან წლებამდე (თავად-აზნაურობას და ვაჭარ-ხელოსანთა კოსტუმები, ყარაჩოღელთა და კინტოების ჩაცმულობა და ა. შ.). ადგილობრივ, ნაციონალურ კოსტუმს ჯერ თანდათან შეეპარა ევროპიდან შემოტანილი მოდის გავლენა, შემდეგ კი თანდათან ამოავდო ნაციონალური ჩასაცმელი ხმარებიდან.

27 გ. მანჯგალაძე, დასახ. ნაშრომი, გვ. 139.

28 იქვე.

თბილისში მოსახლე სხვადასხვა ხალხთა კოსტუმებიდან, ყველაზე ხანგრძლივად ქალაქის პირობებში თავი შემოინახა ქურთი ქალის ჩაცმულობამ.

ქურთების ყოფაში, როგორც ამას ეთნოგრაფიული მასალა იუწყება, პირველ რიგში მამაკაცის ჩაცმულობა შეიცვალა. იგი სწრაფად შეეგუა ადგილობრივს, ქალაქურსა და ნაციონალური ელემენტებიდან მასში არაფერი დარჩა.

განსხვავებით მამაკაცის კოსტუმისაგან, ქალის კოსტუმი უფრო სიცოცხლისუნარიანი აღმოჩნდა. მოხუცებულ ქურთ ქალებს დღევანდლამდე აცვიათ მამა-პაპური სამოსი, თუმცა გარკვეულად სახეცვლილი. ძველი ქურთული კოსტუმის ბევრი ელემენტი დაკარგულია (თავსამკაული „კოფი“, შარვალი, შემკულობის ელემენტები, ცხვირზე — ყარამთილი, ფეხზე — ხზეგ, სარტყელი და ა. შ.). მაგრამ გვიანობამდე შემონახული ჩაცმულობის იერი მაინც ქურთულია. 60—70-იან წლებამდე ქალები ამ კოსტუმებს იცვამდნენ ქორწილებსა და სხვა სახალხო დღესასწაულების დროს. მაგრამ ქურთული ჩაცმულობის გაქრობა გარდაუვალი იყო ცივილიზებული ქალაქის პირობებში. მთხრობელთავე თქმით, ქურთულ ჩაცმულობას ქალაქში პრაქტიკული გამართლება არ ჰქონდა მარტო იმიტომ კი არა, რომ იგი არ ეხამება გარემოს, რომ ახალგაზრდებს არ სურს სხვებისაგან გამოირჩეოდნენ, არამედ იმიტომაც, რომ, კოსტუმი, რომელიც ქურთთა თავდაპირველი ქვეყნის კლიმატურ-გეოგრაფიულ პირობებს, მომთაბარეობის მოთხოვნილებას პასუხობდა, ქალაქისათვის სრულიად გამოუსადეგარი აღმოჩნდა. საერთო გარემოს ზეგავლენით ისე შეიცვალა მისი თითქმის ყოველი ელემენტი, რომ იერის გარდა მასში ტრადიციული აღარაფერი დარჩა, ბოლოს კი სრულიად გაქრა.

ყველაზე ძლიერად და სწრაფად ურთიერთგავლენა სხვადასხვა ეთნოსის ხალხთა შორის იგრძნობა კვების მხრივ. მაგალითად, ქურთების საკვები ძირითადად მარცვლეულზე დამზადებული კერძები იყო, მოხალული და მოხარშული „ლაფში“, ცხვრის ხორცი, სასმელად შარბათი და ტკბილი. ყველაფერი ეს ყოფაში შემორჩა. მაგრამ ქურთის სუფრას შეემატა მეზობლებისაგან ათვისებული, როგორც ქართული, ისე სხვა ხალხთა კერძები, ევროპული საჭმელები. დღევანდელ სადღესასწაულო სუფრას ქურთებში, ვერ გავარჩევთ რიგითი თბილისელის სუფრისაგან.

საყურადღებოა, რომ თბილისის ძველ მოსახლეობაში ავლაბარში, სადაც ძირითადად სომხები ცხოვრობენ, ნაკლებად შეაღწია დასავლურმა ნიგვზიანმა საჭმელმა.

მათი ტრადიციული კერძებია: ტოლმა, ქუფთა, ფლავი, შემწვარი, მწვადი, თევზეული, ჩადებული მუჭუჭი. როგორც მთხრობლები გადმოგვცემენ, „საცივი და ტყემალი არ იცოდნენ“, არც ნიგვზით შეზავებული ფხალეული.

პროლექტთა ერთგვარობა, საერთო სახლებში მეზობლური ურთიერთობა, შერეული ქორწინება, ის ფაქტორებია, რომლებიც განაპირობებს თითოეული ეთნოსის წარმომადგენელთა სამზარეულოს შეცვლა-გამდიდრებას.

სხვადასხვა ეროვნების ხალხთა კულტურულ სიახლოვეს, მათ ურთიერთშერწყმას და ასიმილაციას ხელს უწყობს შერეული ქორწინება, რომელიც ფუნქციონირებული იყო თბილისის მოსახლეობაში.

როგორც აღვნიშნეთ, არა ქართველებიდან ყველაზე მრავალრიცხოვანი და ძველი მოსახლეობა თბილისში სომხებია იყვნენ. ისინი კომპაქტურად ძველ ისანში (ავლაბარში) ცხოვრობდნენ. ზემოთ მოვიტანეთ ცნობები იმის შესახებ,

თუ როგორი მტკიცე კონტაქტი არსებობდა სომხებსა და ქართველებს შორის ძველთაგანვე, რომ გასომხებული ქართველები და გაქართველებული სომხები საერთო ინტერესებით ცხოვრობდნენ. ქართველებსა და სომხებს შორის ქორწინება ჩვეულებრივი ამბავი იყო. თუმცა ქართველებიც და სომხებიც ამკობინებდნენ თავიანთი ეროვნების წარმომადგენელზე დაქორწინებას. საერთოდ თუ რელიგიური ფაქტორი არ ეღობებოდა წინ, ერთი სარწმუნოების მქონე ხალხს შორის დაქორწინება დიდ წინააღმდეგობას არ ხედებოდა.

ავღაბარელ არევაჰატ ხაჩატურის ასულ. ნურაჯიანის (79 წლის) თქმით, ავღაბარში სომხები ცხოვრობდნენ და სარძლო სხვაგან არ იყო საძებარა. თვითონ მისი ბებია ქართველი იყო, მამა სომეხი. მისი ექვსი ვაჟი სომხებზე არიან დაქორწინებული. შვილიშვილს რუსის ქალი ჰყავს ცოლად.

ავღაბარშივე შცხოვრებ ვარსენიკ მიხეილის ასულ პოდოსოვს (90 წლ.), რომელიც გორის რაიონის სოფ. ახრისიდან არის, გვარად ვატიაშვილი, დედა სომეხი ჰყავდა. თვითონაც სომეხზე გათხოვდა. მისი ერთი ძმა გასომხდა, გვარი ვატიანად გადაიკეთა და სომეხი ქალი შეირთო. მეორე ძმა ვატიაშვილად ეწერებოდა. მისმა შვილებმა სომხები შეირთეს და გასომხდნენ, ქალიშვილებიც სომხებზე გათხოვდნენ.

ხშირი იყო ქორწინება ბერძნებსა და ქართველებს, ბერძნებსა და სომხებს შორის. მაგალითად, ხარფუხში მცხოვრებ ბერძენ მიხეილ ესტატეს ძე სიდოროპულოს (78 წ.) მეუღლე ქართველია. მისი დები გარდა ორისა, ბერძნებზე არიან გათხოვილი, ორი დიდან კი ერთი სომეხზე, ხოლო მეორე თათარზე.

მაჰმადიანთა და ქრისტიანთა, იეზიდთა და ებრაელთათვის დღემდე სასურველი არ არის ერთმანეთთან დამოყვრება. ამ მხრივ განსაკუთრებით გამოირჩევიან ქურთები, რომელთაც შეძლეს ქალაქის პირობებში საკუთარი ეთნიკური სახის შედარებით სრულყოფილად დაცვა.

ქურთი მთხრობელის თქმით, სხვა ეროვნებაზე რომ გათხოვდეს ქურთი ქალი, მის დებს სახელი უტყდებოდა და აღარავინ ირთავს. შედარებით მეტი შექთხვევებია ვაჟების დაქორწინებისა არაქურთებზე, მაგრამ დიდი წინააღმდეგობის გადალახვის შედეგად. არც ტრადიციულ ქორწილს უმართავენ („ეგლა მაკლია რუსი ქალი მოიყვანოს და მე იმას ფულები ვაძლი-ო“). არაქურთზე დაქორწინების ფაქტები ბოლო დროის ამბავია. ისინი თავიანთ ერთობას ამტკიცებდნენ, ეროვნულ სახეს ინარჩუნებდნენ მხოლოდ ერთმანეთზე დაქორწინებითაც.

ქალაქის პირობებში ერთ უბანში მეზობლად ცხოვრება, სასწავლებელში თუ სამუშაო ადგილზე ურთიერთ კონტაქტი ის ძალა იყო, რომელიც ტრადიციული ჩარჩოების გადალახვას უწყობდა ხელს და სხვადასხვა ეთნოსის ახალგაზრდებს ოჯახის შექმნისაკენ უბიძგებდა.

თქმა იმისა, რომ ეს ბარიერი დღევანდელ დღეს მოშლილია, არ შეიძლება, ვინაიდან სწრაფვა ეთნიკური ერთობის, განსაკუთრებით გამოიკვეთა ბოლო წლების მანძილზე.

სხვადასხვა ხალხთა კულტურულ ურთიერთობას გარკვეულად განაპირობებს ახალგაზრდობის ერთად სწავლის ფაქტორი. მოსახლეობაში შეკრებილმა მასალამ აჩვენა, რომ თბილისელი ახალგაზრდობა სწავლობდა და სწავლობს ან თავიანთ ნაციონალურ სკოლებში (ქართული, რუსული, სომხური, აზერბაიჯანული, ადრე გერმანული), ან რუსულ და ნაკლებად არამშობლიურ ენაზე — ქართულ ან სომხურ სკოლებში.

სასწავლებელში შესვლას განსაზღვრავს, როგორც მშობლების სურვილი, ასე ტერიტორიული სიახლოვე სკოლისა. მაგალითად ორთაჭალაში მცხოვრები ქუთები სომხურ სკოლებში შედიან, ვაკეში მცხოვრებლები — ქართულში. 50-იან წლებამდე უფრო ქართულ სკოლებს ეტანებოდნენ, ამჟამად ორიენტაცია რუსულ ენაზე განათლების მიღებისკენაა.

მიუხედავად იმისა, რომ სომხებს მჭიდრო, კულტურულ-ისტორიული კონტაქტი ჰქონდათ ქართველებთან, ქორწინდებოდნენ ერთმანეთზე, ენობრივად მათ შორის დაბრკოლება არ არსებობდა, — ერთმენეთის ენებს ფლობდნენ და გამოჩენის ტენდენცია ნაკლებ იგრძნობოდა. დღეს ასწავლიან რა თავიანთ შვილებს რუსულ სკოლებში, თანდათან სცილდებიან ქართულ მოსახლეობას.

ამასთან ერთად, ვინაიდან თბილისში ქართული მოსახლეობის რიცხვი გაიზარდა ძირითადად დასავლეთ საქართველოდან ჩამოსულთა ხარჯზე, რომელთაც არა აქვთ სომხებთან თანაცხოვრების ტრადიცია, ყოფის სფეროში თანდათან ემიჯნებიან მათ.

რომ დღეს ორიენტაცია რუსული სკოლებისკენ არის, ამის ნათელი დადასტურებაა თბილისში სომხური სკოლების შემცირება მოსწავლეთა კონტიგენტის სიმცირის გამო.

ის ვინც თბილისში სომხურ ან აზერბაიჯანულ ენებზე იღებს განათლებას, სომხეთისა და აზერბაიჯანის უმაღლეს სასწავლებლებისაკენ მიიწევს იქვე ეწყობა სამუშაოზე, ხშირ შემთხვევაში ოჯახდება და ფაქტურად იქაურ მოქალაქედ იქცევა. რუსულ სკოლა დამთავრებული ახალგაზრდობა კი რუსეთისაკენ ილტვის და მას ეროვნული ძაფები ნაკლებ აკავებს. ეს გარემოება ეხება ქართველ და არაქართველ თბილისელებს.

ხანდაზმული მთხრობლები მომსწრე არიან ქართველებისა და სომხების ერთად სწავლისა, სომხურ ან ქართულ სკოლებში. დღეს ეს ტენდენცია ნაკლებ შეინიშნება. მაგრამ დასტურდება ფაქტები, რომელიც თბილისელ მოქალაქეთა ინტერნაციონალურ ბუნებას ამჟღავნებს, უნდა აღინიშნოს, რომ ძველი თბილისის მცხოვრებნი თავისუფლად ფლობდნენ და ფლობენ რამდენიმე ენას. ქართული, რუსული, სომხური, აზერბაიჯანული, თათქმის უმრავლესობამ იცის. ეს უადვილებს მათ — სხვადასხვა ენაზე განათლების მიიღებას. მაგალითად, აბანოების უბანში მცხოვრებ ქუთთ ხამე რაშოევას 7 შვილი ჰყავს, 4 ვაჟი და სამი ქალი. გოგონები აზერბაიჯანულ სკოლაში სწავლობენ, უფროსი ვაჟი ქართულში, დანარჩენი სამი — სომხურში. მაგრამ ასეთი ფაქტი გამოჩაქვს, პრაქტიკული ინტერესებიდან გამომდინარე, მშობლები, როგორც წესი ცდილობენ შვილები რუსულ სკოლებში აღზარდონ.

ერთ-ერთი არსებითი გარემოება, რაც თბილისში მცხოვრებ სხვადასხვა ეთნოსის წარმომადგენლებს ეროვნულ ნიშანსა და თვითშეგნებას უნარჩუნებს, არის სარწმუნოებრივი ფაქტორი. გასული საუკუნის მასალებისა და ჩვენს დროის მონაცემებით, თბილისელი სომხები, რომლებიც მეტად ახლოს იდგნენ ქართველებთან, რომელთა ენა და დამწერლობა ქართული იყო. სომხურ ეკლესიებში ლოცულობდნენ, სადაც ღვთისმსახურება სომხურ ენაზე მიდიოდა, ჰქონდათ თავიანთი სასაფლაო, ასრულებდნენ ტრადიციულ რელიგიურ წესებს. თავიანთ სარწმუნოებას არ ღალატობდნენ ებრაელები, მაჰმადიანები, ქურთები, ქართველები, რუსები და სხვა ქრისტიანი ხალხები.

ქართველებს, სომხებს, რუსებს, ბერძნებს, გერმანელებს საკუთარი ეკლესიები ჰქონდათ. ებრაელები სინაგოგაში ლოცულობდნენ, აზერბაიჯანელები

მეჩეთში, ქურთები საკუთარ ოჯახებში ასრულებდნენ სათანადო რიტუალებს და ა. შ.

მიუხედავად ამისა, ძველი თბილისელები სალოცავად დადიოდნენ თბილისის საერთო ქართულ ეკლესია-საყდრებში — სიონში, ქაშვეთში, მამადავითზე, თელეთში, წმ. ბარბარეში. ეს სალოცავები საერთო, სათბილისო იყო, თბილისის მკვიდრთა მფარველად მიჩნეული განურჩევლად ეროვნებისა.

თუ პირველ შემთხვევაში ეროვნულ-სარწმუნოებრივი ფაქტორია გადაწყვეტი. როცა ცალკეულ ეთნოსს თავისი საკუთარი საკულტო ობიექტი აქვს, მეორე შემთხვევაში ტერიტორიული პრინციპი მოქმედებს, რასაც ერთვის ღვთაებათა ფუნქციის ნიშანი (მაგ., ბარბარეში სალოცავად ყველა თვალმტკივანი მიდის. გინდ ქართველი იყოს, გინდა სომეხი). ჩვენ საშუალება მოგვეცა 1982 წ. თბილისში მამადავითობას დავსწრებოდით. ეს იყო სხვადასხვა ეროვნების თბილისელთა საერთო დღეობა. თუმცა წირვა-ლოცვა ქართულ ენაზე მიდიოდა, მაგრამ აქ იყვნენ ქართველები, სომეხები, რუსები, ქურთები და სხვ. წარმოუდგენელი ხალხმრავლობა და ეროვნული სიჭრელე იყო. დღესასწაული ინტერნაციონალური ივრით მიმდინარეობდა. ეს გარემოება იმაზედაც მიუთითებს, რომ ეროვნული სხვაობის მიუხედავად თბილისელებს აქვთ საერთო, გასაერთიანებელი ნიშან-თვისებები, ხასიათი და ინტერესები.

ჩვენ აქ არაფერს ვიტყვი, თუ როგორ ელინდება ეს ერთობა სულიერი კულტურის სხვა სფეროებში — მუსიკაში, ზოგად რელიგიურ შეხედულებებში, ხალხურ მედიცინაში და ა. შ.

ხალხში შეკრებილმა მასალამ გამოავლინა მოსახლეობის ინტერესი ეთნიკური ერთობის შენარჩუნებისა, მაგრამ ცხოვრების ხასიათი, პრაქტიკული მახანსწრაფვა, რუსული ენისა და კულტურისაკენ ლტოლვა, ერთგვარად არღვევს ამ ერთიანობის განმსაზღვრელ პირობებს.

თანამედროვე ეტაპზე თბილისში მცხოვრები ეთნიკური ჯგუფები — სომეხები, ქართველები, ქურთები და ა. შ. თავიანთი ეროვნული ხასიათის დაცვის სწრაფვას ამჟღავნებენ. მაგრამ მათი ყოფა თანდათან იცვლება ურთიერთგავლენის წყალობით, ცხოვრების თანამედროვე წესის მიზეზით.

Т. А. ОЧИАУРИ

ЭТНИЧЕСКИЕ ПРОЦЕССЫ В Г. ТБИЛИСИ

Резюме

В статье на основе этнографического материала, а также по данным специальной литературы и источников, изучен вопрос о поселении в Грузии и, в частности, в г. Тбилиси народов разных национальностей. Показан процесс взаимовлияния различных этнических культур, рассмотрены факты как исчезновения отдельных традиционных элементов, так и закономерного обогащения культурного наследия того или иного народа. Внимание уделено вопросам интернационального сосуществования населения города, а также тенденции сохранения национального самосознания.

წარმოადგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის საქართველოს სულიერი კულტურის ეთნოგრაფიული შესწავლის განყოფილებამ

ლევან ურუხაძე

ქართვლთა ეთნიკური წარმომავლობისა და საზოგადოებრივ-პოლიტიკური ურთის ზოგიერთი საკითხი თანამედროვე თურქულ ისტორიოგრაფიაში

თურქეთ-საქართველოს მრავალსაუკუნოვანი ურთიერთობანი ასახულია როგორც ქართულ, ისე თურქულ ისტორიულ წერილობით წყაროებში. ოსმალო შემთავალმწერლებს ამ მხრივ არც თანამედროვე თურქული ისტორიოგრაფია ჩამორჩება. თანამედროვე თურქი ისტორიკოსების ნაშრომები ჩვენთვის საინტერესოა იმ მხრივაც, რომ ისინი ფართოდ იყენებენ თურქეთის სიძველეთსაცავებსა და წიგნთსაცავებში დაცულ, ჩვენთვის უცნობ და ხელმიუწვდომელ წყაროებს, რომელთა თანამედროვე თურქულ ენაზე თარგმნით და შესწავლით დიდ სამსახურს უწევენ ქართველ მკვლევარ-ისტორიკოსებს. თურქი ისტორიკოსების გამოკვლევებში არცთუ იშვიათად ვხვდებით საინტერესო მოსაზრებებს ორი ქვეყნის ურთიერთობათა ისტორიის პრობლემატურ საკითხებზე, მაგრამ, ისიც უნდა აღინიშნოს, რომ, სამწუხაროდ, თურქი სწავლულები ზოგჯერ ტენდენციურად მაკერძობებით განიხილავენ საქართველოს წარსულის მოვლენებს, იძლევიან წერილობითი ისტორიული ძეგლების მონაცემების არასწორ ინტერპრეტაციას. მათ შრომებში ვხვდებით ისტორიზმის პრინციპების უხეში დარღვევის შემთხვევებსაც.

იმ საკითხთა შორის, რომლებიც განხილულია XX საუკუნის თურქულ ისტორიოგრაფიულ ნაშრომებში, აღსანიშნავია ქართველთა ეთნიკური წარმომავლობისა და საზოგადოებრივ-პოლიტიკური ყოფის საკითხი. სწორედ მის ირგვლივ დაშვებული შეცდომების გამოშეუერებასა და განხილვას ეძღვნება წინამდებარე ნაშრომი. კერძოდ, ჩვენი კვლევის საგანია წამყვანი თურქი ისტორიკოსების ფაპრედდინ ქირზიოღლუს, არინ ენგინის, ისმაილ ბერკოკის, შამსედდინ გიუნალთაის და ჯ. გოქჩეს ზოგიერთი თხზულება.

დასახელებულ ავტორთა შორის შესასწავლ საკითხს განსაკუთრებით ინტენსიურად იკვლევს ფაპრედდინ ქირზიოღლუ¹. საისტორიო ძეგლების ცნობათა არასწორი ინტერპრეტაციის საფუძველზე მის გამოკვლევებში გამოთქმულია რიგი ტენდენციური, მეცნიერულად მიუღებელი მოსაზრება. საერთოდ, ამ ავტორის ნაშრომები ცნობილია ჩვენი საისტორიო მეცნიერებისათვის, მა-

¹ F. Kırzioğlu, Kars tarihi, İstanbul, 1953; მისივე. Her bakımdan Türk olan Kürtler, Ankara, 1964; მისივე. Lazlar || Çanarlar, VI Türk Tarih kongresi—1970, Ankara, 1972, გვ. 420—445; მისივე. Osmanlıların Kafkas—Ellerini fethi (1451—1590). Ankara, 1976; მისივე, Dağıstan—Aras—Dicle—Altay ve Türkistan Türk Boylarından Kürtler, Ankara, 1984.

თი მონაცემები განხილულია ნ. შენგელიას, ც. აბულაძის, მ. სვანიძის, თ. ბერაძის და სხვათა გამოკვლევებში².

როგორც ირკვევა, ფ. ქიზიოდლუ ქართული წყაროებიდან იცნობს და იყენებს მხოლოდ და მხოლოდ მარი ბროსესეულ ფრანგულ თარგმანებს³ (დაახლოებით იგივე შეიძლება ითქვას მთლიანად, თანამედროვე თურქულ ისტორიოგრაფიაზე). ოსმალური წყაროებიდან ავტორი ამ და სხვა შემთხვევებში უხვად იყენებს «Kivami»-ს ქრონიკისა და «Mühimme»-ს დავთრის⁴ მონაცემებს. «დედე ქორქუთის» ეპოსს, ოსმალთა ჟამთააღმწერელთა ცალკეულ ისტორიულ თხზულებებს.

თურქი ავტორი აღნიშნავს, რომ 1267 წლიდან სამცხე-საათაბაგოს განაგებდა ჩალათურ-ციხაღლური მოდემის თურქული ტომის ჩამომავალი „ათაბაგების“ დინასტია. იგივეს ამბობს იგი სამცხის მთელ მოსახლეობაზე⁵.

ამ საკითხთან დაკავშირებით უნდა აღინიშნოს შემდეგი: „სერაპიონ ზარზმელის ცხოვრების“⁶ მიხედვით, სამცხის დიდი მთავრის გიორგი ჩორჩანელის გარდაცვალების შემდეგ, მისი ანდერძისამებრ, სამცხე გადავიდა მისი დის, ლატავრას და ამ უკანასკნელის მეუღლის, — მეორე დიდი ფეოდალის, „მთავრად“ წოდებულის მირიანის (ე. წ. ბაჰლანდიანთა, ბაჰლანდების ქართული ფეოდალური საგვარეულოს ერთ-ერთი უკანასკნელი წარმომადგენელი) ძეთა ხელთ. ეს მოხდა ქართველ ისტორიკოსთა ერთი ნაწილის (ივ. ჯავახიშვილი, ე. თაყაიშვილი, ნ. ვაჩნაძე და სხვ.) ვარაუდით IX ასწლეულში⁷, ხოლო, მეორე ნაწილის (პ. ინგოროყვა, ა. ბოგვერაძე და სხვ.) აზრით, — VIII საუკუნეში⁸. რაც შეეხება ჩორჩანელთა გვარს, იგი გეოგრაფიულ ერთეულს,

² ნ. შენგელია, ე. ჩეჩელაშვილი, თურქი ისტორიკოსის ფაჰრ ად-დინ ქირზაოღლუს „ყარის ისტორია“, — მაცნე, ისტორიის სერია, თბ., 1976, № I; ც. აბულაძე, თურქული წყაროები სამცხე-საათაბაგოს XVI საუკუნის I მეთხედის ისტორიისათვის, თბ., 1963; Т. Берадзе, Мореходство и морская торговля в Грузии, автореферат докт. диссертации, Тб., 1986.

³ Chronique georgienne, traduite par M. Brosset, Paris, 1831.

⁴ „იკვამი“ გამოცემულია, თუმცა იგი ხელმეფედომელია ქართველ მკვლევართათვის (იხ. Kivami: Fetihname-i Sultan Mehmed. Hazirliyan F. Babinger, Istanbul, 1955). „მუჰიმე დავთარი“ მნიშვნელოვანი ბრძანებების წიგნია. მასში თავმოყრილია სულთანის მიერ გაცემული ყველა საყურადღებო სიგელი, რომელიც არც პეტციას შეიცავს და არც ფისკალურ საქმეებს, ამ დავთრის შედგენა დაუწყებია 1553 წელს და შეუწყვეტიათ 1669 წელს. არსებობს 263 დავთარი, რომელშიც შესულია 2000. 000-მდე სასულთნო სიგელი (იხ.: ც. აბულაძე, ოსმალური სიგელები იერუსალიმისა და სინას ქართული კოლონიის ისტორიისათვის, — მაცნე, ისტორიის სერია, 1987, № I).

⁵ F. Kirzioğlu, Osmanlıların Kafkas—Ellerini fethi, გვ. 85—88.

⁶ ცხოვრება და მოქალაქეობა ღმერთ-შემოსილისა ნეტარისა მამისა ჩუენისაჲ სერაპიონისი. — ძველი ქართული ავთოგრაფიული ლიტერატურის ძეგლები, წიგნი I. თბ., 1964, გვ. 339.

⁷ ივ. ჯავახიშვილი, ქართველი ერის ისტორია, თხზულებანი თორმეტ ტომად, ტ. II, თბ., 1983, გვ. 311; ნ. ვაჩნაძე, სერაპიონ ზარზმელის ცხოვრება როგორც საისტორიო წყარო, თბ., 1975, გვ. 27—30.

⁸ ა. ბოგვერაძე, ისევ „სერაპიონ ზარზმელის ცხოვრების“ თარიღის გამო. — კრ.: საქართველოს ფეოდალური ხანის ისტორიის საკითხები, V, თბ., 1986, გვ. 45—55.

⁹ ნ. შოშიაშვილი, ჩორჩანელები, — ქართული საბჭოთა ენციკლოპედია, ტ. XI, 1987, გვ. 149.

ჩორჩანს უკავშირდება⁹. გიორგის სიძე მირიანი იყო ძე ბეშქენ ბაჰლანდისა, რომელიც, თავის მხრივ, გახლდათ ვაჟი იოანესი¹⁰.

მირიანის ვაჟებმა — სულამ, ბეშქენმა და ლაკლაკმა დასაბამი მისცეს ახალ საგვარეულოებს: სულამ ახალ ჩორჩანელთა შტოს, ბეშქენმა — ჯაყელებს, ლაკლაკმა კი ლაკლაკთა გვარს¹¹, რომელიც დაკავშირებული უნდა იყოს გეოგრაფიულ პუნქტ-ლაკლაკეთთან (ამჟამად შუაზღვის რაიონი). ამდენად, ჩორჩანელთა და ბაჰლანდისათა ძველი ქართული გვარებიდან წარმოსდგა XI საუკუნეში ჯაყელების შტო, რომელიც XIV—XVI საუკუნეებში სამცხე-საათაბაგოს განაგებდა. მკვლევართა აზრით, ამ გვარს საფუძვლად დაედო სამხრეთ საქართველოში მდებარე ჯაყის ციხე-სიმაგრის (ამჟამად თურქეთის ტერიტორიაზე) სახელწოდება¹². სამცხის ხსენებულ დიდებულთა შესახებ ქართული ისტორიული წყაროების მონაცემების სისწორე ვაზიარებულია თანამედროვე ქართულ ისტორიოგრაფიაშიც. ჯაყელთა საგვარეულოს წარმომავლობის გარკვევის ცდა მოცემულია აგრეთვე იაპონელი ქართველოლოგის სეიჩი კიტაგავას გამოკვლევებში, რომლებშიც ავტორი იზიარებს ქართულ საბჭოთა ისტორიოგრაფიაში გამოთქმულ ხსენებულ მოსაზრებას¹³.

რაც შეეხება ყიფჩალებს, მათი პირვანდელი საცხოვრებელი მდ. ვოლვის აღმოსავლეთ სანაპირო ზოლი იყო. შავიზღვისპირეთში ისინი მხოლოდ XI საუკუნეში აღმოჩნდნენ. ამავე საუკუნის დამლევდიან ამ ტომებში დაშლა იწყო პირველყოფილმა თემურმა წყობილებამ, თუმცა, გვაროვნული წყობის გადმონაშთები მათში ამის შემდეგაც კარგა ხანს იყო შენარჩუნებული¹⁴. ისინი გამოირჩეოდნენ სიმამაცითა და ბრძოლისუნარიანობით, რამაც განაპირობა საქართველოში მათი ჩამოსახლება XII საუკუნის დამდეგს (1118—1119 წწ.) და ეს, როგორც ცნობილია, დავით IV აღმაშენებლის სახელს უკავშირდება¹⁵. ამრიგად, ზემოთქმულიდან გამომდინარე, ეჭვგარეშეა, რომ ამ თურქულენოვან ტომსა და სამცხის ათაბაგებს — ჯაყელებს შორის არ შეიძლებოდა ყოფილიყო რაიმე ნათესაური (ეთნიკური) კავშირი. მით უმეტეს, რომ ჩვენს ტერატორიაზე ყიფჩაღთა კვალი არ შემორჩენილა არც ისტორიულ წყაროებსა და არც ტოპონიმიაში¹⁶. ეს გარკვეულწილად განაპირობა ყიფჩაღთა სწრაფი გაქართველების პროცესმა¹⁷.

¹⁰ ცხოვრება და მოქალაქეობა... სერაპიონისი, გვ. 339.

¹¹ ქ. შარაშიძე, სამხრეთ საქართველოს ისტორიის მახალები, თბ., 1961; დ. კლდიაშვილი, ჯაყელთა ფეოდალური საგვარეულოს ისტორიისათვის, — საქართველოს სსრ მეცნიერებათა აკადემიის მოამბე, 1980, ტ. 98, № 2.

¹² ს. ჯიქია, გურჯისტანის ვილაიეთის დიდი დავთარი, ტ. III, თბ., 1958.

¹³ ნ. გაბაშვილი, საქართველოს ისტორიის საკითხები იაპონელი მეცნიერის სეიჩი კიტაგავას შრომებში. — მნათობი, 1987, № 6; S. Kitagawa, The Il-khanids 'Rule oder South-western Georgia the Establishment of Samtskhe-Saatabago, Shi — NO, 1977, № 7.

¹⁴ С. А. Плетнева, Печенеги, тюрки и половцы в южнорусских степях. — Материалы и исследования по археологии СССР, 1958, вып. 62.

¹⁵ ქ. ჩხატარაიშვილი, უცხოელები XII ს. საქართველოს ლაშქარში, — კრ.: საქართველო რუსთაველის ხანაში, თბ., 1966, გვ. 167.

¹⁶ იქვე, გვ. 167.

¹⁷ მათი უმეტესობა ჩაასახლეს სომხეთში (იხ: С. Еремян, Агарцинская надпись 1184 г. — Исследования по истории культуры народов Востока, 1960, гв. 183).

ფ. ქირზიოლლუ აფხაზეთის გამგებელთა, შერვაშიძეების საგვარეულოს თურქი შედადიანების ჩამომავლად აცხადებს¹⁸. ცნობილია, რომ შერვაშიძეები, კერძოდ, ცხუმის ერისთავი ოთალო შერვაშიძე ქართულ წერილობით წყაროებში პირველად მოიხსენიება XIII საუკუნეში, — „ისტორიანი და აზმანი“ მას თამარის დროინდელ ერთ-ერთ დიდ ფეოდალად მოიხსენიებს¹⁹. ქამთალმწერლის „ასწლოვან მატიანეში“ ვხვდებით აფხაზთა მხედართმთავარს დარდინ შარვაშიძის ძეს²⁰. გადმოცემის თანახმად, ეს გვარი შირვანშაჰებისაგან იღებს სათავეს, მაგრამ ეს ლეგენდა არ უნდა შეესაბამებოდეს ქეშმარიტებას. აფხაზეთში შარვაშიძის შესატყვისა ჩაჩბა, აქ გავრცელებული გადმოცემა გვაუწყებს, რომ შარვაშიძეებამდე აფხაზეთს მართავდნენ აჩბები (დღევანდელი ანჩაბაძე)²¹. საფიქრებელია, რომ, შირვანშაჰთან ნათესაობის ვერსიას ეყრდნობა, მაგრამ საკუთარი საჭიროებისამებრ ასხვაფერებს მას ფ. ქირზიოლლუ. შედადიანები, რომლებსაც ავტორი შირვანშაჰების ნაცვლად ასახელებს. არიან არა თურქული, არამედ ქრთული მოდგმისანი. ეს დინასტია არსებობდა 951—1199 წლებში არანსა და სომხეთში²². ფ. ქირზიოლლუ საერთოდ ქურთებს თურქებად მიიჩნევს, რაც უფრო მიზანდასახულ პოლიტიკურ ხასიათს ატარებს, ვიდრე მეცნიერულს. ქურთებისა და მათი წარმომავლობის შესახებ არსებული გამოკვლევების მონაცემები ნათელყოფს თურქი სწავლულის მოსაზრების სრულ უსაფუძვლობას.

იგივე ავტორი ოდითგანვე თურქულ ტერიტორიად აცხადებს არტაანს და თან დასძენს, რომ ქართველები უმართებულოდ და ბრმად აცხადებენ პრეტენზიას ამ ოლქზე²⁴.

არტაანი ლეონტი მროველის თხზულებაში ქაჯთა ქალაქის სახელწოდებითაც იხსენიება. გვხვდება მესამე სახელიც — ჰური. იმავე ავტორის ცნობით ფარნასაზ I-ის მიერ ძვ. წ. III საუკუნეში შექმნილი წუნდის საერისთავო კოლ-არტაანისა და ჯავახეთისაგან შედგებოდა²⁵. ახ. წ. V საუკუნეში აქ კათედრა დააარსა ვახტანგ გორგასალმა. მომდევნო საუკუნეებში არტაანი საერისთავოს წარმოადგენდა. XII ს.-დან კი იგი სამცხე-საათაბაგოს შემადგენლობაში შევიდა²⁶. თურქებმა ეს მხარე მიიტაცეს 1551 წლისათვის²⁷.

იგივე ავტორი აღნიშნავს, რომ ძვ. წ. 665 წლის ლაშქრობის შემდეგ სკვითები ამიერკავკასიის რიგ ოლქში დარჩნენ (ავტორი სპარსულენოვან სკვი-

¹⁸ F. Kirzioğlu, Osmanlıların Kafkas-Ellerini fethi, გვ. 3.

¹⁹ ისტორიანი და აზმანი. ქართლის ცხოვრება, ტ. II, თბ., 1959, გვ. 33—34.

²⁰ ქამთალმწერლი. ასწლოვანი მატიანე, ტექსტი გამოსაცემად მოამზადა, გამოკვლევა, შენიშვნები და ლექსიკონი დავითო რ. კიკნაძემ, თბ., 1987, გვ. 75, 77.

²¹ З. В. Анчабадзе. Из истории средневековой Абхазии, Сухуми, 1959.

²² შედადიანები. — ქართული საბჭოთა ენციკლოპედია, ტ. 10, თბ., 1985, გვ. 699.

²³ ა. მენთეშაშვილი. ახლო აღმოსავლეთის ქურთების ისტორიის საკითხები, თბ., 1978, გვ. 7—9; ქურთები, — ქართული საბჭოთა ენციკლოპედია, ტ. 10, გვ. 575—576.

²⁴ F. Kirzioğlu, Kars tarihi, Istanbul, 1953, გვ. 111.

²⁵ ლეონტი მროველი. ცხოვრება მეფეთა, — ქართლის ცხოვრება, ტ. I, 1955 გვ. 10.

²⁶ მ. ლორთქიფანიძე. საქართველოს საგარეო და შინაპოლიტიკური ვითარება XII-ს II მეთოხედლიან 80-იანი წლების დასაწყისამდე. — საქართველოს ისტორიის ნარკვევა, ტ. III, თბ., 1979, გვ. 28; ბ. ლომიძე. მონღოლებთან დაზავება, იქვე, გვ. 550, მისივე, სამცხის სამთავრო XIII ს. II ნახევარში, იქვე, გვ. 599.

²⁷ ტ. აბულაძე, თურქული წყაროები სამცხე-საათაბაგოს XVI ს. I მეთოხედის ისტორიისათვის, გვ. 66.

თებს არასწორად თურქული მოდემის ხალხად წარმოგვიდგენს) და ბევრი მათგანის ტოპონიმის ღრმა კვალი დააჩინეს. ფ. ქირზიოღლუ უსაფუძვლოდ უკავშირებს ერთმანეთს „გუგარქს“ (იგივე „გოგარენი“) და სკვითურ ტომებს. ამასთან, ქართულ-ბიზანტიურ-სომხური წერილობითი ისტორიული წყაროების მონაცემების უცოდინარობით მიუთითებს, რომ „გუგარქი“ და „კახეთი“ ერთი და იმავე ოლქის აღმნიშვნელი ტერმინებია²⁸, რითაც კახეთსაც სკვითურ, აქედან გამომდინარე კი, მისი „თეორის“ თანახმად, პროტოთურქულ ელემენტს უნათესავენ. ეს კი, როგორც გეოგრაფიული, ისე საენათმეცნიერო მონაცემების გაყალბებაა. ისტორიული სინამდვილე სრულიად საწინააღმდეგოს ღაღადებს. „გუგარეთი“ (სომხური „გუგარქი“, ბერძნული „გოგარენე“) ქვემო ქართლის აღმნიშვნელი ტერმინია. გოგარენეს სახელწოდებით გუგარეთი მოიხსენიება სტრაბონის თხზულებაში²⁹. პტოლემასი ამ გეოგრაფიულ ერთეულს „ტოსარენეს“ უწოდებს, ხოლო სტეფანე ბიზანტიელი კი „ობარენეს“³⁰.

სტრაბონი ამ მხარეს სომეხთა სამეფოს შემადგენლობაში წარმოგვიდგენს. ვ. სენ-მარტენს მოჰყავს რა ეს ადგილი სტრაბონის „გეოგრაფიისა“, დასძენს, რომ ეს ტერიტორია ოდიოვანვე ქართველობით იყო დასახლებული, მისი მმართველები ქართლის პიტიახშები იყვნენ და სასულიერო ხაზითაც მისი მცხოვრებნი ქართლის პატრიარქს ექვემდებარებოდნენ³¹.

მ. ბროსეს მიხედვით გუგარეთი ქართლის ტერიტორიის ნაწილი იყო³².

ამ საკითხს დ. ბაქრაძე იკვლევდა. მას მიაჩნდა რომ სომეხებმა გარკვეული დროის მანძილზე შეძლეს ქართველთა კუთვნილი გუგარეთის მიმტკიცება. მკვლევარი დასძენს, რომ ეს ოლქი მოიცავდა სამშვილდეს, კლარჯეთს, ხუნანს, ჯავახეთს, არტაანს და თრიალეთს³³.

ძველი სომეხი ავტორების უმრავლესობას ეს ტერიტორია მოსახლეობათურთ ქართულად მიაჩნია. ასე, მაგალითად, მოვსეს ხორენაცის „სომხეთის ისტორიაში“ (ახ. წ. V ს.) მოყვანილია ამ აზრის დამადასტურებელი ფაქტები. ავტორი წერს: „მირიანი, ქართველთა წინამძღოლი და გუგარელთა პიტიახში...“³⁴, „... გუგარელთა პიტიახშმა, აშუშამ მიიწვია მესროპი...“³⁵. აშუშა (არ-შუშა) კი V საუკუნის პირველი ნახევრის ცნობილი ქართველი დიდებული, ქართლის (ქვემო ქართლის) პიტიახში იყო, ვარქსენ პიტიახშის მამა.

სომხეთის ისტორიის დარგის ისეთი ავტორიტეტული სპეციალისტები

²⁸ F. Kirzioğlu, დასახ. ნაშრომი, გვ. 83.

²⁹ თ. ყაუხჩიშვილი, სტრაბონის „გეოგრაფია“, ცნობები საქართველოს შესახებ, თბ., 1957.

³⁰ ნ. ლომოური, კლავდიოს პტოლემასი, „გეოგრაფიული სახელმძღვანელო. „ცნობები საქართველოს შესახებ. — მასალები საქართველოს და კავკასიის ისტორიისათვის, ნაკვ. 32, 1955; ბიზანტიელი მწერლები საქართველოს შესახებ ტ. 3. ბერძნული ტექსტი ქართულ თარგმანთა გამოსცა ს. ყაუხჩიშვილმა, ტფ., 1936, გვ. 289.

³¹ ნ. ჯანაშია, ისტორიულ-წყარომცოდნეობითი ნარკვევები, თბ., 1986, გვ. 56—57.

³² M. Brosset, Kistoire de la Géorgie, I, 1855, გვ. 134-135.

³³ დ. ბაქრაძე, ისტორია საქართველოსი, ტფ., 1889, გვ. 117.

³⁴ მოვსეს ხორენაცის, სომხეთის ისტორია, თარგმან, შესავალი და შენიშვნები დაურთო ა. აბღლაძემ, თბ., 1964, გვ. 184.

³⁵ იქვე, გვ. 231.

როგორც იყვნენ ჰ. ჰიუბშმანი, ნ. აღონცი და ჰ. მანდანიანი, აღიარებენ, რომ გუგარეთი საქართველოს დაუბრუნდა ახ. წ. IV საუკუნეში³⁶.

ამ პრობლემას ყურადღება მიაქცია ივ. ჯავახიშვილმა, რომელმაც დასძინა, რომ, რადგან ახ. წ. I საუკუნეში თეზი და თრიალეთი აღმოსავლეთ საქართველოს შემადგენლობაში მოიხსენიება და ეს ტერიტორიები გუგარეთს ეკუთვნოდა, საფიქრებელია, რომ გუგარეთი ხსენებულ ხანაში გარკვეული ხნით ქართველებმა დაიბრუნეს³⁷.

ნ. ჯანაშია აღნიშნავს, რომ ახ. წ. IV საუკუნის 60-იან წლებში გუგარქას პიტიახში შეძლო თავისი სამფლობელოთი აღმოსავლეთ საქართველოსთან შეერთება, რის საფუძველზეც საპიტიახში დიშალა და მისი უდიდესი ნაწილი (ტაშირისა და კანგარის გამოკლებით) ქართლის შემადგენლობაში შევიდა; შეიქმნა ახალი პოლიტიკურ-ადმინისტრაციული ერთეული, — ქვემო ჭართლის საპიტიახში. ავტორის თვალსაზრისით, სწორედ ამასთან არის დაკავშირებული სახელწოდება „გუგარეთის“ (გუგარქის) მოსაზება³⁸. გუგარეთის შესახებ ზემოხსენებულ მოსაზრებათა სისწორეს ადასტურებს თანამედროვე ქართველ ისტორიკოსთა სხვა ნაშრომებიც³⁹.

თურქი ისტორიკოსი მიუთითებს, რომ ურარტუში მცხოვრები ქართული ტომი, — „ტაოხები“ თურქმენი თექების წინაპრები არიან⁴⁰. ამის შესახებ მცირედი მინიშნებაც კი არ არის ოსმალურ და ქართულ წყაროებში, თანამედროვე თურქულ და ქართულ ისტორიოგრაფიაში. ამ შემთხვევაში ავტორი „დედე ქორქუთის“ ეპოსს იმეორებს⁴¹.

იგივე „დედე ქორქუთის“ ეპოსის დამოწმებით, ლაზებს თურქი სწავლული ჩალათაურ-ყივჩაღური მოდემის ტომად მიიჩნევს⁴². თავის სხვა გამოკვლევაში იგი განსხვავებულ ვერსიას გეთავაზობს და დასძენს, რომ ლაზები წანარული წარმოშობისა არიან⁴³. ეს თვალნათლივ მიუთითებს, რომ თვით მას არ აქვს სათანადოდ გარკვეული, თუ რომელ ეთნიკურ ჯგუფს მიაკუთვნოს ამ კუთხის ხალხი. ლაზების შესახებ ანალოგიურ მოსაზრებას გამოთქვამენ თურქი ისტორიკოსები აფეტ ინანი⁴⁴ და ქ. ქემალი⁴⁵.

ლაზების (ჭანების) ქართული წარმომავლობის დასტურად უპირველეს ყოვლისა, გამოდგება პლინიუსის (ახ. წ. I ს.) თხზულება, სადაც ისინი პირველად იხსენიებიან⁴⁶. არანაკლებ მნიშვნელოვანია ახ. წ. II საუკუნის ავტო-

³⁶ Н. Адонц, Армения в эпоху Юстиниана, СПб., 1908, стр. 225—226.

³⁷ ივ. ჯავახიშვილი, ქართველი ერის ისტორია, წგნ. 1, თბ., 1908, გვ. 47—49.

³⁸ ნ. ჯანაშია, დასახ. ნაშრომი, გვ. 90—91.

³⁹ Д. Л. Мухелишвили, Из исторической географии Восточной Грузии, Тб., 1982, стр. 5—28.

⁴⁰ F. Kirzioğlu, Kars tarihi, გვ. 83.

⁴¹ შდრ., „დედე ქორქუთის წიგნი“, ოლუზურიდან თარგმნეს, წინასიტყვაობა და კომენტარები დაურთეს ე. ჯაველიძემ და გ. შაყულაშვილმა, თბ., 1987. ფ. ქირზიოღლუ ხშირად არასწორ ინტერპრეტაციას გვაძლევს ამ თხზულების მონაცემებისა.

⁴² F. Kirzioğlu, Osmanlıların Kafkas—Ellerini fethi. გვ. 85-86, 233.

⁴³ მისივე, Lazlar//Çanarlar, VII Türk Tarih Kongresi—1970. Ankara, 1972, გვ. 421—445.

⁴⁴ I. Afet, Türkiye halkının antrop. karakterleri ve Türk Tarihi, 1947, გვ. 182-183.

⁴⁵ K. Kemal, Anadolunun Doğu ve Cenedoğusu. Ankara, 1933, გვ. 8.

⁴⁶ ნ. ლომოური, ეგრისის სამეფოს ისტორია, თბ., 1968.

რის კლავდიოს პტოლემეოსის ცნობები, რომელთა თანახმად „კოლხეთის ზღვისპირა ნაწილში მოსახლეობენ ლაზები, ზემოთ მდებარე ადგილებში კი — მანრალები, რომლებიც ეკრიტიკის ქვეყნის მცხოვრებნი არიან“⁴⁷. (ეკრიტიკა იგივე ეგრისია) ასევე ყურადსაღებია ახ. წ. VI საუკუნის ბიზანტიელი ისტორიკოსის პროკოპი კესარიელის მონაცემები, სადაც აღნიშნულია ლაზიკისა და კოლხეთის იგივეობა⁴⁸. ამ ცნობებზე დაყრდნობით თანამედროვე ქართულ ისტორიოგრაფიაში დადგენილია, რომ ქანები დასავლურქართული წარმომავლობისა არიან⁴⁹. თურქ ავტორთა მოსაზრების უსაფუძვლობას ადასტურებს აგრეთვე ურარტულ წარწერებში (ძვ. წ. II—I ათასწლეულები) არსებული მონაცემები. მათში მოიხსენიება კოლხეთში მოსახლე ტომი „ლუშა“. გ. მელიქიშვილის ვარაუდით, „ლუშა“ არის იგივე „ლაზი“⁵⁰.

ფ. ქირზიოღლუ ქურთულ-თურქული მოდგმის ტომებად აცხადებს: გოგარელებს (ბორჩალოს, დმანისის, შემშელის, ახალქალაქის, ახალციხის, არტაანის, ართვნის ოლქი), ტაოხებს (ჭოროხის ხეობაში, „დად-ელის“ სახელით ცნობილი მხარე, — ტაო), ისპირელებს (ქართული ისტორიული სპერი)⁵¹. ასეთი სახელწოდების ტომები (გოგარელებისა და ტაოხების გარდა; თან, ეს სახელწოდებებიც ძველისძველია და საერთოდ აღარ გამოიყენება) არ არსებულა. ავტორს ზერელე წარმოდგენა აქვს ქართველური ტომების სახელწოდებებზე. ამასთან, გოგარელებს რომლებსაც ადრე სკვითებს უწოდებდა, ახლა ქურთებად წარმოგვიდგენს.

ფაპრედინ ქირზიოღლუ ქართველთა ყოფა-ცხოვრების შესახებ აღნიშნავს: „ჭოროხისა და ყუბანის შესართავებს შორის მოქცეულ შავი ზღვის სანაპიროზე ისტორიის არც ერთ დროს არ ჩქეფდა კულტურული ცხოვრება. აქ ქალაქებიც კი არ არსებობდა... ქართველი, აფხაზი და ჩერქეზი ტომებიდან გამოსული ადგილობრივი მოსახლეობაც ძლიერ ჩამორჩენილი იყო და ველური ცხოვრებით ცხოვრობდა“⁵². ზემოთქმულს იმასაც თუ დავუმატებთ, რომ თურქი ისტორიკოსის მტკიცებით, ქართველებს წარმოდგენა არ ჰქონდათ ფულით ვაჭრობაზე, რომ დასავლეთ საქართველოში ქალაქის ტიპის მხოლოდ ერთი და ისიც სხვათა მიერ დაარსებული ნახევრადცივილიზებული დაბა, სოხუმი (სებასტოპოლისი) არსებობდა, რომ საქართველოს არც ერთი სახელმწიფო არასდროს არ უთმობდა დიდ ყურადღებას⁵³. — დავრწმუნდებით მისი „კონცეფციის“ ტენდენციურობაში. ფ. ქირზიოღლუ ყოველივე ამით აყალბებს თვით ოსმალეთ-საქართველოს მრავალსაუკუნოვანი ურთიერთობის ისტორიას, ჩვენი ქვეყნის წარსულის იმ მძიმე მონაკვეთს, როდესაც „გურჯისტანი“ ორი მძლავრი სახელმწიფოს, — ირანისა და ოსმალეთის იმპერიის გაუთავებელი ურთიერთქმედობის ერთ-ერთ უმთავრეს ასპარეზს წარმოადგენდა

47 ნ. ლომოური, კლავდიოს პტოლემეოსი, „გეოგრაფიული სახელმძღვანელო“, ცნობები საქართველოს შესახებ, გვ. 45.

48 პროკოპი კესარიელი, გეოგრაფია, ბიზანტიელი მწერლების ცნობება საქართველოს შესახებ, მე-2 გამოცემა, ტ. II, თბ., 1965, გვ. 47—48.

49 იქვე, გვ. 52—55.

50 Г. А. Меликишвили, Урартские клинообразные надписи, М., 1960.

51 F. Kırzioğlu, Dağıstan—Aras—Dicle—Altay ve Türkistan Türk boylarından Kültür, Ankara, 1984, გვ. 12.

52 მისივე, Osmanlıların Kafkas—Ellerini fethi, გვ. 2-3.

53 იქვე, გვ. 2—4.

ყურადღებას იპყრობს მეორე თურქი ისტორიკოსის, შამსედდინ გუნდალ-თაის შრომებიც⁵⁴. იგი ქირზიოლდუს მსგავსად აცხადებს, რომ „პროტოთურ-ქული“ ტომები (სკვითები) ძვ. წ. VIII საუკუნიდან გადაწყვეტ როლს ასრულებდნენ ურარტუს სახელმწიფოსა და საერთოდ, — მთელს ამიერკავკასიაში⁵⁵ რაც აშკარად ეწინააღმდეგება ისტორიული წყაროების მონაცემებს და მათ საფუძველზე თანამედროვე საისტორიო მეცნიერებაში გამოთქმულ მოსაზრებებს⁵⁶. ამავე ავტორის მტკიცებით, ქართველური ტომები, — ტაოხები და კარდუხები სწორედ სკვითური წარმოშობისა არიან⁵⁷.

ტაოხები, — საქართველოს სამხრეთ-დასავლეთ ოლქის, — ტაოს მკვიდრნი (დღეს ეს ტერიტორიები თურქეთის საზღვრებშია მოქცეული) ბერძნულ წერილობით ისტორიულ წყაროებში მოიხსენიება ჯერ კიდევ ძვ. V—IV საუკუნეებში. ქსენოფონტე დასძენს, რომ ტაოხები ბინადრობდნენ მდინარე ჭოროხის სათავეებთან მდებარე მიწა-წყალზე⁵⁸. უფრო ადრე ისინი დიაოხების სახელწოდებით, როგორც სამხრეთ-დასავლეთ საქართველოს მკვიდრნი, იხსენიებიან ძვ. წ. XII—IX სს. ასურულ და ძვ. წ. IX—XIII სს. ურარტულ წარწერებში⁵⁹. ქართულ ისტორიოგრაფიაში გამოთქმული მოსაზრების თანახმად, ტაოხებში უკვე არსებობდა ადრეკლასობრივი საზოგადოება⁶⁰. ძვ. წ. XIV—XI საუკუნეებში „ნაირის ქვეყნებს“ შორის ერთ-ერთ ყველაზე მძლავრ გაერთიანებად დასახელებულია „დიაოხის“ („დიაოხის“) ქვეყანა⁶¹. ამ ტომის შესახებ მონაცემებს ვხვდებით ურარტუს მეფე მენუას ლურსმნულ წარწერასა და ასურეთის მეფე სალმანასარ III-ის წარწერაში⁶². ასე რომ, გუნდალთაის მონოგრაფიაში გამოთქმულ შეხედულებას არ ადასტურებს ასურული, ურარტული, ბერძნული და ქართული წერილობით წყაროები.

კარდუხების შესახებ ცნობებს ასევე ვხვდებით ძველბერძნულ წყაროებში. ქსენოფონტე ძვ. წ. V საუკუნის დასასრულს მათ ადასტურებს ზემო მესოპოტამიაში. ცნობილია, რომ ამ ტომებს ქართებს უკავშირებენ⁶³.

შესაძლოა, თურქ ისტორიკოსთა მცდარი მოსაზრება ძველი ქართველური ტომებისა და სკვითების ნათესაობის შესახებ მომდინარეობდეს ქსენოფონტეს „ანაბასისი“-ს სხვა მონაცემებიდან. კერძოდ, ქსენოფონტე მდ. ჭოროხის სანაპირო ზოლზე და დასავლეთ პონტოს ტავროსის სამხრეთ კალთებზე მობი-

⁵⁴ S. Günlaltay, Türklerin ilk devletinden yakın sark, Elâm ve Mespotmya, 1937
55 იქვე, გვ. 557.

⁵⁶ Г. А. Меликишвили, Древневосточные материалы по истории народов Кавказа, I, Наирн-Урарту, Тб., 1954.

⁵⁷ Günlaltay, დასახ. ნაშრომი, გვ. 557-558.

⁵⁸ თ. მიქელაძე, ქსენოფონტეს „ანაბასისი“, ცნობები ქართველი ტომების შესახებ, თბ., 1967; გ. მელიქიშვილი, სამხრეთ-დასავლეთ საქართველოს მოსახლეობის უძველესი გაერთიანებები. — საქართველოს ისტორიის ნარკვევები, ტ. I, გვ. 361.

⁵⁹ Г. А. Меликишвили, К истории древней Грузии, გვ. 114, 176—180.

⁶⁰ გ. მელიქიშვილი, სამხრეთ-დასავლეთ საქართველოს მოსახლეობის უძველესი გაერთიანებები, გვ. 361.

⁶¹ Г. А. Меликишвили, Наирн-Урарту, გვ. 53—58, 108—114, 204-205, 398.

⁶² გ. მელიქიშვილი, სამხრეთ-დასავლეთ საქართველოს მოსახლეობის უძველესი გაერთიანებები, ტ. I, გვ. 364.

⁶³ Г. А. Меликишвили, К истории древней Грузии, გვ. 108-109. გ. მელიქიშვილი, საქართველოს, კავკასიისა და მახლობელი აღმოსავლეთის უძველესი მოსახლეობის საკითხისათვის, თბ., 1965, გვ. 19—21.

ნაღრე ტომად ასახელებს „სკვითიანებს“, რომლებსაც არავითარი კავშირი არ აქვთ ირანული წარმოშობის მქონე სკვითებთან⁶⁴. მათ შესახებ ცნობები აქვს სტრაბონსაც⁶⁵. ქართულ საისტორიო მეცნიერებაში არსებული მოსაზრების თანახმად, ამ სახელწოდებას საფუძვლად უდევს მეგრულ-ქანური რიცხვითი სახელი „შკვითი“ (შვიდი). ბერძნულში „შ“ ბგერის არარსებობის მიზეზით იგი „ს“-დ შეიცვალა⁶⁶. ამავე სახელწოდებას უკავშირდება გეოგრაფიული ერთეული, — სკვიდისი⁶⁵. ამ თვალსაზრისს საფუძველს უმყარებს ის გარემოებაც, რომ სტრაბონის „გეოგრაფიაში“ მოცემულია სკვიდისის ძველბერძნული შესატყვისი, — „ჰეპტაკომეტი“, „რაც „შვიდსოფელს“ ნიშნავს⁶⁸. თურქულ გეოგრაფიულ ნომენკლატურაში აღმოჩენილია ამ ადგილის სხვა სახელწოდება — „კურასება“, რაც აგრეთვე „შვიდ სოფელს“ ნიშნავს. ყოველივე ეს განპირობებული უნდა იყოს შვიდი ერთეულის გაერთიანებით მსხვილ ეთნიკურ და ადმინისტრაციულ ერთეულად დაახლოებით ძვ. წ. V საუკუნის დამლევს⁶⁹.

რაც შეეხება საკუთრივ სკვითებს, უნდა აღინიშნოს, რომ ამ პროტოირანული ტომის თავდაპირველ საცხოვრებელს ჰეროდოტეს (ძვ. წ. V ს.) ცნობიზ წარმოადგენდა დნებრისა და დონის სტეპები. ჩრდილოეთ შავიზღვისპირეთში ისინი გამოჩნდნენ მხოლოდ ძვ. წ. VII საუკუნეში, საიდანაც განდევნეს იქ მცხოვრები კიმირიელები⁷⁰. საერთოდ, სკვითური ენა მთლიანობაში არ არის შემორჩენილი. ანტიკურ ავტორებს, მათ შორის ჰეროდოტესაც, მოჰყავთ რიგი ცალკეული სკვითური სიტყვები და საკუთარი სახელები⁷¹. თანამედროვე თურქულ ისტორიოგრაფიაში გამოთქმული ქართულ-სკვითური ეთნიკური ნათესაობის შესახებ მცდარი „ჰიპოთეზის“ ერთ-ერთ უმოთარეს წყაროს წარმოადგენს 1920-იანი წლების პირველ ნახევარში ნ. მარის მიერ გამოთქმული არასწორი შეხედულება⁷². ცნობილია, რომ ქართული და სკვითური ეთნიკური ნათესაობის შესაძლებლობა დაუშვა (თუმცა კითხვის ნიშნით) ივ. ჯავახიშვილმაც⁷³, რაც როგორც მთელმა რიგმა ფუძემდებლურმა გამო-

64 თ. მიქელაძე, სამხრეთ-აღმოსავლეთ შავიზღვისპირეთის უძველესი მოსახლეობის ისტორიისათვის (სკვითები). — „მომბე“, 1957, ტ. 19 № 5.

65 თ. ყაუხჩიშვილი, სტრაბონის „გეოგრაფია“, მისივე, სტრაბონი, — ქსე, ტ. 9, გვ. 575

66 თ. მიქელაძე, დასახ. ნაშრომი, Г. А. Меликишвили, К истории..., გვ. 80-81.

67 ივ. ჯავახიშვილი, ქართული ერის ისტორია. — თხზულებანი, ტ. I, გვ. 66; Г. А. Меликишвили, დასახ. ნაშრომი, გვ. 80-85.

68 ნ. ხაზარაძე, საქართველოს ძველი ისტორიის ეთნო-პოლიტიკური პრობლემები, თბ, 1984, გვ. 46-47.

69 თ. მიქელაძე, სამხრეთ-დასავლეთ საქართველოს უძველესი მოსახლეობის ისტორიისათვის.

70 სკვითები, — ქართული საბჭოთა ენციკლოპედია, ტ. 9, გვ. 419.

71 Т. В. Гамкрелидзе, В. В. Иванов, Индоевропейский язык и индоевропейцы, I, Тб., 1984, XLV.

72 Н. Я. Марр, Избранные работы, т. V, გვ. 41, 210, 299-300.

73 ივ. ჯავახიშვილი, ქართველი ერის ისტორიის შესავალი, I — საქართველოს, კავკასიისა და მახლობელი აღმოსავლეთის ისტორიულ-ეთნოლოგიური პრობლემები, თბ., 1950, გვ. 246.

კვლევებმა⁷⁴ უჩვენეს, არ შეესაბამება ქეშმარიტებას. ამ გამოკვლევების თანახმად, სკვითები პროტოირანული მოდგმის ხალხი იყო, რომლის განშტოებაც ამიერკავკასიისა და ჩრდილოეთ კავკასიის ტერიტორიაზე მცხოვრები ოსები წარმოადგენენ. ეთნიკურ ჯგუფთა და დიალექტთა გადაჯგუფებისა და მიგრაციის დეტალური შესწავლის საფუძველზე თ. გამყრელიძემ და ვ. ივანოვმა თვალნათლივ უჩვენეს, რომ სკვითებმა ხორეზმიდან გეზი მდ. ვოლგისა და დნებრის ნაპირებისაკენ აიღეს, საიდანაც საბოლოოდ გადაინაცვლეს მდ. დუნაის მიმართულებით, — ჩრდილოეთ შავიზღვისპირეთის მოსახლდრე რაიონებში.

საინტერესოა, აგრეთვე არინ ენგინის მონოგრაფიის ერთი თავი⁷⁵, რომელიც სომხების, ქართველებისა და ქურთების ეთნოგენეზს შეეხება. მასში ასევე პანთურქისტულ იდეებზე დაყრდნობით ვხვდებით საქართველოს ისტორიის გაყალბების მთელ რიგ ფაქტებს. სხვა თურქ ისტორიკოსთა მსგავსად, ისიც ქართველურ ტომებს (დასავლეთ და სამხრეთ-დასავლეთ საქართველოს ძველდროთ) თურქულ-ქურთული მოდგმისად მიიჩნევს, თუმცა, საბუთები ამ მტკიცებისა არ მოიპოვება.

ქართველთა წარმომავლობის საკითხი განხილული აქვს ისმაილ ბერკოკსაც⁷⁶. იგი ქართველებს (ურარტუს დანარჩენ მოსახლეობასთან ერთად) პროტოხეთური წარმოშობისად მიიჩნევს⁷⁷. თანამედროვე თურქულ ისტორიოგრაფიაში გაბატონებული მოსაზრება იმის შესახებ, რომ პროტოხეთები თურქთა წინაპრები არიან, ამ ავტორის გამოკვლევაშიც იჩენს თავს.

ხეთები იყვნენ ძვ. წ. III—II ათასწლეულებში ცენტრალურ ანატოლიაში მოზინადრე ინდოევროპული მოდგმის ხალხები. დროთა მანძილზე ნისიტ ტომებთან პროტოხეთური ელემენტის შერევის შედეგად დაახლოებით ძვ. წ. 1650 წელს ჩამოყალიბდა ხეთური ეთნოსი. მათ მჭიდრო ურთიერთობა აკავშირებდათ ფალაელებთან, ხურიტებთან, სემიტებთან, ლუვიელებთან. ხეთებმა ძვ. წ. II ათასწლეულის დამდეგს შექმნეს საკუთარი, თავისი დროისათვის საკმაოდ ძლიერი სახელმწიფო გაერთიანება⁷⁸.

ხეთური ენა არის დოკუმენტურად დადასტურებული უძველესი ინდოევროპული ენა. იგი ლუვიურ, ლიკიურ, ლიდიურ და ფალაურ ენებთან ერთად ქმნის ინდოევროპულ ენათა „ხეთურ-ლიკიურ“ ჯგუფს⁷⁹.

გარდა ზემოთქმულისა, უნდა აღინიშნოს რომ ვერც ძველებერძულ, ვერც ქართულ და ვერც ოსმალურ-თურქულ წყაროებში ვერ ვხვდებით მინიშნებას ქართველების ხეთური წარმოშობის შესახებ, თუმც არ არის გამორიცხული, რომ გარკვეულ პერიოდში მომხდარიყო ქართულ მოსახლეობაში ხეთური ელემენტის ასიმილაცია.

⁷⁴ В. И. Абаев, Скифский язык.—В кн.: Осетинский язык и фольклор, I, М.—Л., 1949; Т. В. Гамкрелидзе, В. В. Иванов, დასახ. ნაშრომი, ტ. II, გვ. 596, 661, 877—882, 946—947.

⁷⁵ A. Engin, Eti tarihi, Istanbul, 1958, გვ. 92—96.

⁷⁶ Berkok, Tarihte Kafkasya, Istanbul, 1958.

⁷⁷ იქვე, გვ. 106—109.

⁷⁸ Г. Г. Гиоргадзе, Очерки по социально-экономической истории Хетского государства, Тб., 1973.

⁷⁹ Т. В. Гамкрелидзе, Клинописная система аккадеко-хеттской группы.—ВДИ 1959, № 1.

ი. ბერკოკი დასძენს რომ „ბასკი“ და „აფხაზი“ ერთი და იგივე ეთნიკური ჯგუფის აღმნიშვნელი სახელწოდებებია⁸⁰, რაც არ შეესაბამება ჰემმარტიკებს.

მკვლევრები ვარაუდობენ, რომ აფხაზები, რომელთა ენა კავკასიურ ენათა აფხაზურ-ადიღურ, ანუ ჩრდილო-დასავლურ ჯგუფში შედის, ეთნიკურად ენათესავებიან მცირე აზიის ძველ ავტოქტონურ ტომს — ქაშქა — აბეშლას ტომს, რომლის შესახებ ცნობებს ვხვდებით ასურეთის მეფე ტიგლათფილესერ I-ის (ძვ. წ. XII ს.) წარწერებში. აფხაზთა ცალკე ეროვნებად ჩამოყალიბება დასრულდა ახ. წ. VIII საუკუნეში⁸¹.

რაც შეეხება ბასკებს, ისინი ინდო-ხმელთაშუაზღვის რასას განეკუთვნებიან, სახლობენ ესპანეთსა და საფრანგეთში; ლაპარაკობენ ბასკურ ენაზე (ლათინური დამწერლობა აქვთ). ბასკური დამწერლობის უძველესი ნიმუში ახ. წ. XVI საუკუნით თარიღდება. მათი წარმომავლობის საკითხი ჯერჯერობით გაურკვეველია. მეცნიერებაში არსებობს ჰიპოთეზა ბასკურ-ქართული (და არა ბასკურ-აფხაზური) ნათესაობის შესახებ⁸².

იგივე ავტორი ერთმანეთთან აიგივებს მოსხებსა და ხაზარებს⁸³.

მოსხები იყვნენ სამხრეთ-დასავლეთ საქართველოს უძველესი ტომის წარმომადგენელი, დღევანდელი მესხების წინაპრები. მათ პირველად იხსენიებს ბერძენი ავტორი ჰეკატეოს მილეტელი (ძვ. წ. VI ს.). იგი მოსხებს კოლხურ ტომად ასახელებს⁸⁴. სტრაბონი აღნიშნავს, რომ მოსხების ქვეყანა სამ ნაწილად იყოფოდა. ერთს განაგებდნენ კოლხები, მეორეს იბერები, ხოლო, მესამეს — სომხები⁸⁵. მოსხების უშუალო წინაპრებად თანამედროვე ქართულ ისტორიოგრაფიაში მიჩნეულია ასურულ და ურარტულ წარწერებში მოხსენიებული მუშქები⁸⁶. სტრაბონი გვაწვდის საყურადღებო ცნობას, რომ კოლხეთი მდებარეობს კავკასიონსა და „მოსხების მთებს“ შორის⁸⁷.

თურქულენოვანი მომთაბარე ტომები — ხაზარები ახ. წ. IV საუკუნეში ჰუნების შემოსევის შემდეგ გამოჩნდნენ აღმოსავლეთ ევროპის ტერიტორიაზე. ქვემო ვოლგისპირეთსა და ჩრდილოეთ კავკასიის აღმოსავლეთით VII—X ს. არსებობდა მათი სახელმწიფო, — ხაზართა სახაკანო⁸⁸. საქართველოს საზღვრებთან ისინი პირველად გამოჩნდნენ მხოლოდ 627 წელს, როდესაც ჩვენი ქვეყანა დალაშქრეს ბიზანტიელებთან ერთად. ხაზართა შემოსევების შესახებ ცნობებს ვხვდებით ჟღანშერის თხზულებაში⁸⁹.

⁸⁰ I. Вегкок, დასახ. ნაშრომი, გვ. 142-143.

⁸¹ З. В. Анчабадзе, Из истории средневековой Абхазии; Ш. Д. Инал-Ипа. Абхазы, 2-е изд., Сухуми, 1965.

⁸² ბასკური ენა და ბასკურ-კავკასიური ჰიპოთეზა, თბ., 1976.

⁸³ I. Вегкок, დასახ. ნაშრომი, გვ. 197.

⁸⁴ Г. А. Меликишвили, К истории древней Грузии, გვ. 104.

⁸⁵ თ. ყ ა უ ხ ნ ი შ ვ ი ლ ი, სტრაბონის „გეოგრაფია“, ცნობები საქართველოს შესახებ, გვ. 125.

⁸⁶ Г. А. Меликишвили, დასახ. ნაშრომი, გვ. 105.

⁸⁷ თ. ყ ა უ ხ ნ ი შ ვ ი ლ ი, დასახ. ნაშრომი, გვ. 81.

⁸⁸ М. И. Артамонов. История хазар, М., 1962.

⁸⁹ ჟღანშერი, ცხოვრება ვახტანგ გორგასლისა, ქართლის ცხოვრება, ტ. I, გვ. 224.

4. „მაცნე“, ისტორიის სერია, 1988, № 2

ჩვენთვის საინტერესო საკითხს განიხილავს, აგრეთვე, ჯემალ გოჭჩეც⁹³.

იგი სვანებს არაქართულ ელემენტად მიიჩნევს. იმოწმებს რა ა. ხახანაშვილის მიერ პარიზში გამოცემულ „საქართველოს ისტორიას“, ავტორი მიუთითებს, რომ საქართველოში ქართველებთან ერთად ცხოვრობენ ოსები, სვანები და თუშები⁹⁴. ქართველებს ჯ. გოჭჩე კავკასიურ ჯგუფს აკუთვნებს, ხოლო სვანებს — ინდოევროპულს⁹⁵.

სვანები მრავალჯგონის მოიხსენიებიან როგორც ბერძნულ, ისე ქართულ წერილობით ისტორიულ წყაროებში. ასე, მაგალითად, ახ. წ. VI საუკუნის ბერძენი ავტორები პროკოპი კესარიელი⁹⁶ და მენანდრე პროტიქტორი⁹⁴ სვანეთს ლაზიკის ერთ-ერთ სამფლობელოდ, ხოლო სვანებს ლაზთა სამეფოს (ეგრისის) ტომად მოიხსენიებენ. სვანთა ქართველობას ადასტურებს ქართული წყაროებიც⁹⁵.

აქვე უნდა აღინიშნოს, რომ როგორც საბჭოთა, ისე ევროპულ ისტორიოგრაფიაშიც მიჩნეულია, რომ თანამედროვე თურქი ისტორიკოსების მტკიცების სპირისპიროდ, თურქი ერის ეთნიკური თვალსაზრისით ფორმირებაში მნიშვნელოვანი როლი შეასრულა მცირე აზიისა და შავიზღვისპირეთის ადგილობრივმა მოსახლეობამ, მათ შორის, — ქართველებმა, დასავლურქართულმა ელემენტმა, რომელსაც ზოგჯერ „ქოროზ-რიონის, ანუ პონტოს ტიპს“აც უწოდებენ⁹⁶.

როგორც ვხედავთ, თანამედროვე თურქულ ისტორიოგრაფიაში აშკარად ვლინდება ტენდენციური მიდგომა ქართველი ერის წარსულისადმი; ყოველივე ამის გამოამჟღავნება და შეფასება გარკვეულ სამსახურს გაუწევს ქართულ საისტორიო მეცნიერებას.

ცალკე შეიძლება გამოიყოს თანამედროვე თურქ ისტორიკოსთა ნაშრომებში მოთავსებული ისტორიული რუკების სანდოობისა და სიზუსტის საკითხი. ამ მხრივ აღსანიშნავია ფ. ქირზიოღლუს მონოგრაფიაში⁹⁷ მოთავსებული ერთი „ისტორიული“ რუკა, რომლის თუნდაც წარწერა თვალნათლივ მიუთითებს მის „ობიექტურობაზე“. მასზე წარმოდგენილია „ოლუზ-არშაკუნინთა“ ოლქი, რომელშიც საზღვრების სრული უგულებელყოფით შეტანილია საქართველოს მნიშვნელოვანი ნაწილი (დღეს თურქეთის შემადგენლობაში შემავალი: ოლთისის, სპერის, ტაოს გარდა რუკაზე ვხედავთ ბათუმს, იმერეთს ქუთაისითურთ, დმანისს, გუგარეთს, თბილისს, ახალციხეს). ეს ქართული ტერიტორიები მოქცეულია ხსენებული „ოლქის“ იმ ნაწილში, რომელსაც ავტორი „ინოლუზების“ (შიდა ოლუზების) მხარეს უწოდებს. ამდენად, შუა აზიაში არსე-

⁹⁰ C. Gëkçe, Kafkasya ve Osmanlı İmparatorluğunun Kafkasya siasi, İst., 1979.

⁹¹ იქვე, გვ. 5.

⁹² იქვე, გვ. 6.

⁹³ გეორგიკა, ბიზანტიელი მწერლების ცნობები საქართველოს შესახებ. ტექსტი ქართული თარგმანითურთ გამოსცა ს. ყაუხჩიშვილმა, ტ. 2, თბ., 1965, გვ. 126.

⁹⁴ ბიზანტიელი მწერლების ცნობები საქართველოს შესახებ, ტ. 3, 1936, გვ. 222—223.

⁹⁵ ჯ უ ა ნ შ ე რ ი, ცხოვრება ვახტანგ გორგასლისა, გვ. 185, 241; სვანეთის წერილობითი ძეგლები, I, ისტორიული საბუთები და სულთა მატიანები, ტექსტები გამოსაცემად მოამზადა გამოკვლევები და საცნობარო აპარატი დაუროთ ვ. სილოვანმა, თბ. 1986.

⁹⁶ Д. Е. Еремеев, Этногенез турок, М., 1971, გვ. 224.

⁹⁷ F. Kırzioğlu, Her bakımından Türk olan Kürtler, Ankara, 1964.

ბული ეს მხარე თურქმა ისტორიკოსმა ამიერკავკასიაში გადმოიტანა. ფ. ქირზი-ოღლუს „იჩ-ოღუზებსა“ და „თაშ-ოღუზებს“ (გარე ოღუზებს) შორის „ზუსტი“ საზღვარიც კი აქვს დადგენილი. ისიც უნდა ითქვას, რომ ეს რუკა „დედქორქეთის“ ეპოსის მონაცემებზე დაყრდნობით ყოფილა შედგენილი.

Л. З. УРУШАДЗЕ

НЕКОТОРЫЕ ВОПРОСЫ ЭТНИЧЕСКОГО ПРОИСХОЖДЕНИЯ И ОБЩЕСТВЕННО-ПОЛИТИЧЕСКОГО БЫТА ГРУЗИНСКОГО НАРОДА В СОВРЕМЕННОЙ ТУРЕЦКОЙ ИСТОРИОГРАФИИ

Резюме

В работе рассмотрены труды некоторых представителей современной турецкой историографии (Ф. Кырзыоглу, А. Енгин, Ш. Гюналтай, А. Инан, К. Кемал, И. Беркок и Дж. Гюкче). Дана аргументированная критика отдельных концепций об этническом происхождении и общественно-политической истории грузинского народа.

В исследованиях современных турецких историков часто встречаются данные из недоступных нам письменных исторических источников и интересные соображения по тому или иному периоду истории осmano-грузинских отношений. Этим они представляют собой ценное подспорье для грузинских советских историков. Однако эти исследования нередко характеризуются тенденциозным отношением к событиям исторического прошлого Грузии. Одним из вопросов, при рассмотрении которого в современной турецкой историографии наиболее часто встречаются субъективные — суждения, является вопрос об этническом происхождении грузин и их общественно-политическом укладе. На основе неправильной научной интерпретации данных исторических памятников ими предлагается ряд научно неприемлемых положений. Используя многочисленные османские письменные памятники (хроника «Кивами», «Мукумме, дефтери», «Книга Деде Коркута», труды османских авторов и т. д.), турецкие авторы в то же время оставляют без внимания данные грузинских источников (таковыми для них являются лишь французские переводы М. Броссе).

წარმოდგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის საქართველოს ისტორიის წყაროთმცოდნეობითი შესწავლის განყოფილებამ

ზაზა მენთაშაშვილი

ფრანგული ბურჟუაზიული ისტორიოგრაფია საფრანგეთის
„გაერბარული პოლიტიკის“ შესახებ

ჩრდილო-დასავლეთ აფრიკის რეგიონის ე. წ. მარბიბის ეთნო-სოციალური კვლევა ფრანგული ისტორიოგრაფიის ერთ-ერთი მთავარი მიმართულებაა. იგი მჭიდროდ არის დაკავშირებული იმ კოლონიურ პოლიტიკასთან, რომელსაც საფრანგეთის მთავრობა XX ს. დასაწყისიდან 1956 წლამდე მაროკოს მიმართ ახორციელებდა.

საფრანგეთის ცნობილი კოლონიალური მოღვაწე, პირველი გენერალურა რეზიდენტი მაროკოში, მარშალი ლიოტე მაროკოს ჩინებულ ლაბორატორიას უწოდებდა. სადაც მისი აზრით, „შეიძლებადა შეესწავლათ კოლონიალური სოციოლოგიის ურთიერთკავშირი ადგილობრივ პოლიტიკასთან და გამოენახათ იოლი გზით მაროკოს ხელში ჩაგდებას შესაძლებლობანი“¹.

ფრანგული კოლონიალიზმის ერთ-ერთი აპოლოგეტი რ. კანი ცდილობს თავისი ქვეყნის მმართველი წრეების დაპყრობითი პოლიტიკა მაროკოს მიმართ იმით გაამართლოს, რომ XX ს. დასაწყისში მაროკოს მმართველობა არქაული და ყოველგვარ ძალაუფლებას მოკლებული იყო, რომ იგი არ იყო თანამედროვე მოთხოვნების დონეზე და ვერ უზრუნველყოფდა ქვეყნის ნორმალურ პოლიტიკურ და ეკონომიკურ განვითარებას, რითაც საფრთხე ექმნებოდა მაროკოს როგორც სახელმწიფოს არსებობას².

როგორც ფრანგულ ეთნოლოგიურ ლიტერატურაში აღნიშნავენ, მაროკოსათვის დამახასიათებელი იყო რთული სტერეოტიპი, რომელიც მოიცავდა ქვეყნის სოციალურ-ეკონომიკურ და საზოგადოებრივ ცხოვრებას. სამეფო დაყოფილი იყო ორ ნაწილად: ცენტრალური ხელისუფლების (მაჰშენის) გავლენის სფეროდ და ურჩი ტომებით დასახლებულ ტერიტორიად (სიბა), ურჩი ტომები არ ემორჩილებოდნენ ცენტრალურ ხელისუფლებას და როგორც კ. კუნი აღნიშნავს, სისხლიან მტრობასა და ყაჩაღობაში³, ატარებდნენ დროს რა თქმა უნდა, ტომები ეურჩებოდნენ სულთნის ხელისუფლებას, მაგრამ ყოველთვის, როდესაც ქვეყანას ემუქრებოდა გარეშე საფრთხე, ურჩი ტომები ერთიანდებოდნენ სულთნის ხელისუფლების გარშემო, მონახლისე მდიოდნენ სულთნის არმიამ⁴. ფრანგი ავტორის მიზო ბელერის აზრით, ქვეყნისათვის დამახასიათებელი იყო რაღაც შუალედური წინააღმდეგობა დიქტატურულ რეჟიმსა და ანარქიას შორის, რომელთა ჭიდილშიც ვერც ერთი მხარე ვერ

¹ Page J., A History of Africa, London, 1978, გვ. 139.

² Kann R., Le protectorat marocain, Paris, 1921, გვ. 54.

³ Coon Carleton, Caravan: The Story of the Middle East, New York, 1958, გვ. 310.

⁴ A. Аяш, Марокко, итог одной колонизации, Москва, 1958, гв. 48-49.

იმარჯვებდა. ამასთან მჭიდროდ იყო დაკავშირებული მაროკოს საზოგადოებაში არსებული ეთნიკური განხეთქილება არაბებსა და ბერბერებს შორის⁵.

დეკოლონიზაციის შემდეგ ადგილობრივი ნაციონალისტები უარყოფდნენ მაროკოს მოსახლეობის ეთნიკურ დაყოფას ისინი კონსტიტუციური მონარქიის მომხრენი იყვნენ. სულთნის არჩევის დამტკიცება უნდა მომხდარიყო ბეის ხელმოწერით⁶. ამ საქმეში მონაწილეობას იღებდნენ მუსლიმი ღვთისმსახურები — ულემები და აგრეთვე ტომის ბელადები. ამ თვალსაზრისის თანახმად, მაროკოს მონარქია იყო არა მარტო არჩევითი, არამედ პირობითიც. რადგანაც ზოგიერთი შეზღუდვები სულთნის ხელისუფლებაზე უნდა აღნიშნულიყო ბეის დოკუმენტში. არაბი ისტორიკოსები, რომლებიც კარგად იცნობდნენ ფრანგ ეთნოგრაფ-სოციოლოგების თხზულებებს, თავიანთ გამოკვლევებში ცხადყვენ, რომ მე-19 საუკუნეში დაიწყო მაროკოს ეკონომიკური აღორძინება და 1912 წელს იგი რომ ფრანგებს არ დაეპყროთ, დღეს მაროკო თანამედროვე ევროპას კაპიტალისტური ქვეყნების სოციალურ-ეკონომიკური განვითარების დონეზე იქნებოდა, ასეთია არაბი ავტორების კონცეფცია, მათ შრომებს შორის შეიძლება დავასახელოთ მუჰამედ ლაჰაბის წიგნი „მაროკოს მთავრობა XX ს. გარიჟრაჟზე“⁷ და აბდელაზიზ ბენაბდულაჰის ნაშრომი „მადრიბის ცივილიზაციის მთავარი მიმართულებანი“⁸. აღსანიშნავია, რომ კანადელი ბურჟუაზიული მეცნიერი ე. ჯელნერი ეთანხმება არაბ ავტორებს და მაროკოს სოციალურ-ეკონომიკური განვითარების შეფერხების მთავარ მიზეზად ფრანგების მიერ ამ ქვეყნის კოლონიზაციას მიიჩნევს⁹.

ფრანგი ავტორი ჟან ბრინიონი თავის წიგნში „მაროკოს ისტორია“, სულსხვა აზრს ავითარებს. იგი ამტკიცებს, რომ თითქოს საფრანგეთის პროტექტორატმა დადებითი გავლენა მოახდინა მაროკოელი ხალხის მიერ ევროპული კულტურის სწრაფ აღქმაზე¹⁰.

დღეს თანამედროვე მაროკოს ისტორიის შესწავლა შეუძლებელია ამ ქვეყნის წარსულისა და მისი საზოგადოების სოციალური სტრუქტურის შესწავლის გარეშე. მეტად საინტერესო ცნობებს ამის შესახებ შეიცავს ფრანგული ეთნოლოგიური ლიტერატურა.

ამ მხრივ აღსანიშნავია ანრი ტერასეს წიგნი „მაროკოს ისტორია“¹¹, რომელშიც განხილულია ისეთი საკითხები, როგორცაა ისლამური სახელმწიფოს ხასიათი, სულთნის ავტორიტეტი, არაბ-ბერბერთა ურთიერთობა, მაჰუნენ-სიბას ურთიერთდამოკიდებულება და წინააღმდეგობა, მაროკოელი ისლამის ბუნება, შერიფების (მმართველი სამეფო-დინასტიის) როლი ქვეყნის პო-

⁵ Michaux-Bellaire E. Les terres collectives du Maroc. „Renseignements coloniaux“, 1924 № 3. გვ. 101.

⁶ ბეი ფეოდალური ტიტულია და ბატონს ნიშნავს.

⁷ Lahbabi Mohammed, Le gouvernement marocain à l'aube de XX-e siècle, Rabat, 1957.

⁸ Benabdullah Abdelaziz, Les grand courants de la civilisation du Maghreb. Tanger, 1957.

⁹ Gellner Ernest. The struggle for Morocco's past, Middle East Journal, 1961, 33: 87-88.

¹⁰ Brignon Jean, Histoire du Maroc, Paris, 1966, გვ. 103.

¹¹ Terasse Henri. Histoire du Maroc, Paris, 1950.

ლიტიკურ ცხოვრებაში, რელიგიური ძმობათა-მარაბუტებისა და სუფიანელთა როლი ქვეყნის საზოგადოებრივ-პოლიტიკურ ცხოვრებაში, მაროკოს ეკონომიკური ჩამორჩენილობის მიზეზები და ა. შ. ხსენებული საკითხები განხილულია აგრეთვე მეორე ფრანგი ავტორის შარლ რობერ აყერონის ნაშრომში „ალჟირელები და საფრანგეთი“¹².

აზრი ტერასეს მიხედვით, პროტექტორამდელი მაროკო იყოფა ორად — ბილად ალ-მაჰზენად (სახელმწიფოს კონტროლქვეშ მყოფი ტერიტორია) და ბილად ას-სიბად (ურჩების ქვეყანა). პირველ ნაწილს, ა. ტერასე განიხილავს როგორც კოალიციას, რომელიც ეყრდნობა მმართველ დინასტიას და დამორჩილებულ ტომებს — ბილად ას-სიბა წარმოდგენილია ისეთ სამყაროდ, სადაც თავს იჩენს უძველესი წინააღმდეგობა ტომებსა და ტომობრივ კონფედერაციებს (ლეფებს) შორის, გავრცელებულია მემკვიდრეობითი მტრობა.

ფრანგების მოსვლამდე მაჰზენი ცდილობდა გაეერთინებინა თავისი ხელი-სუფლება ურჩ ტომებზე, კერძოდ ბილად ას-სიბას ტერიტორიაზე და დაეცვა თავისი დამოუკიდებლობა¹³. თუ ისლამის საშუალებით სხვა მუსლიმურ ქვეყნებში მმართველი წრეები აღწევდნენ პოლიტიკურ ერთიანობას, მაროკოში ისლამს არ შეძლო უზრუნველყო ქვეყნის „მორალური ერთიანობა“. გარდა ამისა, მაროკოს საზოგადოების მაჰზენ-სიბად დაყოფა დაემთხვა ქვეყანაში არაბებსა და ბერბერებს შორის არსებულ ღრმა ეთნიკურ განხეთქილებას, ბერბერები, რომლებიც წარმოადგენენ ქვეყნის მკვიდრ მოსახლეობას, მხოლოდ ზედაპირულად თუ ეზიარნენ ისლამს. მათ შეინარჩუნეს თავიანთი ძველი წარმართული საზოგადოებრივი აზრი, რაც გამოხატულებას პოულობდა მათ ჩვეულებებსა და მათ სარწმუნოების (ისლამის) ერეტიკულ ხასიათში. ისინი წინ აღუდგნენ ორთოდოქსალური ისლამის კანონებს, და მაჰზენის ადმინისტრაციულ წესებს. მათ ნაცვლად ესენი ემორჩილებოდნენ თავიანთ საკუთარ კანონებს, ტომთა საბჭოების გადაწყვეტილებებს. ისინი ზრუნავდნენ საკუთარი ენისა და ჩვეულებების შენარჩუნებაზე. ცდილობდნენ არ აღმოჩენილიყვნენ ცენტრალური მთავრობის ბატონობის ქვეშ. ტერასეს მოწმობით, მაჰზენ-სიბას უთანხმოებანი, გაცილებით მეტი იყო, ვიდრე მემამოხეებსა და ადმინისტრატორებს შორის. ფაქტობრივად ეს იყო ძველ არაბულ, ისლამურ ცივილიზაციასა და ბერბერების კულტურულ მემკვიდრეობას შორის არსებული წინააღმდეგობის გავრცელება, მხოლოდ მაჰზენის სისუსტე და ბერბერებში არსებული განხეთქილება უპირატესობის მოპოვების საშუალებას არც ერთ მხარეს არ აძლევდა. მაროკოს სამეფო ძლიერება მოისუსტებდა, რადგანაც სულთანს არ ჰქონდა მტკიცე პოლიტიკური გავლენა ბერბერებზე. ისინი სულთანს მიიხნეოდნენ მხოლოდ რელიგიურ ლიდერად და მას ევროპელების წინააღმდეგ საღვთო ომშიც კი მიჰყვებოდნენ. ა. ტერასეს აზრით, საეჭვო თანასწორობა ამ ორ მხარეს შორის შენარჩუნებული იყო ძირითადად მაროკოს იზოლაციის გამო. საზოგადოებრივი განვითარების ჩამორჩენას ტერასე იმით ხსნის, რომ მაროკო „ძალიან ჩაიკეტა“, რის გამოც მე-20 საუკუნის ზღურბლს ისე გადა-

¹² Ageron Charles Robert, *La France a-t-elle eu une politique Kabyle?* Revue Historique, 1960, გვ. 333—336.

¹³ Terasse Henri, დასახ. ნაშრომი, გვ. 347.

აბიჯა, რომ არ შეუცვლია შუასაუკუნეებრივი მუსლიმური მონარქიის ფორმა¹⁴.

მაროკოს სახელმწიფოს სოციალურ-ეკონომიკური განვითარების საკითხები ფართოდ განიხილებოდა ისეთ ფრანგულ ჟურნალში როგორც იყო „ფრანგული აფრიკის კომიტეტის ბიულეტენი“, იგი საკმაოდ ავტორიტეტული გამოცემა იყო პროტექტორატის პერიოდში და მასში ქვეყნდებოდა ფრანგი მისიონერების, დიპლომატებისა და მოგზაურების სტატიები და შთაბეჭდილებანი. ჭერ კიდეც ქვეყნის ეთნოგრაფიული შესწავლის მიზნით ფრანგული აფრიკის კომიტეტი აწყობდა ექსპედიციებს ქვეყნის სამხრეთ რაიონებში ამ ექსპედიციების მთავარი მკვლევარი ედმუნდ დუტე, იყო. მასზე დიდ გავლენა იქონიეს სოციალურ-ეთნოლოგებმა ემილ დურჰეიმმა და სერ ჯიმს ფრეზერმა, რომლებიც ცნობილი მოგზაურ-ეთნოლოგები იყვნენ. დუტეს კალამს ეკუთვნის მრავალი ნაშრომი პროვინციული მაროკოს შესახებ. ცნობილია მისი წიგნები „მარაკეში“ და „ტომებს შორის“. იგი აქვეყნებს ამ ქვეყნებში შეგროვილ ეთნოგრაფიულ მასალებს სამხრეთის ბერბერების ყოფა-ცხოვრების შესახებ, აღწერს ქ. მარაკეს და წერს, რომ ამ ქალაქში ცხოვრობს ხალხი, რომელთაც აქვთ კულტურის ბევრი კერა, ბიბლიოთეკა, კარგად განვითარებული მეცნიერება, ლიტერატურა, ფილოსოფია, განსაკუთრებით საინტერესოა ის, რომ ე. დუტემ პირველმა აღწერა ამ ქალაქის ჭერ კიდეც ახლად ჩამოყალიბებული ბურჟუაზია. ქალაქის ქვედაფენები — ხელოსნები და ვაჭრები¹⁵. რაც შეეხება სამხრეთის ტომებს და მათ ყოფაცხოვრებას, დუტე აღნიშნავს, რომ მათ აქვთ სემგენტური ორგანიზაცია. სიმეტრიული დაყოფის თანხმად, ისინი ბევრი ქვეჯგუფებისაგან შედგება¹⁶.

არც ერთ ტომს, ან ტომობრივ განშტოებას არა აქვს არავითარი პოლიტიკური და სხვა სახის პრიორიტეტი. ტომის ავტორიტეტი და უპირატესობა მქვავნდება მხოლოდ და მხოლოდ სახელოვანი წინაპრების არსებობის შემთხვევაში, ყოველ ტომს ჰყავს ბელადი (ამხარი) და საკრებულო (ჯამაა). დუტე მაროკოს კოლონიზაციის მომხრეა, რადგანაც მისი აზრით, ქვეყანა დიდ პერსპექტივას უქადის ევროპულ კაპიტალს, ხოლო ევროპა მაროკოელ ხალხს გაჭირვებიდან დაიხსნის. იგი გმობს საფრანგეთის ძალმომრეობით პოლიტიკას ალჟირში, რისთვისაც მას მოჰყავს თავის ნაშრომებში ანრი ლამარტინერის და ნ. ლაკრუას, ამ ორი ალჟირელი ფრანგი მკვლევრის მოსაზრებანი, რომ ქვეყნის ათვისება უნდა მოხდეს მშვიდობიანად, კონფლიქტის გარეშე. ყოველივე ეს მისი აზრით, მხოლოდ ეკონომიკური ექსპანსიით არის შესაძლებელი¹⁷.

ყორადსაღებია ფრანგი მოგზაურის შარლ დე ფოკოს ჩანაწერებიც. იგი აღწერს პროტექტორამდელ მაროკოს, როგორც ფეოდალურ მუსლიმურ-თეოკრატიულ მონარქიას, ქვეყნის ეკონომიკას, რომელიც სოფლის მეურნეობაზე იყო დაფუძნებული; ქალაქებს, სადაც კარგად იყო განვითარებული ხელოსნობა და ვაჭრობა. რაც შეეხება სოფლის მოსახლეობას, აქ შემორჩენილია გერტომობრივი ურთიერთობა, ტომებს ბელადები ჰყავთ, რომლებიც კრეფენ გა-

¹⁴ Terasse Henri, დასახ. ნაშრომი, გვ. 358.

¹⁵ Doutté Edmond, Marakech, Paris, 1905.

¹⁶ Doutté Edmond, En tribu, Paris, 1914.

¹⁷ Lamartinière H. M., Lacroix N. Documents pour servir à l'étude du nord-ouest africain, Alger, 1927, გვ. 169.

დასახადებს, გადასახადების ამკრეფთა შორის არიან რელიგიური ლიდერები — მარაბუტები. სულთნის ხელისუფლება შარლ დე ფუკოს წარმოდგენილი აქვს როგორც არარაობა, უმნიშვნელო რამ, იგი მას ზედმეტად მიიჩნევს, სამაგიეროდ აღიარებს ბერბერული ტომების პოლიტიკურ ორგანიზაციას. ერთიანი მმართველობის არ არსებობა, შარლ დე ფუკოს აზრით, მაროკოს სახელმწიფოს დაღუპვას უქადდა¹⁸.

მაროკოს ისტორიის შესასწავლად ფრანგულ ეთნოლოგიურ ლიტერატურაში თვალსაჩინო ადგილი უჭირავს ფრანგი დიპლომატისა და მეცნიერის ეჟენ ობინის ნაშრომებს. მისი წიგნი „თანამედროვე მაროკო“ ბევრ საინტერესო ცნობას შეიცავს, პროტექტორამდელი პერიოდის მაროკოს ისტორიის შესწავლის თვალსაზრისით ობინი მაროკოს სახელმწიფოს გვიხატავს, როგორც არა მყარ ფედერაციას, რომელიც არსებობს ისლამის რელიგიისა და მაჰშენის ძალდატანების საშუალებით. ე. ობინი აღნიშნავს, რომ კონფლიქტის მიუხედავად, რომელიც ცენტრალურ ხელისუფლებასა და ტომებს შორის გრძელდებოდა, ურთიერთობა მათ შორის მაინც მტკიცე იყო, რადგანაც ტომთა უმრავლესობა მაჰშენთან ნათესაურ კავშირში იმყოფებოდა და ასეთი ურთიერთობა კონფლიქტის დროსაც კი არ წყდება¹⁹.

თუ ობინი ასეთ მდგომარეობას ანარქიას უწოდებდა, ე. დუტე სულ სხვა წარმოდგენის არის ამ საკითხზე. იგი წერს: „ეს სულაც არ არის ანარქია, პირიქით წესრიგია, ასეთ ქაოსში ყველა აქტიური ძალა თანასწორობას პოულობდა, ხოლო კლასების და პოლიტიკური პარტიების საქმიანობა მიმართული იყო იმისაკენ, რომ უზრუნველყოფით მყარი პოლიტიკური დასაყრდენი ცენტრალური ხელისუფლებისათვის როგორც ქალაქად, ასევე სოფლად“²⁰.

ე. დუტე მიუთითებს, რომ ქვეყნის დაყოფა ორ ზონად მაჰშენად და სიზად ევროპელი მეცნიერების შეცდომაა, ევროპელ მეცნიერებს იმპერია წარმოუდგენიათ როგორც სხვა სახელმწიფოებისაგან საზღვრებით გამოყოფილი ტერიტორია, ხოლო მუსლიმების თვალსაზრისით, სულთნის ხელისუფლების გავრცელების საზღვარი მოსახლეობის სულთნისათვის მორჩილებისა და მიხედვით განისაზღვრებოდა. დაუმორჩილებელი და დამორჩილებული ტერიტორიების საკითხის ასეთი გაგება ხშირად იწვევდა ალყირ-მაროკოს სასაზღვრო კონფლიქტს²¹.

ფრანგი ავტორები მაროკოს შესწავლისას დიდი მნიშვნელობას ანიჭებდნენ ბერბერების სოციალურ-ეთნოგრაფიული თვალსაზრისით გამოკვლევას. ბევრი ფრანგი ავტორი მათ აიგივებდა ალყირელ კაბილებთან, მავალითად, მარკიზ დე სეგონზაკი მომხრეა იმისა, რომ მაროკოში ალყირის მსგავსად მოსახლეობა დაიყოს ორ ფენად: ფრანგ მოქალაქეებად და ადგილობრივ ქვეშევრდომებად, შემუშავდეს ადგილობრივი კოდექსი მაროკოს მოსახლეობისათვის, რის მიხედვითაც მაროკოელ არაბებსა და ბერბერებს არ ექნებოდათ ის უფლებები, რითაც სარგებლობდნენ ფრანგი კოლონიზატორები. მსგავსად ალყირისა,

¹⁸ Foucauld Charles de, Reconnaissances au Maroc, 1883—1884, Paris, 1888, გვ. 78.

¹⁹ Doutté Edmond, Une mission d'études, „Renseignement colonial“, Paris, 1961, გვ. 169.

²⁰ Aubin, Eugene, Le Maroc d'aujourd'hui, Paris, 1903, გვ. 52.

²¹ Doutté Edmond, En Tribu..., გვ. 83.

მაროკოშიც უნდა განვითარებულიყო აგრარული კაპიტალიზმი, რაც ითვალისწინებდა ეკონომიკურ ძალდატანებას ახალი კოდექსის საშუალებით²².

ფრანგი მკვლევარი ედმონდ დუტე მისი კოლეგებისაგან განსხვავებით საგანგებოდ არ ეძებს ეთნიკურ სხვაობას არაბებსა და ბერბერებს შორის. ე. დუტე წერს: „მაროკოში ისევე, როგორც ალჟირში ადგილობრივი ხალხის ეთნიკური დაყოფა „არაბებად“ და „ბერბერებად“ — ეს მხოლოდ არარსებული მოგონილი სხვაობაა, როცა არ არსებობს რაიმე კრიტერიუმი, რომლის მიხედვითაც შესაძლებელი იქნებოდა ამ განსხვავებებს დადგენა²³. სტატიაში „ორი პოლიტიკა“ იგი წერს, რომ „მაროკოში შეხვდებით ბერბერულ ენაზე ნოლაპარაკე არაბებს, ან პირიქით, ეს აღინიშნება როგორც მკვიდრ, ასევე მომთაბარე მოსახლეობაშიც. სიტყვა „ბერბერს“ არ აქვს ზუსტი აზრი გარდა იმისა, რომ იგი ლინგვისტურია, ეს იმას ნიშნავს, რომ არსებობს დიალექტთა ჯგუფი, რომელშიც დიალექტები მკვიდროდ უკავშირდებიან ერთმანეთს²⁴. ასე, რომ თუ მოვინდომებთ, შეიძლება კიდევ დავყოთ ჩრდილო აფრიკელები ბერბერებად და არაბებად, მომთაბარეებად და მკვიდრ მოსახლეობად, მრავალრიცხოვან ანატომიურ ტიპებად, მაგრამ არაბებსა და ბერბერების ეთნიკური კლასიფიკაცია არ არის ცალკე გამოსაყოფი კონკრეტული ფაქტი²⁵. საბოლოოდ არაბებსა და ბერბერებს შორის განსხვავების საფუძვლად მას ლინგვისტური სხვაობა მიაჩნია.

საფრანგეთის პოლიტიკაში მაროკოს მიმართ შეიძლება გამოიყოს ორი ტენდენციური მიმართულება. პირველი ცნობილია „მაჰზენის პოლიტიკის“ სახელით და ითვალისწინებდა მაროკოს მთავრობის თანამონაწილეობით რეფორმების გატარებას, ხოლო მეორე — „ტომების პოლიტიკა“ — ითვალისწინებდა მაროკოს ბერბერული ტომების თანდათანობით დამორჩილებას და ქვეყნის მთელი ტერიტორიის ანექსიას²⁶. მაჰზენის პოლიტიკის გატარების მომხრენი ფრანგი დიპლომატები იყვნენ, ხოლო ტომების პოლიტიკისა — უმადლესი სამხედრო პირები. ამ ორ მიმართულებას შორის უკომპრომისო ბრძოლა მიმდინარებდა და ბოლოს საფრანგეთის მთავრობამ მაჰზენის პოლიტიკის გატარებას დაუჭირა მხარი. მას საფუძველი ჩაუყარა დელკასეს პოლიტიკამ, 1904 წ. ხელშეკრულების შემდეგ, რომლის მიხედვითაც საფრანგეთის ეკონომიკური დაზარების საფარ ქვეშ უნდა გაეტარებინათ „მშვიდობიანი შედგენის“ პოლიტიკა. ამას ერთი მხრივ, უნდა შეენელებინა საფრანგეთის დეპუტატთა პალატაში კოლონიალური ექსპანსიის კრიტიკა, ხოლო მეორე მხრივ, საფრანგეთის მთავრობის აზრით, ასეთ პოლიტიკას წარმატება უნდა მოეტანა ტომების დამორჩილების საქმეში. მშვიდობიანი შედგენის აზრით, საფრანგეთი ცდილობდა მაროკოში მიეღწია დომინირებული მდგომარეობისათვის რეფორმების გატარების გზით, რაშიც მას სულთან და მაჰზენი უნდა დახმარებოდნენ²⁷.

ფრანგები ცდილობდნენ შეექმნათ ისეთი შთაბეჭდილება რომ თითქმის იცავდნენ ტომებში არსებულ გადასახადების აკრეფის წესებს, პატივს სცემ-

²² Segonzac Marquis de. Voyages au Maroc, 1899—1901, Paris, 1904, გვ. 97.

²³ Douillé Edmond, En Tribu..., გვ. 152.

²⁴ Douillé Edmond, Les deux politiques, Afrique française, 1903, გვ. 306-307.

²⁵ Douillé Edmond. En Tribu..., გვ. 161.

²⁶ R. de Caix. La France et le Maroc, Afrique française, 1903, გვ. 404.

²⁷ Bernard A., Les confins algéro-marocains, Paris, 1911, გვ. 62.

დნენ რელიგიას და ადგილობრივ წეს-ჩვეულებებს, ფრანგი მოხელეები თანამშრომლობდნენ მაჰზენის ოფიციალურ წარმომადგენლებთან, ყოველმხრივ ცდილობდნენ შეექმნათ ისეთი შთაბეჭდილება საფრანგეთსა და ევროპის განვითარებულ კაპიტალისტურ ქვეყნებში, რომ თითქოს კოლონიზატორები პატიოსნად იქცეოდნენ.

მაროკოს სოციალურ-პოლიტიკური ორგანიზაციის შესწავლის საქმეში დიდი წვლილი შეიტანეს როგორც ე. დუტემ, ისე მაროკოში სამეცნიერო მისიის ხელმძღვანელმა ე. მიშო-ბელერმა, მ. ეტიენმა, რ. დე კემ და სხვ.; ისინი აღნიშნავდნენ, რომ მაჰზენის ავტოკრატიამ უარყოფითი გავლენა მოახდინა ბერბერების დემოკრატიულ წესებზე და ჩვეულებებზე. მიუხედავად ამისა, მხოლოდ ბერბერების წინააღმდეგობის წყალობით იყო, რომ სულთნის სამოქალაქო და სასულიერო ხელისუფლება ძირეულად განსხვავდებოდა ერთმანეთისაგან. ხელისუფლებისა და მიხედვით იყოფოდა აგრეთვე სულთნის მთავრობის გავლენის სფეროებიც. თავის დროზე ე. ეტიენი მოუწოდებდა საფრანგეთის ხელისუფლებას ორგანიზებული პოლიტიკის გატარებისაკენ, რამდენადაც ამ საშუალებით საფრანგეთის მორჩილების ქვეშ ადვილად აღმოჩნდებოდა, როგორც მაჰზენის, ასევე ტომების მიწებიც²⁸. ედუარდ მიშო-ბელერი, რომელმაც 20 წელზე მეტ ხანს დაჰყო მაროკოში, მას ორ ნაწილად, ორ „ორგანიზმად“ ჰყოფს მაჰზენისა და ბერბერულ „ორგანიზმად“. იგი ამბობს, რომ „მაჰზენის ბერბერული პოლიტიკა არ განსხვავდებოდა უძველესი ფინიკიელებისა და რომაელების ბერბერული პოლიტიკისაგან. „როგორც მათ, მაჰზენსაც არ ძალუძს წესრიგში მოიყვანოს ბერბერების სოციალურ-პოლიტიკური ორგანიზაცია, ერთადერთი, რაც მათ შეეძლოთ მოემოქმედათ ბერბერების წინააღმდეგ, ეს იყო ბერბერების გარკვეულ საზღვრებში მომწყვდევა, ყოველგვარი საფუძვლის გარეშე მათ ყოფა-ცხოვრებაზე პასუხისმგებლად საკუთარი თავის გამოცხადება. ყველა ამ საშუალებით მაჰზენი ამართლებდა თავის უფლებებს ბერბერებზე, რომლის გამოყენებაც მას თვითონ არც კი შეუძლია“²⁹. ე. მიშო-ბელერი იმედს გამოთქვამდა, რომ ეს ორი ორგანიზმი გაერთიანდებოდა საფრანგეთის მეშვეობით. ფრანგული კოლონიალიზმის ეს აპოლოგეტი ცდილობდა თავისი მკითხველი დაერწმუნებინა იმაში, რომ თითქოს მაროკოს ერთ მთლიან სახელმწიფოდ გაერთიანება და არაბებსა და ბერბებს შორის მშვიდობიანი თანაარსებობის დამყარება მხოლოდ ფრანგების დაპყრობას შეეძლო.

ფრანგი მეცნიერები საკმაოდ დიდ ყურადღებას უთმობენ მაროკოში ისლამის თავისებურებების შესწავლას. როგორც ისინი აღნიშნავენ, მაროკოში პროტექტორატის დროს და მის წინა პერიოდში არსებობდა ძალზე ბევრი სასულიერო თანამდებობის პირი კერძოდ, შერიფები მარაბუტები თუ წმინდანები, რომელთაც თავიანთი ორგანიზაციები ჰქონდათ. მაროკოს სულთნის უმაღლესი ხელისუფლებისადმი ოპოზიციას რელიგიური ზედაფენა წარმოადგენდა, ხოლო მისი გავლენა ქვეყნის პროვინციებში, ხშირად, სულთნის ხელისუფლებაზე ძლიერიც იყო. თავის დროზე ზოგიერთი ფრანგი ავტორი რჩევას იძლეო-

²⁸ Etienne M., *Afrique française*, Paris, 1904, გვ. 94.

²⁹ Michaux-Bellaire E. *Le mission scientifique du Maroc*, Rabat, 1925, გვ. 21.

და სულთნის მხარდაჭერის ნაცვლად დაკავშირებოდნენ მარაბუტებს, რელიგიური ძმობის მეთაურებს, სასულიერო არისტოკრატიას, რაც უფრო გამოსადეგი იყო კოლონიური შეღწევისათვის³⁰. ისეთი ცნობილი მეცნიერები, როგორც არიან ე. ლუტე და ე. მიშო-ბელერი. სათანადოდ ვერ აფასებდნენ ისლამის სარწმუნოებას, ისინი ისლამს მაროკოს საზოგადოების დევარდაციის მიზეზადაც კი მიიჩნევდნენ. ისლამი ტყვიის მანტიასავით დააწვა მთელ ქვეყანას, — ამბობდა პირველი³¹. ისლამის შესწავლა ნათელყოფს თავის სისასტიკეს და მტრულ განწყობილებას ყოველგვარი პროგრესისა და ცივილიზაციისადმი³², — კვერს უყრავდა მეორე. რაც შეეხება ბერბერებს, ისინი მხოლოდ ნაწილობრივ ეზიარნენ ისლამს. ბერბერების მცირე ნაწილის მიერ ისლამის აღიარებას, მათი აზრით, მხოლოდ ფორმალური ხასიათი ჰქონდა. ფრანგი ეთნოლოგები ირწმუნებიან, რომ „პირველდაწყებითი“ ბერბერული რელიგია არსებობას აგრძელებდა „ფეტიშიზმის, კერპთაყვანისმცემლობის, წარმართობის ნარევის სახით, სადაც შეხვედებოდა ჯადოსნობის, იუდაიზმის და კათოლიციზმის ნაკვალევს“³³.

მიუხედავად მრავალი საინტერესო ფაქტების გამოვლენისა და დაკვირვებებისა, რომლებიც ფრანგმა მეცნიერებმა ჩრდილო აფრიკის ეთნოლოგიური კვლევისას ჩაატარეს, საფრანგეთის ხელისუფლება მაროკოში პროტექტორატის დამყარების შემდეგ (1912) არ ცდილობდა შეემუშაებინა ოპტიმალური პოლიტიკა ბერბერების მიმართ, მათი ყურადღება ძირითადად მიმართული იყო მაჰშენზე ჰეგემონიის დამყარებისკენ. სამეცნიერო ექსპედიციების შედეგად, რომელიც ქ. მარაკეშის სამხრეთით მდებარე რაიონებში ეწყობოდა, აღმოჩნდა, რომ ბევრ ბერბერულ ტომში ფეოდალური ურთიერთობა საკმაოდ შორს იყო ფესვებგადგმული. ფრანგი მეცნიერი პოლ ლემუენი თავის ნაშრომში, რომელიც 1905 წელს გამოქვეყნდა, წინადადებას იძლეოდა დამეყარებინათ მჭიდრო ურთიერთობა ბერბერული ტომების ბელადებთან, რადგან ასეთი გზით საფრანგეთს აღარ გაუძნელდებოდა მაროკოს დამორჩილების წარმატებით განხორციელება³⁴. ატლასის მთებში ჩატარებული მარკიზ დე სეგონზაკის ექსპედიციების საშუალებით დადგენილი იქნა, რომ იმ ტომში, რომლის სათავეშიც ავტორიტეტული ბელადი არ იდგა, ანარქია სუფევდა. მაგრამ მარკიზ დე სეგონზაკი სულაც არ აღწერს ბერბერული ტომის იდეალურ სახეს. იგი ამტკიცებს, რომ მათ ახასიათებთ რელიგიური შეურთიგებლობა, საზოგადოებრივი ანარქია, დაბალი მორალური დონე აგრეთვე უხეში საქციელიც. კარგი იდეალური ბერბერის პიროვნება ჩამოყალიბდებოდა მხოლოდ და მხოლოდ პროტექტორატის დამყარების შემდეგ, — ამტკიცებდა იგი.

ზოგიერთი ფრანგი ექსპერტი დაყინებით მოითხოვდა ისეთი პოლიტიკის გატარებას, რომლის საშუალებითაც ფრანგი კოლონიზატორები არაბებსა და ბერბერებს შორის არსებულ მცირე განსხვავებებსაც კი გამოიყენებდნენ. ამას

³⁰ Segonzac Marquis de, Au Coeur de l'Atlas, missiou au Maroc, 1904—1909, გვ. 251—258; Miège J. L., Le Maroc et l'Europe, Paris, 1963, ტ. 4. გვ. 245-246.

³¹ Deutté Edmond, Le Fanatisme Musulman, „Renseignements coloniaux“ 1909, გვ. 155.

³² Michaux-Bellaire E., Le mission..., გვ. 50.

³³ Segonzac Marquis de, Au coeur..., გვ. 266.

³⁴ Lemoine P., Mission dans la Maroc occidental „Renseignements coloniaux“, 1905, გვ. 78.

მოითხოვდა რობერ დე კე, მაგრამ ეს თვალსაზრისი არ მოეწონა ფრანგი კოლონიზატორების უმრავლესობას — 1912 წ. შემოღებულმა ოგიუსტ ბერნარის განსაზღვრებამ უფრო ფართო გამოხმაურება პოვა. თავის წიგნში „ალჟირ-მაროკოს საზღვრები“ ო. ბერნარი აღნიშნავს: „რაც შეეხება ფრანგული ექსპანსიის მიმართ ბერბერებისა და არაბების განწყობას, იგი მკვეთრად არ განსხვავდება იმისაგან რასაც ზოგჯერ წარმოგვიდგენენ (ფრანგი ავტორებისა: შებედლეზანი-ზ. მ.) უეჭველია, რომ მათ შორის არსებობს განსხვავებანი, რომელიც მხედველობაში მიღებული უნდა იქნეს, მაგრამ პოლიტიკის ფორმირების დროს მასზე უარის თქმა არის საჭირო — არაბები და ბერბერები საკმაოდ შეერივნენ ერთმანეთს, მათი სოციალური მდგომარეობა იმდენად ჰგავს ერთმანეთს, რომ შეუძლებელია მათი რადიკალური ურთიერთდაპირისპირება.“

აღნიშნულ ნაშრომში ო. ბერნარი ლიოტეს აზრს იზიარებს. ლიოტეს ჩანაწერების გამოკვლევისას ძნელია „ბერბერული პოლიტიკის“ არსის დადგენა³⁵. თავის ნაშრომში „მაროკოს მიმართულებით“ ლიოტე იმ აზრს ავითარებს, რომ საგულისხმო განსხვავება ბერბერებსა და არაბებს შორის არ არსებობს, და ყოველივე ეს პოლიტიკასთან არავითარ კავშირში არ იმყოფებოდა. ფრანგების მიერ მაროკოს დაპყრობის წინ — 1904—1912 წწ. პერიოდში, ლიოტეს ჩანაწერებში მაროკოელი ბერბერების სოციალურ-პოლიტიკური ორგანიზაციის საკითხები განვიხილული არ არის.

ზოგიერთი ფრანგი ავტორი იმ პერიოდში წინადადებებს იძლეოდა საფრანგეთს ისეთი პოლიტიკა გაეტარებინა, რომელიც მას საშუალებას მისცემდა არაბებსა და ბერბერებს შორის არსებული სხვაობა თავის სასარგებლოდ გამოეყენებინა. მათ შორის უნდა დავასახელოთ ლ. რივიერი, გენერალი შარბონაუ³⁶.

მაროკოს დაპყრობისათვის მოსამზადებელ პერიოდში (1904—1912) საფრანგეთის მიერ გატარებულ პოლიტიკას ედმუნდ ბურკე III განიხილავდა როგორც ცივილიზატორულ პოლიტიკას ჩამორჩენილი და უფიცი ხალხის მიმართ და აღნიშნავდა, რომ თითქოს ფრანგი კოლონიზატორებისა და დამორჩილებული მაროკოელი ხალხის მჭიდრო ურთიერთობა საშუალებას მისცემდა საფრანგეთს გამოენახა მაროკოელთა მიმართ გატარებული თავისი კოლონიალური პოლიტიკის ოპტიმალური ვარიანტი³⁷.

მიუხედავად იმისა, რომ მაროკოს დაპყრობის წინ, თითქმის ათი წლის მანძილზე, ამ ქვეყნის ისტორიისა და ეთნიკური შემადგენლობის შესწავლა ააღზე ინტენსიურად მიმდინარეობდა, ფრანგულ ეთნოლოგიურ ლიტერატურაში ბერბერების და არაბების მიმართ საფრანგეთის პოლიტიკის გატარების თაობაზე ერთიანი შედარება არ ჩანს.

თავიანთ ექსპანსიონისტურ აქციას მაროკოს მიმართ ფრანგები ამართლებენ იმით, რომ 1912 წლის წინ ქვეყანაში ანარქია სუფევდა და სულთნის ხელისუფლება არაპოპულარული იყო-ო. ი. ფანშონის მიხედვით, „შერცხვენილ“

³⁵ Bernard A., დასახ. ნაშრომი, გვ. 207.

³⁶ Riviere L., Traité, Codes et lois du Maroc, Paris, 1924, ტ. I; Général Charbonneau, Le Maroc à la croisée de chemin, Bourg, 1903.

³⁷ Edmund Burke III, The Image of the moroccan State in French Ethnological Literature: a new look at the Origin of Lyautey's Berber Policy, Arabs and Berbers, Duckworth, 1973, გვ. 179.

სულთანს ისლა დარჩენოდა რომ თავისი ტახტი რაც შეიძლება ძვირად დაეფასებინა³⁸.

კოლონიზატორული პოლიტიკის გულმაგიწყ აპოლოგეტებს უნდა შეეახსენოთ, რომ ბერბერული და სხვა ტომების გამოსვლები მიზნად ისახავდნენ არა ანარქიის შექმნას, ან სულთნის ხელისუფლების დამხობას, არამედ ფრანგების განდევნას მშობლიური მიწა-წყლიდან. სულთნის არაპოპულარობა კი იმით აიხსნებოდა, რომ იგი სათანადო წინააღმდეგობას ვერ უწევდა დამპყრობლებს. 1912 წ. 24 მაისს ლიოტე, რომელიც იმ დროს უკვე გენერალური რეზიდენტი გახდა ქ. ფესში ჩავიდა. მან მაროკოს ტერიტორია 5 სამხედრო ერთეულად დაჰყო; დაიწყო ქვეყნის „ათვისება“. სამხრეთ ნაწილში, სადაც ფეოდალური ურთიერთობანი იყო ჩამოყალიბებული, ხელისუფლება შვიდი მსხვილი კაიდის (ნეთაურის) ხელში იყო მოქცეული. ისინი ნებაყოფლობით დაემორჩილნენ ფრანგებს და ამის საპასუხოდ თავიანთი ფეოდალური ხელისუფლება შეინარჩუნეს. მაროკოს ჩრდილოეთ და ცენტრალურ ნაწილში, სადაც ძლიერი იყო პატრიარქალურ-ფეოდალური ურთიერთობანი, საფრანგეთის ხელისუფლება ურჩი ტომების დასამორჩილებლად სხვა ზომებს მიმართავდა, გზავნიდა დამსჯელ რაზმებს, რომლებიც ანადგურებდნენ და აოხრებდნენ სოფლებს, ნათესებს, ზოცავდნენ საქონელს, წვაავდნენ სახლებს და ა. შ. აი ასეთი მეთოდებით ცდილობდნენ ფრანგი კოლონიზატორები ქვეყნის დამორჩილებას³⁹. ადგილობრივი პოლიტიკის შემუშავებისას დიდი მნიშვნელობა ენიჭებოდა ტომის ბელადთან დამოკიდებულების საკითხის გადაწყვეტას, რაც გამოინატებოდა, მათთან ახლო ურთიერთობის დამყარებაში, ქქ. მეკნესის და ფესის რაიონებში ძლიერი ტომები არ ცხოვრობდნენ. შუღლის შედეგად დაქსაქსული ცალკეული ბერბერების ჯგუფები მაინც სერიოზულ წინააღმდეგობას უწევდნენ თავიანთი სტრატეგიული ადგილმდებარეობის გამოყენებით, რადგან ისინი პარტიზანულ ბრძოლას ეწეოდნენ ფრანგების წინააღმდეგ⁴⁰.

საფრანგეთის ჯარი უძლური აღმოჩნდა თავისუფლებისმოყვარე ბერბერებთან რაიმე გაეწყო. გარდა ამისა, არ იყო სათანადოდ შესწავლილი ამ რეგიონის ბერბერების ყოფა-ცხოვრება, რაც აძნელებდა მათთან ურთიერთობას დამყარებას. პირველი ცნობები შუა ატლასის ბერბერების შესახებ ფრანგულ ისტორიოგრაფიაში ფრანგ ოფიცერს მორის ლეგლეს ეკუთვნის. თავის ნაშრომში „ლიოტე და ადგილობრივი მმართველობა“, იგი მოუწოდებდა, რომ აღნიშნულ რეგიონში სასწრაფოდ დაწესებულიყო კონტროლი, რადგანაც ვამუდმებული ანტიფრანგული გამოსვლები კოლონიზატორების სიცოცხლეს საფრთხეში აგდებდა⁴¹. ვინაიდან სპეციალური გამოკვლევები ბერბერების შესახებ არ იყო, საჭირო გახდა რაიმე ორიენტირის არსებობა მათთან საერთო ენის

³⁸ Fanchon Y., Le Maroc d'Algerias, à la souveraineté économique, Paris, 1957, გვ. 63.

³⁹ Martinot A., Les delires de l'imperialisme et les folies marocaines, Paris, 1925, გვ. 121.

⁴⁰ Colliez A. Notre Protectorat marocain, Paris, 1930, გვ. 63.

⁴¹ Le Glay Maurice, Lyautey et le commandement indigene, Afrique française, 1936, გვ. 196.

გამოსანახად. ფრანგებმა გამოიყენეს ის გამოცდილება, რომელიც მიიღეს ალჟირში ადგილობრივი ბერბერების მიმართ გატარებული პოლიტიკის შედეგად. ფრანგი მეცნიერი შარლ რობერტ აჟერონი ამ პოლიტიკას „კაბილურ მითს“ უწოდებდა. ეს იყო „მითი კარგი ბერბერების შესახებ“. ფრანგების მიერ ხაზგასმულ ალჟირელ ბერბერთა ასეთ დადებით დახასიათებას საფუძვლად დაედო კაბილთა საზოგადოების დემოკრატიული ხასიათი, მისი გამუსლიმების დაბალი დონე, ქალების თანასწორუფლებიანობა ჩრდილო-დასავლეთ აფრიკის სხვა ქვეყნებთან შედარებით, კაბილების მიერ ფრანგული კულტურის სწრაფი აღქმა⁴². ვარდა ამისა, ფრანგი კოლონიზატორები მოხერხებულად იყენებდნენ ტომთა შორის არსებულ მტრობას, დამორჩილებულ ტომებს ჰპირდებოდნენ დიდძალ ფულად თანხას იმ შემთხვევაში, თუ ისინი თავისივე მონათესავე ურჩი ტომების წინააღმდეგ ფრანგ ჯარისკაცებთან ერთად გაილაშქრებდნენ, ლაშქრობის შემდეგ ხელში ჩაგდებული ნაძარცვი ქონება ტომებს რჩებოდათ. ფრანგი ისტორიკოსი ფ. ბილუ ამ შემთხვევის გამო წერდა: „ბერბერი მეომრები, რომლებიც ფრანგებთან ერთად მონაწილეობდნენ ურჩი ტომების წინააღმდეგ მოწყობლ დამსჯელ ექსპედიციებში, გამარჯვების შემდეგ ტრიუმფით ბრუნდებოდნენ თავიანთ ტომში და თან მოჰქონდათ ნაძარცვი საქონელი“⁴³.

ასეთი იყო ფრანგული კოლონიალური პოლიტიკის ზოგიერთი მეთოდი მაროკოში. ოკუპანტები არავის არ ინდობდნენ, თუ მათ არ დაემორჩილებოდნენ. გამონაკლისს არც სულთანი შეადგენდა, მიუხედავად იმისა, რომ 1912 წ. 30 მარტის ხელშეკრულებით სულთნის ინტერესების დაცვა გარანტირებული იყო. 1912 წ. აგვისტოსათვის მაროკოს სულთანს აიძულეს თავის ძმისთვის — მულაი იუსუფისათვის ტახტი დაეთმო. ეს უკანასკნელი თავისი წინამორბედი-საგან განსხვავებით უფრო ფრანგული ორიენტაციის აღმოჩნდა. მიუხედავად ახალი სულთნის დალატისა, ბერბერული ტომები თითოეული მტკაველი მიწისათვის უკომპრომისო ბრძოლას განაგრძობდნენ⁴⁴. რიცხობრივად ჭარბმა და უკეთესად შეიარაღებულმა საფრანგეთის ჯარმა დიდი დანაკარგების ფასად შეძლო ქ. საფის, მარაკეის, ფესისა და მეკნესიის ოკუპაცია. ბერბერული ტომები ბრძოლას არ წყვეტდნენ ოკუპირებულ ტერიტორიაზეც. მათ შორის იყო ისეთი ტომები, როგორიცაა აიტ ზაიანი, აიტ ვარიაგარი, აიტ ხამუ, აიტ უსი და სხვები. ფრანგ ოკუპანტებთან ბრძოლაში სახელი გაითქვა აიტ ზაიანის ტომის ბელადმა მოჰა უჰამუმ, იგი პარტიზანულ ბრძოლას ეწეოდა და არ აძლევდა კოლონიზატორებს დაპყრობილ ტერიტორიაზე განმტკიცების საშუალებას⁴⁵. ფრანგი კოლონიზატორები დაპყრობილ ტერიტორიაზე განსაკუთრებით ცდილობდნენ რიფების ეროვნულ-განმათავისუფლებელი ბრძოლის სახელგანთქმული წინამძღოლის აბდალ-ქერიმ ალ ხატაბის თავის მხარეზე გადაბირებას. საქმეში მნიშვნელოვან როლს ასრულებდა ესპანეთიც. ესპანეთის მმართველმა წრეებმა აბდ ალ ქერიმის შვილები სამუშაოდაც კი მიიწვიეს, მაგრამ ამით მათ აბდ ალ ქერიმთან შეთანხმებას ვერ მიაღწიეს. როცა ტომების გააფთრებულ წინააღმდეგობას წააწყდა, საფრანგეთმა გაოწყვიტა ჯარი გაე-

⁴² Ageron Charles Robert, დასახ. ნაშრომი, გვ. 339.

⁴³ Billoux F., La France et le Maroc, Paris, 1955, გვ. 63.

⁴⁴ Bernard A., La France au Maroc, Paris, 1917, გვ. 21.

⁴⁵ Khorat P., Scènes de la pacification marocaine, Paris, 1914, გვ. 85.



ყვანა ქვეყნის შიდა რაიონებიდან. ამ ნაბიჯს ამართლებდა ბევრი ფრანგი ავტორიც ა. კოლიე, ლ. მორისი, ჟ. ლეჟე, ბონე დევილერი და სხვები. მათი აზრით, საფრანგეთის გარნიზონი განლაგებული უნდა ყოფილიყო მხოლოდ სანაპირო ზოლში, ქვეყნის დაპყრობა დროებით გადაედოთ და სხვა კუთხით ძიდგომოდნენ ტომებთან ურთიერთობის მოწესრიგების საკითხს⁴⁶. ბერბერული ტომების თავგანწირულ წინააღმდეგობას და მათ წარმატებით ბრძოლას საფრანგეთის რეგულარული ჯარის წინააღმდეგ ზოგიერთი ავტორი უკავშირებს მაროკოში გერმანიის მიერ ინტენსიურად წარმოებულ ანტიფრანგულ საქმიანობასა და პროპაგანდას. ესენია ა. კამბონი, რ. კანი, ა. კოლიე თ. ბერნარი, გ. ჰარდი⁴⁷ უნდა აღინიშნოს, რომ ეს მაროკოში ფრანგების ზოგიერთი სამხედრო წარუმატებლობის გადამწყვეტი ფაქტორი არ იყო. ეჭვგარეშეა, რომ ტომის ბელადები მოხერხებულად იყენებდნენ მაროკოს ხელში ჩაგდებას თაობაზე შექმნილ საფრანგეთ-ესპანეთის და ევროპის სხვა იმპერიალისტური ქვეყნების წინააღმდეგობას, მაგრამ ტომის ბელადების უმრავლესობა, ოფიციალური შეთანხმებით, არ ყოფილა დაკავშირებული არც ერთ ევროპულ სახელმწიფოსთან, ისინი ამ უკანასკნელთაგან მხოლოდ სამხედრო დახმარებას იღებდნენ. მაგალითად, გერმანელი მისიონერები მაროკოში ბევრ ტომის ბელადს დიდძალ იარაღს აწვდიდნენ და ფინანსურ დახმარებასაც სთავაზობდნენ⁴⁸. ის სიძნელებები, რომელიც საფრანგეთის ხელისუფლებამ მაროკოს დაპყრობის დასაწყისში განიცადა, ფრანგების მიერ ბერბერების საბრძოლო პოტენციის არასათანადოდ შეფასების შედეგი იყო. გენერალურ რეზიდენტს ლიოტეს ბერბერული პოლიტიკა შემდეგნაირად ჰქონდა წარმოდგენილი: „საჰირთა პოლიტიკური მოქმედების მოხერხებული შეთავსება ძალასთან, ეს არის ერთ-ერთი მთავარი პირობა მტრულად განწყობილი ტომების დასამორჩილებლად“⁴⁹.

ამრიგად, ლიოტეს პოლიტიკის თანახმად, საჭირო იყო გავლენიანი მარაბუტების⁵⁰ ან ტომის ზედაფენის მოსყიდვა და მათი ავტორიტეტის საშუალებით ტომის დამორჩილება. როგორც მორის დე გლეი აღნიშნავდა, ტომის გულის მოსაგებად საფრანგეთის კოლონიური ხელისუფლება აშენებდა და აწყობდა ახალ ბაზრებს, საკრებულო შენობებს, ხსნიდა სამედიცინო დახმარების ახალ პუნქტებს⁵¹. პროტექტორატის დამყარების ხანაში (1912—1919 წწ.). ასეთი პოლიტიკა ცვალებადი წარმატებებითაც ხასიათდებოდა, მაგრამ საბოლოო მარცხი განიცადა, გარდა ამისა, საფრანგეთის ხელისუფლება ბევრ გავლენიან ბერბერს კოლონიური მმართველობის ადმინისტრაციაში მაღალ თანამდებობას ჰპირდებოდა, ბერბერების მიმართ მუდმივი პოლიტიკის შემუშავებისათვის არ იყო საკმარისი ინფორმაცია მოსახლეობის სოციალური შე-

⁴⁶ Colliez A. დასახ. ნაშრომი, გვ. 52; Maurice L., La politique marocaine de l'Allemagne, Paris, 1916; Legay G., Ce que j'ai vu au Maroc, Nancy, 1925; Bonnet-Devillers. La guerre du Rif, Ce que j'ai vu au Maroc, Paris, 1926.

⁴⁷ Cambon H., Histoire du Maroc, Paris, 1952; Kann R. დასახ. ნაშრომი; Colliez A. დასახ. ნაშრომი; Bernard A. Le Maroc, Paris, 1921; Hardy G., L'âme marocaine d'après la littérature française, Paris, 1926.

⁴⁸ Maurice L., დასახ. ნაშრომი, გვ. 74.

⁴⁹ Lyautey H. Paroles d'action, Paris, 1948, გვ. 36.

⁵⁰ მარაბუტებს უწოდებდნენ რელიგიური ძმობის მეთაურებს ჩრდილოეთ აფრიკაში.

⁵¹ Le Glay Maurice, დასახ. ნაშრომი, გვ. 196.

მადგენლობის შესახებ, საჭირო იყო მაროკოში მყოფი ფრანგი კვალიფიციური ექსპერტებისა და ეთნოგრაფების რიცხვის გაზრდა. სწორედ აქ გახდა საჭირო იმ გამოცდილების გამოყენება, რომელიც ფრანგებმა ალჟირში კაბილებთან ურთიერთობისას შეიძინეს. ალჟირელი ბერბერების შესახებ ფრანგულ ენაზე მდიდარი ისტორიული და ეთნოგრაფიული ხასიათის ლიტერატურა არსებობდა. მასში დაწვრილებით იყო მოთხრობილი ბერბერული ტომების საზოგადოებრივ-პოლიტიკური და სოციალური ორგანიზაციის, მათი ზნე-ჩვეულებების, ბერბერული ენისა და მისი დიალექტების შესახებ, ამ მხრივ აღსანიშნავია ფრანგი მეცნიერების ა. ანოტოს და ა. ლეტურნეს სამტომეული ნაშრომი „კაბილები და კაბილთა ზნე-ჩვეულებანი“. თ. ბერნარის „ალჟირი“ „ჩრდილოეთ აფრიკის ადგილობრივი საზოგადოება“,⁵² სადაც ნათქვამია, რომ ალჟირში საფრანგეთის კოლონიური პოლიტიკის წარმატებით გატარებას ხელს უწყობდა ის ფაქტი, რომ ბერბერები აქ მცირერიცხოვანნი იყვნენ, ხოლო არაბებთან საერთო ენის გამოხატვა კი უფრო ადვილი იყო. „გარდა ამისა, არაბები ადვილად ეგუებოდნენ იმ გარემოებას, რომ საფრანგეთის კოლონიური ხელისუფლება ადგილობრივი მოსახლეობის მიმართ დიპლომატიურ მიდგომას ხშირად ძალმომრეობით ცვლიდა“⁵³. რაც შეეხება მაროკოელ ბერბერებს, მათ არაფრის არ სწამთ, სჯერათ მხოლოდ თავისუფლების და ეჭვარებათ ყოველი ჭურის დამპყრობელი, მოძალადე, არაბი იქნება ეს თუ ფრანგი“⁵⁴.

ბერბერების შესახებ ფრანგულ ენაზე გამოცემულ ნაშრომებში დიდი ყურადღება ეთმობოდა ჯამაას (საკრებულოს) და უხუცესთა საბჭოს პოლიტიკური როლის გარკვევას ტომების ყოველდღიურ ცხოვრებაში. გარდა ამისა, განხილული იყო ტომთაშორისი ურთიერთობანი არსებული სამართლის საფუძველზე. მაჰზენი ნიშნავდა ტომის ბელადებს სულთნის კართან დაახლოებული პირებიდან, ხოლო რეალური ძალაუფლება ჯამაას ან უხუცესთა საბჭოს ხელში იყო. ამასთან დაკავშირებით გაკრიტიკებულია მაროკოს ადგილობრივი ხელისუფლება პოლკოვნიკ ანრისის მიერ საფრანგეთის მთავრობისათვის გაგზავნილ მოხსენებით ბარათში⁵⁵.

საფრანგეთის ყოფილი სამხედრო ექსპერტების ანრისის, ბერიანის და სიმონის მიერ შედგენილ მოხსენებებში და საანგარიშო ბარათებში ბერბერები წარმოდგენილი არიან ერეტიკოსებად, რომლებიც შარიათის (მუსლიმური კანონმდებლობის) მიღებაზე უარს ამბობდნენ, კერძოდ ნათქვამია რომ მართალია ბერბერები გამუსლიმდნენ, მაგრამ მათ შეძლეს თავიანთი ტრადიციული არამუსლიმური წეს-ჩვეულებების შენარჩუნებაც. ისინი უნდობლად უყურებენ ისეთ ხელისუფლებას, რომელიც მოქცეულია ერთი ადამიანის ხელში, ისინი გამსჭვალული არიან დემოკრატიზმით, სახალხო სამსჯავროზე გამოაქვთ ტომის ავ-კარგი, უხუცესთა საბჭოს საშუალებით წყვეტდნენ ომისა და ზავის სა-

⁵² Hanoteau A., Letourneux A. La Kabylie et les coutumes Kabyles. Augustin Challamel. Paris. 1893. ტ. 1, 2, 3.

⁵³ Bernard A. L'Algerie. Paris. 1931, გვ. 74.

⁵⁴ Soualah Mohammed. La société indigène de l'Afrique du Nord. Alger. 1937. გვ. 18.

⁵⁵ Surdon G. Institutions et coutumes des berbères du Maghreb, Tanger, 1938, გვ. 127.

კითხვებს, გარდა ამისა მათ აქვთ დამოუკიდებლობის ძლიერი გრძნობა, რომელიც მთელი სიცხადით მომხდურთა მიმართ ვლინდება⁵⁶.

როცა ცდილობს საფრანგეთის ექსპანსიონისტური პოლიტიკა გაამართლოს ფრანგი ავტორი ა. ბრუნო ბერბერულ კანონ-სამართალს ფრანგულს ადარებს და ამბობს, რომ „ბერბერების კანონები იმდენად ახლოა ჩვენს (ფრანგულ) კანონებთან, რამდენადაც შორს არის ისლამის კანონებისაგან“⁵⁷. მას მოჰყავს ასეთი მაგალითი: „ბერბერებში ქალთან ურთიერთობა ახლოს არის ფრანგულ ნორმებთან, ამდენად, იგი უფრო ევროპული დონის არის, ვიდრე არაბული, ხოლო ყურანის მითითებანი ქალთან ურთიერთობის, ოჯახში მათი ადგილის და უფლებების შესახებ ბერბერებში გავრცელებული არ არის“⁵⁸.

ბერბერული პოლიტიკის გასატარებლად 1913 წ. 30 ივლისს გამოიცა სპეციალური ცირკულარი. მის თანახმად, კოლონიზატორები ჰპირდებოდნენ ადვილობრივ მოსახლეობას, ხელუხლებლად დაეტოვებინათ იმ ბერბერული ტომების ტრადიციული სოციალურ-პოლიტიკური ორგანიზაცია, რომლებიც დაემორჩილებოდნენ ფრანგულ მმართველობას და არც ცნობდნენ შარიათს. იმისათვის, რომ კოლონიური შეღწევისათვის ნიადაგი მოემზადებინათ 1914 წ. 11 სექტემბერს გამოქვეყნდა დამირი (ბრძანებულება), რომლის მიხედვითაც პროფრანგულად განწყობილ ტომებს უნარჩუნებდნენ ტრადიციულ სამართალს. ბერბერებთან მჭიდრო ურთიერთობის დასამყარებლად საჭირო გახდა მათი ყოფა-ცხოვრების, ზნე-ჩვეულებების ზედმიწევნით კარგად შესწავლა, ამიტომ 1915 წ. 9 იანვარს რაბატში შეიქმნა ბერბერების ისტორიულ-ეთნიკური შესწავლის ცენტრი. ამ ორგანიზაციას ხელმძღვანელობას უწევდნენ გამოცდილი ფრანგი მოხელეები პოლკოვნიკი ა. სიმონი, ბერიო, გაიარი, ბიარნე და სხვ. დაარსდა ჟურნალი ფრანგულ ენაზე „ბერბერების არქივი“, რომელიც ბერბერების ისტორიულ-ეთნიკური შესწავლის ცენტრის ორგანო იყო. გარდა ამისა, 1915 წ. ცენტრმა გამოაქვეყნა პირველი მონოგრაფია მაროკოს ბერბერებში მიმდინარე ეთნიკური პროცესების შესახებ⁵⁹, ამ ორგანიზაციის საქმიანობის არსი ასე განსაზღვრა ბერბერების ისტორიის შემსწავლელი განყოფილების გამგემ ა. სიმონმა: „დღეს ჩვენ აღმოვჩნდით მაროკოში, სადაც ბერბერები ყველაზე მრავალრიცხოვანი არიან. ისინი ინარჩუნებენ თავიანთ ეროვნულ სახეს. ჩვენ ისინი ზედმიწევნით კარგად უნდა შევისწავლოთ. ალყირში გაწეული მუშაობა და განსაკუთრებით ანოტოს და ლეტურნეს შრომები მტკიცე ბაზას ქმნის ამისათვის. მაგრამ თითოეულ ტომს თავისი საკუთარი წესი და კანონი აქვს, ეს თავისებურებანი გულდასმით უნდა იქნეს შესწავლილი, რადგანაც ყველაფერი ეს წარმოადგენს იმის დოკუმენტურ საფუძველს, რასაც პოლიტიკური და ადმინისტრაციული კონტროლი ჰქვია“⁶⁰.

⁵⁶ Le Glay Maurice, Les populations berbères du Maroc, Conférences franco-marocaines I, Paris, 1916, გვ. 433.

⁵⁷ Bruno H., Introduction a l'étude de droit coutummier des berbères du Maroc Central, Archives Berbères, Paris, 1917, ტ. III, გვ. 301.

⁵⁸ იქვე, გვ. 307.

⁵⁹ Decision du Commissaire Résident Général créant à Rabat un Comité d'études berbères, Archives Berbères, Rabat, 1915, გვ. 2—5.

⁶⁰ Simon H., Les études berbères au Maroc et leurs applications en matière de politique et d'administration, Afrique française, 1915, გვ. 3-4.

5. „მაცნე“, ისტორიის სერია, 1988, № 2

ამრიგად, ფრანგულ ისტორიოგრაფიაში ზედმიწევნით დაწვრილებით არის გაშუქებული საფრანგეთის პროტექტორატისდროინდელ მაროკოში მიმდინარე ეთნო-სოციალური და პოლიტიკური პროცესები, კოლონიური ხელისუფლების ურთიერთმოქმედება ამ პროცესებთან მისი მცდელობა გაეღვივებინა და თავისთვის სასარგებლო გზით წარემართა არაბებსა და ბერბერებს შორის არსებული ეთნიკური კონფლიქტები, დაესუსტებინა ეროვნულ განმათავისუფლებელი მოძრაობა და საბოლოოდ თავის ხელში მოექცია მაროკოელი ხალხის ბედი. ბევრი ფრანგი ავტორი გვერდს უვლის საფრანგეთის კოლონიური ხელისუფლების დამპყრობლური საგარეო პოლიტიკის კრიტიკას, თავის ნაშრომებში იძლევა მარტო მდიდარ ფაქტობრივ მასალას, რომელაც ადგილობრივი დაკვირვების საფუძველზეა წარმოდგენილი, ეს უკანასკნელი, რა თქმა უნდა, ხელს უწყობს პროტექტორატის პერიოდში მაროკოში არსებულ სოციალურ-ეკონომიკური და ეთნიკური ცვლილებების არსის წარმოჩენას, მაგრამ ისტორიული განვითარების სოციალურ-ეკონომიკური ფაქტორების იგნორირება, ხალხის მასების როლის უარყოფა, საფრანგეთის ცივილიზატორული მისიის განდიდება ხელს უშლის მაროკოს ისტორიული წარსულის სწორ გაგებას.

З. А. МЕНТЕШАШВИЛИ

ФРАНЦУЗСКАЯ БУРЖУАЗНАЯ ИСТОРИОГРАФИЯ
 О «БЕРБЕРСКОЙ» ПОЛИТИКЕ ФРАНЦИИ

Резюме

Этно-социальные процессы, происходящие в независимом Марокко, получили должное отражение в современной французской буржуазной историографии. Эти процессы тесно связаны с колониальной политикой, проводимой Францией в годы протектората (1912—1956 гг.). Так называемая «берберская политика» фальсифицирована и субъективно оценена в трудах французских авторов Р. Кана, С. Куна, М. Берела, Ж. Бриниона и других. Анализ фактов и материалов, приводимых ими, позволяет вскрыть настоящую суть «берберской» политики, которая заключалась в стремлении воспитать из берберов прислужников колонизаторов, отделить их от арабов и противопоставить им, а также использовать берберов для воздействия на внутреннюю политику правящей династии Марокко.

წარმოდგინა შრომის წითელი დროშის ორდენისაშენა თბილისის სახელმწიფო უნივერსიტეტის აზიისა და აფრიკის ქვეყნების ახალი და უახლესი ისტორიის კათედრამ

შალვა შალვაშვილი

სიღნაღის გლეხთა რევოლუციური მოძრაობა 1905—1907 წწ.

XIX ს-ის დამლევს და XX ს-ის დასაწყისში რუსეთში კაპიტალიზმი გადაიზარდა იმპერიალიზმის სტადიაში, რომლისთვისაც დამახასიათებელი იყო იმპერიალიზმის ყველა წინააღმდეგობა.

XX ს-ის დასაწყისში უკიდურესად გამწვავდა ქვეყნის საგარეო და საშინაო მდგომარეობა. კაპიტალიზმის განვითარებამ და ბატონყმური ურთიერთობის ნაშთებმა წარმოშვა პროლეტარიატის და მშრომელი გლეხობის ექსპლუატაციის სასტიკი ფორმები. ახლოვდებოდა რევოლუციურ აფეთქებათა პერიოდი.

რუსეთ-იაპონიის 1905 წ. იმპერიალისტურმა ომმა და მასში რუსეთის არმიის მარცხმა, განსაკუთრებით კი 9 იანვრის სისხლიანმა დღეებმა დააჩქარა მუშათა კლასის და მშრომელი გლეხობის რევოლუციური გამოსვლები. ექსპლუატირებულმა კლასებმა იარაღი აღმართეს თვითმპყრობელობის წინააღმდეგ.

1906 წ. იანვარ-თებერვალში თბილისის, ბათუმის, ქუთაისის, სოხუმის და ტყიბულის მუშათა გაფიცვების გავლენით დაიწყო საქართველოს გლეხთა რევოლუციური მოძრაობა ოზურგეთის, ქუთაისის, სენაკის, შორაპნის, ზუგდიდის, გორის, თელავის, სიღნაღის და დუშეთის მაზრებში.

რევოლუციურ მოძრაობას სიღნაღის მაზრაში ხელმძღვანელობდნენ რსდმპ ადგილობრივი ორგანიზაციები, რომლებიც შეიქმნენ ჯერ კიდევ 1902 — 1903 წლებში. 1903 წლის ოქტომბერში შეიქმნა რსდმპ სიღნაღის სამაზრო კომიტეტი ალექსი უზუნაშვილის ხელმძღვანელობით, სხვა წევრებთან ერთად მასში გაერთიანებული იყო დიდი მეცნიერი-ფიზიოლოგი ივანე ბერიტაშვილი.

კომიტეტის წევრები დიდ მუშაობას ეწეოდნენ მშრომელ გლეხთა ფართო მასებში, უხსნიდნენ გლეხობას გაჭირვებული ცხოვრების მიზეზებს, აძლევდნენ მითითებებს მემამულური კაბალის, ცარიზმის წინააღმდეგ ბრძოლისათვის, დემოკრატიული რესპუბლიკის დამყარებისათვის, მშრომელ მოსახლეობაში ავრცელებდნენ ხელისუფლების საწინააღმდეგო პროკლამაციებს და მოწოდებებს. მაგრამ კომიტეტის შემადგენლობა იდეურად ერთფეროვანი არ იყო. თავიდანვე ჩანდა მასში ორი საწინააღმდეგო მიმდინარეობის წარმოშობის ტენდენციები.

სიღნაღის მაზრაში არსებობდა სხვა პარტიული ორგანიზაციებიც: ნაციონალურ-დემოკრატიული; რადიკალურ-დემოკრატიული, სოციალისტ-ფედერალისტური და დამნაკური¹.

¹ სკკპ ცკ-თან არსებული მარქსიზმ-ლენინიზმის ინსტიტუტის საქართველოს ფილიალის არქივი, ფ. 39, საქ. 42, აღწ. I, ფ. 41—42.

კომიტეტში შეიქმნა ბოლშევიკური ჯგუფები გამოჩენილი ქართველი რევოლუციონერის მოსე ვარამაშვილის ხელმძღვანელობით, რომელიც მშრომელ გლეხობას მოუწოდებდა მუშათა კლასთან ერთად რუსეთის ცარიზმის დამხობისა და პროლეტარიატის დიქტატურის დამყარებისაკენ.

1905—1907 წლების რევოლუციის წინა პერიოდში პირველად აღიმაღლეს ხმა არმიაში გაწვეულებმა. 1904 წლის 8 ნოემბერს ახლად გაწვეული 20 კაცი, ვიდრე „სამხედრო უწყებაში („პრისუტსტვია“) გამოცხადდებოდნენ, ქალაქის მოედანზე შეიკრიბნენ და მტკიცედ შეჰფიცეს ერთმანეთს, რომ არ ესროდნენ მუშებს და საერთოდ აჯანყებულებს. ისინი წითელი დროშის ფრიალით და შეძახილებით „ძირს თვითმპყრობელობა“, „გაუმარჯოს პოლიტიკურ თავისუფლებას“—ო შევიდნენ სამხედრო უწყებაში შესამოწმებლად. 1905 წლის რევოლუციის დასაწყისში აგრარული საკითხის გადასაჭრელად პირველნი გამოვიდნენ მშრომელი გლეხები. ისინი თვითნებურად იკავებდნენ მემამულეთა მიწებს, ჩეხდნენ ტყეებს, სარგებლობდნენ საძოვრებით, სარწყავი სისტემებით, ანადგურებდნენ მემამულეთა სახლ-კარს.

სოფლებში იქმნებოდა გლეხთა რევოლუციური კომიტეტები, წითელი რაზმები.

1905 წ. 18 მარტს სოფ. ბოდბისხევის გლეხებმა უნებართვოდ გაჩეხეს თელოვანის სატყეო აგარაკი. 24 მარტს სოფ. ბოდბისხევის, ქედელისა და ნუკრიანის წითელმა რაზმებმა განიზრახეს თავდასხმა მოეწყოთ წმინდა ნინოს ეკლესიაზე, მოეხდინათ მისი ქონების კონფისკაცია და შეეძინათ იარაღი. მაზრის ხელმძღვანელობამ შეიტყო თავდასხმის გეგმა, გამოიწვიეს საეგზეკუციო ესკადრონი და აღკვეთეს თავდასხმა².

რევოლუციურ მოძრაობაში გლეხთა გასაერთიანებლად და დასარაზმავად სოფ. ანაგაში კომუნისტ ილია ხიზანიშვილის ბინაზე სამაზრო კომიტეტის მიერ მოწყობილი იქნა არალეგალური სტამბა, რომელიც უშვებდა მოწოდებებს და პროკლამაციებს. აქვე არსებობდა იარაღის საწყობი. სტამბამ იმუშავა რეაქციის დაწყებამდე. 1915 წელს, როცა ქალაქ განჯაში (ამჟამად, ქ. კიროვპოლი, აზერბაიჯანის სსრ) ეწყობოდა რსდმპ კავკასიის კავშირის არალეგალური სტამბა, შრიფტი მოსე ვარამაშვილმა სოფ. ანაგიდან გადმოიტანა³.

მაზრის რევოლუციურ მოძრაობაში აქტიურ როლს ასრულებდა სოფ. ბოდბისხევის მკვიდრი, პოეტი და რევოლუციონერი იროდიონ ევდოშვილი.

მაზრაში რევოლუციური მოძრაობა ვერ შეაჩერა 1905 წ. 17 ოქტომბრის მანიფესტმა. 1905 წ. 23 ოქტომბერს ქ. სიღნაღში მოეწყო სოფლების: ანაგის, კარდანახის, ნუკრიანის, ბოდბისხევის და მაჩხანის მშრომელთა დემონსტრაცია, რომელსაც შეუერთდნენ ქალაქის სკოლების მოსწავლეები. დემონსტრანტები პროტესტს აცხადებდნენ მანიფესტის თვალთმაქცური ხასიათის გამო⁴.

მაზრის ზოგიერთ სოფელში დაიწყო სახალხო მმართველობის შემოღება, რომლის წამომწყები სოფ. ჯუგანის იყო. 1905 წ. 9 ნოემბერს მათ უარი განაცხადეს გადასახადების გადახდაზე, სცემეს ხარჯთამკრეფებს, მამასახლისს და

² Революция 1905—1907 гг. в Грузии, сборник документов, Тб., 1956, გვ. 186.

³ ჟურ. „რევოლუციის მატანე“, № 2—3, თბ., 1924, გვ. 236.

⁴ Революция 1905—1907 гг. в Грузии, сборник документов, Тб., 1956.

ასე გააძევეს სოფლიდან. ხალხმა თვითონ მოჰკიდა ხელი სოფლის მართვას, შექმნეს წითელი რაზმი, დანიშნეს ათისთავები და ასისთავები. მეფის მოხელენი ცდილობდნენ სახალხო მმართველობისათვის ანგარიში გაესწორებინათ. მათ მოხსნეს სუსტი რგოლი სოფ. ტიბაანში. რეაქციონერებმა გადაიბირეს ბოლოა გლეხები და დაარბიეს რევოლუციური კომიტეტი. კომიტეტის ერთგულმა წევრებმა დახმარება სთხოვეს ჯუგაანელებს, რომლებიც სწრაფად გამოცხადდნენ სოფ. ტიბაანში. რეაქციონერებსა და წითელრაზმელებს შორის მოხდა შეიარაღებული შეტაკება. ჯუგაანის წითელ რაზმში იბრძოდა დიდი ქართველი პოეტი სანდრო შანშიაშვილი⁵

მაზრის წითელრაზმელთა საბრძოლო ძლიერებისათვის სოფ. ანაგაში ნიკოლოზ ახმეტელაშვილის ბინაზე მოეწყო იარაღის დამამზადებელი არალეგალური სახელოსნო.

მაზრის რევოლუციურ მოძრაობას შეგნებულად ამუხრუჭებდნენ მენშევიკები და მათი თანამზრახველი პარტიები.

მაზრის ბოლშევიკები დიდ მუშაობას ატარებდნენ სამხედრო ნაწილებში. სოფელ ლაგოდნის პარტიული ორგანიზაცია ლუარსაბ ლობჯანიძის ხელმძღვანელობით მჭიდრო კავშირში იყო ლორეს № 264 პოლკის რევოლუციურ ორგანიზაციასთან. ამ პოლკის ტერიტორიაზე 1905 წ. 2 მაისს გაავრცელეს პროკლამაციები. ამავე წლის ბოლოს — 1905 წ. დეკემბერში რევოლუციურ ორგანიზაციას განზრახული ჰქონდა შეიარაღებული გამოსვლის მოწყობა. ამ იდეას მხარს უჭერდა პოლკის უფროსის მოადგილე ნიკა ნადირაშვილი და შეძლებისდაგვარად ეხმარებოდა პოლკის რევოლუციურ ორგანიზაციას. მაგრამ თანამდებობრივი მოვალეობა აიძულებდა ფრთხილად მოქცეულიყო. მენშევიკებმა მოლაღატურად ჩაშალეს ეს გამოსვლა⁶.

მოსკოვის 1905 წ. შეიარაღებულმა აჯანყებამ უდიდესი გამოხმაურება პოვა სიღნაღის მაზრაში. მაზრის ბოლშევიკები და ლაგოდნის პოლკის რევოლუციური ორგანიზაცია ამხადებდნენ ახალ შეიარაღებულ გამოსვლას. შედგენილი იქნა პოლკის უფროსისათვის გადასაცემი მოთხოვნითა და ტექსტი, რომლის შეუსრულებლობის შემთხვევაში დაიწყებოდა გამოსვლა.

რევოლუციურ ორგანიზაციას კავშირი ჰქონდა სიღნაღის მაზრის „ცარსკოე კალოდეცში“ (ამჟამად წითელი წყარო) განლაგებულ ტვერის № 43 და თელავის მაზრის ბაშკადიკლარის პოლკის რევოლუციურ ორგანიზაციებთან რიგითი ჯარისკაცის — მექანიკოს კოსიაკის მეშვეობით. მასზედ ეჭვი მიიტანეს და დააპატიმრეს. მისი სახელოსნოს განჩრეკის დროს აღმოაჩინეს არალეგალური ლიტერატურა და პროკლამაციები, მაგრამ მან შეიარაღებული გამოსვლის გეგმა არ ვასცა. გეგმის თანახმად, წითელრაზმელებსა და პოლკის ჯარისკაცებს უნდა გაეტეხათ პოლკის იარაღის საწყობი, შეიარაღებინათ წითელრაზმელები, დაეპატიმრებინათ მეთაურები და სხვა პოლკებთან ერთად გაეწიათ ქ. თბილისისაკენ საბრძოლველად. მაგრამ ეს გამოსვლაც მენშევიკებმა და ჯარისკაცთა რეაქციულმა ნაწილმა კვლავ ჩაშალეს⁷.

5 იხ. ლ. ზედელაშვილი, მოგონება, სიღნაღის მხარეთმცოდნეობის მუზეუმში, ფ. 710, 1962.

6 სსსსია, ფ. 153, აღწ. საქ. 662, ფ. 120.

7 გ. ათანელიშვილი, თელავისა და სიღნაღის გლეხთა რევოლუციური მოძრაობა 1905—1907 წლებში, გვ. 103.

მეფის ნაცვალმა ვორონცოვ-დაშკოვმა პოლკში უწესრიგობის აღმოსაფ-
 ნვრელად მიაგვლინა გენერალი კორნეევი, რომელმაც შეძლო ჯარისკაცების ნა-
 წილის დაპატიმრება, ნაწილის კი ხელისუფლების მხარეზედ გადაბირება. ასე
 დამთავრდა ეს გამოსვლაც უშედეგოდ, რომელშიც ბრალი მიუძღვის მენშევი-
 კებს.

მაგრამ თვით რევოლუციურ ორგანიზაციასაც არ ჰქონდა შედგენილი
 სწორი სამოქმედო გეგმა. ისინი შემოფარგლულნი იყვნენ სიღნაღის და მეზო-
 ბელი ერთი მაზრით და, ცხადია, არ გააჩნდათ გამარჯვების შანსები.

ქიზიყელი მშრომელი გლეხობის დიდი ქომაგი იყო ქვემო მაჩხაანის ლა-
 რიბი გლეხი მიხა ჭუჭულაშვილი, რომელმაც ორ ამხანაგთან ერთად (მაქრო ბა-
 სილაშვილთან და ლადო ოსიაშვილთან) ტყეს შეაფარა თავი. ისინი იცავდნენ
 მშრომელ გლეხობას და ართმევდნენ არაშრომით შეძენილს მუქთახორა
 მდიდრებს. არ ყოფილა შემთხვევა, რომ ისინი ცუდად მოქცეოდნენ საწყალ
 გლეხობას.

არსებობს ბევრი მოგონება მშრომელი გლეხობისადმი მათი კეთილი და-
 მოკიდებულების შესახებ. ასე მაგალითად: სოფელ ზემო მაჩხაანელ გლეხს,
 რომელსაც ცოლის დასამარხი ფული არ გააჩნდა მიხა ჭუჭულაშვილი დაეხმა-
 რა მევალეებისაგან ფულის ამოღებაში.

1908 წლის 13 ივნისს მდინარე ალაზნთან პოლიციამ მოკლა მშრომელთა
 ქომაგი სამი მეგობარი.

მეფის ხელისუფლების ადგილობრივ მოხელეებთან უფრო ძლიერ ბრძო-
 ლას აწარმოებდნენ „ტყის ძმები“, რომელშიც ერთიანდებოდნენ დუშეთის,
 თიანეთის, საგარეჯოს, სიღნაღის და თელავის მაზრებიდან უსამართლობას გა-
 ქეთული გლეხები. 1905 წელს 25 კაცის რაოდენობით ისინი ტყეში გაიჭრნენ
 და სულ მალე მათი რიცხვი 50 კაცამდე გაიზარდა.

მიხა ჭუჭულაშვილის მსგავსად ისინიც იცავდნენ მშრომელ გლეხობას.
 მაგრამ ეს რაზმი ცოტა უფრო მკაცრად იქცეოდა. როგორც კი შეიტყობდნენ
 რომელიმე სოფელში ბობოლათა მიერ ლარიბი გლეხის დაჩაგვრის შემთხვევას,
 ღამით გამოცხადდებოდნენ დანაშაულის ადგილზე და ან შურს იძიებდნენ და-
 მნაშავის მიმართ, ან პირობას დაადებინებდნენ დანაშაულის გამოსყიდვას.
 ისინი არც ერთ პოლიტიკურ პარტიას არ ეკუთვნოდნენ. მაგრამ უფრო სჯერო-
 დათ და პატივს სცემდნენ სოციალ-დემოკრატებს.

რაზმს ხელმძღვანელობდა ახალგაზრდა ჯომარდი (ზალიკო) სიმონიშვილი
 (სიღნაღის მაზრის სოფელ ვაჭირიდან). რაზმის წევრებიდან განსაკუთრებით
 გამოირჩეოდნენ ლადო ფიქრიშვილი, ნიკო კასრადე, ზაგრატ ლომიძე, ყორყი-
 კა ბერძენიშვილი, გუგულა ოსიფოვი, ალექსი ბიჭიაშვილი, ნიკოლოზ ხუცი-
 შვილი, გიორგი ხერბალაძე, გოგია კენკიშვილი, ილო ბებურიშვილი, სანდრო
 ბუღაძე, კოლა ჩილინდრიშვილი, გიგო სესიკაშვილი, ნიკო ყაველაშვილი, ილო
 ფირალიშვილი და გიორგი მახნიაშვილი⁸.

აი ერთი ეპიზოდი მათი გმირული ბრძოლებიდან. რაზმს განზრახული
 ჰქონდა შეერთებოდა დასავლეთ საქართველოს „ტყის ძმებს“, „ამისათვის სა-
 ჭირო იყო რაზმის ახალი წევრების (მათი რიცხვი ყოველ დღე იზრდებოდა)
 შეიარაღება. საქართველოს ორივე მხარის ეს რაზმები ფიქრობდნენ შეერთე-
 ბული ძალით თბილისზე შეტევას. რაზმმა გაბედულ წევრს გუგულა ოსი-

⁸ გაზ. „ხმა კახეთისა“, 1913, 17 იანვარი.

ფოვს დაავალა ჩასულიყო თბილისში, მოენახულებინა მჭედელი სანდრო მანველიძე და მისი მეშვეობით შეერთებოდნენ დასავლეთელ ძმებს. ამავე დროს გუგულა ოსიფოვს მასთან ერთად უნდა შეედგინა თბილისის ტელეგრაფის შენობაზე თავდასხმის გეგმა, რათა რაზმს მოეხდინა გეგმის გახსნორციელება და ფულის კონფისკაცია. პოლიციამ ეს გეგმა შეიტყო რაზმის შემადგენლობაში შეპარული გამცემლების საშუალებით და ქალაქის შესასვლელთან დააყენეს სამოქალაქო ფორმაში გადაცმული პოლიციელები, აქვე ცხოვრობდა მჭედელი სანდრო მანველიძე გუგულა და სანდრო ერთად ჩამოვიდნენ თბილისში. ამ ეპიზოდს პრესა შემდეგნაირად გადმოგვცემს: „ჩამოსულნი მიუახლოვდნენ მანველიძის მამის სახელოსნოს. სანდრო სახელოსნოში შევიდა, ხოლო ყაჩაღი გიგუცა (გუგულა) გარეთ დარჩა და დამალვას აპირებდა, რომ პოლიცია უცებ გარს შემოერტყა. ერთი პოლიციელი ყაჩაღისაკენ გაემართა. ამ დროს ყაჩაღმა პალტოს ქვეშიდან მაუზერის რევოლვერი ამოიღო და პოლიციელს ორჯერ ესროლა. მაგრამ ააციდინა, რადგან უკანიდან ერთი პოლიციელი მიეპარა, რევოლვერს ხელი აუკრა და მიზანი დააკარგვინა. ყაჩაღი მეტად მძლავრი აღმოჩნდა, პოლიციელები აქეთ-იქით გაფანტა, განზე გახტა და კიდევ სროლას აპირებდა, მაგრამ პოლიციელებმა დაასწრეს და სასიკვდილოდ დაჭრეს. ამ დროს სახელოსნოდან პოლიციელებს სანდრომ სამკერ ესროლა და ერთ პოლიციელს პალტოს კალთებში მოარტყა. სანდრო სახელოსნოდან გამოვარდა და კიდევ სროლას აპირებდა, მაგრამ პოლიციელები შემოეხვივნენ და ცოცხლად შეიპყრეს⁹. ეს რაზმი საბოლოოდ გაანადგურა პოლიციელთა დიდმა რაზმმა თელავის მაზრის სოფ. მაღრანის ტყეში.

მეფის მთავრობის რეპრესიების მიუხედავად მაზრაში აქტიურად მიმდინარეობდა რევოლუციური აგიტაცია. აგიტატორები ნიკა სიფრაშვილი, ვლადიმერ ხირსელი, დავით სამადაშვილი, მოსე მათიაშვილი, შაქრო ნადირაშვილი გაბედულად მოუწოდებდნენ მშრომელ მოსახლეობას მეფის მთავრობის დამხობასა და აგრარული საკითხის გადაჭრისაკენ.

1906 წ. 3 ივნისს რსდმპ სიღნაღის სამაზრო კომიტეტმა გამოუშვა მოწოდება „ყველა კატეგორიის მუშებისადმი“, რომელიც მოუწოდებდა ხელსონებს გაფიცვისაკენ. 4 ივნისს გაფიცვა დაიწყო. გაიფიცა 200-მდე კაცი, რომელთაც მოთხოვნა წაუყენეს მეპატრონეებს: 1. დამატებითი სამუშაოს ანაზღაურებაზე; 2. მუშებს, შევირდებს ავადმყოფების შემთხვევაში მიცემოდნათ სამკურნალო ფული; 3. მეპატრონეებს გაეცათ ხელფასი დღიურად 2 მანეთის რაოდენობით¹⁰.

გაფიცვამ გავლენა მოახდინა მეპატრონეებზე და ზოგიერთი რამ დაუთმეს გაფიცულებს.

მოსკოვის შეიარაღებული აჯანყების დამარცხების შემდეგ მთელ ქვეყანაში იკლო რევოლუციურმა გამოსვლებმა, მაგრამ მუშათა კლასი და გლეხობა არიერგარდული ბრძოლებით იხევედნენ უკან.

1906 წ. 9 ივნისს გაიფიცნენ სიღნაღის მაზრის სოფ. მუკუხანის საუფლისწულო მამულის მუშები, რომლებზედაც ზეგავლენა მოახდინა სოფ. ნაფარეულის და წინანდლის მუშების გაფიცვამ. მათ მუკუხანის საუფლისწულო მამულის ადმინისტრაციას წაუყენეს მოთხოვნა: 1. მოესპოთ ჯარიმები; 2. მოემ-

⁹ გაზ. „ხმა კახეთისა“, 1912, I დეკემბერი.

¹⁰ Революция 1905—1907 гг. в Грузии, сборник документов, Тб., 1956, გვ. 661.

ტებინათ ხელფასი: 3. გაეხსნათ სკოლა მუშათა ბავშვებისათვის¹¹, მაგრამ ვაფიცვა ჩაშალეს პოლიციელებმა და შტრეიკბრეხებმა. აქვე უნდა შევნიშნოთ, რომ სიღნაღის მაზრაში სამრეწველო პროლეტარიატი მეტად მცირერიცხოვანი იყო, რამაც თავისებური უარყოფითი დალი დააჩნია აქ კლასობრივ ბრძოლას.

რევოლუციურმა მოძრაობამ გავლენა მოახდინა მეფის მოხელეებზე. ისინი ხშირად მშრომელ ხალხს ემხრობოდნენ. „სოფ. მალაროს მომრიგებელს („მიროვოი პოსრედნიკი“), მთავრობის მოხელეებმა, მამასახლისმა, ნაცვლებმა, „სუდიებმა“ მედლები უკან მიაყარეს და უთხრეს, დღეიდან აღარ შეგვიძლიან მთავრობის სამსახური, ჩვენ ხალხთან უნდა ვიყოთ“-ო¹².

რევოლუციის მსვლელობაში მეფის მთავრობა დარწმუნდა, რომ მშრომელ კლასებს უნარი შესწევთ იბრძოლონ „უძლეველი იმპერიის“ წინააღმდეგ. მშრომელთა რევოლუციურმა გამოსვლებმა აიძულა ცარიზმი ანგარიში გაეწია ხალხის მოთხოვნებისათვის. ასეთ მოვლენებს ადგილი ჰქონდა, როგორც იმპერიის ცენტრალურ გუბერნიებში, ასევე პროვინციებშიც. ჩვენ ეს ნათლად დავინახეთ აღმოსავლეთ საქართველოს რევოლუციური გლეხობის მოქმედებაში და მის შედეგებში.

მეფის მთავრობამ გაუძლო პირველ რევოლუციურ შემოტევებს. გლეხობამ კავშირი ვერ დაამყარა მუშათა კლასთან, მთავრობამ სასტიკად იძია შური რევოლუციურ გამოსვლებში მონაწილე გლეხებსა და ხელმძღვანელებზე. დააპატიმრეს და კატორღაში გაგზავნეს რსდმპ სიღნაღის მაზრის კომიტეტის წევრები, დაარბიეს გლეხთა რევოლუციური კომიტეტები. პატიმრებს ციხეებში უქმნიდნენ მკაცრ პირობებს.

რევოლუციის დამარცხება კარგი გაკვეთილი იყო რევოლუციური მოძრაობის შემდგომი განახლებისათვის. ნათელი გახდა, რომ ცარიზმის დასამხობად საჭირო იყო ყველა სახის რევოლუციურ ძალთა გაერთიანებული მოქმედება.

Ш. Н. ШАЛВАШВИЛИ

РЕВОЛЮЦИОННОЕ ДВИЖЕНИЕ КРЕСТЬЯН СИГНАХСКОГО УЕЗДА В 1905—1907 гг.

Резюме

В статье рассмотрены революционные события в России и их отзвуки в Восточной Грузии 1905—1907 гг. Много внимания уделено революционным действиям крестьян Сигнахского уезда в 1905—1907 гг.; созданию крестьянских революционных комитетов, народо-властную, организации демонстраций, забастовкам, попыткам вооруженного восстания в воинских частях и наконец, арьергардным боям во время поражения первой русской революции.

წარმოადგინა საქართველოს სსრ მეცნიერებთა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის საბჭოთა საქართველოს ისტორიის განყოფილებამ

¹¹ Революция 1905—1907 гг. в Грузии, გვ. 690.

¹² ვახ. „პროლეტარული ტალღა“, 1906, 10/23 აგვისტო.

ზურაბ მაისურაძე

„მუშაკთა“ სოციალური ფენა ფეოდალურ საქართველოში

ძველი ქართული მწერლობის თარგმნილ, თუ ორიგინალურ ძეგლებში მწარმოებელი საზოგადოების ერთი განსაკუთრებული ჯგუფის აღსანიშნავად გამოყენებულია ტერმინი „მუშაკი“, „მუშაკნი“. მოგვიანებით კი მასთან ერთად იხმარება ან ენაცვლება მას „მუშა“. ტერმინის მკვეთრად გამოხატული სოციალური ელფერის მიუხედავად, მკვლევართა დიდი უმრავლესობა მას ქართული სოციალური ნომენკლატურის მიღმა ტოვებს და ზოგადად მშრომელის აღმნიშვნელ სიტყვად განიხილავს. ასეთი დამოკიდებულების მიზეზი, ალბათ, ისაა, რომ ქართულ ორიგინალურ ძეგლებში „მუშაკის“ ხვედრითი წონა ბევრად ნაკლებია სხვა ცნობილ სოციალურ ტერმინებთან შედარებით, ხოლო ზოგადი შინაარსის შემცველობით ის მნიშვნელოვნად აღემატება დანარჩენებს.

ეს უდავოდ ანგარიშგასაწევი გარემოებაა, მაგრამ არც მისი მნიშვნელობის გადაჭარბებული შეფასებაა მართებული, რადგანაც ცალმხრივობის ამ ვითარებაში ტერმინის კონკრეტული შინაარსი მის ზოგად მნიშვნელობაში გვიქრება და ფეოდალური საქართველოს მწარმოებელი საზოგადოების, თუმცა არაძირითადი, მაგრამ მაინც, ერთი განსაზღვრული ფენის ისტორია მხედველობის გარეთ გვრჩება.

შეიძლება ითქვას, რომ ტერმინი „მუშაკი“ და ამ სახელის ქვეშ ნაგულისხმები საზოგადოება სპეციალური კვლევის საგნად ჯერ არ გამხდარა. მის შესახებ გამოთქმულია მხოლოდ საერთო ხასიათის ცალკეული შენიშვნები. ამიტომაც განსახილველი საკითხის ისტორიოგრაფია მეტად ღარიბად წარმოგვიდგება.

ასეთ ფონზე ერთბაშად საყურადღებოდ მიგვაჩნია ვახუშტი ბატონიშვილის თხზულებაში წინაქრისტიანული ხანის საქართველოს სოციალური კიბის ბოლო საფეხურზე მყოფი საზოგადოების დასახასიათებლად „მუშაკისა“ და „გლეხის“ ერთ სოციალურ ტერმინად გაერთიანება („მუშაკნი — გლეხნი“)¹. ტერმინების ამგვარი დაწყვილება, ვფიქრობთ, თავისთავად უნდა მოწმობდეს, რომ მათ ავტორს ამ კონკრეტული ამოცანებისათვის ორივე სიტყვა თანაბარდირებულ სოციალურ ტერმინად მიაჩნდა და ამდენად, სიტყვა „მუშაკშიც“ იმავე სოციალურ შინაარსს დებდა.

ვახუშტის ამ კვალიფიკაციას თავის დროზე გაკვრით შეეხო ს. ჯანაშია, მაგრამ მას სულ სხვა ახსნა მისცა. იგი წერდა: „ყველაზე უმდაბლესის გლეხთა სოციალური მდგომარეობა ვახუშტის სხარტულად აქვს გამოხატული იმ

1 ქართლის ცხოვრება, ტ. IV, ვახუშტი, აღწერა სამეფოსა საქართველოსა, ტექსტო დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, თბ., 1973, გვ. 17.

ეპითეტში, რომელსაც იგი თან აყოლებს დასახელებულს წოდებრივ ტერმინს „მუშაკი“ (მუშაკნი — გლეხნი). ფეოდალურმა საზოგადოებამ გლეხობას, ძირითად მწარმოებელ კლასს ამ საზოგადოებისას, სწორედ „მუშაკობა“ დააკისრა, როგორც უმთავრესი ფუნქცია².

როგორც ვხედავთ, ვახუშტისეული „მუშაკი“ ს. ჯანაშიასათვის მხოლოდ და მხოლოდ ეპითეტია და არა სოციალური ტერმინი, რის გამოც მას მხატვრული გამომსახველობის ფუნქციას აკისრებს გლეხის სოციალური ბუნების ასახვას.

არა გვეგონია XVIII საუკუნის ქართველ მკითხველს დამატებით განმარტება დასჭირებოდა გლეხის შინაარსში გასარკვევად. გლეხის უმთავრესი საქმე რომ შრომა იყო ვახუშტისდროინდელ საქართველოში საუკუნეების გამოცდილებით იცოდნენ. ტერმინ „მუშაკს“ კი „გლეხისგან“ განსხვავებით იმ დროს რამდენიმე კონკრეტული და ზოგადი მნიშვნელობაც ჰქონდა: იგი აღნიშნავდა როგორც მიწისმოქმედს, ისე მშენებელს, ხელოსანს, აგრეთვე, ზოგადად მშრომელს, მოღვაწეს და სხვა. სულაც არაა შემთხვევითი, რომ მიწისმოქმედსა და ხელოსანთან ერთად მეცნიერი ბატონიშვილი ვახტანგ VI-ეც „მუშაკს“ უწოდებს³. ასე რომ, წინაქრისტიანული ხანის საქართველოს სოციალური სტრუქტურის დახასიათებისას სწორედ ტერმინი „მუშაკი“ საჭიროებდა განმარტებას და არა „გლეხი“. ვახუშტიმაც „მუშაკი“ თავისი დროისათვის ყველაზე უფრო გასაგები ტერმინით „გლეხით“ განმარტა. შესაძლოა გაჩნდეს კითხვა: თუ კი ვახუშტიმ იცოდა, რომ ძველი საქართველოს კლასობრივად უმდებლეს საფეხურზე მყოფი მიწისმოქმედი საზოგადოების მდგომარეობა მისი დროის გლეხის სოციალურ პირობებს უთანაბრდებოდა, რატომ დასჭირდა არაერთმნიშვნელოვანი და /ამდენად/ საჩოთირო ტერმინის გამოყენება „გლეხთან“ ერთად? პასუხი აქ ერთადერთი შეიძლება იყოს: ჩანს, ვახუშტიმ იცოდა რომ „გლეხი“ შედარებით გვიანი ტერმინია და, საეხებით ბუნებრივად, თავისი ამოცანისათვის უფრო შესაფერისად მიიჩნია ქართულ ობთხავსა და ბიბლიაში სოციალურად დამცრობილი მიწისმოქმედი საზოგადოების აღსანიშნავად მრავალგზის დამოწმებული „მუშაკის“ გამოყენება⁴.

ვახუშტის ეს მინიშნება, ეტყობა ს. ჯანაშიას ავტორიტეტის გავლენით, უყურადღებოდ იქნა მიტოვებული, რის გამოც ჩვენს სამეცნიერო ლიტერატურაში ტერმინი „მუშაკი“ სოციალური შინაარსით დიდხანს აღარ დაფიქსირებულა. თუ არ ვცდებით, ძველ ქართულ სოციალურ ტერმინოლოგიაში „მუშაკის“ ჩართვის პირველი ცდა ა. ბოგვერაძეს უნდა ეკუთვნოდეს. მისი დაკვირვებით, ტერმინ „გლეხს“ ჩვენამდე მოღწეულ ძეგლებში წინ უსწრებენ სოციალური ელფერის ისეთი სიტყვები, როგორიცაა „მდაბიო“ თუ „მდაბიური“, „მუშაკი“, „მსხემი“, „ამბოხი“, „უაზნო“, „წვრილი ერი“ და სხვა. „გლეხის“ სოციალური შინაარსის რაობაზე და მისი გაჩენის დროზე მსჯელობისას კი შენაშნავს, რომ უფლის აგარაკებზე ნებით თუ უნებურად „დასხმული“ მწარმოებლები (მაგალითად, „კაცი მერუვენი“ თუ სხვანი და სხვანი), რომელთაც ამ უფლის სასარგებლოდ ნატურალური და შრომითი ვალდებულებები ეკისრებოდათ და, ამდენად, თავისთავს აღარ ეკუთვნოდნენ, ადრე-კლასობრივ ხანაშივე უნდა ჩნდებოდნენ თავისი ძირითადი სოციალური სა-

2 ს. ჯანაშია, შრომები, II, თბ., 1952, გვ. 454.

3 ქართლის ცხოვრება, ტ. IV, გვ. 481.

ხით და ადრეფეოდალიზმის სიგრძეზე ყალიბდებოდნენ. რა ერქვათ მათ ძაშინ, დანამდვილებით არ ვიცით („მსხემი“? „მუშაკი“?). ყოველ შემთხვევაში, განაგრძობს მკვლევარი, მეექვსეა, რომ მათ „მდაბიური“ ან „გლეხი“ ეწოდებოდათ. ამასთან ერთად შესაძლებლად თვლის „მუშაკი“ ფეოდალური წარმოებიდან გამოძევებული, სამეურნეო საქმიანობის საშუალებას მოკლებული „გლახაკის“ იდენტური ყოფილიყო⁴.

როგორც ვხედავთ, ა. ბოგვერაძისათვის ტერმინი „მუშაკი“ სოციალური ელფერის სიტყვაა, მაგრამ მისი შინაარსი ბოლომდე ნათელი არაა.

ამიერკავკასიაში ფეოდალურად დამოკიდებული კლასის ფორმირებაზე მსჯელობისას ა. ნოვოსელცევი სპეციალურად ეხება „მუშაკის“ საკითხს. მისი დასკვნით „Термин мшак (грузинский „мушаки“) не имел четкого социального смысла. Слово это означало всякого работника, без констатации его социальной принадлежности. Вот почему в источниках мы встречаем мшakov (мушаки) на nive господней, просто пахарей и т. д.“⁵.

ამ 15—16 წლის წინათ გამოვთქვით ვარაუდი, რომ ადრეკლასობრივი სომხური საზოგადოების ანალოგიით „მუშაკი“ შეიძლებოდა ძველი ქართლის სტრატონისეული მეოთხე გენეს — დამოკიდებული თემის წევრის „ლაოს“ ქართულ სახელად მიგველო და ამდენად, ის სომხურის მსგავსად ქართულშიც სოციალური შინაარსის მატარებელი ტერმინი ყოფილიყო⁶. თუ კი ქართველი გლეხის წინაპრად „ლაოა“-ს მიჩნევას თითქოს ბევრი არაფერი უნდა უშლიდეს ხელს, სამაგიეროდ ჯერ ისევ ბუნდოვანია „მუშაკის“ დამოკიდებულება მასთან.

უკანასკნელ ხანს „მუშაკის“ სოციალური ბუნების გარკვევა სცადა ე. ზომტარია-ბროსემ. მისი დაკვირვებით „მუშა“, „მუშაკი“ თავიდანვე (ე. ი. ადრეფეოდალურ ხანაში ტერმინ „გლეხის“ შემოტანამდე) პირადად დამოკიდებულ დაბეგრულ მიწის მოქმედს აღნიშნავდა⁷. ავტორის ეს თვალსაზრისი ემყარება რამდენიმე სტრიქონის ანალიზს ეფრემ ასურის თხზულების „პირველი სწავლა მონაზონთა მიმართ“ ადრეული ქართული და ეფრემ მცირისეული თარგმანებიდან, აგრეთვე, „ვეფხისტყაოსნის“ ცნობილ გამოთქმას „მუშა მიწყევ მუშაკობდეს, მეომარი გულოვნობდეს“. ეს მასალა სავსებით მხარს უჭერს „მუშაკის“ მიწის მოქმედად გააზრებას, რაც ბიბლიისა და ოთხთავის მონაცემებითაც კარგად დასტურდება, მაგრამ იგივეს თქმა „მუშაკის“ პირადი დამოკიდებულების თაობაზე მეტად გაძნელებოდა. ხსენებული ძეგლიდან მკვლევრის მიერ მოტანილ ნაწყვეტში ჩვენ უბრალო მინიშნებაც კი ვერ შევამჩნიეთ „მუშაკის“ მეზეგრეობასა თუ მის პირად დამოკიდებულებაზე მიწისმფლობელის პიროვნებაზე. წყაროს ცნობა, რომ „... მუშაკთა შეურაცხევს ქაწნა...“ ან „მიწის მშრომელთა მიწანი დაუტეობიან“ პრველ რიგში მიუთითებს „მუ-

4 ა. ბოგვერაძე, ქართლის ადრეფეოდალური საზოგადოებრივი ურთიერთობის ისტორიიდან, თბ., 1961, გვ. 121; მასივე, ქართლის პოლიტიკური და სოციალურ-ეკონომიკური განვითარება IV—VIII საუკუნეებში, თბ., 1979, გვ. 221—222, 223—224, 225.

5 А. П. Новосельцев, Генезис феодализма в странах Закавказья, Москва, 1980, гв. 179—180.

6 გ. მასიურაძე, ქართველი და სომეხი ხალხების სამეურნეო-კულტურული თანამშრომლობის ისტორიიდან XVII—XVIII საუკუნეებში, მაცნე, ისტორიის სერია, № 3, 1970, გვ. 83.

7 ე. ზომტარია (ბროსე), ფეოდალური ხანის საქართველოს მთისა და ბარის ურთიერთობის საკითხები, თბ., 1984, გვ. 36—37.

შაკთა“ მიწისმოქმედებასთან კავშირზე და არა მიწის მესაკუთრის პიროვნებაზე მის დამოკიდებულებას. „მუშაკებს“ მიწის მიტოვება რომ შეძლებიათ, მათს პიროვნულ დამოუკიდებლობაზე უფრო უნდა მეტყველებდეს, ვიდრე პირიქით. VII საუკუნეში მწარმოებლის მიწაზე მიმაგრება. ვფიქრობთ, ისედაც არაა სავარაუდებელი, ყოველ შემთხვევაში, მკვლევრის მიერ მოხმობილი მასალა საკმარისი არ უნდა იყოს „მუშაკის“ „პირადად არათვისუფალი დაბეგრული მიწისმოქმედის“ მნიშვნელობით გაგებისათვის.

როგორც მკვლევართა ამ ზედაპირული შთაბეჭდილებიდანაც კარგად ჩანს, ტერმინი „მუშაკი“ აშკარად საპირობებს სპეციალურ შესწავლას და ქართულ სოციალურ ნომენკლატურაში მისთვის შესაფერი ადგილის მიჩენას.

ეს ტერმინი ქართულის თანაბრად გავრცელებულია სომხურშიც და ასევე დადასტურებულია როგორც ნათარგმნ, ისე ორიგინალურ ძველსომხურ ძეგლებში. მხოლოდ „მუშაკის“ ნაცვლად სომხურში „მუშაკი“ გვაქვს, რაც ამ ენის ბუნებითაა გამოწვეული, სხვა მხრივ კი ისინი ერთმანეთის იდენტური ჩანან. ამდენად, „მუშაკის“ გარშემო წარმოებული ძიებანი, ბუნებრივია, ხელს უნდა უწყობდნენ, აგრეთვე, „მუშაკის“ კონკრეტული შინაარსის გარკვევასაც. სომხური ისტორიოგრაფიის დამოკიდებულება ამ ტერმინისადმი გაცილებით პოზიტიურია ქართულთან შედარებით და ბევრად უფრო გარკვეული თვალსაზრისი აქვს შემუშავებული მისი წარმომავლობისა თუ სოციალური რაობის შესახებ.

ასე მაგალითად, ნ. აღონციასთვის ტერმინის სოციალური შინაარსი საექვო არ ყოფილა და ის სომხური პლებსის ერთ-ერთ სახელად მიაჩნდა, რომელიც სათავეს მესხთა სატომო სახელიდან იღებდა. იგი წერდა: «*Ram-ik* и *mš-ak* по-видимому, эпоними аборигенов *арамеи:* и *мш-γαι:*, которые были покороны и подчинены пришлым элементам и вследствие этого их имя получило такое значение»⁸.

ეთნიკური წარმოშობისად მიიჩნევს ამ ტერმინს ს. ერემიანიც. მისი თქმით, ქართული „მუშაკიცა“ და სომხური „მუშაკიც“ გენეტიკურად საერთო ეთნიკური სუბსტრატისაგან მომდინარეობენ, კერძოდ, სემიტური (ასირიულ-ბაბილონური) „მუშკენუ“-დან. მას მხედველობაში აქვს ფარაონ ამენხოტეპ III-ის წერილი მეფე კადამანხარბესადმი, სადაც ხსენებული „მუშკენუ“ თარგმნილია მდაბიო, უბრალო ხალხად⁹.

ეს განმარტება, ზოგადი ხასიათის გამო, ფაქტობრივად არაფერს იძლევა „მუშკენუ“-სთან მუშაკის (მუშაკის) დასაკავშირებლად. სოციალური შინაარსით „მუშკენუ“¹⁰-სთან მსგავსებას შესაძლოა უფრო იბერიის ლაოჲ ამქლავებ-

⁸ Н. Адонц, Армения в эпоху Юстиниана, Ереван, 1971, გვ. 436.

⁹ об. ВДИ, 1947, № 1, გვ. 263; ВДИ, 1950, № 1, გვ. 14—16; აგრეთვე, ნაჟ ძიო-ძიყის ყათიძიკიონ, I, ხრქან, 1971, გვ. 799.

¹⁰ „მუშკენუ“-ის შესახებ об. И. М. Дьяконов, *Muškenum* и повинности земле-владение на царской земле при Хамураби—Eos XLVIII, 1, 1956; D. G. Evans, The Incidence of Labour—Service in the Old Babylonian,—IAOS, გვ. 83, № 1, 1963, გვ. 20—26; F. R. Kraus, Ein Edikt des Königs ammisaduga von Babylon, Leiden, 1958, გვ. 36—37; Л. А. Липин, Аккадский (вавилоно-Ассирийский) язык, вып. II. Словарь, Ленинград, 1957, გვ. 93; მისივე, Из истории социальных отношений в Ассирии, „Палестинский сборник“, III, 1958, გვ. 48; Ю. Б. Юсифов, Элам, социально-экономическая история, М., 1968, გვ. 237—239.

დეს, რამდენადაც ორივე „სამეფო ხალხის“ კატეგორიას განეკუთვნება¹¹. მაგრამ ეს მსგავსება არ უნდა სცილდებოდეს სტადიალურად და ტიპოლოგიურად ანალოგიური საზოგადოებების საერთო ბუნების ფარგლებს. ამასთან, იბერიის ლაო-სა და „მუშაკის“ (მშაკის) იგივეობაზე მსჯელობა (რაც დასაშვებად მიაჩნია ს. ერემიანს) მხოლოდ აპრიორულად თუ შეიძლება. ასეთ პირობებში კი მუშკენუ-მუშაკ (მშაკ)-ის გარეგნული მსგავსება საკმარისი არაა მათ შორის გენეტიკური სიახლოვის მტკიცებისათვის. სოციალური ტერმინების ეთნიკურიდან წარმომავლობის იდეას, მართალია, ადრეც და ახლაც არაერთი გამოჩენილი მეცნიერი უჭერს მხარს, მაგრამ „მუშაკის“ (მშაკის) ეტიმოლოგიის ერემიანისეული ახსნის შესაძლებლობა, ვფიქრობთ, მაინც საკმაოდ ძნელდება. თვით სომეხი ენათმეცნიერების შეხედულებანი ამ საკითხზე ს. ერემიანის თვალსაზრისს მკვეთრად უპირისპირდება. მაგალითად, ჰრ. აჭარიანი თვლიდა, რომ ეს სიტყვა სომხურში ქართველური, კავკასიური ენებიდან არის ნასესხები, რამდენადაც ის კავკასიურ ენებში ფართოდაა გავრცელებული და ბევრი თვისტომი მოექმნება, მაშინ როდესაც სომხურ ენაში მსგავს მოვლენას არ აქვს ადგილი. მაგალითად, ქართული მუშა, მუშაკი, მუშაობა, მუშაკობა, სამუშაკო, მემუშავე, ლაზური muša, ინგილოური mušaabay, მეგრული vimušuat, mušeoba სენური limšal, limšae, ინგუშური muša, ჩერქეზული mišak და სხვ.¹², ს. მალხასიანიც მას კავკასიური წარმოშობის სიტყვად მიიჩნევდა და მისი გავრცელების არედი ქართულ-ლაზურ და ინგუშურ ენებს ასახელებდა¹³. არის სხვა შეხედულებებიც, რომელთა მიხედვით „მუშაკი“ ირანულ-პართულ წარმომავლობას უნდა ამჟღავნებდეს¹⁴. მაგრამ ამჯერად ჩვენი მიზნებისათვის გაცილებით საყურადღებოა სომხურ ენასა და ორიგინალურ ძველსომხურ ძეგლებში დაცული ცნობები და მათს საფუძველზე სომხურ ისტორიოგრაფიაში შემუშავებული თვალსაზრისი „მშაკის“ სოციალური სტატუსის შესახებ.

სომხურში „მშაკი“ ზოგადად მშრომელს, მიწისმოქმედს, მინდვრებსა და ბაღ-ვენახებში მომუშავე პერსონალს ნიშნავს (*ზილაფიობ, ხერკრაფიობ, აკვიოაჯესათაიობ*).¹⁵ მაგრამ სოციალური მოვლენების გადმოცემისას სომხური წყაროები სრულიად გარკვევით მიუთითებენ მუშაკზე, როგორც საზოგადოების დაბალ სოციალურ ფენაზე. ფულადი საზღაურით რომ ამუშავებენ სხვის მიწას¹⁶. მათი შრომის ხასიათი იდენტურია დაქირავებული მუშის, მეიჯარადრის ან ყმა-გლეხის შრომისა¹⁷. ს. ერემიანი შენიშნავს, რომ თემების კუთვნილი

¹¹ იხ. გ. მელიქიშვილი, კლასობრივ საზოგადოებათა ტიპოლოგიური და სტადიალური კლასიფიკაცია და უძველესი კლასობრივი საზოგადოების ხასიათის საკითხი, „მაცნე“, № 3, 1971, გვ. 123—125.

¹² ჰრ. მ. ნ. ა. ხ ა ნ, ლაკსენ არნათოსკან რაიარან, III, სერქან, 1977, გვ. 335.

¹³ იხ. ი. ა. კ. ა. ხ ა ნ, ლაკსენ რეაორატკან რაიარან, სერქან, 1944.

¹⁴ მ. ა. ნ. დ. რ. ი. კ. ა. მ. ვ. ი. ლ. ი., ნარკვევები ირანულ-ქართული ენობრივი ურთიერთობიდან, I, თბ, 1966, გვ. 165; И. М. Дьяконов, Предистория армянского народа, Ереван, 1968, გვ. 199, შენ. 23.

¹⁵ იხ. ჰრ. აჭარიანისა და სტ. მალხასიანის დასახელებული ლექსიკონები.

¹⁶ ლაკსიდიქი აკამოიკი, I, სერქან, 1971, გვ. 650.

¹⁷ ჟ. ფ. შ. ა. რ. ა. ხ ა ნ, ჰინ ნაკასთანის სიფიხალ-თნოხასკან ვარვანმან ილიხნერი მათხინ, სერქან, 1962, გვ. 35—38.

სასოფლო-სამეურნეო ტერიტორია „სამეფო მიწად“ ითვლებოდა. ხოლო თვით მეთემენი კი „მეფის მშაკებს“ ან „მეფის წარაა“ებს ე. ი. მსახურებს წარმოადგენდნენ¹⁸. თუ ეს, მართლაც, ასე იყო, გამოდის, რომ სომხეთში მატერიალური დოვლათის ძირითადი მწარმოებელი — თავისუფალი მეთემე — „შინაკანიც“ „მეფის მშაკი“ და „წარაა“ ყოფილა. ზოგადი თვალსაზრისით, ალბათ, ეს ასეც იყო. რამდენადაც სახელმწიფოს პოლიტიკურ ხელისუფლებას მთელი ქვეყნის მასშტაბით მეფე ახორციელებდა. მაგრამ „მშაკი“ განსხვავდებოდა „შინაკანისაგან“ თუნდაც იმით რომ ის უფრო დასტაკერტ-აგარაკებთანა დაკავშირებული, სადაც „ვარქანის“ მსგავსად ქირით მუშაობს. ს. ერემიანის აზრით, მიწას მოკლებული და თემის გარეშე დარჩენილი პირი ხდებოდა კერძომფლობელური მეურნეობების „ვარქანი“ ან „მშაკი“¹⁹. ალბათ, არც ისაა გამორიცხული, რომ ეს დაქირავებული სამუშაო ძალა სხვაზე უფრო შეძლებულ სამეფო მეურნეობაშიც გამოეყენებინათ. ეტყობა, ამიტომაც ს. ერემიანს სავსებით შესაძლებლად მიაჩნია „მეფის მშაკების“ სტრატონისეული იბერის მეთებე გენესთან გაიგივება²⁰.

როგორც ვხედავთ, სომხური წყაროები „მშაკს“ გვიხასიათებენ ეკონომიკურად შეუძლებელს, უფლებრივად კი თავისუფალ ან ნახევრადამოკიდებულ მუშა-პერსონალად. „მშაკი“ ძირითადად, ალბათ, მაინც თავისუფალი უნდა ყოფილიყო, რამდენადაც ვარქანის მსგავსად ისიც ქირით მუშაობდა. ამ ვარაუდს არ უნდა ეწინააღმდეგებოდეს ს. ერემიანის დებულება, რომლის მიხედვითაც ეკონომიკური და უფლებრივი პირობებით „მშაკი“ „წარაა“-ს (მსახურის), მონის მდგომარეობას უახლოვდებოდა. ძველ სამყაროში ასე მონის მდგომარეობასთან მიახლოებული ჩანდა ეკონომიკურად შეუძლებელი ფენების დიდი ნაწილი. რა თქმა უნდა, სავალდებულო არაა საქართველოშიც სომხურის ზუსტი ანალოგია ვივარაუდოთ. ადგილობრივი სამეურნეო პირობები ყოველთვის სპეციფიკურ ელფერს აძლევდნენ ამა თუ იმ ინსტიტუტის განვითარების ვხასა და ხასიათს, თუმცა არც ისაა გამორიცხული, რომ განვითარების ადრეულ ეტაპზე, როცა საქართველოსა და სომხეთის კლასობრივ საზოგადოება ფიზიონომია მეტ სიახლოვეს ამჟღავნებდა ერთმანეთთან, მათი სოციალური ნომენკლატურაც სავსებით იდენტური ყოფილიყო.

ახლა ვნახოთ ქართულ ძეგლებში დაცული ცნობები რამდენად იძლევიან საფუძველს ძველი სომხური საზოგადოების „მშაკის“ სოციალურ ბუნებასთან „მუშაკის“ გასაიგივებლად.

„მუშაკი“ და „მუშა“, როგორც მწარმოებელი საზოგადოების გარკვეული ჯგუფისა თუ ფენის აღსანიშნავი სახელი, ქართული ენის ძეგლებში და საისტორიო წყაროებში უძველესი დროიდან დაწყებული ფეოდალური ხანის მთელ სივრცეზე გვხვდება. ბიბლიისა და ოთხთავის ქართული ტექსტები არაერთ საინტერესო ცნობას შეიცავენ „მუშაკთა“ ეკონომიკური და სოციალური მდგომარეობის დასახასიათებლად. მართალია, ეს ძეგლები რელიგიური შინაარსის თხზულებებია და შესაბამისი ამოცანებითაა განპირობებული ყოველი ტერმინის ადგილი ტექსტში, მაგრამ ამ ტერმინთა რეალური შინაარსის სათანადო ასახვას პოვებენ საჭირო შედარებებსა და სახეებში მათი გამოყენე-

¹⁸ ლაკ მიდიქიქი ყაჰამიქიქინ, I, გვ. 797.

¹⁹ იქვე, გვ. 798.

²⁰ იქვე, გვ. 799.

ბისას. ბუნებრივია, რომ ქართველი მთარგმნელიც ხსენებულ ტერმინებს მისთვის ახლობელ ქართულ გარემოსთან შეფარდებით გაიაზრებს. ასე რომ, დასახელებული ძეგლების სპეციფიკამ მაინცდამაინც დიდი სიძნელეები ვერ უნდა შეგვიქმნას კვლევის პროცესში.

თვალში საცემია „მუშაკის“ მრავლობით რიცხვში მოხსენიება, რაც იმას უნდა მოწმობდეს, რომ ტექსტის ავტორი ამ ტერმინით ადამიანთა გარკვეულ ჯგუფსა თუ კოლექტივს აღნიშნავს. ეს კოლექტივი თითქმის ყველა შემთხვევაში სოფლის მეურნეობასთან არის დაკავშირებული და თითქოს სოფლის მეურნეობის პროდუქტების ძირითადი მწარმოებელიც არის. მაგალითად, გვხვდება ასეთი გამოთქმები: „...მუშაკიცა, რომელნი ქუეყანა-სა იქმედ, რაჟამს დასთესიან და მკიან“²¹; მუშაკნი, რომელთა დაასხეს ვენაჳნი, ვინა იყოფის ღვნო“²²; „რამეთუ ვითარცა მუშაკიან სთესის მრავალი თესლი, და ნეოგი მრავალი დაჰნერგის“²³ და სხვა.

ამ ძეგლებში პირდაპირი მითითებები გვაქვს მუშაკთა მძიმე ეკონომიკური და სოციალური პირობების შესახებ, რომელთა მიხედვით ისინი წარმოგვიდგებიან საზოგადოების დაბალ საფეხურზე მდგომ ფენად, რომლის ძირითადი საქმე სხვისთვის შრომა გამხდარა. ამ თვალსაზრისით განსაკუთრებით ნიშანდობლივია ქართული ოთხთავის ერთი ადგილი, სადაც ვკითხულობთ:

1. რამეთუ მსგავს არს სასუფეველი ცათაჲ კაცსა სახლისა უფალსა, რომელი განვიდა განთიად დადგინებად მუშაკთა ვენაჳსა თჳსსა.

2. და აღუთქუა მათ თითოეულად სასყიდელი დრაჳკანი ღღესა და წარავლინა იგინი ვენაჳსა თჳსსა.

3. და განვიდა მესამე ჟამსა და იხილნა სხუანი, მდგომარენი უბანთა ზედა უქმად.

4. და ჰრქუა მათ: მივედით თქუენცა ვენაჳსა ჩემსა და, რამ-იგი იყოს სამართალი, მიგცე თქუენ.

5. ხოლო იგინი წარვიდეს და მერმე განვიდა მეექუსესა და მეცხრესა ჟამსა და იყო ეგვეჲ.

6. ხოლო მეათერთმეტესა ჟამსა განვიდა და პოვნა სხუანი მდგომარენი და ჰრქუა მათ: რამათა სდევით თქუენ აჲა ღღე ყოველ უქმად?

7. ხოლო მათ ჰრქუეს მას: არავინ დამიდგინნა ჩუენ. ჰრქუა მათ: წარვედით თქუენცა ვენაჳსა ჩემსა.

8. და ვითარცა შემწუხრდა, ჰრქუა სახლისა უფალმან ეზოჲს-მოძღუაროსა თჳსსა: მოუწოდე მუშაკთა მათ და მიეც მათ სასყიდელი; უწყე უკანასკნელითგან, ვიდრე პირველთამდე.

9. მოვიდეს მეთერთმეტისა ჟამისანი იგი და მიიღეს თითოჲ დრაჳკანი.

10. მოვიდეს პირველსანიცა იგი და ჰგონებდეს, ვითარმედ უფროჲს მიიღონ; და მიიღეს მათცა თითო დრაჳკანი.

11. ხოლო მე-რამ-იღეს, დრტუნვიდეს სახლისა უფლისა მისთვის.

12. და იტყოდეს, ვითარმედ უკუანასკნელთა მათ ერთი ხოლო ჟამი დაჰ-

21 III ეზრა, 4, 6, მცხეთური ხელნაწერი, ელ. დოჩანაშვილის გამოცემა, თბ., 1982, გვ. 406.

22 III ეზრა, 4, 16, იქვე, გვ. 407.

23 ძველი აღთქმის აპოკრიფების ქართული ვერსიები, I, თბ., 1970, გვ. 377—378 და სხვ.

ყვეს და სწორ ჩუენდა ჰყვენ იგინი, რომელთა ვიტკრთეთ სიმძიმე დღისაჲ და სიცხე²⁴.

ვფიქრობთ, სკამოდ ვრცელი და საყურადღებო ინფორმაციაა დაცული ქართული ოთხთავის ამ ნაწყვეტში. „მუშაკი“ უპირველესად ქირის მუშაა, იგი ვალდებულების გამო კი არა, არამედ სასყიდლისათვის, დრაჰკანისათვის მუშაობს „უფლის ვენახში“. თუ მხედველობაში არ მივიღებთ ქრისტიანული მორალის შესაბამისად აწყობილ სიუჟეტს, აშკარაა, რომ „მუშაკის ხვედრი განთიადიდან მწუხრამდე შრომა იყო. მოტანილი ტექსტის მიხედვით; მუშაკი“ პირადად თავისუფალი, მაგრამ ეკონომიკურად შეუძლებელი პირია, რადგანაც იძულებულია გაჰყიდოს თავისი ერთადერთი ქონება — სამუშაო ძალა. მოკემულ კონტექსტში, ეჭვი არაა, დღიური მუშის სურათია დახატული. ეს კი გვაძლევს საფუძველს სეზონური და სხვა კატეგორიის მუშაკთა არსებობაც ვივარაუდოთ. საინტერესო ცნობაა დაცული ხსენებულ ტექსტში მუშაკთა თავისებური ბაზრის არსებობის შესახებ. ავტორი მას „უბანთა ზედა უქმად მდგომარე“ აღაძინებს უწოდებს. მიწის მესაკუთრემ კარგად იცის სად და როგორ უნდა შეიძინოს დამატებითი სამუშაო ძალა. საჭიროების შემთხვევებში ის გადის უბანში და ყოველთვის ნახულობს მისთვის აუცილებელ კონტიგენტს, რომელიც თავის ერთადერთი საქონლის მყიდველს მთელი დღეების განმავლობაში უცდის. ნიშანდობლივია ამ მუშაკთა პასუხი შეკითხვაზე „რამა სდევით თქვენ აქა დღე ყოველ უქმად?“ ისინი პასუხობენ: „არავინ დამიდგინა“. სხვა შემთხვევებში კი შესაბამის ტექსტებში, თითქოს ჩივილიც ისმის მუშახელის სიმკირის გამო. მაგალითად, „სამკალი ფრიად არს, ხოლო მუშაკი მცირედ“²⁵. როგორც ჩანს, დაქირავებული სამუშაო ძალის რაოდენობა და მასზე მოთხოვნილება ყოველთვის არ შეესაბამებოდა ერთმანეთს, რაც სავსებით კანონზომიერად გამოიყურება კაპიტალიზმამდელი საზოგადოებისათვის.

მოტანილ ტექსტში თითქოს კლასობრივი დაპირისპირების მომენტებიც შეიცნობა. შესრულებული სამუშაოს ანაზღაურებისას „მუშაკთა“ ერთი ნაწილი უკმაყოფილებას გამოთქვამს მიღებულ თანხის სიმცირის გამო. ავტორი ხაზგასმით შენიშნავს: „ხოლო მი-რაჲ-იღეს, დრტკენიდეს სახლისა უფლისა მისთვის“. ასეთი რამ პრაქტიკაში რომ არ ყოფილიყო, ვფიქრობთ, ტექსტის ავტორი მას ვერ აღნიშნავდა, რა მიზნითაც არ უნდა გამოეყენებინა ხსენებული ფრაზა. მსგავსი დაპირისპირების გამომხატველი ცალკეული ფრაზები გვხვდება ბიბლიაშიც. მაგალითად, „მუშაკნი ზაკულნი“, „მუშაკი მომთრვალჷ ვერ წარეწიოს სიმდიდრესა“²⁶ და სხვა. შეხედულება მუშაკთა მზაკვრობისა თუ სიზარმაცე-ლოთობისა, რა თქმა უნდა, ეს მდიდარ დამქირავებელთა, მიწის მესაკუთრეთა თვალსაზრისია და განსაზღვრული აზრით უნდა ასახავდეს კლასობრივი დაპირისპირების ფაქტს. ხოლო დებულება მუშაკთა, ალბათ, ნაწილის გამდიდრების შესაძლებლობის შესახებ, მეორე მხრივ, მწარმოებელთა ამ ფენაში უკვე დაწყებული ქონებრივი დიფერენციაციის ამსახველიც შეიძლება იყოს.

²⁴ მათე, 20, 1—12, ქართულ ოთხთავის ბოლო ორი რედაქცია, ტექსტი გამოსცა და გამოკვლევა დაურთო ივანე იმნაიშვილმა, თბ., 1979, გვ. 325—326.

²⁵ მათე, 9, 37, ლუკა 10, 2, დასახლებული გამოცემა.

²⁶ ოშკის ბიბლია, სიბრძნე იესუ ზირაქისი, 18,33; იხ. აგრეთვე, ი. აბულაძე, ძველი ქართული ენის ლექსიკონი, თბ., 1973, გვ. 301.

შეგერდებით კიდევ ერთ საყურადღებო ინფორმაციაზე. მუშაკთა საქმის გამგებელს ქართველი მთარგმნელი ეზოახმოძღვარს უწოდებს. საფინანსო უწყების მეთაურის აღსანიშნავად არქაული ქართული სახელის გამოყენება, შესაძლოა, საქართველოშიც მსგავსი და ამასთან ძალზე ძველი ვითარების მოწმობის მარჩენებელი იყოს. მართალია, იბერიის სტრატონისეული მეოთხე გენე უფრო დამორჩილებული თემია და დაქირავებული მუშის სტატუსს სულაც არ შეეფერება, მაგრამ ბიბლიის შესაბამის ტექსტებში მუშაკებიც ატარებენ მეფისადმი დამორჩილებული თემის წევრების შთაბეჭდილებას. მაგალითად, „მუშაკნიცა, რომელნი ქუეყანასა იქმედ, რაჟამს დასთესიან და მკიან. ნაყოფი იგი თვისი მიართვიან მეფესა და მერმე ხარკის მომკდელთა ჰმძლავრიან სოფელსა და მოკადიან ხარკი სამეფო“²⁷. ამ მხრივ, ალბათ, ნიშანდობლივია ლეონტი მროველის მითითებაც ფარნავაზისდროინდელ ქართლში „ხარკი სამეფოსა“ და ამ ადრეკლასობრივი ქართული სახელმწიფოს სპარსთა სამეფოსთან ორგანიზაციული მსგავსების შესახებ²⁸. ასე რომ, „მუშაკები“ იბერიაში შეიძლება მეფის მიწაზეც მსხდარიყვნენ და სამეფო სახლისადმი დაქვემდებარებულ დამორჩილებულ მეთემეთა გვერდით თავისუფალი დაქირავებულებიც ყოფილიყვნენ.

ქართული ორიგინალური ძეგლებიდან უძველესი ცნობა „მუშაკის“ შესახებ დაცულია იოანე მოსხის ნოველებში (ამ ძეგლის ორიგინალურობა, ვფიქრობთ, დასაბუთებულია ს. ყაუხჩიშვილის ცნობილ გამოკვლევაში²⁹), რომელიც ცნობილია ბერძნული სახელწოდებით ლიმონარი³⁰. აქ ეს ტერმინი ორი მნიშვნელობითაა გამოყენებული: „მიწის მოქმედისა“ („მუშაკის“ ამ მნიშვნელობაზე საკმაო მაგალითები იყო მოტანილი, რის გამოც მასზე სიტყვას აღარ გვაგრძელებთ) და მშრომელი მუშის, ზოგადად მშენებლისა თუ კალატოზის აზრით. საუბარია ვინმე ეპისკოპოსზე, რომელსაც განსაზღვრული რელიგიური მოსაზრებებით დაუთმია ამქვეყნიური პატივი და გადაუწყვეტია დარჩენილი სიცოცხლე ფიზიკურ შრომაში გაეტარებინა. ავტორი მის შესახებ გვამცნობს: „ყო თავი თვისი მუშაკ, და იქმოდა იგი დღითი დღედ მაშენებელთა გალატოზთა თანა“³¹.

ძეგლში დაცული მასალა უფლებას გვაძლევს ვიმსჯელოთ „მუშაკის“ სოციალურ წარმომავლობაზეც. ამ მხრივ ერთობ საგულისხმოა ის ადგილი, სადაც ნათქვამია: „მე კაცი ვარ გლახაკი, ამის ქალაქისა გლახაკთაგანი, და არა მაქუს მე საზრდელი თავისა ჩემისაჲ, და ამით მიყოფიეს თავი ჩემი მუშაკ, რაჟთა ნაშრომითა კელთა ჩემთაჲთა ვიზრდებოდი“³². გამოდის, რომ „მუშაკად თავის ყოფის“ მიზეზი დაგლახაკება, გადატაკება იყო, რადგანაც მოცემული ტექსტის მიხედვით „მუშაკები“ გლახაკთა წრიდან გამოდიან. მაგრამ ისინი ერთმანეთს სულაც არ ფარავენ. „გლახაკი“ „მუშაკს“ არ ნიშნავს, ისევე როგორც „მუშაკი“ ყოველთვის გლახაკს არ უდრის. „გლახაკი“ უპირველესად დეკლასირებული, წარმოებიდან გამოძევებული ელემენტია, ლატაკი მათხოვა-

27 III ეზრა, 4,6, მცხეთური ხელნაწერი.

28 ქართლის ცხოვრება, I, ს. ყაუხჩიშვილის გამოცემა, გვ. 25.

29 ს. ყაუხჩიშვილი, ბიზანტიური ლიტერატურის ისტორია, თბ., 1973, გვ. 236—247.

30 იოანე მოსხი, ლიმონარი, თბ., 1960.

31 იქვე, გვ. 15.

32 იქვე, გვ. 16.

რია, ის შრომის უუნაროა და უძლური³³. ალბათ ამიტომაც არის, რომ გიორგი მერჩულე თავის თხზულებაში გლახაკთა დასახასიათებლად ბიბლიის ცნობილ სენტენციას იყენებს „რამეთუ გლახაკთა არაა აქუს, თვნიერ ღმრთისა სახიერისა მოწყალებაჲ“³⁴. „მუშაკს“ კი სამოწყალოდ არა აქვს საქმე, იგი თავისი შრომით არსებობს და მხოლოდ გარეგნულად თუ ჰგავს „გლახაკს“ სიღარიბისა და შრომის მძიმე პირობების გამო. ასეთი დამოკიდებულება „მუშაკის“ სოციალური პორტრეტისადმი კარგად იგრძნობა ხსენებული ნოველის იმ ნაწყვეტში, სადაც ეპისკოპოსის „მუშაკად“ დადგომა სასწაულადაა მიჩნეული. თხზულებაში ვკითხულობთ: „ნეტარ რაჲმე არს სასწაული ესე და არა უწყოდა მან, ვითარმედ მუშაკი იგი ეპისკოპოსი არს და ვინაჲ უკუემეცა უწყოდა იგი, ვითარმედ ეპისკოპოსი არს იგი, ვინაჲთგან ჰხედვიდა გარეშეთ კაცსა გლახაკსა, პირითა. შემწუარსა და თმით შეტუსვილსა სიციხითა და შრომისაგან დაუცოდებელსა, და ძონძითა სამოსლითა მოსილსა, დაწუნებულად და შეურაცხად სახილველსა მარხვისა და ჭირისაგან დიდისა“³⁵. შესაძლოა „მუშაკის“ გარეგნული სახე აქ ერთგვარად გამუქებულიც იყოს კონტრასტის გასაძლიერებლად, მაგრამ ერთი აშკარაა, VI—VII საუკუნეებშიც (რადროსაც განხილული ძეგლი მიეკუთვნება) სამეურნეო დამოუკიდებლობის დაკარგვა, გაღატაკება და პირადი თავისუფლების შენარჩუნებისაკენ სწრაფვა უნდა ყოფილიყო მუშაკთა წარმოქმნის ძირითადი წყარო. „მუშაკები“ რომ პირადად თავისუფალნი უნდა ყოფილიყვნენ, ვფიქრობთ, ეს ეჭვს არ უნდა იწვევდეს. წინააღმდეგ შემთხვევაში მათ სამუშაო ადგილისა და ხასიათის შერჩევის საშუალება არ ექნებოდათ.

ქართული ორიგინალური ძეგლებიდან თითქოს სხვაზე უფრო ხშირადაა მოხსენიებული ტერმინი „მუშაკი“ სერაპიონ ზარზმელის ცხოვრებაში. საგულისხმოა, რომ აქ ტერმინი „მუშაკი“ მიწისმოქმედის აღსანიშნავად კი არ არის გამოყენებული, არამედ მხოლოდ და მხოლოდ მშენებლობაში მომუშავეთა ზოგადი და კონკრეტული მნიშვნელობითაა ნახმარი. მაგალითად, გვხვდება ასეთი ადგილები: „აღმოიღეთ იგი (ევლოგიაჲ) და მიეცით ყოველთა მუშაკთა“³⁶; „და ესრეთ წარემართა შენებაჲ იგი ეკლესიისა[ჲ] ვინა[ჲ]ცა საფუძველით და ხარისხთაჲთგან იღუწოდა კაცი იგი ყოველთა მუშაკთა თვნიერ სანოვაგეთასა“³⁷. მშენებლობის პროცესის აღწერისას ავტორი ხაზგასმით აღნიშნავს „სიმრავლესა მუშაკთასა“³⁸. მშენებლობაში მონაწილე-მომუშავეთა ასეთი ზოგადი თვალსაზრისით და მრავლობით რიცხვში არიან მოხსენებულნი „მუშაკნი“ დაახლოებით იმავე ხანის ლაპიდარულ წარწერებში. ყუმურდოს ეკლესიის 964 წლის წარწერა ითხოვს: „წმიდათ ეკლესიათ შენნი მუშაკნი და ყოველნი მაშენებელნი შეენი დღეს მას სასჯელისასა დაიფარენ...“³⁹. ზარზმის ეკლესიის X ს-ის 80-იანი წლების ივანე სულას ძის სამშენებლო წარწერა კი გვაუწყებს: „...ღირს ვიქმენ მოყვანებად მუშაკთა უფლისა ეკლესი-

33 იხ. ძველი ქართული ენის ლექსიკონი, გვ. 94; აგრეთვე, როინ მეტრეველი, დეკლასირებული ელემენტები შუა საუკუნეების საქართველოში, V—XII სს., თბ., 1976.

34 ძველი ქართული აგიოგრაფიული ლიტერატურის ძეგლები, წ. I, თბ., 1964, გვ. 276.

35 იოანე მოსხი, ლიმონარი, გვ. 15.

36 ნ. ვაჩნაძე, სერაპიონ ზარზმელის ცხოვრება როგორც საისტორიო წყარო, თბ., 1975, გვ. 183.

37 იქვე, გვ. 184.

38 იქვე, გვ. 183.

ისა კონქსა, სადა ვიქმენ მაშენებელი ამისავე ეგუტერისაჲ⁴⁰. ამ წარწერებში „მუშაკნი“ და ყოველნი მაშენებელნი არ არიან ერთმანეთთან გაიგივებულნი, რაც იმის მოწმობაა, რომ „მუშაკნი“ მშენებლობის მხოლოდ მონაწილენი არიან და არა მაშენებელნი⁴¹. ჩანს, აქ მოხსენიებული მუშაკები უბრალო, დამხმარე სამუშაოთა შემსრულებელნი იყვნენ. მათი მოვალეობა იყო, ალბათ, „მუშაკობასა შინა ქვაჲ განებო“, ქვა და ქვიშა მოეზიდა, „ხელად ქვიშისა და კირისავე თანა“, ქვა ქვაზე დაეწყოთ და სხვა მისთანები⁴². ამ სახის მუშაკთა რაოდენობა მშენებლობისას, რა თქმა უნდა, გაცილებით მეტი იყო საჭირო. ვიდრე მშენებელი ოსტატებისა. ალბათ ამიტომაც არის, რომ ბასილ ზარზმელი მათს სიმრავლეს საგანგებოდ აღნიშნავს.

აბუსერიძე ტბელი, როცა ხიხათა ეკლესიის მშენებლობაზე მოგვითხრობს, ისიც აღნიშნავს მუშაკთა სიმრავლეს. მისი თქმით, „მრავალნი მუშაკობით მოქმედნი“, „ქვისმქმენლნი“ და „თანაშემწენი მათნი“ მონაწილეობდნენ მშენებლობაში⁴³.

ყველა ამათ მიხედვით, მუშაკთა სიმრავლე ფეოდალურ საქართველოში თითქოს ეჭვს არ უნდა იწვევდეს.

„ყოველთა მუშაკთა“, ე. ი. უბრალო მუშაკთა გარდა, ბასილი ზარზმელისავე მოწმობით, ყოფილან მუშაკთა სხვა კატეგორიებიც. მაგალითად, „ხელოვანნი მუშაკნი“, რომელთაც თავიანთი მალალი ოსტატობის წყალობით შეეძლოთ ბუნების ნაკლის შეესება და ადგილთა გამშვენიერება. სერაპიონ ზარზმელს უთქვამს გიორგი ჩორჩანელისათვის: „...რამეთუ მარგალიტნი და თულანი პატროსანნი მიმოვანბნულ რაჲ იყენენ თანა-აღრვეით მიწასა, არა ესრეთ ბრწყინვენ წინაშე თულაბესა ხილვისმოყვარეთა, ვითარ იგი რაჟამს გამოიჭურვნენ და განწმედენ და ოქროთხულებით შეიწყვენენ კეთილთა მიერ მქედელთა, მაშინდა გამოჩნდეს ბრწყინვალებაჲ მათი და იქოს მუშაკი და შუენიერებაჲ მათი. ეგრეთვე ადგილი ესე რაჟამს კელ-ყონ კ ე ლ ო ვ ა ნ თ ა მ უ შ ა კ თ ა, მაშინ იხილოს თულამან მხილველთამან შუენიერებაჲ ადგილთა ამისა“⁴⁴.

როგორც ვხედავთ უბრალო მუშაკთა — საქმისმოქმედთა გარდა, მუშაკთა რიგში შეიძლება იყოს ჩაყენებული ოქრომქედელიცა და დახელოვნებული მშენებელი ოსტატიც. „მუშაკზე“ უფრო ზოგადი ტერმინი რომ ვინმართ, ყველა ესენი საქმისმოქმედნი იყვნენ⁴⁵, მაგრამ არა ჩვეულებრივი საქმისმოქმედნი, არამედ „მუშაკობით მოქმედნი“. რას უნდა ნიშნავდეს აბუსერიძე ტბელის ეს გამოთქმა? განა უშრომლად მოქმედება, კეთება შესაძლებელია? ვფიქრობთ, ამ შემთხვევაში ყურადღება გამახვილებულია „მუშაკთა“ სპეციფიკაზე, ხაზგასმულია მათი განსხვავებული მდგომარეობა ფეოდალურ ურთიერთობაში ჩაბმული საზოგადოების ძირითადი მშრომელი ნაწილისაგან.

ეპოქა (X—XIII სს.), რომელსაც ასახავენ ხსენებული ქართული ორიგინალური ძეგლები, განვითარებული ფეოდალიზმის ხანას მიეკუთვნება, როცა

39 ლაპიდარული წარწერები, I, თბ., 1980, გვ. 266.

40 იქვე, გვ. 282.

41 შ. მეხსია, საისტორიო ძიებანი, I, თბ., 1982, გვ. 54—55.

42 იხ. ივ. ჭავჭავაძის ილი, მასალები ქართველი ერის მატერიალური კულტურის ისტორიისათვის, I, მშენებლობის ხელოვნება ძველ საქართველოში, თბ., 1946, გვ. 150—152.

43 შ. მეხსია, საისტორიო ძიებანი, I, გვ. 55.

44 სერაპიონ ზარზმელის ცხოვრება, დასახ. გამოცემა, გვ. 160—161.

45 იხ. ივ. ჭავჭავაძის ილი, დასახ. ნაშრომი, გვ. 145.

ხელოსანთა უმრავლესობა საბატონეში უღელში იყო შებმული, ძირითადი მწარმოებელი მოსახლეობა კი მიწაზე მიმაგრებული. ხელოსნები „საფასის გარეშე მოქმედნი“ ჰყავდათ მთავრებსა და აზნაურებს, მონასტრებს. ზოგი მაკითხარი შრომით იხდიდნენ თავის ყმურ ვალდებულებას. მათ შესახებ ცნობები საკმაოდ უზვადაა დაცული წყაროებში. მაგრამ ისინი არც ერთ შემთხვევაში „მუშაყებად“ არ არიან მოხსენიებულნი. ზემოთ განხილული და სხვა წყაროების ნიშნობითაც „მუშაკის“ ერთ-ერთი უმთავრესი ნიშანი „საფასით შრომაა“. სერაპიონ ზარზმელის ცხოვრება პირდაპირ მითითებას შეიცავს „მუშაკთა“ ამ თვისებაზე. დასახელებულ თხზულებაში ვკითხულობთ: „ვიხილო მხიარული და ბრწყინვალე, ვითარცა რამ მუშაკი კეთილი, სასყიდლითა განმდიდრებული“⁴⁶. ზარზმის მონასტრის წინამძღვარს გიორგის სიკვდილის წინ თავისი შემცველისათვის დაუბრუნებია: „იწყეთ შენებად ეკლესიისა ბრძანებისაებრ მამისა სერაპიონისა და ნურას ზრუნავთ წარსაგებელთათვის, რამეთუ ჩუენებით მეუწყა წმიდისა მიერ, ვითარმედ ევლოვია იგი, რომელ მოიღო კაცმან მან, იგი დამარხულ არს ქუეშე კერძო ჭუარისა (რომელი იყო თავით კერძო წმიდისა მის) აღმოიღეთ იგი და მიეციეთ ყოველთა მუშაკთა“⁴⁷. ნაპოვნი თანხა 305 დრაჰკანი საკმარისი აღმოჩნდა ეკლესიის ასაშენებლად⁴⁸. შ. მესხიას საინტერესო მასალა მოაქვს ზელოსან „მუშაკთა“ ხელფასის ოდენობის შესახებ. მისი აზრით, მონასტრის სამსახურში მყოფ მუშაკს წელიწადში შეიდი დრაჰკანი ეძლეოდა, რაც მისივე დაკვირვებით საკმაოდ დიდი ხელფასი უნდა ყოფილიყო⁴⁹.

ასე რომ, მუშაკნი ყოველთვის „საფასით მოქმედნი“ იყვნენ, განსხვავებით ყმა ხელოსან მშენებლებისა, რომელთა ხვედრი „საფასის გარეშე“ შრომა იყო⁵⁰. თუ ყმა-გლეხის შრომის საზღაური მისთვის მიზომილი მიწის ნაკვეთი — საგლეხო ფუტე იყო, „მუშაკის“ შრომის ანაზღაურება ძირითად ფულაით ხდებოდა. ფეოდალური საზოგადოების პირობებში სასაქონლო ფულადი მეურნეობის განვითარების ერთობ დაბალი დონის გამო, ბუნებრივია, „მუშაკებს“ მუდმივად მოძრაობა უხდებოდათ ერთი კუთხიდან მეორისაკენ „მოსარეწვლად რაჟამე“. არცთუ იშვიათად, ეს მოძრაობა საკუთარი ქვეყნის ფარგლებსაც სცილდებოდა და უცხოეთში გრძელდებოდა. სვიმონ მესვეტის ცხოვრებაში ამ მხრივ ერთობ ნიშანდობლივი ცნობაა დაცული: „რვანი ვინმე მუშაკნი მოვიდეს სომხითით დღეთა მარხვსა დაწყებისათა წლისა მის... პრეტუ ერთმან მათგანმან: ლოცვა ყავ ჩუენთვის, წ'დაო! ორი წელი მაქუს ჩ'ნ ვინაჲთგან გამოსულ ვართ ქ'ყნით ჩ'ნით და ვიქმთ და შევკრიბეთ ნამუშაკევი იგი ჩ'ნი და ვყავთ აღუთქმამ, რა მოვიდეთ და თა'ყნი ვცეთ წ'დათა ფერხთა შენთა და ნამუშაკევი ჩ'ნი განუყოთ მყოფთა წ'დისა ამის მონასტრისათა“. ამ ადგილის გამო კომენტარში შ. მესხია წერს: როგორც ამოწერილად ჩანს, ორი წელი გასულა მას შემდეგ, რაც მუშაკნი წამოსულან თავიანთი ქვეყნიდან, და ამ ხნის განმავლობაში შეკრებილი „ნამუშაკევი“ მონასტრისათვის შეუწირავთ.

46 შ. მესხია, საისტორიო ძიებანი, I, გვ. 165—175.

47 სერაპიონ ზარზმელის ცხოვრება, გვ. 173.

48 იქვე, გვ. 183.

49 იქვე, გვ. 184.

50 შ. მესხია, საისტორიო ძიებანი, I, გვ. 168—169.

51 იქვე, გვ. 58.

ისინი არსებითად თავისუფალნი იყვნენ და მათი მოქმედებაც საკუთარ სურვილზე იყო დამოკიდებული⁵².

„მუშაკთა“ პირად თავისუფლებას, გარკვეულ პირობებში და თუნდაც ზოგჯერ, მათთვის ერთგვარი უპირატესი სოციალური მდგომარეობა უნდა შეექმნა დაბალ ფენებში. ასეთი აზრისაკენ თითქმის უნდა გვხრიდეს გრიგოლ ჯაკურიანის ძის ტიპიკონის ტექსტის ის ადგილი, სადაც საუბარია მონასტრის სამსახურში მყოფთა შორის ნახევარი შემოსავლის განაწილებაზე. აქ „მუშაკები“ მსახურებთან ერთად არიან მოხსენიებულნი, გლეხები კი ცალკე. ა. შანიძეცა და ს. ყუბანიშვილიც ამ შემთხვევისათვის „მუშაკებს“ განმარტავენ, როგორც მონასტრის სამსახურში მყოფ დაქირავებულ მუშებს⁵³.

დაქირავებულ მუშებად წარმოგვიდგებიან „მუშაკები“ გიორგი მთაწმინდელის „ცხოვრება იოანესი და ექვთიმესი“-ში⁵⁴. მის ზოგიერთ ხელნაწერში „მუშაკის“ ნაცვლად „მუშა“ გვხვდება, ხელმწიფის კარის გარეგებაში კი მხოლოდ მუშა გვაქვს⁵⁵. რამდენადაც ტერმინი „მუშაკი“ ქართულ წყაროებში ხშირად საპატიო შრომის აღსანიშნავადაც იხმარება სასულიერო თუ საერო მოღვაწეების დასახასიათებლად (მაგალითად, „მუშაკებმა გონებისა“ (ეზრა სუთ.), „მუშაკნი ქრისტეს მცნებათგანი“ (გიორგი მთაწმინდელი), „მუშაკი ძაცხოვისა“ (აბოს წამება), „ველოვანი მუშაკი“ (სერაპიონ ზარზმელის ცხოვრება) და სხვა), ბუნებრივად ისმის კითხვა: ხომ არ არის ცდა საზოგადოების პოლარიზაციის გაღრმავებასთან ერთად განასხვავონ ის (ე. ი. საპატიო შრომა) ლუქმა-პურის მოსაპოვებლად წარმოებულ უფრო მძიმე ყოველდღიური შრომისაგან, რომელიც უკვე, ჩანს, არასაპატიოდ გამოიყურებოდა უმრავლესობის თვალში. ამ აზრით ერთობ საგულისხმოა რუსთაველის მორალურ-კანონიკური ხასიათის ფრთიანი გამოთქმა:

„რაცა ვის რა ბედმან მისცეს, დასჭერდეს და მას უზნობდეს
მუშა მიწყვი მუშაკობდეს, მეომარი გულოვნობდეს“ (11.2).

მართალია, მეომრობა გაბატონებული ფეოდალური კლასის პრივილეგია იყო, მაგრამ საჭირო შემთხვევებში მთელი მწარმოებელი საზოგადოებაც ებმოდა ომში. შუა საუკუნეების საქართველოში ყმა-გლეხების მონაწილეობა ომებში მრავალგზისაა დამოწმებული წყაროებით, თუმცა მათი ძირითადი მოვალეობა შრომა იყო. რუსთაველის ხაზგასმა, ყუარლების განახვილება „მუშაკთა“ „მიწყვი“ მარადის შრომაზე, ვფიქრობთ, აშკარას ხდის მათს განსხვავებულ ადგილს ფეოდალურ საზოგადოებაში ძირითად მწარმოებელ კლასთან — ყმა-გლეხობასთან შედარებით. და ეს, მართლაც, ასე უნდა ყოფილიყო. უმიწობა, უმამულობა მუშაკთა ძირითად მასას მოხეტიალე მშრომელად აქცევდა, რომლის არსებობის უმთავრეს საშუალებას საკუთარი სამუშაო ძალის გაყიდვა წარმოადგენდა. ამიტომაც იყო მიისი ხვედრი „მიწყვი მუშაკობა“.

თვალს ვადევნებთ რა „მუშაკის“ სოციალური ფენომენის ევოლუციას საქართველოში, თვალსაჩინო ხდება მისი თანდათანობითი სახეცვლილება „ქვეყ-

52 შ. მ. მ. ს. ხ. ი. ა, საისტორიო ძიებანი, I, გვ. 176.

53 იხ. ქართველთა მონასტერი ბულგარეთში და მისი ტიპიკონი, თბ., 1971, გვ. 106, 189; გეორგიკა, V, თბ., 1963, გვ. 211.

54 ძველი ქართული აგიოგრაფიული ლიტერატურის ძეგლები, II, თბ., 1967, გვ. 81—82.

55 ქართული სამართლის ძეგლები, II, თბ., 1966, გვ. 82.

ნის მოქმედიდან“ „საქმისმოქმედისაკენ“. როგორც ვნახეთ, ძველსა და ადრე-ფეოდალურ ხანაში „მუშაკები“ კერძოსამფლობელო მიწებზე შრომობენ ქირით, განსაკუთრებით ბალ-ვენახებში, სადაც უფრო მეტად იგრძნობოდა თავისუფალი შრომის საჭიროება. შემდგომში, ფეოდალიზაციის გაღრმავებასთან ერთად, ჩანს, ყმა-გლეხთა ულასო შრომა დევნის მათ (თუმცა ეს განდევნა აბსოლუტური არ შეიძლებოდა ყოფილიყო) და მუშაკინც წარმოების სხვა დარგებში, ძირითადად მშენებლობებზე ინაცვლებენ. თუ კი ადრეკლასობრივი ხანის საქართველოში სახელმწიფო ხელისუფლებაზე ნახევრადამოკიდებული თუ ნახევრადამოუკიდებელი მუშაკთა ფენა შეიძლება ვიგულისხმოთ, რომელიც თავისი სოციალური მდგომარეობით სუსტად განვითარებულ ყმურ დამოკიდებულებას უახლოვდებოდა, სომხეთში „მუშაკთა“ ფენა ასეთად რჩება სომხური ფეოდალიზმის არსებობის თითქმის მთელ მანძილზე. IV—XIII საუკუნეების სომხეთშიც, ს. აკოფიანის მტკიცებით, „მუშაკები“ სავალო კაბალის შედეგად დაყმევების გზაზე დამდგარი მეთემეები იყვნენ, რომელთაც წარმოების საშუალებები აღარ გააჩნდათ⁵⁶. თუ ქართული ფეოდალიზმის პირობებში „მუშაკის“ სოციალურ შინაარსში დაქირავებულის სტატუტი ძლიერ ჭარბობდა, სომხეთში, პირიქით, „მუშაკის“ სოციალური მდგომარეობის ძირითადი მახასიათებელი სამეფო ხელისუფლებაზე მისი დამოკიდებულება იყო. მუშაკთა სოციალური ფიზიონომიის სტაგნაციის მიზეზი სომხეთში, ვფიქრობთ, უნდა ყოფილიყო აღმოსავლურთან ძალზე ახლო მდგომი სამეურნეო პირობები, რომლებიც განსაზღვრავდნენ თემის განსაკუთრებულ სიმტკიცესა და ცენტრალურ ხელისუფლებაზე მის დამოკიდებულებას. საქართველოში, პირიქით, თემის სწრაფმა დაშლამ, კერძო საკუთრების ინსტიტუტის უფრო ფართოდ განვითარებამ და სამეურნეო-პოლიტიკურმა აღმავლობამ ერთიანი ფეოდალური მონარქიის პირობებში, შესაძლებელი გახადეს თავისუფალი შრომის ჩაბმა წარმოების ინტენსიურ სფეროებში. პოლიტიკური უამინდობისა და ეკონომიკური დაქვეითების ხანაში „მუშაკთა“ გამოყენების ასპარეზი, ვასაგებათა მნიშვნელოვნად უნდა შემცირებულიყო. ამ დროისათვის დაქირავებული შრომის გამოყენება სავანებო აღნიშვნის სავანი ხდება, როგორც გამოჩაქლისი. მაგალითად, თურქ-სელჩუკთა შემოსევების ხანაში სავანის 1046 წლის წარწერაში ვკითხულობთ: „სახელითა ღმრთისაჲთა მე, ერისთავთ-ერისთავმან გიორგი, დაუწერე და მივეც ამის ეკლესიისა ნახევარი სავანისა სოფელსა. თანადამიდგეს ოდეს შენებამ დავიწყეთ, მუშაობითა ფასითა და ყოვლითა ფერთა“⁵⁷. ამისგან განსხვავებით X საუკუნის ძეგლებში „მუშაკინ“ და ყოველნი მაშენებელნი, როგორც გვახსოვს, მთავარი პირობაა ეკლესიის ასაგებად. მონღოლთა შემოსევებისა და შემდგომ მძიმე პოლიტიკურ ვითარებაში თითქმის ქრება მათი ხსენება.

გვიანფეოდალურ ხანაში კი, როცა სამეურნეო ინიციატივის ელემენტები ჩნდება ქართულ სოფელში, „მუშაკინ“ და „მუშები“ კვლავ მრავლად გვხვდებიან საბუთებსა და საკანონმდებლო ძეგლებში. ამასთან, სასოფლო სამეურნეო საქმიანობაში ჭარბობს ტერმინი „მუშა“, რაც პროფესიულ დახელოვნებას მოკლებული დაქირავებული შრომის გამოხატველი უნდა იყოს. პროფესიო-

⁵⁶ С. Е. Акопян, История армянского крестьянства, Ереван, 1952.

⁵⁷ ლაბიარული წარწერები, II, თბ., 1980, გვ. 62.

ნალი ხელოსნები კი, ჩანს, მუშაკთა წრეში აღარ იგულისხმებიან. მუშაკთა ფენა ისევე ერთგვაროვანი ხდება და ძირითადად არაკვალიფიციური უბრალო სამუშაოების შესრულება ევალდება. ასეთი ვითარების გამოსახატავად კი უფრო შესაფერისი „მუშა“ უნდა ყოფილიყო ტერმინ მუშაკთან შედარებით. მაგალითად, დასტურლამალში მხოლოდ „მუშა“ გვხვდება მწარმოებლის იმ კატეგორიის აღსანიშნავად, რომელსაც ადრე „მუშაკი“ ერქვა, მუშა აქ მრავალჯერ არის ნახსენები და უმრავლესისაგან უმრავლეს შემთხვევაში მიწის დაქირავებულ მუშას ნიშნავს. მაგალითად, ვხვდებით ასეთ ფორმულირებას „ნახიდურს დაქირავებული მუშა მოვა და ზვარს იმით იმუშავენ“⁵⁸. საუბარია აგრეთვე მუშებთან ფასის გარიგებაზე და სხვა. ივ. სურგულაძე, ჩამოთვლის რა დასტურლამალში მუშის ხსენების ყველა შემთხვევას დაასკვნის, რომ „მოყვანილ შემთხვევებში „მუშა“ სოფლის მეურნეობაში მომუშავეს ნიშნავს (ხენაში, მკაში, ვენახში), რომელიც ძირითადად დაქირავებულია; ნიშნავს, აგრეთვე, შავი სამუშაოს შემსრულებელს ფეოდალის ოჯახში“⁵⁸.

მუშაკთა რაოდენობის შემდგომი ზრდა და ფართოდ გამოყენება წარმოებაში, მათი ქონებრივი და პროფესიული დიფერენციაციის შემდგომი გაღრმავება უკვე დაკავშირებულია ახალ პოლიტიკურ და სამეურნეო პირობებთან, რომელიც საქართველოს რუსეთთან შეერთების შემდეგ შეიქმნა (შავი მუშა, კურტნიანი მუშა, ვირის მუშა, ყალნიანი მუშა და სხვა ერთობ დამახასიათებელი პერსონაჟებია ამ ახალი დროისათვის).

მოტანილი მასალის ანალიზი, ვფიქრობთ, გვაძლევს უფლებას დავსაკვნათ შემდეგი: ძველქართულ თარგმნილ და ორიგინალურ ძეგლებში დადასტურებული ტერმინი „მუშაკი“ სოციალური შინაარსის მატარებელია და აღნიშნავს წარმოების ძირითად საშუალებას — მიწას მოკლებულ თავისუფალთა ფენას, რომლის არსებობის უმთავრესი და ძირითადი საშუალება საკუთარი სამუშაო ძალის გაყიდვაა. ამ ფენის არსებობა ფეოდალურ საქართველოში უძველესი დროიდან დასტურდება. ფეოდალურ საზოგადოებაში ყმა-გლეხის უფასო შრომის ფართოდ გავრცელებისა და სასაქონლო-ფულადი მეურნეობის სუსტი განვითარების პირობებში საქართველოშიც, ისევე როგორც ყველგან, დაქირავებული შრომის ფუნქციონირება მნიშვნელოვნად იყო შეზღუდული. მაგრამ მეზობელ ქვეყნებთან შედარებით ფეოდალური საქართველო მეურნეობის ინტენსიური დარგებითა და საზოგადოებრივ ურთიერთობათა განვითარების უფრო მაღალი დონით მაინც უკეთეს პირობებს ქმნიდა დაქირავებული შრომის გამოსაყენებლად. ფეოდალური საქართველოს არსებობის მთელ სიგრძეზე „მუშაკთა“ სოციალური ფენა, რა თქმა უნდა, ერთგვაროვანი არ ყოფილა და იგი განიცდიდა ევოლუციას ქართული ფეოდალური საზოგადოების შიგნით მიმდინარე პროცესების შესაბამისად. ქონებრივი და პროფესიული დიფერენციაციის მუდმივი პროცესი მას ფეოდალური საზოგადოების სულ დაბალი საფეხურისაკენ ეწეოდა. ფეოდალურ ურთიერთობაში ჩაბმულ დანარჩენ საზოგადოებასთან შედარებით, „მუშაკთა“ სოციალური ფენის ისტორია ქართულ წყაროებში მკრთალად აისახა. ეს სხვაობა სავსებით შესაბამებოდა „მუშაკთა“ სოციალური ფენის ადგილსა და როლს ქართული ფეოდალური საზოგადოების განვითარებაში. როგორც ფ. ენგელსი აღნიშნავს, „დაქირავებული შრომა, რო-

⁵⁸ ქართული სამართლის ძეგლები, ტექსტი გამოსაცემად მოამზადა ივ. სურგულაძემ, თბ., 1970, გვ. 813—814.

მელშიც ჩანასახისებურად უკვე მთელი კაპიტალისტური წარმოების წესია მოქცეული, მეტად დიდი ხნის მოვლენაა; განცალკევებულად და აქა-იქ მას მთელი საუკუნეების მანძილზე ვხვდებით მონობის გვერდით. მაგრამ ეს ჩანასახი კაპიტალისტური წარმოების წესად მხოლოდ მას შემდეგ შეიძლება გაშლილიყო, რაც ამის ისტორიული წინამძღვრები შეიქმნა⁵⁹. ვფიქრობთ, ფეოდალურ საქართველოშიც დაქირავებული შრომის მატარებელი რიცხვობრივად შედარებით მცირე „მუშაკთა ფენა“ კაპიტალიზმის პოტენციურ სარეზერვო საზოგადოებად რჩებოდა, ვიდრე სამრეწველო გადატრიალებამ ის ძირითად და წამყვან კლასად არ აქცია.

Г. Я. МАЙСУРАДЗЕ

СОЦИАЛЬНЫЙ СЛОЙ «МУШАКОВ» В ФЕОДАЛЬНОЙ ГРУЗИИ

Резюме

Известный по армянским и грузинским источникам немногочисленный социальный слой «мушаков» (арм. «мшаков») в Грузии и Армении, несмотря на сходство их происхождения, прошел различный путь исторического развития. Если в средневековой Армении «мшаки» оказались в полукрепостной зависимости, то «мушаки» в Грузии остались в основном наемными работниками. При всей ограниченности положения «мушаков» в условиях господства феодальных производственных отношений, грузинская феодальная действительность создавала, нужно полагать, определенные объективные условия для существования этой социальной прослойки, потребность в которой особенно возрастала во времена экономических подъемов страны.

წარმოადგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის საბჭოთა კავშირის ხალხთა ისტორიის განყოფილებამ

⁵⁹ ფ. ენგელსი, ანტიდურინგი, თბ., 1933, გვ. 228, შენ. 1.

ვახტანგ გომილაძე

ფირან გუშნასპის მარტვილობის* ცნობათა მნიშვნელობა V—VI საუკუნეების საქართველოს ისტორიისათვის

მარტვილობანი და წმინდანთა ცხოვრებანი, — წერდა ჯერ კიდევ 1913 წელს აკად. კ. კეკელიძე, — ხშირად მასში მოთხრობილი ამბისა და მოვლენის თვითმხილველთა მიერ იწერებოდა. ამიტომ, ამ ავტორთა თხზულებებში ზოგჯერ ისეთ ფაქტებზე არის ცნობები, რომლებიც ოფიციალურ მემკვიდრეებსა და ქრონიკებს მხედველობიდან გამორჩაი. ამ მხრივ, ანონიმი ავტორის მიერ სირიულ ენაზე დაწერილი „ფირან გუშნასპის მარტვილობა“, მართლაც, საყურადღებოა. ძველის ცნობებით გარდა იმისა, რომ ძველ ქართულ წყაროთა რეალურობა დასტურდება, ისინი გარკვეულწილად ავსებენ V—VI ს-ების საქართველოს ისტორიის ზოგიერთი საკითხის შესახებ არსებულ ქართულ და უცხოენოვან წყაროთა მწირ მონაცემებს.

მარტვილობა კარგა ხანია ცნობილია სამეცნიერო წრეებისათვის. ტექსტის გერმანული თარგმანი 1880 წელს გამოსცა გ. ჰოფმანმა². 1903 წელს გამოქვეყნებულ ნაშრომში საქართველოს ძველი ისტორიის ცალკეული საკითხების გაანალიზებისას მარტვილობის ცნობები გამოიყენა ცნობილმა გერმანელმა აღმოსავლეთმცოდნემ, იოზეფ მარკვარტმა³. მანვე, იმავე ნაშრომში დაბეჭდა მარტვილობის მოკლე შინაარსი⁴.

საქართველოს ისტორიის შესახებ მარტვილობაში არსებული ცნობები ქართულ ისტორიოგრაფიაში პირველად აკად. ივ. ჯავახიშვილმა გაანალიზა ძველი სომხური საისტორიო მწერლობისადმი მიძღვნილ მონოგრაფიასა და ქართველი ერის ისტორიის პირველ წიგნში⁵.

მიუხედავად იმისა, რომ V—VI ს-ების საქართველოს ისტორიის შესახებ მარტვილობის ცნობები მეტად მნიშვნელოვანია, დღემდე ამ ძველის ქართული თარგმანი არა გვაქვს. საქართველოს ისტორიის მკვლევრები მარტვილობის მონაცემებს ივ. ჯავახიშვილის „ძველი სომხური საისტორიო მწერლობის“ მე-

* გ. ჰოფმანის თარგმანში სათაურია — „გრიგორი. მარტვილობა მოწამე ბატონი გრიგორისა, რომელიც ხოსრო მეფის დროს ეწამა“.

¹ К. Кекелидзе, Историко-агиографические отрывки, „Христианский Восток“, т. II, вып., II, СПб., 1913, зб. 187.

² Martyrium des Zeugen Herrn Grigor, der in den Tagen des Königs Khosrau Zeugnis ablegte. G. Hoffmann, Auszüge aus syrischen Akten persischen Märtyrer, Abhandlungen für die Kunde des Morgenlandes, Leipzig, 1880, зб. 78—86.

³ I. Marquart, Osteuropäische und ostasiatische Streifzüge, 2, unveränderte Auflage, Darmstadt, 1961, зб. 431 და შემდეგ.

⁴ იქვე, зб. 431, შენ. № 2.

⁵ ივ. ჯავახიშვილი, ძველი სომხური საისტორიო მწერლობა, ტფ., 1935, зб. 42—45; მისივე, ქართველი ერის ისტორია, I, თბ., ტ. I, თბ., 1979, зб. 332—333.

შევობით იყენებდნენ, მაგრამ ივ. ჯავახიშვილს დასახელებულ მონოგრაფიაში მარტვილობის ყველა ცნობა არა აქვს გაანალიზებული.

როგორც მარტვილობიდან ვგებულობთ, ირანელი დიდმოხელის, მიპრანთა ცნობილი საგვარეულოს* წარმომადგენლის, ქართლ-ალბანეთის მარზპანის ფირან გუშნასპის კონფლიქტი ირანის სახელმწიფოში გაბატონებული რელიგიის — მაზდეანობის მსახურებთან და შაჰთან ფირანის გაქრისტიანების შემდეგ იწყება. მარტვილობაში ნათქვამია, რომ „ჩრდილოეთის საზღვრისა და ოლქთა“ გამგებლად დანიშნულ ფირან გუშნასპს მეფის ბრძანებით „გურზანისა და არანის ქვეყნების დაცვა ჰქონდა დავალებული“ და იგი ამ ქვეყნებში სამსახურის დროს გაქრისტიანდა „კავადის მმართველობის ოცდამეათე წელს, ადარის თვეში“ და გრიგორიდ იწოდან.

მარტვილობის ავტორის მიერ დასახელებული „გურზანი“ ქართლია, ხოლო „ირანი“ ალბანეთი. კავად I-მა კი, რომლის მეფობის დასაწყისიდანაც ათვლილია ფირან გუშნასპის გაქრისტიანების წელი, 488 წელს დაიკავა ირანის ტახტი. აქედან გამომდინარე, კავადის მეფობის 30-ე წელი 518 წელზე მოვა, რადგან ადარის თვე მარტს შეესაბამება⁷, ფირანი 518 წლის მარტში გაქრისტიანებულია. მარტვილობის ცნობებს, როგორც ითქვა, ქართულ ისტორიოგრაფიაში პირველად ივ. ჯავახიშვილი შეეხო, მაგრამ მას ფირანის გაქრისტიანების თარიღის შესახებ არაფერი უთქვამს. თუმცა ძეგლში, როგორც ვნახეთ, ფირანის გაქრისტიანების არა მარტო წელი, თვეც კი არის მითითებული.

მარტვილობის ცნობა 518 წელს ქართლ-ალბანეთში მარზპანობისას ფირან გუშნასპის გაქრისტიანების შესახებ, პირველ რიგში მეტად მნიშვნელოვანია იმის გასარკვევად, აღმ. ამიერკავკასიაში სასანიანთა მიერ შექმნილ მმართველობის სისტემაში თუ რა დროს უნდა შესულიყო ცალკე სამხედრო-ადმინისტრაციულ ერთეულებად ალბანეთი და ქართლი. მეორე, მსგავსი ცნობა აქვს „ვახტანგ გორგასლის ცხოვრების“ ავტორს ჭუანშერს. ჭუანშერი ქართლის, ალბანეთისა და მოვჯანის ერთი სპარსელი მოხელისადმი დაქვემდებარების ფაქტზე ჯერ კიდევ ვახტანგის პაპის — არჩილის ზეობაში მიგვეთითებს. შემდეგ, ვახტანგის თანადროულად ქართლისა და ალბანეთის გამგებლად ასახელებს ბარზაბოდსა და მის ძეს — ვარაზ-ბაკურს⁸. რადგან მარტვილობის ავტორის მსგავსად, ჭუანშერიც მოგვეითხრობს ქართლში მეფობის გაუქმებამდე ქართლ-ალბანეთის ერთი ირანელი მოხელისადმი დაქვემდებარების შესახებ, ვფიქრობ, საეჭვო აღარ უნდა იყოს მარზპანის ინსტიტუტი ქართლში მეფის ხელისუფლების არსებობის თანადროულად რომ არსებობდა.

* ამ საგვარეულოდან გამოსულ სამხედრო მოსამსახურეთა გაქრისტიანებისა და სიკვდილით დასჯის შესახებაა მოთხრობილი „წმინდა გრიგოლ სპარსელისა“ (იხ. ივ. ჯავახიშვილი, ი. დასახ. ნაშრომი, გვ. 38—41) და „მიპრანგუშნასპის“ (H. Пигулевская, Города Ирана в раннем Средневековье, М.—Л., 1956) წაშემაში.

⁶ Martyrium..., გვ. 78-79.

⁷ Адар, [Еврейская энциклопедия, т. I; შდრ., V. Grumel, La Chronologie, Paris, 1958, გვ. 173.

⁸ ჯ ა უ ნ შ ე რ ი, ცხოვრება ვახტანგ გორგასლისა, ქართლის ცხოვრება, I, თბ., 1955, გვ. 145. ვარაზ-ბაკურის დაღუპვის (456 წ.) შემდეგ, ისევ ვახტანგ გორგასლის თანადროულად, 475 წ. წინა ხანაში, მარზპანი ქართლის დიდებულებთან ერთად იხსენიება „შუშანიკის მარტვილობის“ სომხურ ვერსიაში. Памятники армянской агиографии, в. I. Перевод с древнеармянского, Ереван, 1973, გვ. 208.

როგორ დგას ეს საკითხი დღეისათვის ქართულ ისტორიოგრაფიაში? მიუხედავად იმისა, რომ მარტვილობაში ფირან გუშნასპი ქართლ-ალბანეთის ვამეგებლადა დასახელებული, ივ. ჯავახიშვილი მას მხოლოდ ქართლის მარზპანად იხსენიებს⁹. მეორე, ივ. ჯავახიშვილი ფირანის მმართველობის დასაწყისს თარიღად დაახლ. 523 წელს თვლის. ამ შემთხვევაში ზღვრად იგი, როგორც ჩანს, ქართლში მეფობის გაუქმების თარიღად ქართულ ისტორიოგრაფიაში მიღებულ 523 წელს იღებს. როგორც ივ. ჯავახიშვილის, ისე შემდგომი თაობის ისტორიკოსებს მიაჩნიათ, რომ ირანელები მარზპანს ნიშნავდნენ ისეთ ქვეყანაში „სადაც სამეფო ხელისუფლება აღარ არსებობდა, ანდა დროებით იყო გაუქმებული“ (ქსე, ტ. 6, სტ. მარზპანი. ავტ. ა. ბოგვერაძე), აღნიშნული „თეორიიდან“ გამომდინარე, ამ მკვლევართა მიერ იგნორირებულია ჟუანშერის ცნობა, ქართლში მეფობის გაუქმებამდე ბევრით ადრე, ქართლისა და ალბანეთის ერთი ირანელი მოხელისადმი დაქვემდებარების შესახებ¹⁰.

ქართლ-ალბანეთში ფირან გუშნასპის მარზპანობაზე საუბრისას ცალკე დგება საკითხი. რომელ წლებში იყო ფირანი დასახელებული ქვეყნების გამგებელად.

ი. მარკვარტი ფირანის მარზპანობის კონკრეტულ წლებს არ უთითებს, თუმცა თვლის, რომ მას არცანდ გუშნასპზე ადრე ეჭირა ეს სახელი¹¹. ივ. ჯავახიშვილის თანახმად, ფირანს საქართველოში დაახლ. 523 წლიდან 542 წლამდე უნდა ემსახურა¹².

ფირანს აღნიშნული სახელი 523 წელზე ვაცილებით ადრე რომ ეკავა ეს ცხადია. იგი ხომ 518 წელს, როცა ქართლსა და ალბანეთს განაგებდა მაშინ გაქრისტიანდა. ახლა რაც შეეხება მისი მარზპანობის ბოლო თარიღს.

როცა შაჰს ფირანის გაქრისტიანების ამბავი მოახსენეს, შაჰის ბრძანებით ფირანი გადააყენეს და 3 წელი პატიმრობაში იყო. შემდეგ შაჰმა ფირანს კვლავ დაუბრუნა ძველი ღირსება. ასე რომ, 521 წ. ფირანი ისევ ქართლ-ალბანეთის მარზპანი გახდა და მარტვილობის ავტორის ცნობით, „ხალხის სასიხარულოდ მრავალ წელს ცხოვრობდა“ სანამ სპარსელებსა და რომაელებს შორის ქართლ-ალბანეთში ომი არ დაიწყო. ფირანი როგორც მარზპანი სპარსთა ერთ-ერთი სარდალი იყო. იგი ბიზანტიელებთან ბრძოლაში დამარცხებულა და სხვა ტყვეებთან ერთად იმპერატორისათვის მიუგვრიათ. ფირანი თავისი ჩინისა და ქრისტიანობის გამო იმპერატორს დაუსაჩუქრებია და თანამდებობაც მიუცია. ამ ამბებიდან დიდი ხნის შემდეგ, — ნათქვამია ძეგლში, — ბიზანტიასა და ირანს შორის მშვიდობა დამყარდა. [ზავის დადების] მეორმოცე წელს ავიდა ხოსრო ტახტზე და თავისი მეფობის მესამე წელს ბრძანა რათა ორივე ქვეყანას შორის მშვიდობა გამყარებულიყო¹³.

ომი, რომელშიც ფირანი იქნა ბიზანტიელთა მიერ დატყვევებული ივ. ჯავახიშვილმა სამართლიანად მიიჩნია 523—532 წლებს შორის მომხდარად¹⁴. მა-

⁹ ივ. ჯავახიშვილი, ძველი სომხური საისტორიო მწერლობა, გვ. 44—45.

¹⁰ დასმული საკითხის შესახებ იხ. ვ. გოილაძე, ამიერკავკასიაში სასანიანთა მმართველობის ასახვა ქართულ საისტორიო ტრადიციაში, „მაცნე“, ისტორიის სერია, 1982, № 4.

¹¹ I. Marquart, დასახ. ნაშრომი, გვ. 431-432.

¹² ივ. ჯავახიშვილი, დასახ. ნაშრომი, გვ. 44.

¹³ Martyrium..., გვ. 80.

¹⁴ ივ. ჯავახიშვილი, დასახ. ნაშრომი, გვ. 43.

გრამ, მარტვილობის ავტორის ცნობაში [ზავის დადების] „მეორმოცე წელს ირანის ტახტზე ხოსროს ასვლის“ შესახებ, რა თქმა უნდა, 523—532 წლებს შორის მომხდარი ომი არ იგულისხმება. რატომ დასჭირდა მარტვილობის ავტორს ხოსრო I-ის (531—579) ტახტზე ასვლა ქართლ-ალბანეთში ირანსა და ბიზანტიას შორის 40 წლის წინათ, ე. ი. 491 წელს მომხდარი ომისა და ზავის დადებიდან აეთვალა ძეგლიდან არა ჩანს. თუმცა, მარტვილობის ავტორის ეს მითითება უნიკალურია. მსგავსი ცნობა ჯერჯერობით არც ერთ სხვა წყაროში არა გვაქვს. როგორც სათანადო კვლევის შედეგად დადასტურდა, მარტვილობის ავტორის მიერ მითითებული 491 წლის ბიზანტია-ირანის ომის ერთ-ერთ კამპანიად უნდა იქნას მიჩნეული ჟუანშერის მიერ აღწერილი ვახტანგ გორგასლის ბრძოლა ირანელებთან „იორსა ზედა“, სადაც ვახტანგი სასიკვდილოდ დაიჭრა.

მარტვილობის ავტორის ზემომოტანილმა ცნობამ საფუძველი შექმნა ჟუანშერის თხზულებას ახალი, სანდო საისტორიო წყაროს მნიშვნელობა მიელო. გარდა იმისა, რომ ზემომოტანილი მითითების საფუძველზე დადგენილი იქნა ვახტანგ გორგასლის დაბადება-გარდაცვალების თარიღი, გაირკვა მისი ოჯახური ქრონოლოგია, ჟუანშერის არაერთი ცნობა ახლებურად იქნა გააზრებული¹⁵. ასე რომ, აღნიშნული ცნობის სახით ჩვენს ხელთა საისტორიო წყაროებით დღემდე უცნობი ბიზანტია-ირანის ომი, რომელიც ქართლის ტერიტორიაზეც მიმდინარეობდა. მარტვილობის სხვა ცნობებზე რომ აღარაფერი ვთქვა, მარტო ეს ცნობაც საკმარისი იქნებოდა ძეგლის მეცნიერული შესწავლისათვის.

მარტვილობის ავტორის ცნობით, ხოსროს მეფობის მესამე (ე. ი. 534) წელს ირანის ელჩის ზაბერგანის¹⁶ შუამდგომლობით იმპერიაში ტყვედ მყოფი ფირანი იმპერატორმა გაანთავისუფლა. ირანში დაბრუნებული ფირანი შაჰმა კვლავ ძველ თანამდებობაზე აღადგინა¹⁷ (იგულისხმება, რომ ფირანმა ისევ ქართლ-ალბანეთის მარზპანის პოსტი დაიკავა). მარტვილობის ავტორის ეს მითითება, მართლაც ასე რომ უნდა გავგეოთ, იქიდან ჩანს, რომ მარტვილობაში ისევაა ცნობა დაკავებული თანამდებობიდან ფირანის გადაყენების შესახებ. მოგვების მრავალგზისი მოთხოვნის შემდეგ, — ნათქვამია მასში. — მეფე დათმობაზე წავიდა, გრიგორი სამსახურიდან გადააყენა და ბრძანა მისთვის ბორკილები დაედოთ¹⁸.

ამრიგად, ძეგლის შინაარსიდან გამომდინარე, ფირან გუშნასპი 518 წლის წინა ხანებიდან უკვე ქართლ-ალბანეთის მარზპანი იყო. ამის შემდეგ იგი ორჯერ იქნა გადაყენებული და კვლავ აღდგენილი (პირველად გაქრისტიანე-

¹⁵ ვ. გოილაძე, ვახტანგ გორგასალი და მისი ისტორიკოსი, „მნათობი“, 1983, № 11; რომელი ქვეყანაა „ვახტანგ გორგასლის ცხოვრების“ აბაშეთი? „მნათობი“, 1984 № 7; ვახტანგ გორგასლის ოჯახური ქრონოლოგია, „მნათობი“, 1985 № 4; ქალაქი ანტიოქია „ვახტანგ გორგასლის ცხოვრებაში“, „დროშა“, 1986, № 1; მიქაელი იყო „მღვდელი ჭეშმარიტი“, მაგრამ არ იყო..., „მნათობი“, 1987, № 4.

¹⁶ ბიზანტია-ირანის 527—532 წწ. და 540—545 წწ. ომებთან დაკავშირებული ამბების გადმოცემისას პროკოპიოს კესარიელი ზაბერგანს არაერთხელ იხსენიებს ირანელ მხედართმთავართა შორის. Прокопий Кесарийский, История войн римлян с персами. Перевод с греческого, кн. I, СПб., 1876, გვ. 299-300; кн. II, СПб., 1880, გვ. 64, 191; პროკოპიოსი ზაბერგანს იხსენიებს „საიდუმლო ისტორიაშიც“, თავი II.

¹⁷ Martyrium..., გვ. 81.

¹⁸ იქვე.

ბიდან მესამე — 521, ხოლო მეორედ ტყვეობიდან დაბრუნების შემდეგ დაახლ. 534 წელს) დასახელებულ თანამდებობაზე.

მაგრამ, 534 წლის შემდეგ როდის გადააყენეს ფირანი მარზპანობიდან და ვინ დაიკავა ეს სახელი?

„მარტვილობაში“ ნათქვამია, რომ ფირანის გადაყენების შემდეგ, ხოსროს მეფობის მეცხრე წელს დაიწყო ომი რომაელებსა და სპარსელებს შორის და ხოსრომ გაილაშქრა რომაელების წინააღმდეგ. სირიის ანტიოქია დაანგრია და დაწვა ეს ქალაქი. როცა ერთი წელი გავიდა ბრძანა ომი ჰეგართა ქვეყანაში დაეწყოთ¹⁹.

ძველში დასახელებული „ჰეგართა ქვეყანა“ ივ. ჯავახიშვილმა სამართლიანად მიიჩნია ეგრისად. თუმცა, „ჰეგართა ქვეყნის“ შესახებ მარტვილობაში არსებული სხვა ცნობათა ივ. ჯავახიშვილისეულ ინტერპრეტაციას ვერ გავიზიარებ. პირველ რიგში ეს ეხება ივ. ჯავახიშვილის მოსაზრებას თითქოს ამ ომის შემდეგ „ჰეგართა ქვეყნითგან მიმავალ ხოსროს“ ფირან გუშნასპი კვლავ ეგრისში დაეტოვოს სანაპიროს დასაცავად და „...ფირან გუშნასპს დაახლოებით 523 წ-ითგან მოყოლებული 542 წ. საქართველოში ემსახუროს. მხოლოდ ხოსრო მეფის მეთაუ ინდიქტიონის ბრძანების თანახმად ის თავის თანამდებობითგან, ვითარცა გაქრისტიანებული გადაეყენებოთ“²⁰.

ჯერ ერთი, როგორც ზემოთ ვნახეთ, ფირანი 518 წლის წინა ხანებიდან ჩანს მარზპანი. მეორე, 534 წელს ტყვეობიდან დაბრუნებული ფირანი ხოსრო I-მა მართალია ძველ თანამდებობაზე აღადგინა, მაგრამ მოგვების დაყინებული თხოვნით 540 წელს ბიზანტიასთან დაწყებული ომის წინ, იგი ხომ ისევ გადააყენა.

ახლა ამ მხრივ გადავხედოთ მარტვილობის ცნობებს. მარტვილობის ავტორის მითითებით, ეგრისში მიმავალი ხოსრო „გზად იმ პროვინციაში შევიდა, სადაც ბორკილადებული წმინდანი იმყოფებოდა“²¹. აქ მეფე ესაუბრა გრიგორის (ფირან გუშნასპს). ამასთანავე, რადგან დიდი მობედის პირადი ცდა გრიგორის უარყო ქრისტიანობა წარუმატებლად დამთავრდა, მეფის ბრძანებით გრიგორი დედაქალაქში გაგზავნეს და მეფის საპყრობილეთა უფროსს გადასცეს“²².

ასე რომ, ეგრისში საომრად მიმავალ შაჰს ფირანი ქართლში (ან ალბანეთში) ბორკილადებული დახვდა, საიდანაც იგი ირანის დედაქალაქის საპყრობილეთში გაგზავნეს. ამიტომ, ეგრისიდან წასვლისას ხოსრო ფირანს ვეღარ დატოვებდა „სანაპიროს დასაცავად“.

მარტვილობაში საინტერესოა ცნობა ქართლ-ალბანეთის (რან-ქართლის) მარზპანის სახელის მიჰრან-გუშნასპთა საგვარეულოს მიერ მემკვიდრეობით მფლობელობის შესახებ²³. ძველის შინაარსიდან ვგებულობთ: ქართლ-ალბანეთის მარზპანის თანამდებობიდან ფირანის გადაყენების შემდეგ, შაჰს ეს სახელი ფირანის ძმისთვის (მარტვილობის ავტორი მას მიჰრანად იხსენიებს) მიუცია.

¹⁹ Martyrium..., გვ. 81.

²⁰ ივ. ჯავახიშვილი, დასახ. ნაშრომი, გვ. 44.

²¹ Martyrium..., გვ. 81.

²² იქვე, გვ. 81-82.

²³ შდრ., ვ. გოლაძე, ამიერკავკასიაში სასანიანთა მმართველობის ასახვა...

ძეგლის ავტორის ცნობით, ეგრისიდან წასულმა შაჰმა, ხუთი თვის შემდეგ ომი განაახლა რომაელთა წინააღმდეგ. იგი გავიდა მაჰოზიდან²⁴ [სამეფო] გზით გაემართა ქ. პეროზ-შაპურისაკენ²⁵ და კარავი გაშალა სოფელში, რომელსაც დანა ეწოდებოდა. აქედან, შემდეგ კვლავ გაიარა ერთი ფარსანგი და დაბანაკდა. აი აქ, ნათქვამია „მარტილობაში“ „ჰეგართა ქვეყნიდან ჩამოვიდა მიპრანი, სადაც იგი მცველად იყო დატოვებული. როცა მოგვებმა ეს გაიგეს, შეიკრიბნენ ისინი და ეკითხებოდნენ: რა მოუვიდა შენს ძმას გრიგორის, რომ მან ქრისტიანთა ცრურწმენა ამჯობინა?²⁶

ზემომოტანილი ციტატიდან აშკარაა: 1. ეგრისში (უფრო სწორად ქართლ-ალბანეთში) დატოვებულად ფირანის ძმა-მიპრანი იგულისხმება. 2. დაახლ. 535/36 წელს ქართლ-ალბანეთის მარზპანის თანამდებობიდან ფირანის გადაყენების შემდეგ ხოსრო I-ს მარზპანად ფირანის ძმა მიპრანი დაუნიშნავს და 541 წ. ეგრისში ხოსრო I-ის ლაშქრობისას ქართლ-ალბანეთის მარზპანი უკვე იგი იყო. ამიტომ, უეჭველია, ეგრისში სალაშქროდ მიმავალ შაჰს მიპრანი შეხვდებოდა ქარლში, შემდეგ იგი როგორც მარზპანი მონაწილეობას მიიღებდა ხოსროს ეგრისში ლაშქრობაში და ეგრისიდან წასვლისას ხოსრო ისევ მიპრანს დატოვებდა სანაპირო ხაზის დასაცავად²⁷. რადგან ეს მიპრანი, 541 წელს ეგრიისიდან ხოსროს წასვლიდან ხუთი თვის შემდეგ, 542 წლის გაზაფხულზე ჩავიდა პეროზ-შაპურისაკენ მიმავალ ხოსროსთან, მეორე მხრივ კი სწორედ 542 წელს ტოვებს თბილისს „ეესტათი მცხეთელის მარტივლობის“ ავტორის მიერ ქართლის მარზპანად მოხსენიებული არვანდ გუშნასპი, ვფიქრობ, საეპქო არ უნდა იყოს, ფირან გუშნასპის ძმა — მიპრანი (იგივე გუშნასპი) და „ეესტათი მცხეთელის მარტივლობის“ ავტორის მიერ ქართლის მარზპანად დასახელებული არვანდ გუშნასპი, იდენტური პიროვნებანი რომ უნდა იყვნენ. აღნიშნული მოსაზრება თუ სწორია, მაშინ არვანდს ქართლ-ალბანეთის მარზპანის სახელი დაახლ. 535/36 წლიდან სჭერია და როგორც აქამდე გვეგონა²⁸ იგი 542 წელს ამ თანამდებობიდან გადაყენებული არ ყოფილა. ასეთ მოსაზრებას მხარს უჭერს სომხური აგიოგრაფიული ძეგლის „გრიგოლ სპარსელის წამების“ ავტორის ის ცნობა, რომლის თანახმად, ქართლში სამხედრო სამსახურისას გაქრისტიანებული მანაჭიპრი „ხოსრო სპარსთა მეფის მეტხუთმეტე“ ე. ი. 546 წელს გამოსული ბრძანებით დააპატიმრეს და ბევრი ტანჯვა გადაიტანა ქართველთა მარზპანისაგან, რომელსაც ერვანდ ვშნასპი ერქვა²⁹. რადგან ერვანდ ვშნასპი იგივე არვანდ გუშნასპია³⁰, ზომომოტანილ ცნობათა მიხედვით არვანდ გუშნასპი (მიპრანი) 546 წელს კვლავ ქართლ-ალბანეთის მარზპა-

²⁴ ნ. ვიგულევსკაიას თანახმად, ქ. მაჰოზი ქ. სელევსკიასთან ან ქტეზიფონთან იყო შერწყმული. Н. В. Пигулевская, Месопотамия на рубеже V—VI вв. н. э., Труды Ин-та востоковедения, т. XXXI, М.—Л., 1940, გვ. 116.

²⁵ ქ. პეროზ-შაპური ირანიდან ანტიოქიისაკენ მიმავალ გზაზე მდებარეობდა. Н. В. Пигулевская, დასახ. ნაშრომი, გვ. 94.

²⁶ Martyrium..., გვ. 83.

²⁷ პროკოპიოს კესარიელის მიერ პეტრასთან ბრძოლაში ირანელთა ერთ-ერთ სარდლად დასახელებული მიპრანი, იქნებ ფირანის ძმა? იხ. Прокопий Кесарийский, II, 33. 235.

²⁸ ვ. გოილაძე, დასახ. ნაშრომი, გვ. 112.

²⁹ ივ. ჭავჭავიძე, დასახ. ნაშრომი, გვ. 39.

³⁰ იქვე, გვ. 44.

ნი ყოფილა³¹. მეორე მხრივ, ფიჩან გუშნასპი რადგან 542 წ. დასაჯა შაჰმა სიკვდილით (იხ. ქვემოთ), ზემომოტანილი სომხური ცნობა (მასში არვანდი 546 წელს ისევ ქართლის მარზპანად იხსენიება) ივ. ჯავახიშვილმა შეცდომად მიიჩნია³². ასეთი მტკიცების საფუძველს მას ისიც აძლევდა „ეგესტათი მცხეთელის მარტვილობის“ ავტორი დაახლ. 543 წელს ქართლის მარზპანად ვეჟან ბუზშირის შემოსვლის შესახებ რომ მიუთითებს. „...არვანდ გუშნასპის მარზპანობა, — წერდა ივ. ჯავახიშვილი — თუ ამაზე უწინარეს არა, 540/1 წლითგან უნდა ვიგულისხმობთ, მხოლოდ 543—4 წლამდე, როდესაც უკვე მის მაგიერ ქართლის მარზპანად ვეჟან ბუზშიპრი ყოფილა დანიშნული. მასხადააძე, — ასკენის იგი, — ეგესტათე მცხეთელის მარტვილობის ქრონოლოგიური ცნობებითგან ირკვევა, რომ 545—6 წ. არვანდ გუშნასპს არ შეეძლო გრიგოლ მანაჭიპირი ქართლში ეწამებია, რადგან ის 540—541 წლამდე ყოფილა ქართლში“³³.

542 წელს თბილისიდან არვანდ გუშნასპის წასვლის შემდეგ ქართლის მარზპანად, მართლაც, შემოვიდა ვეჟან ბუზშირი, მაგრამ ამ ცნობის სხვა ცნობებთან შედარების შემდეგ ჩვენ იმ დასკვნამდე მივედით, რომ „ქართლის მარზპანად შემოსული“ ვეჟან ბუზშირი და კამბეჩოვანის ირანელი გამგებელი ვეზანი ერთი და იგივე პირები უნდა ყოფილიყვნენ და ვეჟანი ქართლის მარზპანად დროებით უნდა შემოსულიყო ქართლში არვანდის არ ყოფნის გამო. 545 წ. ბიზანტიასთან ზავის დადების შემდეგ, არვანდი კვლავ ქართლში დაბრუნებულა³⁴ და ამის შემდეგ უნდა ეწამებია მას ქართლში გაქრისტიანებული მანაჭიპირი.

აქვე გასათვალისწინებელია ნერსე II სომეხთა კათალიკოსის ცნობა „ხოსრო მეფეთა-მეფის მეჩვიდმეტე“ ე. ი. 548 წელს სომხეთში „ნიპორაჯანის მარზპანობაში“ ქ. დეინში მანაჭიპირ-რაჟიკის სახელზე სამლოცველოს აგების შესახებ³⁵. მანაჭიპირის სახელზე 548 წელს რომ ააგეს სამლოცველო იქნებ იმაზე მიგვითითებს მანაჭიპირი 546 წელს რომ ეწამა და არა 542 წელს. მანაჭიპირი, რომ 542 წელს ეწამებიათ, სამლოცველოს უფრო ადრე ააგებდნენ.

ქართულ ისტორიოგრაფიაში ხოსრო I-ის ეგრისში ლაშქრობის თარიღად 542 წელია მიღებული³⁶. მარტვილობის (რომელსაც მხარს უჭერს პროკოპიოს კესარიელის ცნობა) თანახმად კი, ომი ხოსრომ „თავისი მეფობის მეცხრე“ ე. ი. 540 წელს დაიწყო და როცა ერთი „წელი გავიდა ბრძანა ომი ჰეგართა

31 სომეხი მკვლევრის გ. ტერ-მკრტიჩიანის მოსაზრება არვანდისა და ფიჩანის იდენტურობის შესახებ ჩვენც გავიზარეთ (В. Гониладзе, Политическое развитие Картли с начала VI в. до конца 30 гг. VII в., Тб., 1979, გვ. 14—17. საკანდიდატო დისერტაციის ავტორეფერატი; შდრ., ვ. გოილაძე, დასახ. ნაშრომი, გვ. 112), მაგრამ, როგორც ვხედავთ, ტექსტის მონაცემებით ასეთი მოსაზრება არ დასტურდება.

32 ივ. ჯავახიშვილი, დასახ. ნაშრომი, გვ. 45.

33 იქვე.

34 ვ. გოილაძე, VI საუკუნეში ქართლის ადგილობრივი სახელმწიფოებრიობის აღდგენის დათარიღებისათვის, „მაცნე“ ისტორიის სერია, 1979 № 1, გვ. 120—123.

35 ივ. ჯავახიშვილი, დასახ. ნაშრომი, გვ. 46.

36 იქვე, გვ. 43; ივ. ჯავახიშვილი, ქართველი ერის ისტორია, I, გვ. 332; საქართველოს ისტორიის ნარკვევები, II, თბ., 1973, გვ. 253, ავტორი ა. ბოგვერაძე; ქსე, ტ. 4, სტეგრიისის დიდი ომი 542—562. ავტორი ნ. ლომოური.

ქვეყანაში დაეწყო³⁷. ასე რომ, ხოსროს ეგრისში ლაშქრობა 541 წელზე მო-
 ვა. ახლა პროკოპიოსის ცნობებს გადავხედოთ. მისი ცნობებიდან გამომდინარე,
 ხოსრომ 540 წლის ლაშქრობა იმპერიის წინააღმდეგ ქ. ანტიოქიის ალებით
 დაასრულა³⁸. 541 წელს ხოსრო ჩრდილოეთისაკენ გამოემართა, მაგრამ, რო-
 გორც პროკოპიოსი წერს, ბიზანტიელთა ყურადღება რომ მოედუნებია, მან
 ხმა გააერცელა თითქოს პუნების წინააღმდეგ მიდიოდა საომრად, სინამდვილე-
 ში კი ქართლის გავლით დიდი ჯარით ეგრისში შეიჭრა. აქ წარმატებით დაწყე-
 ბული საომარი ოპერაციების დროს გაიგო ირანის ტერიტორიაზე ბიზანტიე-
 ლი მხედართმთავრის ველისარიუსის შეჭრის ამბავი. ამიტომ, სასწრაფოდ და-
 ტოვა ეგრისი³⁹. როცა ხოსრო ირანში დაბრუნდა ველისარიუსიც გავიდა ირა-
 ნის საზღვრებიდან და კონსტანტინოპოლში ჩავიდა⁴⁰. ასე დამთავრდა 541
 წლის სამხედრო კამპანია. 542 წელს, ხოსრო ისევ 540 წლის ლაშქრობის
 მიმართულებით გაემართა. მარტვილობის ავტორი სწორედ ამ ლაშქრობას
 უკავშირებს ფირანის სიკვდილით დასჯის ამბავს და ამიტომ ლაშქრობის და-
 საწყის მარშრუტსაც უთითებს. როგორც მარტვილობაშია ნათქვამი, ეს ლაშ-
 ქრობა ხოსრომ ეგრისიდან წასვლიდან 5 თვის შემდეგ წამოიწყო და ქ. პეროზ-
 შაპურისაკენ გაემართა⁴¹ (აქ, ჯერ კიდევ ირანის ტერიტორიაზე მყოფმა სიკვ-
 დილით დასაჯა ფირან ვუშნასპი⁴²). ამ ლაშქრობის შემდგომი მარშრუტის შე-
 სახებ ცნობები პროკოპიოსთან გვაქვს. მისი ცნობით, 542 წ. გაზაფხულზე
 ხოსრომ გადალახა მდ. ევფრატი, მიადგა ქ. სერგიოპოლისს, შემდეგ გაიგო,
 რომ მის წინააღმდეგ ველისარიუსი მოემართებოდა, უკან გაბრუნდა, თუმცა
 იმპერიის კუთვნილი ქ. კალინიკე მაინც აიღო⁴³. ამ წელს დიდი ჭირიანობა იყო
 როგორც იმპერიის ტერიტორიაზე, ისე აღმოსავლეთში, ამიტომ ხოსრო ჭირს
 გამოერიდა და 543 წ. გაზაფხულზე ქ. განძაკში (აქ იყო ზორთასტრული დიდი
 ტაძარი) მივიდა. ამ წელს ხოსროს შეტევა არ უწარმოებია, თუმცა ქ. დვინის
 აღება სცადა⁴⁴.

ამრიგად, როგორც ბიზანტია-ირანის 540—545 წწ. ომის 540—543 წწ. სამ-
 ხედრო კამპანიების ანალიზიდან ჩანს, ხოსრო 541 წ. შემოვიდა ეგრისში და
 არა 542 წელს. ხოსროს ეგრისში ლაშქრობა 541 წლით არის დათარიღებუ-
 ლი რუსულ სამეცნიერო ლიტერატურაში⁴⁵.

541 წ. „ჰევართა ქვეყნიდან“ წასული ხოსრო როცა მაპოზში (ე. ი. დედა-
 ქალაქში) ჩავიდა, იქ ჩაიყვანეს „ბორკილდადებული გრიგორიც“ და იგი პა-

³⁷ Martirium..., გვ. 81. შტრ., Прокопий Кесарийский, История
 войн... II., გვ. 137.

³⁸ იქვე, გვ. 36, 72, 85, 95—105.

³⁹ იქვე, გვ. 137.

⁴⁰ იქვე.

⁴¹ Martyrium..., გვ. 83.

⁴² იქვე, გვ. 86. ფირანი რომ ირანის ტერიტორიაზე დასაჯეს, ეს „იზიტ-ბოზიტის მარ-
 ტვილობის“ ცნობითაც დასტურდება. მასში ნათქვამია, რომ იზიტ-ბოზიტმა გრიგორის წა-
 მება სპარსთა მეფის ბანაკში წახა და შემდეგ გაქრისტიანდა. Труды по востоковедению, из-
 даваемые Лазаревским ин-том вост. языков, в. XXXI, М., 1910, გვ. 51-52.

⁴³ П. Кесарийский, დასახ. თხზ., II, გვ. 138—143.

⁴⁴ Ю. Кулаковский, История Византии, II, გვ. 143—145.

⁴⁵ იქვე, გვ. 142; შტრ., История Византии, т. I, М., 1967, გვ. 332.

ტიმრობაში რჩებოდა „მეორე ტიშრიდან მეფის რომაელთა წინააღმდეგ გა-
ლაშქრებამდე“⁴⁶.

მეორე ტიშრი ნოემბერს შეესაბამება⁴⁷, მეორე მხრივ კი, ბიზანტიის წი-
ნააღმდეგ ახალი ლაშქრობა ხოსრომ რადგან ეგრისიდან წასვლიდან ხუთი თვის
შემდეგ დაიწყო, ნოემბრიდან ხუთი თვე 542 წლის მარტის ბოლოს გასრულ-
დებოდა და სწორედ ამ დროს, ბიზანტიის წინააღმდეგ სალაშქროდ მიმავალია
ხოსრომ, დიდი მარხვის ბოლო მეშვიდე (ვნების) კვირის წითელ პარასკევს,
როგორც ეს მარტვილობაშია ნათქვამი ქართლ-ალბანეთის ყოფილი მარზპანი
ფირან გუშნასპ-გრიგორი სიკვდილით დასაჯა.

ფირანი ქართლ-ალბანეთში სამსახურისას კი გაქრისტიანდა, მაგრამ რა მი-
მართულების ქრისტიანობა მიიღო მან?

როგორც მარტვილობაშია ნათქვამი, „ხოსროს მეფობის მეათე“ ე. ი. 541
წელს ირანში „ქრისტიანთა დევნა დაიწყო“ და მოგვებმა ეკლესია-მონასტრე-
ბი დანაგრეს (ამ დევნის დროს დასაჯეს სიკვდილით ფირან გუშნასპი). სპეცია-
ლურ სამეცნიერო ლიტერატურაში არსებული მითითებით, VI ს. ირანში რად-
გან ქრისტიანობის ნესტორიანული მიმდინარეობა იყო დაშვებული⁴⁸ უნდა ე-
ფიქროთ, რომ ირანში დევნილი ქრისტიანები ნესტორიანები უნდა ყოფილიყ-
ვნენ. ნესტორიანად უნდა მივიჩნიოთ თვით ფირან გუშნასპიც. ალბათ, აღნიშ-
ნულით უნდა აიხსნას, მარტვილობის ავტორის ცნობა „წმინდა მოწამის“ ე. ი.
ფირან გუშნასპ-გრიგორის ხსოვნას [ირანის] მთელი ეკლესია რომ ზეიმობდა
და მისი საფლავი „მუდმივი თაყვანისცემის ადგილი [რომ]გახდა. ფირანის
ნესტორიანობაზე ისიც მიუთითებს ბიზანტიაში ტყვედ ყოფნისას იგი ბიზან-
ტიელებს „ღვთის ვმობაში“ და „ქრისტეს რწმენის არა ჭეშმარიტებაში“ რომ
სდებდა ბრალს. იმ დროის ბიზანტიის ოფიციალური რელიგია დიოფიზიტური
იყო და მარტვილობის ავტორის ცნობიდან გამომდინარე, დიოფიზიტობა მი-
აჩნდა ფირანს „არა ჭეშმარიტად“. რაც მთავარია, ზემომოტანილი მასალა კი-
დევე ერთი დადასტურებაა. ქართულ ისტორიოგრაფიაში გამოთქმული მოსაზ-
რებისა VI ს-ის ქართლში ნესტორიანებიც რომ იყვნენ⁴⁹. ფირანი ხომ ქართლ-
ალბანეთში სამსახურისას გაქრისტიანდა.

მარტვილობაში არსებული ცნობებიდან საინტერესოა მითითება ადარის
თევში მახდენაური დღესასწაულის ზეიმის შესახებ, რომელსაც მოგვები
„ფრორდიგანის დღეს უწოდებდნენ“⁵⁰. ფირანის სიკვდილით დასჯის ცერე-
მონიალი და სხვა.

⁴⁶ Martyrium..., გვ. 82.

⁴⁷ სიბრძული კალენდრით მეორე ტიშრი (ტეშრინ II) ნოემბერს შეესაბამება. იხ. ვ. გრუ-
მელის, დასახ. ნაშრომი, გვ. 300.

⁴⁸ 431 წ. ეფესოს მსოფლიო საეკლესიო კრებაზე ნესტორიანობა მწვალებლობად გა-
მოცხადდა და ბიზანტიაში მთ დევნა დაუწყეს. დევნილმა ნესტორიანებმა ძირითადად ირანს
შეაფარეს თავი (იხ. СИЭ, Несторианство).

⁴⁹ საქართველოში ნესტორიანთა არსებობის შესახებ იხ. ივ. ჯავახიშვილი, ქართვე-
ლი ერის ისტორია, I, გვ. 348—349; შდრ., ეპისტოლეთა წიგნი, სომხური ტექსტი ქართუ-
ლი თარგმანით გამოკვლევითა და კომენტარებით გამოსცა ზ. ალექსიძემ, თბ., 1968, გვ.
225—230.

⁵⁰ Martyrium..., გვ. 79.

7. „მაცნე“, ისტორიის სერია, 1988, № 2

ფირან გუმნასპის მარტვილოვა*

ბერძენთა რვაას ორმოცდაათ წელს¹ ქრისტიანთა მდგომარეობა ძალიან კარგი იყო. ყველგან ჰქონდათ მათ ეკლესიები და არვის შეეძლო მეფის ბრძანების გარეშე მათთვის ვნება მიეყენებია. ასე გაგრძელდა მეფე პეროზის² მმართველობიდან მეფე ხოსროს³ [მეფობის] მეთათე წლამდე. ამ წელს მოგვებ-მა⁴ დაიწყეს ქრისტიანთა დევნა. სადაც ქრისტიანები სუსტნი იყვნენ, დაუნჯ-რიეს ეკლესიები და ტაძრები. იმ ხანად ცხოვრობდა ერთი კაცი რეიდან, მი-რანთა სახლის გვარისშვილი, მეფის ერთ-ერთი დიდებული, რომელსაც თავდა-პირველად ფირან გუმნასპი⁵ ერქვა, ხოლო ნათლისცემის შემდეგ გრიგორი უწოდეს. მას მრავალი წარჩინებული ემორჩილებოდა, მეფისაგან ჩრდილოე-თის საზღვრისა და ოლქთა გამგებლად იყო დანიშნული. მეფის ბრძანებით გურჯანისა და არანის⁶ ქვეყნების დაცვა ჰქონდა დავალებული. მას მრავალი ათასი მხედარი ემორჩილებოდა.

კავადის⁷ მმართველობის ოცდამეათე წელს, ადარის თვეში⁸, როცა მოახ-ლოებული იყო დღესასწაული, რომელსაც მოგვები სატანას უძღვნიდნენ (ამ დღესასწაულს თვითონ ისინი ფრორდივანის დღეს უწოდებენ) ფირან გუშ-ხასპს სწორედ იმ წინა ღამეს, ვიდრე მისი დღე [დადგებოდა] და სატანას დღესასწაული დაიწყებოდა, გამოეცხადა ღვთაება ანგელოზის სახით და ჩა-აგონა, რომ იგი გაქრისტიანებულიყო. მან ეს ჩვენება კვლავ ნახა. მეორე დი-ლით შეიკრიბნენ დიდებულები, რათა მისთვის თაყვანი ეცათ. მათ შორის იყო ერთი მოგვი, რომელმაც პირდაპირ პირში უთხრა, რომ იგი ღვთის ნებით ქრისტიანი გახდებოდა. მან ვაიკვირვა. მესამე ღამეს, მესამე გამოცხადებისას მან გაგზავნა კაცი სოფლის ხუცესებთან თხოვნით, რომ იგი მოენათლათ. მათ ჯერ უარი უთხრეს, რადგან ეშინოდათ მოსალოდნელი შედეგებისა, მაგრამ, როცა იგი თვითონ მივიდა მათთან, მაშინ დათანხმდნენ. დადგა მისი დღე, რო-ცა მას ცოდვები უნდა მოენანიებია. მოგვები და ხალხი დაძაბული უცდიდა მის ბრძანებას, რომელიც ბრბოს უწმინდურ ნადიმზე მიიპატიებდა. ის არ გამო-ვიდა. მაშინ მივიდნენ და უთხრეს: აღესრულებია იაშვი. მოგვალხინე დღეს საქმელითა და სასმელით, მოგვავე პატივი იმ სიმდიდრით, რომელიც შენ ორმუზდმა⁹ მოგცა. მან დაიყვირა რომ თვითონ ორმუზდი უარყო და ამიერი-დან ქრისტიანია. ხალხმა იფიქრა ალბათ ავი სულის-დევისაგან¹⁰ არის შეკ-ყრობილი. ამაზე მან უპასუხა: მართლაც ადრე მე დევს ვემსახურებოდი, რად-გან ორმუზდი სწორედ ასეთი დევია და არა ღმერთი. ამის შემდეგ ყველანი გა-ეცალნენ. როცა ეს მეფეს მოახსენეს, მან ბრძანა მისი გადაყენება. ცისტერნა-ში (ავზი) ჩამწყვდევინა და მხოლოდ იმდენი წყალი მიაცემინა რომ არ მომ-კვდარიყო. იგი ცისტერნაში სამ წელს იმყოფებოდა. სასწაულების წყალობით, რომლებიც მან იქ მოიმოქმედა, მეფემ მას დაუბრუნა თავისი აღრინდელი ღირსება და ამის შემდეგ ფირან გუმნასპი ანგელოზისა და ხალხის სასიხა-რულოდ მრავალ წელს ცხოვრობდა. როცა სპარსელებსა და რომაელებს შო-რის გურჯანისა და არანის მხარეში ომი დაიწყო, გრიგორი, როგორც სპარსელ-თა სარდალი, რომაელთა წინააღმდეგ ბრძოლაში მონაწილეობდა. იგი დამარც-ხდა და სხვა ტყვეებთან ერთად რომაელთა კეისარს მიჰკვარეს. ამ უკანასკნელმა შეიტყო რა ფირანის ჩინი და ქრისტიანობის ამბავი, იგი დაასაჩუქრა და უფ-რო დიდი თანამდებობა უბოძა, ვიდრე იგი ადრე ფლობდა. ამ ამბიდან დიდი

* გერმანული ტექსტო ქართულ თარგმანთან შედარებს ნოდარ გიომილიძე და გია გელა-შვილიძე, რისთვისაც მათ მადლობას მოვახსენებ.

ხნის განმავლობაში, ღეთის ნებით, ამ ორ სახელმწიფოს შორის მშვიდობიანობა იყო. [ზავის დადების] მეორმოცე წელს ტახტზე ავიდა ხოსრო¹¹ და თავისი მმართველობის მესამე წელს ბრძანა რომაელთა კეისართან გაეგზავნათ ელჩი, ორივე ქვეყანას შორის მშვიდობის განსამტკიცებლად. ელჩად დანიშნეს ზაბერგანი¹², მეფის ერთ-ერთი დიდებული. [ელჩი] რომაელთა კეისრის მიერ კარგად იქნა მიღებული. როცა უკან გაბრუნების დრო მოვიდა, ზაბერგანმა ითხოვა, ნება დაერთოთ უფალი გრიგორი თან წაეყვანა. კეისარი უარზე იყო, რადგან ეს კაცი მისთვის ძვირფასი იყო. მაგრამ, ამასთანავე გრიგორის თვითონ ჰქონდა დიდი სურვილი ქრისტეს ღვთაებრივი ბუნებისადმი რომაელთა მკრეხელობისა და ჩვენი ბატონის იესო ქრისტეს ხორციელების მიმართ მათი რწმენის არაქვემარტების გამო [დაეტოვებია ეს ქვეყანა]. მან ზაბერგანისაგან თავისი უნებლობის ფიცით განმტკიცება მოითხოვა და მოგვიანებით გაყოლას შეპირდა. ელჩი წინდაწინ გაემგზავრა სპარსელთა ქალაქ ნისიბისისაკენ, სადაც გვიან მათ გრიგორიც დაეწია, რათა მასთან ერთად მეფესთან მისულიყო. [მეფემ] მას უფრო დიდი პატივი მისცა, ვიდრე წინათ ჰქონდა და მმართველად იმ მხარეში დანიშნა, სადაც ადრე იყო. მაგრამ, უძველესი დროიდანვე „ორმუხლის სახლის“ თაყუანისმცემელი მოგვები მიპრანთა სახლის ამ წარმომადგენლის მიმართ არაკეთილად იყვნენ განწყობილნი. მათი მრავალგზისი დაცალების შემდეგ მეფე დათმობაზე წავიდა, გრიგორი გადააყენა და ბრძანა მავარი ბორკილები დაედოთ.

გრიგორი ყველანაირად ტანჯეს რათა ქრისტიანობა უარეყო. მაგრამ, ამჟამად დაშვრნენ. ამასობაში რომაელებსა და სპარსელებს შორის ომი დაიწყო. ხოსრომ თავისი მეფობის მეცხრე წელს გაილაშქრა რომაელების წინააღმდეგ, სირიის ანტიოქია დაანგრია და დაწვა ეს ქალაქი. როცა ერთი წელი გავიდა მოისურვა გაელაშქრათ ჰეგართა ქვეყნის¹³ წინააღმდეგ. [ჰეგართა ქვეყანაში მიმავალი ხოსრო] გზად იმ პროვინციაში შევიდა, სადაც ბორკილდადებული წმინდანი იმყოფებოდა. მეფეს წარუდგა გრიგორის ბიძაშვილი (მამის ძმისწული) მიპრანი და უთხრა: დიდი სირცხვილია, რომ მისი გვარის კაცი ქრისტიანია. ამის გამო მეფე ესაუბრა გრიგორის, რამაც მას საშუალება მისცა მისი [გრიგორის] საზრიანობით მოხიბლულიყო, ამასთან ერთად მეფე იმედოვნებდა, რომ დიდი მობედი¹⁴ შთაგონებდა მას, რომ იგი, მის მიერ უკვე უარყოფილ მოგვების რელიგიას დაბრუნებოდა. მაგრამ, მისი ყოველივე გარჯა ამოუგომოდვა. ამის შემდეგ დიდმა მობედმა გამოაცხადა, რომ მისი და ბეთ არამეის [მაშასადამე დედაქალაქის]* მობედის პირადი ცდა გრიგორის უარეყო ქრისტიანობა წარუმატებლად დამთავრდა. გრიგორი მეფის საპყრობილეთა ზედამხედველს გადაეცა. ჰეგარზთა წინააღმდეგ წარმატებით დამთავრებული ომის შემდეგ, მეფე დაბრუნდა მაპოზში [ასე იწოდებოდა ბეთ არამეია]* მასთან ერთად მოვიდა ბორკილდადებული უფალი გრიგორიც. აქვე გაიცა ბრძანება, რომ გრიგორი პატიმრობაში უნდა ყოფილიყო ქტეზიფონის¹⁵ აღმოსავლეთით მდებარე სოფელში, რომელსაც ზღარტა [ასე იწოდებოდა ბეთ ბალანი]* ჰქვია. მეფემ ნება დართო საპყრობილეს კარი ღიად დაეტოვებინათ, ამით მრავალრიცხოვან ბრბოს მისი ნახვის საშუალება ეძლეოდა. გრიგორი საპყრობილეთაში რჩებოდა მეორე ტეშრიდან¹⁶ მეფის რომაელთა წინააღმდეგ გალაშქრებამდე [იხ. ქვემოთ]*. მან [გრიგორიმ] მასთან ერთად საპყრობილეთაში მყოფთაგან

* ეს განმარტებანი ვ. ჰომანისაა.

ყველა მოქცია. მას შემდეგ, რაც ისინი აწამეს, გაქრისტიანებულებმა ეს აღიარეს. ასე მოქცა კერძოდ ერთი „დიდი“ კაცი რეის პროვინციიდან და თავადაც ეწაბა. მეფემ ბრძანა მისთვის ცხვირი და ყურები მოეკვეთათ, მაგრამ, რაკი ამით მასთან ვერაფერს გახდნენ, იძულებულნი შეიქმნენ გაეშვათ და აღდგინათ წინანდელ ღირსებაში.

ამ კაცის გულისათვის გრიგორი საგანგებო პატიმრობაში ჩავარდა. მისი საყნის კარი თიხითა და აგურით ამოქოლეს და იგი შეიდ დღეს დატოვეს პურონსა და წყლის გარეშე. მიუხედავად ამისა, ამის შემდეგაც იგი ნახეს სიცოცხლით აღსავსე და მლოცველი, ხოლო მისი სახე იყო ისეთივე ხალისიანი როგორც ანგელოზისა. საპყრობილის ზედამხედველმა საღამოდან გათენებამდე მათრახით აცემინა რომ მოეკლა; ამასთან ხელები მუხლებს უკან ჰქონდა შეკრული. იმავე დამეს საპყრობილის ირგვლივ შეკრებილი მორწმუნენი მისთვის ლოცულობდნენ. დილით გრიგორი ნახეს ღვთის წყალობით მხიარული სახით. მას, ვინც ის გაროზვა, დემეტრე გამოუგზავნა უწმინდური დემონი და ისევე გრიგორის ლოცვამ უშველა მისგან განთავისუფლებულიყო. როცა ამ სასწაულის შესახებ მეფეს აცნობეს, ყველა შეიპყრო დიდმა შიშმა. სპარსეთის პროვინციებიდან სამეფო კარზე მოდიოდნენ ეპისკოპოსები და მორწმუნენი. ისინი ემუდარებოდნენ მეფეს, შესთხოვდნენ მფარველობასა და ეკლესია-მონასტრები დაეცვა დანგრევისაგან. მაგრამ ამოდ; ისინი მათ პრესვიტერებთან¹⁷ ერთად დაპატიმრებულნი იქნენ. ყველაფერმა ამან უფრო მეტად განუმტკიცა გრიგორის თავისი რწმენა. ხუთი თვის შემდეგ მეფემ ომი დაიწყო რომაელთა წინააღმდეგ, გავიდა მაპოზიდან¹⁸ [სამეფო] გზით, რომელიც არაბთა ქალაქ პეროზ-შაჰურისაკენ მიემართება და თავისი კარავი დასცა სოფელში, რომელსაც დანა ეწოდება. აქედანაც აიყარა, კიდევ ერთი ფარსანგი¹⁹ გაიარა და დაბანაკდა. როცა იგი იქ იყო, ჰეგართა ქვეყნიდან ჩამოვიდა მიპრანნი, სადაც იგი მცველად იყო დატოვებული. როცა მოგვებმა ეს გაიგეს, შეიკრიბნენ ისინი და ეკითხებოდნენ: რა მოუვიდა შენს ძმას გრიგორის, რომ მან ქრისტიანთა ცრურწმენა ამჯობინა? თავისი მოწამებრივი არსებობით ის უფრო შეუპოვარი გახდა და უკვე შეძლო მრავალი მოგვი მოექცია; არ შეიძლება მისი ცოცხალი დატოვება. ძმა დაეთანხმა მათ—საჭიროა მეფეს გრიგორის დასჯა გამოეთხოვოს. დიდი მარხვის მეექვსე შაბათს²⁰ მივიდა მეფესთან ძმა და სთხოვა მას, რომ გრიგორი დასასჯელად მოგვებისათვის გადაეცა. იმ დღეს მეფე არ დაეთანხმა. მეორე დღეს დიდებულები მეფეს მიეპრნენ, მოგვები კი მიპრანთან მივიდნენ და მუდარით უთხრეს: თუ გრიგორი ცოცხალი დარჩება, მოგვობა დაიღუბება. მაშინ ბრძანა მეფემ, საპყრობილედან მისი სამეფო კარზე მოგვრა შემდეგი წესის დაცვით: არავინ არ უნდა შეიტყოს რისთვის მიჰყავთ ის, რათა მოგვების წინააღმდეგ ქრისტიანები არ აჯანყდნენ. როცა გრიგორისთან მაცნე მივიდა, მან უკვე იცოდა, რომ მისი [აღსასრულის] ყამი დადგა. იგი კმაყოფილი ლოცულობდა, ხტოდა და ცეკვავდა, თითქოს ქორწილში მიდიოდა. იმავე დროს მასთან საპყრობილეთი იმყოფებოდნენ: უფალი შალმაი ლაღჰანის ეპისკოპოსი, პრესვიტერი და მრავალი მორწმუნე. მეფის კარზე დაპატიმრებული იყო მიპრანსე ძაბჰეს ეპისკოპოსი, გარდა იმისა, პრესვიტერები და მრავალი დიაკონი. ისინი პროვინციებიდან ერთად ჩამოვიდნენ და მაპოზში იმყოფებოდნენ.

როცა გრიგორი უნდა გამგზავრებულიყო, მის გარშემო შეკრებილი ყოველი მხრიდან მოსული ხალხი ვარაუდს გამოსთქვამდა იმის შესახებ, თუ რას

და სამარადქამოდ მრავალ სასწაულმოქმედებას ახდენდნენ. მომდევნო დღეს, შაბათს მრავალი ადამიანი შეიკრიბა დასჯის ადგილას და ღმერთს აკრიდან მადლობას სწირავდნენ. ამასობაში მოგვებმა შეიგრძნეს, რომ ადამიანის გაბრუნვითი გვამის სუნის ნაცვლად იქ ყველა შესაძლო სურნელი იდგა, რომელიც ძეფის ბანაკს მოეფინა. ხალხმა მტვერიდან აიღო აბრეშუმისა და ძოწის ტანსაცმელი, რომელიც მათ თითქმის შეეწეოდა. ეს მიდამო მუდმივი თაყვანისცემის ადგილი გახდა.

შენიშვნები

1. ბერძენთა 850 წ. შეესაბამება ქრისტიანული წელთაღრიცხვის 538 წელს, ათვლილია სელევკიდური ერის (ჰ. წ. 312 წ.) დასაწყისიდან.
2. პეროზი ირანის შაჰი 459—484 წწ., 3. ხოსრო I ანუ შირვანი 531—579 წწ.
4. მოგვი — ცეცხლმსახურთა ქურუმი, 5. გ. ჰომანი ფირან გუშნასპს ერთად წერს., 6. გურზანასა და არანის შესახებ იხ. გამოკვლევა, 7. კავად I ირანის შაჰი 488—531 წწ., 8. ადარის თვე — იხ. გამოკვლევა, შენიშვნა № 7
9. ორმუხდი — ძველი სპარსული აპურამაზდას (ზოროასტრულ რელიგიაში, კეთილი შემოქმედის საწყისის განსახიერება) ბერძენული ფორმა.
10. დევი — ზოროთი სული ზოროასტრულ რელიგიაში.
11. იგულისხმება ხოსრო I ანუ შირვანი.
12. ზაბერგანის შესახებ იხ. გამოკვლევა.
13. ჰეგართა ქვეყანა — ეგრისი. იხ. გამოკვლევა.
14. დიდი მობედი — ზოროასტრული რელიგიის კულტის მსახურთა იერარქიის სათავეში მდომი პიროვნება.
15. ქტეზიფონი — ახ. წ. 266 წლიდან სასანიანთა ირანის დედაქალაქი იყო.
16. მეორე ტიშრი — იხ. გამოკვლევა, შენიშვნა 47.
17. პრესვიტერი — ბერძნ. ნიშნავს უზუცესს. ადრექრისტიანულ ეკლესიაში იყო ქრისტიანული თემის გამგებელი. შემდეგ ნიშნავდა მღვდელს, კულტის მსახურს.
18. მაპოზი — იხ. გამოკვლევა, შენიშვნა № 24.
19. ფარსანგი — მანძილის საზოგადოებრივი ერთეული სასანიანთა ირანში.
20. მარტილოზის ავტორი, ქვემოთ (გვ. 101), როცა მეორე დილით ფირანის ქალაქში გასვლაზე საუბრობს კვლავ დიდი მარზხის მეექვსე შაბათს უთითებს.

В. И. ГОИЛАДЗЕ

«МУЧЕНИЧЕСТВО ФИРАНА ГУШНАСПА» И ЕГО ЗНАЧЕНИЕ ДЛЯ ИСТОРИИ ГРУЗИИ V—VI ВВ.

Резюме

Сочинение анонимного сирийского автора «Мученичество Фирана Гушнаспа» с предисловием и комментариями впервые публикуется на грузинском языке. Сведения «Мученичества» дополняют данные древнегрузинских и иноязычных источников истории Грузии V—VI вв.

По данным автора, начиная с VI в. до конца 30-х годов, Фиран Гушнасп был марзпаном Картли и Албании, и в связи с этим в «Мученичестве» рассказывается о его жизни и военной деятельности. В сочинении кроме Картли содержатся сведения об Иране, Византии и Эфриси. Уникально для истории Грузии сообщение автора «Мученичества» об ирано-византийской войне на территории Картли в 491 г., дающее возможность по-новому представить политическую историю Картли IV—VI вв.

წარმოადგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის შუა საუკუნეების საქართველოს ისტორიის განყოფილებამ

ლელა კატარიძე

„ნინოს ცხოვრების“ ერთი სიგზოლოს გაგებისათვის

(„ნაძვი ლიბანით მოსრული“)

ძველი ქართული ისტორიული თხზულება „მოქცევაჲ ქართლისაჲ“, განსაკუთრებით კი აქ დაცული „ნინოს ცხოვრების“ ვრცელი რედაქცია, საქართველოში ქრისტიანობის დამკვიდრების სურათს ასახავს და ახალი საკრალური ადგილების, ქრისტიანული სამლოცველოების დაარსების ისტორიას გადმოგვცემს. ამიტომ სრულიად ბუნებრივია, რომ ეს ისტორია მითოლოგიურ-რელიგიური შინაარსით არის დატვირთული.

„ნინოს ცხოვრებაში“ ჰიეროფანიების მთელი წყება მოიპოვება. ეს ისეთი ამბებია, სადაც ღვთაების გამოჩენა, ან მის მიერ რაიმე ნიშნის მოვლინება, ადამიანის ამ ღვთაებასთან შემდგომი ურთიერთობის საფუძველი ხდება. „სასწაულის“ (ძვ. ქართული სიტყვაა, ნიშნავს: ნიშანი, მომასწავლებელი ნიშანი) გამომჟღავნების ადგილი ღმერთის ამქვეყნიურ სახლად, ცისა და მიწის ურთიერთობის გამომხატველ წმინდა ადგილად იქცევა. ამიტომაც არ უნდა იწვევდეს გაოცებას ამგვარი „სასწაულების“ სიჭარბე „ნინოს ცხოვრების“ ტექსტში, რადგანაც ეს ტექსტი არის მატთანე სწორედ იმ დროისა, როდესაც ხდებოდა ძველი სამყაროს დამხობა და ადგილის ხელახალი საკრალიზაცია. რა თქმა უნდა, ახალი რელიგიის იდეოლოგიის და ძირითად სიმბოლოთა სისტემის გათვალისწინებით¹.

აქ შევეხები მხოლოდ ერთ დეტალს იმ მრავალრიცხოვანი საკრალური მნიშვნელობის ფაქტებიდან, რომლებიც ნინოს ცხოვრებაშია ასახული.

მცხეთის პირველი ქრისტიანული ეკლესიის — „წმინდაჲ წმინდათაჲს“ აგების დროს ძელი ცხოველის აღმართვა და მასთან დაკავშირებული სასწაულები ერთ-ერთი უმნიშვნელოვანესი პასაჟია „ნინოს ცხოვრებაში“. მისი შინაარსი ასეთია: როდესაც გადაწყვიტეს ეკლესიის აშენება და მოჭრეს ხე, ადამიანებმა ვერ შეძლეს ამ ხის ადგილიდან დაძვრა, ხოლო ღმერთმა სასწაული მიუძღვნა ხალხს: ჩამოვიდა ზეცით „კაცი ნათლისა ფერი“, აიტაცა ცაში ძელი, რომელიც შემდეგ ცეცხოვანი სახით დაეშვა ისევ მიწაზე და დაემკვიდრა თავისსავე ადგილას, სადაც ეკლესიის საფუძველი იყო დადებული, ცხადია,

1 „ნინოს ცხოვრების“ ვრცელი რედაქციის შექმნის დრო IV ს-ით განსაზღვრა მ. ჩხარტიშვილმა. იხ. მისი, ქართული ჰაგიოგრაფიის წყარომცოდნეობითი შესწავლის პრობლემები, „ცხოვრება წმიდისა ნინოსის“, 1987. ძველის ადრეულ დათარიღებას მხარს უჭერს უკანასკნელ ხანებში გამოქვეყნებულა მრავალი ნაშრომი. მათ შორის რ. სირაძე, წმიდა ნინო და დედამთუალი, მნათობი, 1985 №2; გრ. გიორგაძე, ხეთური-არმაზული „ტრიადები“, მნათობი, 1985, №7; ვ. გოილაძე, წმინდა ნინოს ქართლში შემოსვლისა და ქართლის მოქცევის დათარიღებისათვის, მნათობი, 1986, №9; ზ. კიკნაძე, თ. შირვაშვილი, რას მოგვითხრობს „მირიანის წიგნი“, კრიტიკა, 1985, №6; გ. ნარსიაძე, ქებას ისტორიული პარალელები, მნათობი, 1986, №4.

ძელი ცხოველი, აღწერილი სასწაულების მიხედვით, განასახიერებს ცისა და მიწის კავშირს; ამიტომაც იხილა იგი მირიანმა როგორც „ნათელი ვითარცა ელვამ ზეცადმდე აღწევნული სამოთხესა მას შინა“².

ის ხე, რომლისაგანაც ძელი ცხოველი შეამზადეს, თხზულების ამ ადგილას მოხსენიებულია, როგორც „ნაძე იგი“: „და მესყულად მოიღეს ძელი და იწყეს შენებად. და მოჰკუთეს ნაძე იგი და შემზადეს სუეტად. და ძირთა მისთა ზედა დადვეს საფუძველი, ეკლესიისაჲ“³. კ. კეკელიძის აზრით, ნაწარმოებში არაფერია იმ ნაძეზე ნათქვამი, რომელსაც თხზულების ამ ადგილას უთითებს ავტორი. ამ გარემოებას მკვლევარი იმის ერთ-ერთ საბუთად თვლის, რომ „ნინოს ცხოვრებას“ აკლია ის ნაწილი, სადაც იქნებოდა ამ ნაძეზე ლაპარაკი. კ. კეკელიძეს არ გამოარჩენია თხზულებაში ნაძეების ხსენების დანარჩენი შემთხვევები, მაგრამ, მისი აზრით, ისინი ძელი ცხოველის ნაძეთან არაერთარ კავშირში არ არის⁴. პატივცემული მეცნიერის ამ აზრის გაზიარება გაქირდება, რადგანაც „ცხოვრებაში“ მოხსენიებული „ნაძენი“, ისევე როგორც ძელი ცხოველის ხე, მირიან მეფის ბაღში იზრდება. ამ ნაძეებს და მათ მახლობლად „საყუარლად შემზადებული“ ადგილის მიწას განმკურნებელი ძალა აქვს, რაც მათ სიწმინდეზე მიუთითებს, ნანა დედოფლის ბიძის განკურნება „ნაძეთა მათ ქუეშე“ მოხდა⁵; ნინომ ანასტოს უშვილობისაგან განსაკურნებელი მიწა მეფის ბაღის იმ ადგილიდან აიღო, სადაც „ნაძეთა ქუეშე ბაბილოთა ადგილი არს მცირე საყუარლად შემზადებული“⁶; მეფის „სამოთხეში“ (ბაღში) ნაძეებისა და მათ ქვეშ არსებული „საყუარლად შემზადებული“. ადვალის საკრალურ მნიშვნელობაზე მეტყველებს აგრეთვე ნინოს სიზმარიც, რომელიც ასეა თხზულებაში აღწერილი „მოვიდიან სამოთხესა მას და ბაბილოთა მოისთულებდიან და ყუავილსა მას ძოვდიან. და მოწლედ ჩემდამო ღლაოდებედ, რეცა ჩემი არს სამოთხე იგი“⁷. წმ. ნინოს ხილვას ასე განმარტავს სიღონა: „ჩუენებაჲ შენი არს ესე, რამეთუ ადგილი ესე სამოთხისაჲ შენ მიერ იქმნეს სამოთხე სადიდებლად ღმრთისა, რომლისაჲ არს დიდებაჲ აწ და მარადის...“⁸ ეს სიტყვები მიუთითებს, რომ ღვთის ნებით სწორედ ამ ადგილზე იქნება ამქვეყნიური სამოთხე. სიტყვა „სამოთხე“ აქ უკვე არა ბაღის, არამედ ზეციური სამოთხის მნიშვნელობით არის ნახმარი. ქრისტიანული სიმბოლიკით კი ტაძარი, ღვთის სახლი, სახეა ზეციური სამოთხისა. ეს აზრი ასეა გამოთქმული ერთ აპოკრიფულ თხზულებაში: ეკლესია „სახე არს უხილავისამის საუკუნოვანსა სოფლისა და ხილულისა მის საწუთროვანსა სოფლისა“⁹. მკაჟსადამე, „ნინოს ცხოვრებაში“ ამქვეყნიური სამოთხის, ღვთის სახლის, ტაძრის აშენების ადგილი ყოფილა მითითებული.

² მოქცევაჲ ქართლისაჲ, ძველი ქართული აგიოგრაფიული ლიტერატურის ძეგლები, წიგნი I, თბ., 1964, გვ. 142.

³ იქვე, გვ. 138 (ხაზი აქაც და შემდეგაც ჩენია).

⁴ კ. კეკელიძე, „მოქცევაჲ ქართლისაჲ“-ს შედგენილობა, წყაროები და ეროვნულ-ტენდენციები, ეტიუდები ძველი ქართული ლიტერატურის ისტორიიდან, ტ. I, 1956, გვ. 65.

⁵ მოქცევაჲ... გვ. 134.

⁶ იქვე, გვ. 123.

⁷ იქვე.

⁸ იქვე, გვ. 124.

⁹ Кекелидзе К. Жизнь Агафангела, католиксса Домасского.—Христианский Восток, т. IV, вып. 3. 1916, гв. 255.

სწორედ მეფის ბაღში მდგარი ნაძვის ქვეშ დაუმარხავს ელიოზს მის მიერ მცხეთაში ჩამოტანილი უფლის კვართი. „ნინოს ცხოვრების“ ვრცელ რედაქციაში ნათქვამია: „ხოლო ელიოზ დაჰმარხა დაჲ იგი თვისი და კელთა მისთა აქუნდა სამოსელი იგი. და არს ადგილი იგი, რომელი ღმერთმან იცის და იცის დედამან ჩემმან ნინო და არა იტყვს, რამეთუ, არა ჯერ არს სიტყუად აწ. არამედ ესე. ხოლო კმა იყავნ ნინოჲს მოწაფეთათჳს და ქრისტეს მორწმუნეთა, რამეთუ მახლო ბქლ არს ადგილი იგი ნაძუსა მას ლიბანიო მოსრულსა და მცხეთას დანერგულსა“¹⁰. უფლის კვართის ნაძვის ქვეშ დამარხვის ტრადიციას მცირე სხვაობით იმეორებენ „ნინოს ცხოვრების“ მეტაფრასული და პერიფრაზული ვარიანტებიც¹¹.

მასასადამე, უფლის კვართი „ნინოს ცხოვრების“ მიხედვით სწორედ იმ ნაძვის ქვეშ ყოფილა დამარხული, რომელიც ეკლესიის აგების დროს მთავარ ბურჯად გამოუყენებიათ. ცხადია, რომ „ლიბანიო მოსრულ“ ნაძვს ცენტრალური ადგილი ენიჭება მცხეთის „საკრალურ გეოგრაფიაში“, რადგანაც სწორედ მის ქვეშ დაუმარხავთ უდიდესი ქრისტიანული სიწმინდე და აქვე შენდება უპირველესი ქრისტიანული ტაძარი მცხეთაში. სამეცნიერო ლიტერატურაში უკვე გამოთქმულია აზრი ამ ხის სიმბოლური მნიშვნელობის შესახებ. მცხეთასა და ზეციური იერუსალიმის ანალოგიის შესახებ საუბრისას რ. სირაძე წერს: „მცხეთა სახეა ე. წ. ზეციური იერუსალიმისა“... „ზეციური იერუსალიმი“ ზეცაა, ქალაქიც და ბაღიც, იგივე „ლიმონარი“, „პარადეიზო“ (ანდა აღმოსავლური „ბუსთანი“) ანუ „სამოთხე“... აქაურობას არც „ცხოვრების ხე“ აკლია და არც ზეციური სულიერების განმასახოვნებელი ფრინველები¹². იგივე ნაძვზე ასე წერს გ. ნარსიძე: „ეს „სასწაულთმოქმედი“ საგანი პირდაპირი ანარეკლია აპოკალიფსური „ძელი ცხოვრებისა“—ს, რომელიც „ზეციურ იერუსალიმში“ იყო აღმოცენებული“¹³.

როგორც ვხედავთ, მცხეთისა და იერუსალიმის, ბაღისა და სამოთხის, ნაძვისა და „ძელი ცხოვრებისა“ სიმბოლიკა უკვე გარკვეულია. დასაზუსტებელია მხოლოდ, თუ რატომ არის ხაზგასმული ნინოს ცხოვრებაში, რომ ეს ხე იყო „ნაძვი ლიბანიო მოსრული“. ანალოგიისათვის ისევ ბიბლიას მივმართოთ.

ლიბანის კედარი ხშირად გვხვდება ძველი აღთქმის წიგნებში. ეს საკმაოდ ცნობილი წიწვოვანი ხე დღესაც გამოსახულია ლიბანის დროშაზე. მისი ებრაული სახელწოდება (érez; ბერძნული — cedros; ლათინური — cedrus) ქართულად ყოველთვის ერთნაირად არ ითარგმნება. ქართული ბიბლიის შესაბამის ადგილებში ჩვენ ვხვდებით ამ ხის შემდეგ სახელწოდებებს: ნაძვი, ფიჭვი, კვიპაროსი, ლიბანის ძელი, კედარი.

ლიბანის კედარს იყენებს სოლომონ მეფე იერუსალიმის ტაძრის ასაშენებლად. აქ სჯულის კიდობანში იუდეველთა უდიდესი სიწმინდე — ფიცარნი სჯულისანი ინახებოდა. სოლომონის მიერ აშენებული ტაძრის ამ ადგილს ეწოდებოდა „წმიდათა წმიდა“, რომელიც სამლოცველოსაგან კედარის კედლით იყო გამოყოფილი. იერუსალიმის და მცხეთის „წმიდათა წმიდის“ სიმბოლუ-

¹⁰ მოქცევა... გვ. 129—130.

¹¹ არსენ ბერი, ცხოვრება ნინოსი, ძველი ქართული აგიოგრაფიული ლიტერატურის ძეგლები, წიგნი III, თბ., 1971, გვ. 33; ცხოვრება ნინოსი, იქვე, გვ. 70—71.

¹² რ. სირაძე, ქართული აგიოგრაფია, თბ., 1987, გვ. 84.

¹³ გ. ნარსიძე, ქებას ისტორიული პარალელები, გვ. 146.

რი იგივეობის შესახებ საკმაოდ ითქვა¹⁴. რ. სირაძე ამის შესახებ ამბობს: „გამოდის, რომ სვეტიცხოველის ტაძარი იმეორებდა სოლომონის ტაძარს. სვეტიცხოველის სასწაული თვით იყო ღვთის გამოცხადების ნიშანი“¹⁵. ლიბანის კედარი არის როგორც იერუსალიმის, ისე მცხეთაში აშენებული ტაძრის საშენი მასალა. ეს გარემოებაც, ვფიქრობ, კიდევ ერთხელ ადასტურებს მათ სიმბოლურ იგივეობას.

ლიბანის ნაძვი მირიანის „სამოთხეში“ დგას და სამოთხის ხეს, ზეციური იერუსალიმის შუაგულში აღმოცენებულ „ძელი ცხოვრებისა“—საც განასახიერებს. რამდენად შესაძლებელია, რომ ლიბანის კედარი სამოთხის ხედ იქნეს წარმოდგენილი?

ლიბანის კედარი ყველაზე მაღალი, ყველაზე ლამაზი ხეა ბიბლიაში. ესაიას წინასწარმეტყველების მიხედვით, როდესაც დადგება ღვთის უკანასკნელი დღე და როდესაც ღმერთი ყოველგვარ ადამიანურ სიმაღლეს დაამდაბლებს, უპირველესად ის ლიბანის კედარს დასცემს (ესაია 2. 12, 13). ლიბანის კედარი თავისი სიმაღლის გამო ყოველივე განდიდებულის სიმბოლოდაა წარმოდგენილი ბიბლიაში: „ძველი დროის ძლიერი დამპყრობლები, ასირიელი დესპოტები, ეგვიპტელი ფარაონები, იუდეველთა კერპთაყვანისმცემელი მონარქები, თვით ებრაული საზოგადოება, პატრიარქალური დროის მებრძოლი ამონიტები, მესიანისტური ხანის მორალური სიმძლავრე — ყოველივე ეს შედარებულია ტანმაღალ კედარს მისი ხელმწიფური სიდიადისა და უზენაესობის გამო“¹⁶.

ეზეკიელის წიგნში ასურის სიდიადე კედარის ხესთან არის შედარებული. „აჰა ასურ-კუპაროზი შორის ლიბანისა, და კეთილ რტოებითა, და მაღალ სიდიადითა. და კჳორ ჩრდილითა და საშუალ ღრუბელთა მთავრობაჲ მისი“ (ეზკ. 31.3). ლიბანის ნაძვი სამოთხის ხეცაა. „კუპაროზი ესე ვითარ სამოთხესა შინა ღმერთისაჲსა, და პიტუნი არა მსგავს იყუნეს ბაბილოთა მისთა, და სოჳნი არა იქმნეს მსგავს მორჩთა მისთა, ყოველი ხე სამოთხესა შინა ღმერთისაჲსა არა ემსგავსა მას სიკეთესა შინა მისსა“. (ეზკ. 31. 8) ეზეკიელის წიგნის ამ ადგილის განმარტებისას ნათქვამია: „Кедр в саду божием“ т. е. раю „не затемняли его“. Важные данные для ветхозаветного понятия о рае, что деревья были естественные и даже не превышали естественных“¹⁷.

მოყვანილი მაგალითებიდან ჩანს, რომ ლიბანის კედარის მოქცევაჲსეული სიმბოლიკა სავსებით შესატყვისება მის ბიბლიურ გავებას, ამის შემდეგ სრულიად ლოგიკურად გვეჩვენება ის, რომ სამოთხის ხის ანალოგად მცხეთაში სწორედ ლიბანის კედარი იყო წარმოდგენილი. ლიბანის კედარის მწიშვნელობა ძველი აღთქმიდან ქრისტიანობას თავისებურად გადმოჲლდა. ესაია წინასწარმეტყველის სიტყვები: „და დიდებაჲ ლიბანისა შენდა მოვიდეს სარო-

¹⁴ ზ. კიკნაძე, თ. შირაზაშვილი, დასახ. ნაშრომი; რ. სირაძე, დასახ. ნაშრომი; თ. მაგლობლიშვილი, „მოქცევაჲ ქართლისაჲს“ ერთი ადგილის გავებისათვის. — „ლიტერატურული საქართველო“, 22 ივნისი, 1984, გვ. 10.

¹⁵ რ. სირაძე, დასახ. ნაშრომი, გვ. 88.

¹⁶ Illustrated Bible Dictionary, M. G. Easton, London, Edinburg, and New York 1893, გვ. 132.

¹⁷ Толковая библия, т. V, СПб., 1908.

მსსა მიერ და ფიქვსა და ნაძვსა ერთბამად დიდებულ ადგილი წმიდაჲ ჩემი და ადგილი ფერჯთა ჩემთა ვადილო“ (ესაია 60, 13) ზოგიერთი ეგზეგეტის მიერ დაკავშირებულია ქრისტეს ჯვარცმასთან, რადგანაც ქრისტიანული ეკლესია მიიჩნევს, რომ სწორედ ამ ხისგან იყო ქრისტეს ჯვარი შემზადებული¹⁸. იგივე ტრადიცია დასტურდება ალექსანდრე კვირელის ქრონიკაში: „რამე უკუჲ იყოს უცხადეს მისსა, რომელი — იგი თჳსა: საროჲთა ფიქვთა და ნაძვთა ერთბამად იდიდოს ადგილი წმიდაჲ ჩემი? და რამეთუ სამებაჲმან წმიდამან, სწორმან ბუნებითა ერთითა, ჳლამითა მისითა და განავო ცხოვრებაჲ კაცთაჲ ჳუართითა და ქეშმარიტად საჭურველად ძლევისა მომცა ჩუენ სამთავან ძელთა შემზადებული ჳუარი, ვითარცა სამ სახელთავან — საროჲსა, ფიქვსა და ნაძვსა სადიდებლად ადგილისა წმიდისა“¹⁹

აი, რას მოგვითხრობს ძველი წარმოშობის ერთი აპოკრიფული კითხვა-მოკვება: „ოდეს დავითს კილობანი სჯულისა მოაქუნდა სახლითა ამინადობისათა იერუსალიმად სამნი მორჩუნი ეპყრეს კელთა. ერთი საროსა, ერთი ფიქვისა და ერთი ნაძვისა... და ვითა მოიწია ადგილსა რომელსამე ერთსა სამნივე ერთბამად დაწნერგნა და საღმრთოჲთა წამისყოფითა ერთად შეიერთნეს და აღზარდეს და იქმნეს ზე მალალ და შუენიერ. ოდეს სოლომონის ტაძარსა აშენებდეს მაშინ მოკლეთეს ზე იგი ტაძრისათვის. განგებულებით დარჩა ტაძარსა მას შინაჲ და რაჳამს მოიწია ვნებაჲ ქრისტესი, მაშინ განკუეთეს და მას ზედა ჳუარსა აცუეს უფალი ღმერთი ჩუენი“. სწორედ ბიბლიური და ქრისტიანული ტრადიციების შეერთებას წარმოადგენს ეს აპოკრიფული თხზულება, სადაც კედარი როგორც სოლომონის ტაძარს, ისე ქრისტეს ჯვარს უკავშირდება. „ნინოს ცხოვრება“, როგორც ჩანს, თავისებურად იაზრებს ლიბანის კედარის სიწმინდეს. მისთვის მცხეთის წმინდათა წმინდა ადგილი როგორც სოლომონის ტაძრის ანალოგიით, ისე ქრისტეს კვართის სიწმინდით არის განსაბუთებული, და ამდენად სწორედ ამ ადგილას ეგების ლიბანის კედარის არსებობაც.

„მოქცევაჲ ქართლისაჲ“ ტელიშურ ვარიანტში, „ნინოს ცხოვრების“ მოკლე რედაქციაში დაცულია ცნობა იმის შესახებ, რომ მცხეთის „ქუჭმოჲ“ ეკლესია იყო ხისა: „და მსწრაფლ აღაშენა ეკლესია ქუჭმოჲ სამთხესა შინა, ძელისაჲ, და სუეტი იგი პატიოსანი, რომელი თვთ აღემართა“²⁰. შესაძლებელია, რომ „ნინოს ცხოვრების“ ვრცელ რედაქციაში ეკლესიის მშენებლობის სიმბოლურად გადმოცემული სურათი ამასვე გულისხმობს: კერძოდ, რომ „ქუჭმოჲ“ ეკლესია აიგო ხისგან, ეს ზე კი იყო ლიბანის კედარი. ლიბანის კედარი ძველად განთქმული იყო როგორც შესანიშნავი საშენი მასალა თავისი სიმკვრივის, გამძლეობის, უღობადობისა და ღეროს სიმაღლის გამო. პლინიუსი ამბობს, რომ ეფესოში მდგარი დიანას ტაძრის კედარის სახურავმა გაქლო 400 წელიწადი, ხოლო უტიკაში აპოლონის ტაძრისამ — 1170 წ. ეს ზე განსაკუთრებით გამოსადეგი ყოფილა სვეტებისა და ბოძების მშენებლობისათვის. ამავე დროს, ლიბანის კედარი სავსე ყოფილა სურნელოვანი და განმკურნავი თვისებების მქონე წვენით, რომელიც ხის ქერქის მცირედი დაზიან-

¹⁸ Толковая библия, т. V, СПб., 1908, გვ. 516—517.

¹⁹ ალექსანდრე კვირელის ქრონიკა, თბ., 1979, გვ. 39.

²⁰ Кекелидзе К. Житие Агафангела..., გვ. 253—255.

²¹ მოქცევაჲ... გვ. 84.

ნების შემთხვევაში უხვად ჟონავდა²². ლიბანის კედარის ეს თვისებები ეთანხმება იმ ლეგენდას, რომელიც სვეტი ცხოველის მოჭრისა და აქედან მაცოცხლებელი წვენი გადმოსვლის შესახებ არსებობს. ყოველივე ამის გამო სავსებით დამაჯერებლად გვეჩვენება „მოქცევაჲ ქართლისაჲს“ ცნობები მცხეთის პირველი ქრისტიანული ეკლესიის აგების შესახებ.

გამოდის, რომ ლიბანის ნაძვს ორმხრივი მნიშვნელობა აქვს „მოქცევაჲში“, სულიერად — ის სამოთხის ხეს, აბოკალიფსურ „ძელი ცხოვრებისაჲს“ განასახიერებს და იერუსალიმის წმიდათა წმიდა ტაძარს უკავშირდება, მატერიალურად კი — ეკლესიის საშენ მასალად წარმოგვიდგება.

Л. А. ПАТАРИДЗЕ

К ТОЛКОВАНИЮ ОДНОГО СИМВОЛА В «ЖИТИИ СВЯТОЙ НИНО»

Резюме

В «Житии св. Нино» в связи со строительством первой христианской церкви упоминается ливанский кедр, под которым был захоронен хитон господен. Из этого кедра был сделан столб, который вознесся к небу, а затем вновь опустился на свое место. Это чудо и помогло окончанию никак не завершавшегося строительства храма.

В статье рассмотрены библейские сюжеты, а также сюжеты христианских легенд, в которых ливанский кедр, с одной стороны, символично связан с Иерусалимским храмом царя Соломона, а с другой — с деревом креста. Соединение этих двух традиций можно видеть и в данном произведении — «Житии св. Нино».

Так как ливанский кедр в древности широко употреблялся для строительства храмов, не исключено, что упоминание в «Житии» этого дерева означает, что оно было использовано в качестве строительного материала для церкви, впоследствии названной Свети-Цховели (Животворный Столб).

წარმოადგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის ძველი და შუასაუკუნეების საქართველოს ისტორიის წყაროთმცოდნეობითი შესწავლის განყოფილებამ

²² Dictionary of the Bible, Edited by Jones Hastings. New York, 1906, გვ. 364-365.

ნინო სულავა

ანტიკური ხანის არქეოლოგიური ძეგლები ლეჩხუმიდან

(სოფელი უსახელი)

ლეჩხუმი დიდი ხანია იზიდავს არქეოლოგთა ყურადღებას თავისი საინტერესო და მეტყველი არქეოლოგიური მასალებით, რომლებიც დაგროვილია შემთხვევითი მონაპოვართა და იმ მცირე სადაზვერვო არქეოლოგიური სამუშაოებით, რომლებსაც აწარმოებდა ივ. ჯავახიშვილის სახელობის ისტორიის, ეთნოგრაფიისა და არქეოლოგიის ინსტიტუტი 1962, 1970—71 და 1977 წლებში.

შემთხვევით მოპოვებული არქეოლოგიური მასალის დიდ ნაწილს წარმოადგენს ანტიკური ხანის არქეოლოგიური ძეგლები, რომლებიც დატყლია ჩვენი ქვეყნის სხვადასხვა მუზეუმში. აღნიშნული სტატია ეხება მხოლოდ ცაგერის მხარეთმცოდნეობის მუზეუმში დატყლ მასალებს.

კვლევაზე დიდი რაოდენობით აღნიშნული ხანის მასალები ცაგერის მხარეთმცოდნეობის მუზეუმში მიტანილია სოფელ ცხეთიდან და უსახელოდან. ორივე სოფელი ლაჯანურ-ხელიშურის ხეობაშია.

უსახელო დიდი სოფელია, მდებარეობს ცაგერის სამხრეთ-აღმოსავლეთით, მდ. რიონის მარჯვენა ნაპირზე. სოფლის ბოლოში გორა-ნაციხვარია, რომლის თავზე ეხლაც არის შერჩენილი ფეოდალური ხანის ციხის ნანგრევები. ნაციხვარს მალა ჩანგოურის და ლაბურღვაშის შეღმართებია, რომლებიც ხელოვნურად მოკეთებული პლატოთი მთავრდება. პლატოზე წმინდა გიორგის სახელობის ბაზილიკური ტიპის ეკლესიაა. ამ ადგილს გუდულაშს ეძახიან. გუდულაშის შეღმართზე ძვ. წ. I ათასწლეულის პირველი ნახევრის კერამიკული ფრაგმენტია დამოწმებული.


ნაციხვარს თითქმის ზედ აკრავს დავითულიანების ეზო. სწორედ ეს დავითულიანები პოულობდნენ უამრავ ნივთებს ნაციხვარის ჩრდილო ფერდობზე. მათ ოჯახში დიდხანს ინახებოდა თურმე ყურძნის მტევნის (?) ოქროს გამოსახულება.

უსახელოს ნაციხვარის ფერდობზე შემთხვევით მოპოვებული მასალა ამკარად სამარნეულია.

იგი ძირითადად წარმოდგენილია სამკაულით: ლითონის სამაჯურები, ბეჭდები, საყურე და სასაფეთქლე რგოლები; ბალთები, აბზინდები, ზარაკები, შინისა და პასტის მძივები; სამეურნეო დანიშნულების ნივთებიდან — რკინის დანის ფრაგმენტებით და კვირისთავებით.

უსახელოს შემთხვევით მონაპოვრებში სამკაულთაგან პირველ რიგში აღსანიშნავია ბრინჯაოს სამაჯურები (ტაბ. I). სამაჯურები ძირითადად ერთი მოხაზულობისაა — მეტ-ნაკლებად რკალგახსნილი და ზურგსწორი. გამონაკლისია ერთი მთლიანად სხმული, მრგვალგანივკვეთიანი, რკალშეკრული ბრინჯაოს სამაჯური (ტაბ. 1, 5) და ერთიც რკინის ბრტყელგანივკვეთიანი სამაჯური (№ 33). ზურგშედრეკილი სამაჯური წარმოდგენილია ფრაგმენტით. სახეობის თვალსაზრისით შეიძლება გამოიყოს:

I — მრგვალგანივკვეთიანი სამაჯური, რომლის რკალის შუა და ბოლო ნა-



ტბულა 1.

წილებს ამკობს ოთხკუთხა ნაჭდევები თუ წამონაზარდები. ამ ადგილებში სამაჯურის რკალი ოდნავ შემსხვილებულია (ტაბ. I, 1); II — მრგვალგანივკვეთიანი სამაჯური, რომლის რკალი და ბოლოები ბურცობებით არის შემკული (ტაბ. I, 2); III — მრგვალგანივკვეთიანი ზურგმედრეკილი სამაჯური, რომლის ბოლოები სტილიზებულ გველის თავს გამოხატავს (ტაბ. I, 3). IV — მრგვალი ან ოდნავ ბრტყელგანივკვეთიანი, სადა, ოდნავ ბოლოებშემსხვილებული სამაჯური (ტაბ. I, 4, 6). ნაწილი სამაჯურებისა ფრაგმენტული ღეროების სახითაა წარმოდგენილი (№ 30, 90, 143—148, 166, 168, 169, 174—175) და მათი მიკუთვნება რომელიმე სახეობისადმი ძნელდება.

სამაჯურებთან უნდა განვიხილოთ აგრეთვე ერთი ფრაგმენტი. ეს არის 2 სმ. სიგრძის ოდნავ მოღუნული, მრგვალგანივკვეთიანი ღერო, რომელზედაც შერჩენილია ოთხნახევებიანი ხვია. ვფიქრობთ, რომ ეს უნდა იყოს ე. წ. თავითავეზე გადატანილი და გადახვეული სამაჯურის ნაწილი.

სამაჯურების შემდეგ ყველაზე გავრცელებული სამკაული სასაფეთქლე და საყურე რგოლები ყოფილა (ტაბ. II_{3,4}, ტაბ. IV₇₋₁₃). ისინი ნაკეთებია ოქროს, ვერცხლის ელექტრუმის და ბრინჯაოს მავთულისაგან. რაოდენობრივად ჭარბობს ბრინჯაოს რგოლები. საყურე რგოლები მრგვალგანივკვეთიანი მავთულისაგან არის ნაკეთები. ფიქრობენ, რომ ეს რგოლები ბეჭდათაც იხმარებოდა.

სამკაულთაგან აღსანიშნავია აგრეთვე ბრინჯაოს ბეჭედი (ტაბ. II₂), რომელსაც რგოლის ნაწილი აკლია. ბეჭედი მრგვალფარაკიანია; ფარაკი შევსებულია მრგვალი ბურცობებით; შუა ბურცობი ყველაზე მაღალია.

აღნიშნულ მასალაში არის აგრეთვე ბრინჯაოს ფიბულის მშვილდის ფრაგმენტი, მოკლე ჭდეული ხაზებზე ზურგზე (ტაბ. II₇) და ბრინჯაოს ღერაკი დაფარული მკვეთრი, მიჯრილი ბურცობებით (ტაბ. II₆). უკანასკნელის დანიშნულება გაურკვეველია.


ლითონის სამკაული წარმოდგენილია აგრეთვე ბალთებით, მრგვალი და ოთხკუთხა და ე. წ. „ჰერალდიკური“ ტიპის აბზინდებით, საკიდებით (ტაბ. III₁₋₇).

განსაკუთრებით საინტერესოა ბრინჯაოს ბალთა. რომელიც წარმოადგენს წაჩოქილი ჯიხვის (?) გამოსახულებას (ტაბ. III₁), რომელსაც თავი მოტეხილი აქვს. ზურგზე და გულმკერდზე ყელის გაყოლებით დაუყვება გრებილი ორნამენტი. გულზე ბურცობი აქვს. ასეთივე ბურცობი აქვს წინა და უკანა ფეხებთან და ერთივე კულის ქვემოთ. კუდი მოკლეა და სამკუთხა მოყვანილობის ფიგურა რელიეფურია, იქმნება მრგვალი ქანდაკების შთაბეჭდილება, ფიგურის ნაწილები მასიურია. უკანა მხრიდან, ერთმანეთის საპირისპიროდ ბალთას აქვს ორი ორნაწილიანი დედალი ღუგმა. ერთ მათგანს შერჩენილი აქვს პატარა ენა. ჯიხვის გამოსახულება გვაგონებს ბრინჯაოს ჭეირული ბალთების ცენტრალური ცხოველის გამოსახულებას².

ბრინჯაოს სამკაული წარმოდგენილია აგრეთვე ზარაკებით, რომელთაც როგორც ჩანს მავიური დანიშნულებაც ჰქონდა, რამდენადაც იცავდა პატრონს „ავი თვალისაგან“ „და „ბოროტი სულისაგან“. ზარაკები ორი სახისაა: ცილინდრული-გვერდშემკრილი (ტაბ. IV₁) და კონუსური-დაფანჯრული (ტაბ. IV₂).

1 ვ. თ. ო. ლ. ო. რ. დ. ა. ვ. ა. დაკრძალვის წესები ელინისტური ხანის საქართველოში, თბ., 1980, გვ. 52.

2 იხ. მ. ხ. ი. და შ. ე. ლ. ბრინჯაოს მხატვრული დამუშავების ისტორიისათვის ანტიკური ხანის საქართველოში, თბ., 1972.



ტაბულა II.

ყველაზე მრავალფეროვანი და მრავალრიცხოვანი მძივები და მძივსაკიდებია, რომლის მხოლოდ ნაწილია მოცემული IV ტაბულაზე.

უმეტესობა მძივებისა მინისაა: მწვანე მინის — გამკვირვალე მოზრდილი, გვერდებდაღარული; ლურჯი მინის — გაუმკვირვალე, მილაკისებური, დაწახნაგებული; ოქროფენილი — ერთმანეთზე გადაბმული სფერული მძივები; ქვის მძივები: სარდიონისა — მუქი ყავისფერი, ნაცრისფერი ხალებით და ღია ფერის, სფერული; ქალცედონისა — ნახევრადგამკვირვალე, თეთრი, მოვრძო. მინის პოლიქრომული მძივები: ლურჯი თეთრი ზოლით და სხვ.

განსაკუთრებულ ყურადღებას იპყრობს ოქროს ფირფიტისაგან გაკეთებული ბალთის თუ რაღაც სხვა სამკაულის ნაწილი⁴. ოქროს ფირფიტა დაყოფილია ერთმანეთის საპირისპიროდ დალაგებული თხელი სამკუთხა თვალბუდეებით. ორ მათგანში თვალი ამოვარდნილია. დანარჩენი შევსებულია მუქი წითელი ქვით. ნივთი ნაკლულია (ტაბ. IV₁).

უსახელოდან მომდინარე მასალაში გვაქვს სამეურნეო დანიშნულების ნივთებიც: რკინის დანის ფრაგმენტები (ტაბ. ა) და ქვის კვირისტავეები.

უსახელოში შემთხვევით მოპოვებული სამარხეული ხასიათის ინვენტარი არსებითად იმეორებს საქართველოს ელინისტური ხანის ძეგლების მასალას (დაბლაგოზი, დაფნარი, რონ-სუფსის ორმდინარეთი, „ქუთათისის ქვეყანა“, სამეგრელო, მცხეთა-სამთავრო და სხვ)⁵. და ამდენად, მის ორგანულ ნაწილად მიგვაჩნია. თუმცა იქ არსებული ზოგიერთი ნივთის ფრაგმენტი (მაგ.: პოლიქრომული ბალთის ფრაგმენტი, თავგადახვეული სამაჯურის ფრაგმენტი, ენაგამობმული მრგვალი და ოთხკუთხა აბზინდები. და სხვ.) იმაზე მეტყველებს, რომ უსახელოში უფრო გვიანდელი სამარხებიც უნდა იყოს. ამის ერთ-ერთი საფუძველია აგრეთვე, ლენინგრადში, სახელმწიფო ერმიტაჟში დაცული მდიდრული კოლექცია (ოქროს ბალთა შემკული პელიოსის გამოსახულებიანი ინტალიოთი და ოქროს ორი ბალთა-ფირფიტა) უსახელოდან (ტაბ. IV₁₀, 11)⁶.

როგორც ვხედავთ, მასალა საკმაოდ მრავალფეროვანია. მაგრამ მისი მოპოვების შემთხვევითი ხასიათის გამო ჩვენ ისიც კი არ ვიცით თუ დამარხვის რა წესია გამოყენებული უსახელოს სამაროვანზე. საფიქრებელია, რომ მიცვალებულებს ორმოსამარხებში კრძალავდნენ, მსგავსად ცხეთის სამაროვნისა, რომელიც იმავე ხეობაშია და რომლის ინვენტარი იდენტურია უსახელოს მასალისა და შესაბამისად ერთი პერიოდისაა.

ცხეთა პატარა სოფელია. მდებარეობს ცაგერის სამხრეთით 15 კმ-ზე. 1962 წელს აქ გათხრილ იქნა 15 სამარხი, რომლის ინვენტარიც ცაგერის მხარეთმცოდნეობის მუზეუმშია დაცული.

სამარხეული ინვენტარი წარმოდგენილია უმთავრესად სამკაულით (სამაჯურები, მშვილდსაკინძები, საყურებები, მძივები), საბრძოლო და სამეურნეო იარაღით (რკინის შუბისპირები, რკინის დანები) და თიხის ქურჭლით.


³ Н. Кигурадзе, Дапнарский могильник, Тб., 1976, გვ. 54-55.

⁴ შდრ. ბალთები ურეკის განძიდან; იხ. Jewellery et metalwork in the Museums of Georgia, Leningrad, 1986, გვ. 73.

⁵ Б. А. Куфтин, Материалы к археологии Колхиды, II, Тб., 1950, გვ. 38-44; ვ. თ. ლ. ო. რ. დ. ა. ვ. დასახ. ნაშრომი, გვ. 6-16, 17-23, 23-31. Н. Кигурадзе, დასახ. ნაშრომი, 51-53.

⁶ Е. Придык, Новые кавказские клады, Петроград, 1914, გვ. 18-19, ტაბ. I-II; ნ. ხ. ო. შ. ბ. რ. ი. ა. ციხისძირი, თბ., 1962, გვ. 16, ტაბ. II, ვ. 4; მარგ. ლ. ო. რ. თ. კ. ი. დ. ა. ნ. ი. ძეგლი საქართველოს გლიტიკური ძეგლების კორპუსი, I, თბ., 1969, გვ. 121, ტაბ. VII₁₀₉ ერმიტაჟის კოლექცია სრულად აისახება ჩვენს შემდგომ მუშაობაში.


⁸ „მაცნე“, ისტორიის სერია, 1988, № 2



ტაბულა III.

სამარხები ორ ქრონოლოგიურ ჯგუფად იყოფა: ძვ. წ. III—II სს-ის და ახ. წ. პირველი საუკუნეების სამარხები⁷.

⁷ ლ. სახაროვა, შუა კავკასიონის სამხრეთი კალთის ბრინჯაოს ზანის ექსპედიციის ლეჩხუმის რაზმის 1962 წ. ანვარიში, სამეცნიერო სესია მიძღვნილი 1962 წ. სველე არქეოლოგიური კვლევა-ძიების შედეგებისადმი, თბ., 1963, გვ. 35.



ტაბულა IV.

უსახელოს მასალები ძირითადად პირველი ქრონოლოგიური ჯგუფის მასალების (ძვ. წ. III—II სს.) შესატყვისია.

გარკვეულ მსგავსებას იჩენს უსახელოს ინვენტარი აგრეთვე ლეჩხუმში 1976 წელს მურის ციხესთან შემთხვევით აღმოჩენილ სამარხის ინვენტართან. აღმოჩენის ინფორმაციით მიცვალებული ქვევრში იყო დასაფლავებული. ინვენტარი წარმოდგენილია ქვევრსამარხებისათვის დამახასიათებელი ტიპური ნივთებით (თუმცა კომპლექსში მოხვედრილია, ალბათ, იქვე დაზიანებულა გვიანანტიკური ხანის სამარხების მასალაც)⁸.

არქეოლოგიურმა კვლევა-ძიებამ დაადასტურა, რომ მიცვალებულის ქვევრში დაკრძალვა ელინისტური ხანის შიდა კოლხეთისათვის დაკრძალვის გაბატონებული წესია. განსხვავებით შიდა კოლხეთისაგან იბერიაში ერთმანეთის პარალელურად დამოწმებულია დაკრძალვა როგორც ქვევრსამარხებში, ასევე ორმოსამარხებში⁹.

ამ თვალსაზრისით საინტერესოა ლეჩხუმში, კოლხეთის მთისწინა ზოლში დამოწმებული სიტუაცია. თუ მურის ციხესთან აღმოჩენილ სამარხში მიცვალებული ქვევრში იყო დაკრძალული, მაშინ იბერიის მსგავსად ლეჩხუმშიც ელინისტურ ხანაში დაკრძალვის ორი წესი ყოფილა გავრცელებული: ცხეთა-უსახელოში ორმოსამარხები გვაქვს, ხოლო მურის ციხის მიდამოებში ქვევრსამარხები.

როგორც ზემოთ მოტანილი შემთხვევით მოპოვებული მასალის მოკლე მიმოხილვიდან ჩანს, კოლხეთის მთის წინა ზოლი საკმაოდ ინტენსიურად და თავისებურად ყოფილა ჩაბმული ელინისტური ხანის ყოფაში. ამასთან დაკავშირებით ბევრი საინტერესო საკითხი ჩნდება, რომელთა წარმოჩენა სპეციალურ არქეოლოგიურ კვლევა-ძიებას თხოვლობს. სოფელ უსახელოს სამაროვანის გათხრა-შესწავლა დააზუსტებს მის ხასიათს, დაკრძალვის წესს, ურთიერთობას სხვა სამაროვნებთან და ქრონოლოგიას.

Н. О. СУЛАВА

АРХЕОЛОГИЧЕСКИЕ ПАМЯТНИКИ АНТИЧНОЙ ЭПОХИ ИЗ ЛЕЧХУМИ

(село Усахело)

Резюме

Статья посвящается случайным археологическим находкам античной эпохи из с. Усахело. Материал погребального характера представлен украшениями и предметами хозяйственного назначения.

Археологический материал из с. Усахело датируется III—II вв. до н. э., но по некоторым данным думается, что здесь должны быть погребения и более позднего периода. Видимо, погребения были ямные, но находка похожего материала в кувшинном погребении у крепости Мури дает возможность предположить, что в Лечхуми в данное время был распространен и обряд кувшинного погребения. Специальное изучение этого региона уточнит много интересующих нас вопросов.

წარმოადგინა საქართველოს სსრ მეცნიერებათა აკადემიის ივ. ჭავჭავაძის სახ. ისტორიის, არქეოლოგიისა და ეთნოგრაფიის ინსტიტუტის არქეოლოგიური კვლევის ცენტრმა

⁸ ინვენტარი № 3225 „მურის განძის“ სახელწოდებით დაცულია ცაგერის მხარეთმცოდნეობის მუზეუმში.

⁹ ვ. თ. ა. ლ. ო. რ. დ. ა. ვ. ა, დასახ. ნაშრომ., გვ. 56—57.

კიბი მაჩაბელი

სტელის ფრაგმენტი სოფელ ნალვარავიდან

სამცხე-ჯავახეთის ისტორიული მუზეუმის ექსპონატებს შორის ყურადღებას იპყრობს მის ექსპოზიციაში წარმოდგენილი ადრეფეოდალური ხანის ქვასვეტის ფრაგმენტი, შემკული თავისებური ხასიათის რელიეფური დეკორით. იგი გამოირჩევა დღეისათვის ცნობილ ანალოგიური ძეგლებიდან მხატვრული მეტყველების სპეციფიკით, იკონოგრაფიული პროგრამის განსაკუთრებულობით¹. ფრაგმენტი წარმოადგენს ქვის სტელის ზედა ნაწილს. იგი პროფილირებულია და მის ზედა რეგისტრს კაპიტელის ფორმა აქვს მიცემული. კუბური მოცულობის კაპიტელი მცირედ გამოწეული კარნიზით გამოიყოფა საკუთრივ სვეტის ზედაპირიდან (კაპიტელის სიმაღლე — 35 სმ.). კაპიტელის ზედა ნაწილში ღრმა ოთხწახნაგა ბუდეა ამოკვეთილი ქვის ჳვრის დასამაგრებლად. როგორც კაპიტელი, ასევე სტელა რელიეფური გამოსახულებებით არის დაფარული კაპიტელის წახნაგები ყოველგვარი მოჩარჩოების გარეშე, მთლიანად არის შექმნილი რელიეფური სახეებით. თვით სვეტის რელიეფური კომპოზიციები კი მკაფიოდ გამოკვეთილ, გლუვი ლილვებით შემოწერილ არეებზეა მოთავსებული.

სტელის ფორმის თავისებურება — ერთ მონოლითში გამოკვეთილი კაპიტელით დაგვირგვინებული ქვასვეტი, პლასტიკურ გამოსახულებათა კვეთის მანერა მდიდარ მასალას გვაძლევს ქვასვეტის მხატვრულ-ისტორიული მნიშვნელობის განსაზღვრისათვის.

რელიეფური დეკორის გადაწყვეტაში კარგად გავებული მხატვრულ-თეოლოგიური ამოცანა იგულისხმება: კაპიტელის მთავარი წახნაგის კომპოზიცია თითქმის მთლიანად ჩამოტეხილია, დარჩენილია მხოლოდ მარჯვენა მხარეს მდგომი ფიგურა (თავი ჩამომტვრეულია) და ცენტრალური ფიგურის ქვედა ნაწილი. ამ კომპოზიციის შინაარსი გაუგებარი იქნებოდა, თუ არა მომიჯნავე გვერდით წახნაგებზე განლაგებულ ანგელოზთა რელიეფური გამოსახულებები. ამ შემთხვევაშიც, ისევე, როგორც ადრექრისტიანული ქართული სტელების უმეტესობაში, ოსტატურ სტელის ყველა წახნაგს იაზრებდა, როგორც ერთი მთლიანი კომპოზიციურად შეკრული სიუჟეტის ნაწილებს და სტელის ფორმიდან გამომდინარე, ანაწილებდა მის წახნაგებზე რელიეფურ სცენათა ელემენტებს. როგორც ყოველთვის, ამ შემთხვევაშიც, სტელის საერთო მხატვრულ-აზრობრივი მნიშვნელობა გასაგები ხდება მხოლოდ მისი ყველა კომპონენტის ურთიერთკავშირის გათვალისწინებით.

¹ სტელის ფრაგმენტი აღმოჩნდა ადიგენის რ-ნის სოფ. ნალვარავში, ჩამოტანილია მუზეუმში 1964 წლის შემოდგომაზე (№ 4018), მასთან ერთად აღმოჩნდა ორი ქვაჭვარი (ფრაგმენტირებული), რომლებზეც ასომთავრული წარწერებია მოთავსებული (№ 4017, 4019). სტელის ფრაგმენტის ზომებია: სიმაღლე 62 სმ. ზედა ნაწილის წახნაგის სიგანე 30 სმ. ქვედა ნაწილისა 26 სმ. კვეთაში სტელა კვადრატული სვეტია.


კაპიტელის ცენტრალურ არეზე დარჩენილია მხოლოდ მარჯვენა ფიგურა, მჭიდროდ მიდგმული კაპიტელის მარჯვენა კიდესთან. სხეული გადმოცემულია ფონიდან ოდნავ ამოზიდული ბრტყელი ბლოკისებრი მოცულობის სახით, რომლის ზედაპირი საკმაოდ უხეშად არის დამუშავებული ჩაკვეთილი პარალელური ხაზებით. ორი ჩაჭრილი ხაზით შექმნილი ბრტყელი ზოლი მკაფიოდ შემოწერს სხეულს. ფიგურა გადმოცემულია ორი ხედვის წერტილიდან. მისი ზედა ნაწილი მკაცრად ფრონტალური და სიმეტრიულია. სამოსლის ნაკეცი, პარალელური დახრილი ხაზების წყობით, თავს იყრის ფიგურის სიმეტრიის ღერძზე. სხეულის ქვედა ნაწილში კი მოცემულია ცდა მისი პროფილში გადმოცემისა. კარგად არის მოხაზული გრძელი კაბის კალთა, ნაკვეთა აღმნიშვნელი პარალელური ხაზები იშლება და ოსტატი თითქოს ცდილობს გადმოსცეს ცენტრისკენ მობრუნებული სხეული. ამას იგი ახერხებს კაბის ფართო, ორნამენტული ქობის ირიბი მიმართულებით და, რაც მთავარია, ორივე ფეხის პროფილში ჩვენებით. ზედაპირის ძლიერი დაზიანების მიუხედავად ეს გამოსახულება გარკვეულ წარმოდგენას გვაძლევს მის ჩაცმულობაზე; მუხლს ქვემოთ ჩამოსული ნაკეციებიანი გრძელი კაბა (უსარტყლოდ), ფართო ქობით,



სურ. 1

რომელზეც კარგად განირჩევა წრეხაზებისაგან შედგენილი ორნამენტული სახეები და რბილი ტყავის, ფეხზე კარგად მორგებული წულები (ან ფეხებზე მჭიდროდ შემოკრული, კოჭებთან შეკრული შარვალი და რბილი უქუსლო ფეხსაცმელი). ფიგურის გაყინულ, ფრონტალურ პოზასთან კონტრასტს ქმნის ფეხების მოძრაობა. ორივე ფეხი მოძრაობაშია, ისინი დაშორებულია ერთმანეთს და, ამასთან ერთად, სხვადასხვა სიბრტყეში და სხვადასხვა კუთხით არის ნაჩვენები ტერფები. დარღვეულია მკაცრად ფრონტალური გამოსახულებისათვის დამახასიათებელი ნიადაგის მკაფიო ჰორიზონტალი. იქმნება კონტრასტა ქვის ზედაპირზე გაშლილი ბრტყელი ფიგურების მკაცრ ფრონტალობასა და მოძრაობის ჩვენების სურვილს შორის.

მთავარი წახნაგის ცენტრალურ ნაწილში შემორჩენილია მხოლოდ დიდი, ფართო ფიგურის ნაშთები. შეუძლებელია სხეულის ნაწილთა გარჩევა. ნაშთების გულდასმითი შესწავლის შედეგად შესაძლებელი გახდა გაგვეჩინა ფიგურის ზედა ნაწილში სამოსლის „ფარფლისმაგვარი“ დამუშავების კვალი, ქვედა ნაწილში — ფართო ნაკეცების აღმნიშვნელი პარალელური ხაზების ნაშ-



თები და სულ ქვემოთ რაღაც სწორკუთხა დეტალი, შესაძლოა ტახტის ან პოდუმის ნაწილი. დარჩენილი ფრაგმენტების მიხედვით შესაძლოა ვივარაუდოთ ცენტრში ტახტზე მდომარე მაცხოვრის გამოსახულების არსებობა.

სტელის ოსტატის განსაკუთრებულ დეკორატიულ და კომპოზიციურ აღლოზე მეტყველებს გვერდითი წახნაგების გამოსახულებები. კაპიტელის ორ გვერდით არეზე თავისუფლად არის განლაგებული ანგელოზის თითო ფიგურა, მათი ჰორიზონტალურად გაშლილი სხეულები და გაშლილი ფრთები მთლიანად ავსებს კაპიტელის კვადრატულ წახნაგებს. ორივე ანგელოზი ცენტრისკენ არის მომართული და ცხადია, რომ ისინი ცენტრალურ გამოსახულებასთან ერთად ქმნიან სამნაწილედ კომპოზიციას.

ანგელოზთა გამოსახულებებზე დაკვირვებამ გამოავლინა უაღრესად მნიშვნელოვანი გარემოება. ამდღების კომპოზიციებისათვის ჩვეული ანგელოზების ნაცვლად, აქ ექვსფრთედებია გამოსახული. ორივე გვერდით წახნაგზე ადვილად განირჩევა განსაკუთრებული წესით განლაგებული ფრთების მოხაზულობები. ანგელოზთა სხეული წახნაგის არეზე ჰორიზონტალურად არის გაშლილი. პარალელური ჰორიზონტალური ჩაკვეთილი ხაზებით არის დამუშავებული ანგელოზთა გრძელი სამოსელი (ტუნია), რომელიც მთლიანად უდგარავს სხეულს. კომპოზიციების ზუსტი იგივეობის მიუხედავად ორივე წახნაგზე ანგელოზთა ფრთების გადმოცემაში სრული თავისუფლებაა. განსხვავებაა არა მხოლოდ ფრთების განლაგების სქემაში, არამედ ფრთების დამუშავებაშიც. ორივე შემთხვევაში ორი ფრთა დაუყვება სხეულს ზუსტად ისე, როგორც ეს გვაქვს ადრექრისტიანული ქართული რელიეფების სკენებში (ქვემო ბოლნისი, ეძანი, ხანდისი), დანარჩენი ფრთები კი ორივე წახნაგზე განსხვავებულად არის განლაგებული. თუმცა სტელის ამ ნაწილების ზედაპირიც ძალზე დაზიანებულია, მაინც ჩანს ფრთების კონსტრუქციის ჩვენების ცდა. ოსტატი გადმოსცემს რეალური ფრთის ფორმას, ბრტყელი გლუვი ზოლი შემოწირის ფრთის მოხაზულობას და შემდეგ ირიბი პარალელური ხაზები ასრულებს ფრთის ფორმას.

ანგელოზთა თავები მთლად ამომტვრეულია, ამიტომ შეიძლება მსჯელობა მხოლოდ მათ ზოგად მოხაზულობასა და დეკორატიულ-ორნამენტულ მიდგომაზე. რელიეფის სიმაღლე აქაც უმნიშვნელოა.

კაპიტელის ზურგის წახნაგი სრულიად განსხვავებული ხასიათისაა თუ კი სამი აღნიშნული მხარე მთლიანად შევსებულია ორნამენტულად დამუშავებული ფიგურული გამოსახულებებით, ზურგის მხარეზე — თავისუფალ ფონზე ხარის მძლავრი ბრტყელი სილუეტია. ყურადღებას იპყრობს კონტრასტი ცხოველის სხეულის რეალისტურ აღქმასა და მისი გადმოცემის პირობითობას შორის. ვინაიდან ოდნავ ამოწეული სიბრტყე აპლიკაციის მაგვარად გამოსახავს ხარის მონუმენტურ სხეულს. დაზიანების მიუხედავად ჩანს, თუ რა ოსტატურად არის გადმოცემული ცხოველის დამახასიათებელი მოძრაობა, რა კარგად არის გამოკვეთილი ხარის მძლავრი ქედი, სხეულის ფორმა. თავი დაზიანებულია, მხოლოდ ოდნავ განირჩევა მისი ნაწილი და რქის მოხაზულობა, ჩანს აგრეთვე ცხოველის თვალი, გადმოცემული წრეხაზითა და ღრმა ნახევრეტით ცენტრში. გადარჩენილია წინა ფეხების ნაწილი, კარგად იკითხება მათი ფორმა, ოდნავ განირჩევა უკანა ფეხების ნახატი.

თვით სვეტისაგან მხოლოდ ზედა ნაწილია გადარჩენილი. ამ ფრაგმენტულობის მიუხედავად, მაინც შეიძლება მსჯელობა სვეტის დეკორატიულ

შემკულობაზე. სამი წახნაგის სიბრტყეები ჩასმულია ლილვისებურ ჩარჩო-ებში. ღრმა ვერტიკალური ღარით ოთხივე წიბოზე შექმნილია სვეტისმაგვარი მოცულობები. ქვესვეტის წინა მხარე დამოძვლილი ჰქონდა წმიდა გამოსახუ-ლებებს, მარჯვენა წახნაგზე დღეს დარჩენილია ცხოველთა გამოსახულების კვალი, მარცხენა წახნაგი შევსებულია ვერტიკალურად განლაგებული მცენა-რული ორნამენტით, ზურგის მხარე გლუვია. ოთხივე წახნაგს აერთიანებს მხატვრული პრინციპი, სვეტის სიბრტყის აღქმა ჩარჩოთი შემოვლებულ სასუ-რათო არედ. მცენარული მოტივიც ჩასმულია სადა რელიეფურ ჩარჩოში.

სვეტის წინა მხარეზე მოთავსებულია მთავარანგელოზის გამოსახულება. ფრთოსანი ფიგურა (დაზიანებულია მისი თავი, სხეული: ქვა ჩამოტეხილია ისე, რომ მოჩანს ანგელოზის სხეულის მხოლოდ სამი მეოთხედი) მთლიანად ავსებს სასურათო არეს. თავით იგი ზედა ჩარჩოს ებჯინება. ფრთები სიბრტყე-ზეა გაშლილი და მათი მოხაზულობა ზუსტად მიჰყვება ვერტიკალურ ჩარჩოს. მსუბუქი რელიეფით შესრულებული ფიგურა გვიჩვენებს სიბრტყობრივ ტენ-დენციას, ყველაფერი სიბრტყეს ემორჩილება. აშკარად დისპროპორციული, დიდი თავი სიბრტყეზეა გაშლილი. გლუვ ბრტყელ სალტედ ეკვრის თავს თმის მოცულობა, ბრტყელ რკალად შემოყვება თავს შარავანდი (მისი მოხაზულობა მზრის ზემოთ წყდება). სახიდან დარჩენილია მხოლოდ მარცხენა თვალი, წრე-ხაზით შემოხაზული, ღრმად აღნიშნული ცენტრით. ანგელოზს ჰქონდა დიდი, ფართო სახე, გრძელი ნიკაბით. ბლოკისებური სხეული ოდნავ არის ამოზიდუ-ლი ფონიდან, ზედაპირს ატყვია პარალელური ხაზებით დამუშავების კვალი. მარცხენა მხარს, რომელიც უკეთ შემოინახა. ეტყობა პარალელურ ნაკვეთა რიტმული წყობა. ანალოგიურად იყო დამუშავებული ანგელოზის ტუნიკის კა-ლთები. ფრთების სილუეტი საკმაოდ უხეშად არის შემოხაზული ორმაგი ჩაკვე-თილი კონტურით, ფრთების ზედაპირი დამუშავებულია ირბი პარალელური ხაზებით. ფრთების ეს გრაფიკული ნახატი საკმაოდ ტლანქი და დაუდევარი. მხრებთან ფრთების მიმაგრების ადგილას ამოკაწრული წრეხაზებია, რომელ-თა ცენტრი ღრმა ნახვრეტით არის აღნიშნული. ეს ორნამენტული დეტალი ზუსტად ისევეა შესრულებული, როგორც ანგელოზის თვალი. თავის დროზე ორი წყვილი ასეთი წრეხაზისა (თვალები და ფრთები) გარკვეულ აქცენტებს წარმოადგენდა გრაფიკულად დამუშავებულ ორნამენტულ ზედაპირზე. ანგე-ლოზის თავის ორივე მხარეს ფონზე ამოკვეთილია რელიეფური ასომთავრუ-ლი წარწერა: წი მქლ (წმინდა მიქაელ).

სტელის მარჯვენა გვერდითი წახნაგი დანაწილებული იყო შედარებით მცირე სასურათო არეებად. ზედა არეზე ძნელად გასარჩევი მჯდომარე ცხოვე-ლის რელიეფური გამოსახულებაა. კარგად ჩანს ზუსტად შემოწერილი გავა, მოკეცილი ფეხები. რელიეფი აქაც ძალზე დაბალია. ცხოველის გამოსახუ-ლება ბრტყელ სილუეტად იკითხება გლუვ ფონზე. შეიმჩნევა უკან მობრუნე-ბული კისრისა და განტოტვილი რქების ნახატი. ირმის მჯდომარე გამოსახულე-ბა კარგად არის ჩაწერილი ჩარჩოში, მაქსიმალურად ავსებს მისთვის განკუთ-ვნილ არეს. განსაკუთრებული აღნიშვნის ღირსია ცხოველის გავაზე გამოსახუ-ლი დეკორატიული ვარდული. ამგვარი სიმბოლოებით წმინდა ცხოველთა გა-მოსახულებების აღნიშვნა საქართველოში უძველესი ხანიდან არის ცნობილი. სხვა რომ არა იყოს რა, საკმარისია გავიხსენოთ წინაქრისტიანული ხანის ქართული ბრინჯაოს ბალთების არაერთი ნიმუში, სადაც ამგვარი ასტრალური სიმბოლო და ნიშანი საცნაურს ხდიდა გამოსახულების საკულტო ხასიათს. ამ-

გვარი ვარდულებიანი მედალიონების ტრადიცია დადასტურებულია ქართულ ხალხურ საკულტო ძეგლებში. ირმინი კომპოზიციის ზედა ჩარჩოსთან ჩანს პატარ-პატარა თაღების მწკრივი. ასეთივე მინიატურული რელიეფური თაღების მწკრივი შეიძლება გავარჩიოთ ამ წახნაგის მეორე (ქვედა) კომპოზიციის ზედა ნაწილში. (კვალი ირმის რქებისა, რომელიც გამოსახული იყო ქვედა რეგისტრში). ამ კომპოზიციის რელიეფური სახეები საესეებით განადგურებულია.

სტელის მარცხენა წახნაგზე ჩარჩოში ჩასმულ არეზე იშლება მცენარეული ორნამენტის ზოლი: ურთიერთგადაშვეთი რკალების მწკრივი, რომელთა წვერი დასრულებულია ლოტოსისმაგვარი სტილიზებული ყვავილებით. დარჩენილია ამ ორნამენტული ზოლის სამი ელემენტი. ეს ორნამენტული მოტივი, რომელიც ორგანულად აღიქმება ადრეული ხანის ქართული არქიტექტურული დეკორის საერთო ევოლუციაში, გვხვდება ადრექრისტიანული სტელების შემკულობაშიც. აღსანიშნავია, რომ რელიეფის შესრულების ოსტატობით, დახვეწილი ნახატით ეს ორნამენტული წახნაგი გამოირჩევა ფიგურული რელიეფების ტლანჭი, უხეში შესრულებისაგან.

თავი რომ მოვეუყაროთ ყოველივე ზემოთქმულს და გამოვყოთ ნაღვარევის სტელის დამახასიათებელი ნიშანთვისებები, ეს თავისებურებები ამგვარად ჩამოყალიბდება: სტელის ფორმის თავისებურება მდგომარეობს ქვის მონოლითში კუბური სვეტისთავის გამოკვეთაში, მის მკაფიოდ გამოყოფაში საკუთრივ სვეტისაგან. სვეტის წახნაგების დანაწევრება გლუვი რელიეფური ჩარჩოებით, რითაც იქმნება სტელის მთლიანი სახის მხატვრული ერთიანობა, სტელის კუთხის სვეტების საკმაოდ უხეში გამოყოფა. რელიეფური დეკორის შექმნისას ამ სტელის ოსტატიც, სხვა ქართველ ოსტატთა მსგავსად, აზროვნებდა არა ცალკეული კომპოზიციებით. აბამედ ყველა წახნაგის ერთ მხატვრულ მთლიანობაში წარმოდგენით. ამის ნათელი მაგალითია კაპიტელის სამი წახნაგის გაერთიანება ერთ მთლიან რელიეფურ კომპოზიციად. ყოველგვარ გამყოფი ელემენტების გარეშე, რელიეფური კომპოზიციების მთავარი მხატვრული ტენდენციაა ფიგურათა სიბრტყობრივ-დეკორატიული გადაწყვეტა. მოცულობითი ფორმების გაშლა სიბრტყეზე და მათი ორნამენტული დამუშავება. პლასტიკური მოდელირება აქ შეცვლილია სიბრტყობრივ-გრაფიკული დამუშავებით. რაც შეეხება სტელის რელიეფური დეკორის იკონოგრაფიულ და შინაარსობრივ მხარეს, აქ ჩვენ ვხვდებით მთელ რიგ ისეთ მნიშვნელოვან თავისებურებებს, რომლებიც ამდიდრებენ ჩვენს ცოდნას ადრექრისტიანული ხანის ქართველ შემოქმედთა ხელოვნების შესახებ. ყოველ აღნიშნულ ნიშანთვისებას, ყოველ თავისებურებას მოეძებნება ლოგიკური ასხნა ქართულ ადრექრისტიანულ ძეგლთა საერთო ევოლუციაში და მათი ერთობლიობა განსაზღვრავს ძველი ქართული პლასტიკური ხელოვნების ამ მნიშვნელოვანი ძეგლის ადგილს ქართული ხელოვნების ისტორიაში.

პირველ ყოვლისა გასათვალისწინებელია ქვასვეტის ზედა ნაწილის — „კაპიტელის“ რელიეფური შემკულობის დეკორატიული პროგრამა. პირაით მხარეზე უკიდურესად დაზიანებული რელიეფური ზედაპირი არ გვაძლევს კატეგორიული მტკიცების უფლებას, მაგრამ დარჩენილი ფრაგმენტებით უნდა ვივარაუდოთ ვერების კომპოზიციის არსებობა: ცენტრში ტახტზე მჯდომარე ქრისტეს ფიგურა. მისგან მარცხნივ — იოანე ნათლისმცემლის გამოსახულება, ჩამოტყეხილ მარჯვენა მხარეს (ქრისტესგან მარჯვნივ) ღმრთისმშობლის გამოსახულება უნდა ყოფილიყო.

ზემოთ უკვე აღინიშნა, რომ კაპიტელის გვერდით წახნაგებზე ჰორიზონტალურად გაშლილი ორი სიმეტრიული ფრთოსანი ფიგურა შეიძლება იქნეს მიჩნეული ყოფილიყო ამალღების ანგელოზებად. მაგრამ რელიეფურ ზედაპირზე დაკვირვებამ გამოავლინა კიდევ დამატებითი ფრთები: ორი — ვერტიკალურად გაშლილი ანგელოზის ფიგურის წინ და ორიც ზედა ნაწილში, ზედა ფრთის ზემოთ. ფრთების განლაგება, წახნაგის კვადრატულ არეზე მათი განშლა გამოირიცხავს ანგელოზთა სხვა ფიგურების არსებობას ამ არეებზე. ამგვარად, გვერდითი წახნაგების ანგელოზები უნდა მივიჩნიოთ ექვსფრთედების გამოსახულებად. თუმცა აქვე უნდა აღვნიშნოთ, რომ ძნელდება ანგელოზთა სხეულებთან ფრთების დაკავშირების სქემის ზუსტი რეკონსტრუქცია.

თუ სწორია ჩვენი ვარაუდი ცენტრალურ წახნაგზე ვედრების კომპოზიციის არსებობის შესახებ, გვერდით არეებზე სერაფიმების მოთავსება სავსებით გასაგები ხდება. ასეთ კონტექსტში უნდა გავითვალისწინოთ, რომ აღრქრისტიანული რწმენით (ფსევდოდოინისე არეოპაგალი, V—VI ს.ს. დასაწყისი) სერაფიმნი წარმოადგენდნენ, ქერუბინებთან ერთად, ანგელოზთა უმაღლეს რანგს, ყველაზე უფრო დაახლოებულს უფლის ტახტთან. მათი ფუნქცია იყო — უფლის საყდრის დაცვა. ისინი დარაჯებად ედგნენ უფლის ტახტს². ამავე დროს ისინი იყვნენ მგალობელნი ქრისტეს დიდებისა. ამგვარად, კაპიტელის სამი წახნაგის გამოსახულებები უნდა განვიხილოთ მთლიანობაში. როგორც რთული თეოლოგიური აზრის შემცველი კომპოზიცია, რომელშიც შერწყმულია მეორედ მოსვლის ღმერთის თეოფანიური ხილვის, მისი დიდებისა და ვედრების იდეები. ასეთ შემთხვევაში სერაფიმთა ჩართვა „უფლისა დიდებისა ხილვაში“ (ეზეკიელი, 2, 1) სრულიად გამართლებულია. რაც შეეხება „საყდარსა ზედა მჯდომარე“ უფლის (ესაია, 6, 1) წინაშე კაცობრიობის ხსნის მავედრებელი იოანე ნათლისმცემლისა და ღმრთისმშობლის (?) გამოსახვას ამგვარი ვააზრება უფლის დიდების თემისა დამახასიათებელია აღმოსავრულქრისტიანული ხელოვნებისათვის და აგრეთვე ქართული ხელოვნებისათვისაც³.

თუ უფრო ფართოდ განვიხილავთ ამ კომპოზიციას, მასთან უშუალოდ დაკავშირებული აღმოჩნდება სვეტის პირით მხარეზე განლაგებული მთავარანგელოზის გამოსახულება. მთავარანგელოზნი ქრისტეს დიდების სცენაში — საკურთხევის კომპოზიციებში — ქრისტეს ამაღლს წარმოადგენენ. ნაღვარვის სტელაზე მთავარანგელოზი მიქელია გამოსახული. ეს იყო მეომარი, რაინდი, განკითხვის დღეს სულთა გამცილებელი — წმ. ფსიქოპომპი. ამავე დროს იგი მორწმუნეთა მფარველი ანგელოზიც იყო. ჩვენ არ ვიცით, რა იყო გამოსახული სტელის ქვედა ნაწილებზე. მაგრამ ამის გათვალისწინების გარეშე, წმ. მიქელ მთავარანგელოზის არსებობა სტელის დეკორატიულ სქემაში დიდებების კომპოზიციის ქვემოთ გვიჩვენებს მის გარკვეულ მიმართებას ზედა რეგისტრის სიუჟეტთან. საგულისხმოა, რომ სერაფიმთა და მთავარანგელოზის

2 ესაია 6, 1—2 „...ვიხილე უფალი მჯდომარე საყდარსა ზედა მაღალსა და აღმატებულსა და სავსე იყო სახლი დიდებითა მისითა. და სერაფიმნი დგეს გარემოს მისსა...“.

3 იხ. კაპადოკიის ეკლესიების აღრული გუმბათების მხატვრობა (Arts de Cappadoce, Genève, 1971, გვ. 148) კაპადოკიისა და საქართველოს შუა საუკუნეების ეკლესიათა აბსიდის კონქების მოხატულობანი (Н. Аладашвили, Композиции алтарной конхи в церквях Сванети, Тб., 1963. აქვეა მოთითებული ლიტერატურა ამ საკითხის შესახებ).

განლაგებაში დაცულია ციური იერარქია. სერაფიმნი ამ იერარქიაში უმაღლეს ადგილზე იმყოფებიან. სტელაზეც მათ შესაბამისი ზედა რეგისტრი აქვითა მოთხრობილი.



სურ. 3

ვედრებისა და ქრისტეს დიდების თემა ადრექრისტიანულ სტელაზე მეტყველებს იმაზე, რომ ოსტატს კარგად ჰქონდა გააზრებული სტელის ფუნქცია, მისი დაცვითი, შემწეობითი მნიშვნელობა (ამაზე მიუთითებს სტელაზე შენარჩუნებული წარწერები — შეიწყალე... მეოხ ეყავ... შეუნდე.. და სხვა). ამგვარად, სტელის ზედა ნაწილში — კაპიტელზე ოსტატმა ასახა პირველ ქრისტიანეთათვის დიდმნიშვნელოვანი სიუჟეტი, რომელშიც ნაგულისხმევია მფარველობის, შეწყალების, შენდობის მიღება უფლისაგან.

ქართული სტელების რელიეფურ დეკორზე დაკვირვებამ ცხადყო, რომ ძველი ქართველი ოსტატები ამ მეტად თავისებურ საკულტო ძეგლების შექმნისას ხელმძღვანელობდნენ ქრისტიანულ ცენტრებში შემუშავებული ნიმუშებით, რომელთაც შემოქმედებითად ვარდაქმნიდნენ მხატვრული ამოცანის შე-




სურ. 4

საბამისად. ნღვარევის სტელის ოსტატიც, რა თქმა უნდა, ხარგებლობდა გარკვეული იკონოგრაფიული სქემით, რაზეც მიუთითებს მთავარი რელიეფური კომპოზიციის თავისებურებანი და ცალკეული დეტალები. როგორც უკვე არაერთგზის იყო აღნიშნული სპეციალურ ლიტერატურაში, სიუჟეტური კომპოზიციების საწყისთა ძიებას მივყავართ აღმოსავლურ-ქრისტიანულ ცენტრებში. წმიდა ადგილებში შემუშავებული სახარების სიუჟეტები დაედო საფუძვლად მთელ შემდგომ ქრისტიანულ ხელოვნებას. ქართული სტელების ხატოვანი სიტემის შესწავლამ მიგვიყვანა იმ დასკვნამდე, რომ მათ შემუშავებაში მნიშვნელოვანი წვლილი აქვს შეტანილი ადრეული ქრისტიანული ეკლესიების აბაიდების კომპოზიციებს (იხ. ხანდისის, მამულაანთ სოფლისა და სხვა სტელები)⁴.

⁴ К. Мачабели, Некоторые иконографические схемы раннехристианской пластики Грузии, Тб., 1983; К. Мачабели, Il sistema figurato delle stele giorgiane del primo Medioevo, 1986 (მოხსენდა ქართული ხელოვნების V საერთაშორისო სიმპოზიუმს, პავია, ხელნაწერი); კ. შაჩაბელი, ადრეფეოდალური ხანის ქართული პლასტიკის ძეგლი, „საბჭოთა ხელოვნება“, № 10, 1986, გვ. 46—61).

უფრო მეტიც, ცალკეულ ჩარჩოებში მოთავსებული რელიეფური ფიგურები თუ კომპოზიციები აშკარად დაკავშირებულია ადრეულ ფერწერულ ხატებთან: ამას გვკარნახობს სტელების დანიშნულებაც — ჯვრით დაგვირგვინებული ქვა-სვეტი. მთელი თავისი რელიეფური სამკაულით წარმოდგენდა თაყვანისცემის საგანს, მის წახანგებზე მოთავსებული წმინდა პერსონაჟები და ამგვამ წმიდა ისტორიისა ასრულებდნენ ხატების ფუნქციას, რადგან მათში, მსგავსად ხატებისა, აისახებოდა ქრისტიანული მოძღვრება მთელი მისი სირთულითა და მრავალფეროვნებით. დამოუკიდებელ ჩარჩოში ჩასმული სიუჟეტი თუ ცალკე პერსონაჟი აღიქმებოდა დამოუკიდებელ ხატად, რომელსაც ჰქონდა თავისთავადი მხატვრულ-იდეური მნიშვნელობაც და ამავე დროს იგი ჩართული იყო სტელის საერთო მხატვრულ-დეკორატიულ სისტემაში.



ნალვარევის სტელა. სქემა

ნალვარევის სტელის შედარებით უკეთ შენახული რელიეფია გლუვ ლილვისებრ ჩარჩოში ჩასმული მთავარანგელოზის გამოსახულება. მიქელ მთავარანგელოზის ფიგურა მთლიანად ავსებს სასურათო არეს; მხოლოდ თავთან დარჩენილი არეა გამოყენებული დაქარაგმებული წარწერისათვის. დაზიანებულ რელიეფზე შესაძლებელია გავარჩიოთ საკმაოდ დიდი, არაპროპორციული (ტანთან შედარებით) თავი, დიდი, სქემატურად გადმოცემული თვალები, ბრტყელი პირობითი რელიეფური ზოლით მინიშნებული თმა, ასევე პირობითად გამოსახული შარავანდელი. თუ ამას დავუმატებთ გამოსახულების ხაზგასმულ, მკაფიოდ გამოხატულ ფრონტალურობას, ფორმების სიბრტყეობრიობას, ამ ქვის „ხატის“ თვისებური ანალოგიებს მივაკვლევთ ადრეულ კოპტურ ხელოვნებაში. VI—VII საუკუნეების კოპტური ფერწერული ხატების ჯგუფში ჩანს იგივე სტილური ნიშნები, რომლებიც ახასიათებს ნალვარევის სტელის მთავარანგელოზის სახეს (წმიდანის პორტრეტი, კაიროს მუზეუმი; ქრისტესა და წმ. მენას ენკაუსტიკური ხატი, ლუვრი, წმ. მარკოზის ხატი, ნაციონალური ბიბლიოთეკა, პარიზი)⁵. განსაკუთრებით თვალსაჩინოა სტილისტური სიანლოვე

ნაღვარევის მთავარანგელოზის რელიეფური „ხატისა“ მთავარანგელოზისვე ფერწერულ კოპტურ ხატთან, რომელიც ინახება პარიზის ნაციონალურ ბიბლიოთეკაში⁶. VI საუკუნის ეს პატარა კოპტური ხატი (25×14 სმ.) ერთხელ კიდევ ამტკიცებს ადრექრისტიანული სამყაროს ერთიანობას, იკონოგრაფიული ნიმუშების საყოველთაობას და დაკანონებულ ჩარჩოებში სხვადასხვა ქვეყნის ოსტატთა თავისებურ მიდგომას ერთი და იმავე სიუჟეტის მხატვრული გადაწყვეტისადმი.

ნაღვარევის სტელის კაპიტელის რელიეფური კომპოზიციის მხატვრულ მხარის კვლევა გართულებულია მისი ფრაგმენტულობისა და ძლიერი დაზიანების გამო. ამიტომ გარკვეული მხარეები ამ რელიეფური სახეებისა ბოლომდე არ არის ნათელი. პირით მხარეზე, წარმოდგენილი ვედრების (სავარაუდოდ) სცენის სამი ფიგურიდან გარკვევით მხოლოდ მარჯვენა პერსონაჟზე შეიძლება მსჯელობა. ფონიდან ოდნავ ამოწეული რელიეფით შესრულებული ფიგურა სრულიად დამორჩილებულია სიბრტყეს. სქემატურად მოხაზული სილუეტი დეკორატიულად გააზრებული სამოსლის ნაკეცების პარალელური გრაფიკული ხაზებით არის შევსებული. განირჩევა მხოლოდ ფიგურის (იოანე?) ზოგადი მონახაზი, თავის მოცულობა სქემატურად გადმოცემული დიდი თვალით. თვალის გადმოცემა ანალოგიურია მთავარანგელოზის თვალის დამუშავებისა.

ცენტრალური ფიგურა (ქრისტე) უფლებას ვეძლევა ვივარაუდოთ მისი მკდომარე ფრონტალური პოზა. განირჩევა ფართო ნაკეცთა მოხაზულობა ფიგურის ქვედა ნაწილში (მუხლები, ფეხები) და ფარფლისებური ორნამენტული ზედაპირი ზედა სამოსლისა. ამგვარი დეკორატიულად დამუშავებული სამოსელი გვხვდება ძველ ქართულ რელიეფებზე (საცხენისის სტელა, რელიეფური ფილა ზედაზნოდან)⁷.

ბოლომდე გაურკვეველი რჩება ანგელოზთა ფრთების განაწილება. სტელაზე ექვსფრთედები მთლიანად ავსებენ კვადრატული წახანჯის არეს. ამასთან, ორი ფრთის მიმართულება შეესაბამება მფრინავი ანგელოზების გადმოცემისას ძველ ქართველ ოსტატთა მიერ გამოყენებულ სქემებს⁸. მაგრამ სტელაზე ფრთების რიცხვი უდრის ექვსს, ე. ი. აქ გამოსახულია არა ჩვეულებრივი ანგელოზები, ამაღლების სცენის მონაწილენი, არამედ სერაფიმები. როგორ ახერხებს სტელის ოსტატი ამ ფრთოსანი არსებების გამოსახვას, რა ნიმუშებით ხელმძღვანელობდა იგი? როგორ გამოსახა ესაიას წინასწარმეტყველებაში ასე კარგად გადმოცემული ხილვა უფლისა: „... და სერაფიმი დგეს გარემოსისსა, ექუსნი ფრთენი ერთსა და ექუსნი ფრთენი ერთსა ორითა უკუე დაიბურვიდეს პირსა, ხოლო ორითა დაიბურვიდეს ფერხთა და ორითა ფრინვიდეს“.

ორი ფრთა, რომლითაც სერაფიმი „ფრინვიდეს“, გარკვევით იკითხება რელიეფზე, მეორე წყვილი გაშლილია ვერტიკალურად (ერთი ზეაღმართული, მეორე დაბლა დაშვებული) ანგელოზის წინ, ცენტრალური კომპოზიციის მო-

⁵ Age of Spirituality, New York, 1979, № 496, 497.

⁶ იქვე, № 483, გვ. 538—539.

⁷ А. Вольская, Рельефная плита из Зедазенского монастыря, Ars Georica, 8, Тб., 1979, табл. 47,1.

⁸ ამგვარი მფრინავი ანგელოზები, როგორც წესი, გამოსახულია ამაღლების კომპოზიციაში. ამ თემის შესახებ ქართულ ხელოვნებაში იხ. Г. Н. Чубинашвили, Памятники типа Джвари, Тб., 1948; Н. Г. Чубинашвили, Хандиси, Тб., 1972; Н. А. Аладашвили, Монументальная скульптура Грузии, М., 1977.

მიჯნავე წიბოს გასწვრივ. მესამე წყვილი ფრთებისა მარჯვენა სერაფიმთან გამოსახულია მის ზემოთ ვერტიკალურად აღმართული და შეწყვილებული. მარცხენა წახნაგი უფრო ძლიერად არის დაზიანებული, მაგრამ მაინც შეიმჩნევა, რომ ფრთები განსხვავებულად იყო განთავსებული სიბრტყეზე. მარჯვენა სერაფიმის ფრთების უჩვეულო განლაგების ასახსნელად მივმართეთ ადრეული შუა საუკუნეების ძეგლებს სერაფიმთა გამოსახულებით. ქართულ ხელოვნებაში სერაფიმთა გამოსახვა ადრეულ ხანაში საკმაოდ იშვიათია; უძველესია ექვსფრთედის გამოსახულება წებელდის კანკელის ფილაზე და ვერცხლის სამწერობელზე სვანეთიდან⁹. ადრექრისტიანულ ხანაში ექვსფრთედთა გამოსახულებას ვხვდებით ლიტურგიკულ სამწერობლებზე, რომელთა ფუნქცია ანალოგიური იყო სერაფიმთა დაცვითი ფუნქციისა¹⁰. ფრონტალურად გამოსახულ ექვსფრთედებს ზუსტი სქემით აქვთ განაწილებული ფრთები, ზუსტად ისე, როგორც ეს ესაიას წინასწარმეტყველებაშია გადმოცემული: ორი ფრთა სიმეტრიულად გაშლილი ფონზე, ორი შეწყვილებულად აწეული თავს ზემოთ, ორი გადაჯვარდინებული სხეულზე, მიმართული ქვემოთ.

ნაღვარევის სტელას სერაფიმების ფრთები თითქოს სხვადასხვა ნიმუშებიდან აღებული სქემით არის განლაგებული: ორი — ამოღების მფრინავი ანგელოზებიდან, ორი (შეწყვილებული) ექვსფრთედებისა და ქერუბინთა ზეაღმართული ფრთებიდან, ორი ვერტიკალურად გაშლილი ფრთა კი მართალია ვერ პოვებს ანალოგებს ძველი ქრისტიანული ხელოვნების ძეგლებში, მაგრამ იწვევს შორეულ ასოციაციებს ძველბაიბლიონური და ასურული ფრთოსანი ღვთაებების ფრთების განაწილებასთან. ეს ძალზე დაშორებული — პარალელი ამოტივტივდა იმასთან დაკავშირებით, რომ დღეს მრავალფრთედების იკონოგრაფიულ წინაპრებად აღიარებულია სწორედ ძველამოსავლური ფანტასტიკური ფრთოსანი არსებები. სავარაუდოა, რომ ქრისტიანულ იკონოგრაფიის ჩამოყალიბების საწყის ეტაპზე ქართველი ოსტატები საკმაოდ თავისუფლად ექცეოდნენ ნიმუშებს, შესაძლოა, შეჰქონდათ ქრისტიანულ სიუჟეტებში საკუთარი შემოქმედებითი წვლილი, მონაწილეობდნენ ქრისტიანული იკონოგრაფიის შექმნის პროცესში.

ფიგურული გამოსახულებების პლასტიკური დამუშავების ხარისხი (მთავარანგელოზი, სერაფიმი, იოანე ნათლისმცემელი), ზედაპირის სიბრტყობრივ დეკორატიული გადაწყვეტა, რელიეფის კვეთის თავისებურება გვიჩვენებს პლასტიკური ხელოვნების იმ ეტაპს როდესაც იქმნებოდა ქვემო ბოლნისის, ეძანის სიონის, სოფ. თეთრი-წყაროს ეკლესიების, ბოლნისის ზოგიერთი

⁹ წებელდის რელიეფის შესახებ დიდი ლიტერატურა არსებობს, რომლის მთლიანად მოტანა აქ არ მიგვაჩნია გამართლებულად. აღვნიშნავთ მხოლოდ, რომ მან არაერთხელ მიიპყრო მკვლევართა ყურადღება (მ. უეაროვა, დ. აინალოვი, გ. ჩუბინაშვილი, შ. აშირანაშვილი, რ. შუმერლინგი, ნ. ჩუბინაშვილი, ლ. შერვაშიძე, ნ. აღადაშვილი, ნ. ხრუშკოვა) და დღესაც არ არის მიღწეული სრული თანხმობა ამ რელიეფთა თარიღის შესახებ, ისინი ზოგადად თარიღდება VI—VIII საუკუნეებით IX ს-ის მიჯნამდე. მესტიის სამწერობელი IX ს-ის დასასრულითა დათარიღებული: Г. Н. Чубинашвили, Грузинское чеканное искусство, Тб., 1959, გვ. 51—53, ტაბ. 25.

¹⁰ უძველესი სამწერობლებია აღმოჩენილი რიპსას და სტუმას საგანძურებში (სირია. VII ს.) მათზე განთავსული სერაფიმები და ქერუბინები უძველესია ჩვენთვის ცნობილ ძეგლთა შორის.

რელიეფი¹¹. დაახლოებით VI საუკუნის შუა ხანებში შექმნილ ამ რელიეფებთან ნაღვარევის სტელას აკავშირებს ფიგურათა პრიმიტიულობა და სიბრტყობრიობა, ხაზგასმული პირობითობა. ფორმის პლასტიკური გადმოცემა აქ შეცვლილია ზედაპირის ხაზოვანი დამუშავებით. ამასთანავე ხაზების მიმართულება, მათი ხასიათი მხოლოდ მიანიშნებს საგანს თუ ნაკვეთს და სრულიად არ ითვალისწინებს მოცულობით ფორმას. შეიძლება უამრავი დამთხვევა აღმოვაჩინოთ ზემოთხამოთვლილ რელიეფთა ცალკეულ ნაწილთა დამუშავების ხასიათსა და ნაღვარევის სტელის ოსტატის მხატვრულ ხერხებს შორის. ეს განსაკუთრებით თვალსაჩინოა, თუ შევადარებთ ანგელოზების გამოსახულებებს, მათი ფრთების დამუშავებას. ოლონდ ნაღვარევის სტელის ოსტატი ფრთების დამუშავებისას იყენებს თავისებურ გრაფიკულ აქცენტებს, მოტივს გრაფიკული წრეხაზებისა, რომელთაც ცენტრი ნაჩვენებთ აქვთ აღნიშნული. ასეთი გრაფიკული აქცენტები ჩანს მთავარანგელოზის მხრებს ზემოთ ფრთებზე (სამეტროულად ორივე მხარეს), სერაფიმების ფრთების გარკვეული ადგილების ხაზგასასმელად.

ნაღვარევის სტელის მხატვრული სახის წარმოსაჩენად სრულიად აუცილებლად უნდა გავითვალისწინოთ დანარჩენ წახნაგებზე მოთავსებული გამოსახულებების ხასიათი. მარჯვენა წახნაგზე, მთავარანგელოზის მომიჯნავე წახნაგზე, როგორც აღვნიშნეთ, მოთავსებულია სწორკუთხა არეში ოსტატურად ჩაწერილი ირმის გამოსახულება. ცხოველის ზუსტად დაჭერილი პოზა, მოქნილი ელასტიური ხაზით შემოწერილი სილუეტი კისრისა და თავის დახვეწილი ნახატი გამოცდილ ხელსა და კარგ მხატვრულ ალლოს ავლენს. კვადრატთან მიახლოებული კომპოზიციის ჩარჩო სრულიად სადაა, ცხოველის ბრტყელი სილუეტი მკაფიოდ იკითხება გლუვ ფონზე; ირმის გავაზე დიდი ვარდულიანი მედალიონია ამოკვეთილი.

ასეთივე ხასიათისაა კაპიტელის ზურგის მხარეზე გამოკვეთილი ხარის ბრტყელი გამოსახულება. წინა პირის კომპოზიციების მსგავსად ისიც უჩარჩოდ, თავისუფალ სიბრტყეზეა მოთავსებული, ოლონდ მათგან განსხვავებით მოცემულია აპლიკაციისებურად, დიდი გლუვი ზედაპირი, ყოველგვარი დამუშავების გარეშე, ფონიდან ოდნავ ამოზიდული ბრტყელი სილუეტის სახით. ეს ნაწილიც დაზიანებულია და დარჩენილი ნაწილი საშუალებას გვაძლევს ამ გამოსახულებაშიც დავინახოთ ცოცხალ ნატურაზე დაკვირვება, ცხოველის ხასიათით ნაკვეთების ოსტატური გადმოცემა.

ცხოველთა ეს ორი გამოსახულება მკვეთრად განსხვავდება პირობითი და სქემატური სიუჟეტური კომპოზიციებისაგან თავისი სიცოცხლით, ფორმის ზუსტი გრძნობით, კომპოზიციური ვადაწყვეტის დასრულებულობით, მხატვრული მთლიანობით. განსაკუთრებულია ამ მხრივ ირმის რელიეფური სახე, რომელიც გარკვეული თვალსაზრისით შეიძლება მივიჩნიოთ ძველი ქართული ხელოვნების იშვიათი ძეგლების — ბრინჯაოს ბალეტების შთამომავლად. კომპოზიციური ალლო, ცხოველის სპეციფიკური ფორმების ორიგინალური ტრან-

¹¹ ქვემო ბოლნისისა და ეძანის სიონის რელიეფების დახასიათება იხ. Н. Г. Чубинашвили, Р. Шмерлинг, Храм в древнем селении Триалети—Тетри Цкаро, Ars Georgica, Тб., გვ. 64. სტელა ბოლნისიდან ტახტზე მჯდომარე ღმრთისმშობლის რელიეფური გამოსახულებით: Н. Г. Чубинашвили, დასახ. ნაშრომი, ტბ. 45.

ფორმაცია, უძველეს ასტრალურ კულტებთან დაკავშირებული სიმბოლიკური აქცენტები ცხოველის სხეულზე, თაღედის ორნამენტული მოჩარჩოება — ყველაფერი ეს ნაღვარევის სტელის ცხოველური მოტივების უძველეს ეროვნულ ძირებს ავლენს.

ნაღვარევის სტელის ირმის გამოსახულებასთან არ შეიძლება არ მოვიხსენიოთ იშვიათი ოსტატობით შესრულებული რელიეფი ჭიხვის გამოსახულებით თრიალეთის თეთრი წყაროს ეკლესიის კაპიტელზე (VI ს. დასასრული). მსგავსება ამ ორ რელიეფს შორის იმდენად დიდია, რომ უნდა ვივარაუდოთ ამ ორი რელიეფისათვის ერთი საერთო ნიმუში, საერთო სქემა კეთილშობილ რქოსანთა გამოსახვისა, რომელიც უძველეს ადგილობრივ ტრადიციაზეა დაფუძნებული. იმ ტრადიციაზე, რომელიც ჩვენამდე მოვიდა ბრინჯაოს ბალთების პლასტიკური კომპოზიციების სახით¹².

ირემი, როგორც მორწმუნე სულის სიმბოლო, სწორად გვგვძედა ადგილობრივი ქრისტიანული ხელოვნების ძეგლებში. საქართველოშიც, რელიეფურ დეკორატივში ირმის გამოსახვას გარკვეული ტრადიცია აქვს. რამდენიმე მაგალითი შეიძლება მოვიყვანოთ ქვემო ქართლის მასალებიდან (კაპიტელი დამბლუტისწყლის ხეობის მცირე ეკლესიაში ირმისა თუ ვერძის გამოსახულებით, წითელი საყდრის კედელში ჩაშენებული სტელის ფრაგმენტი ცხოველთა რელიეფური სახეებით — VI ს.)¹³. ამათგან ერთზე (კაპიტელი დამბლუტისწყლის ხეობის მცირე ეკლესიაში), ჩვენი სტელის მსგავსად, ირმის სხეულზე, გავასა და მკერდზე ორნამენტული ვარდულებია მოთავსებული. ნაღვარევის ირმის რელიეფის წინა ნაწილი ძალზე დაზიანებულია, საფიქრებელია, რომ ასეთივე ორნამენტული ვარდული იქნებოდა მის მკერდზეც. ეს ნიმუში, დამბლუტისწყლის ეკლესიის კაპიტელის ირემთან ერთად, უშუალოდ არის დაკავშირებული პრინჯაოს ბალთებიდან მომდინარე ძველ ტრადიციასთან, რომელიც ცხოველთა გამოსახვის ადგილობრივ საფუძველზეა დამყარებული. ამავე ბალთების კომპოზიციებს უკავშირდება ირმის პროფილში გამოსახული სხეულისა და ფონზე ფრონტალურად გაშლილი დატოტვილი რქების სიმეტრიული განლაგების კომპოზიციური ხერხი.

თუმცა ხარის რელიეფისათვის გვიძნელდება ასეთივე შესატყვისი კომპოზიციების დასახელება, ამ ცხოველის თავყანისცემისა და მისი გამოსახვის ტრადიციის უძველესი წარმართული ძირები, მისი „გაქრისტიანებული“ გამოსახულების ჩართვა ადრეული ხანის ქართული არქიტექტურის პლასტიკური დეკორის სისტემაში (ბოლნისის სიონის სანათლავე, სვეტიცხოვლის კარიბჭე). გვიჩვენებს სტელის ოსტატის გარკვეულ პოზიციას დეკორის სქემის შემუშავებაში¹⁴.

ირმისა და ხარის გამოსახვის თავისებური პრინციპები გამოჩნდა ბოლნისის სიონის პლასტიკურ დეკორში (ირემი — სამხ. პორტიკის კაპიტელზე, ბაჰ-

¹² რ. შერლინგი თეთრი წყაროს ჭიხვის რელიეფის თავისებურებას, მის კომპოზიციურ გაზრბას ცხოველის გამოსახულებაში „ნაზოვანი რიტმის მკაფიოებას“, ხსნის ადრექრისტიანული ხანის საქართველოში ცხოველთა გამოსახულებანი მალაღმბატურული სასაწერო ვერცხლის ჭურჭლის დიდი გავრცელებით, რაც ოსტატს აძლევდა მიზანძვისათვის ღირსეულ ნამუშებს. **Н. Г. Чубинашвили, Р. Шерлинг**, დასახ. ნაშრომი, გვ. 64.

¹³ ვ. ჯაფარიძე, ადრეული შუა საუკუნეების არქეოლოგიური ძეგლები ქვემო ქართლიდან, თბ., 1982, ტაბ. XIX, XXXIII.

¹⁴ **Г. Н. Чубинашвили**, Памятники типа Джвари, Тб., 1948, სვ. 142.

ტიტერიუმის აბსიდის მიმდებარე კაპიტლებზე; ხარი — ბაპტიტერიუმის კაპიტლებზე). აქ გვაქვს შემთხვევა, როდესაც უძველესი, ხალხურ ყოფაში დამკვიდრებული ცხოველური მოტივები, დაკავშირებული წარმართული ხანის წარმოდგენებთან და მითოლოგიასთან, გამოყენებულია ქრისტიანული კულტის საჭიროებისათვის ახალი სიმბოლური არსითა და ახალი მხატვრულ-იდუქური ფუნქციით. ბოლნისის სიონის პლასტიკურ დეკორში გამოყენებული ცხოველთა სახეები, როგორც ჩანს ფართოდ იყო გავრცელებული ადრეული ხანის საკულტო ძეგლებში, მათ შორის ქვასვეტების რელიეფურ სამკაულში.

ქრისტიანულ საკულტო ძეგლების დეკორში ცხოველთა გამოსახვის ასახვას ნელა უნდა გავიხსენოთ ავად. გ. ჩუბინაშვილისეული მოსაზრება, გამოთქმული მცხეთის ჭარის ტაძრის რელიეფურ დეკორში ცხოველთა გამოსახულებების ჩართვის ასახვად. მკვლევარი ხედავს ამ რელიეფებში „მაგიური ზემოქმედების რწმენის“ უძველესი ზოგადი ტრადიციის ზეგავლენას ამასთანავე არის დაკავშირებული ეკლესიათა დღეობების დროს ხარებისა და წვრილფეხა რქოსანი საქონლის მსხვერპლად შეწირვის ტრადიციის არსებობა. ამ ტრადიციის თავისებური ასახვა ცხოველთა გამოსახულებები ქრისტიანულ ძეგლებზე. სტელეზე გამოსახული ცხოველებიც წარმოადგენენ ხალხის ამ უძველეს რელიგიურ განცდათა ანარეკლს მხატვრულ სახეებში“ (გ. ჩუბინაშვილი). სტელის ფუნქცია — მათი შემკვეთებისა და შემწირელებისათვის დაცვის, მფარველობის, შეწვევის აღმოჩენა — სავსებით გასაგებს ხდის ცხოველთა გამოსახულებათა ჩართვას დეკორატიული სამკაულის საერთო მხატვრულ-იდუქურ ქარაში.

ნაღარევის სტელის პლასტიკურ დეკორში შეინიშნება აშკარა განსხვავება ქრისტოლოგიურ კომპოზიციების გადმოცემასა და ცხოველთა გამოსახულებების სტილს შორის. ერთი შეხედვით სტელის გამოსახულებებს ახასიათებს საერთო მიდგომა — გარკვეული პრიმიტიულობა, ფორმის გამარტივებულობა, სქემატიზმი. მაგრამ თუ დაუყვირდებით, ცხადი ხდება, რომ ოსტატი ამ საერთო მხატვრული პოზიციის ჩარჩოებში გაცილებით უფრო თავისუფალია ცხოველთა გამოსახვაში, ვიდრე სიუჟეტების გადმოცემაში. ეს სავსებით კანონზომიერია, რადგან ქრისტიანული სიუჟეტების შექმნის ადრეულ ეტაპზე ოსტატი ახლად ეუფლებოდა ქრისტიანული რელიგიის შემოთავაზებულ თემატიკას, ითვისებდა წმიდა ისტორიის პერსონაჟებისა და მოვლენების გამოსახვის უჩვეულო ხერხებს საკუთარი მხატვრული გამოცდილების გამოყენებით. ცხოველთა გადმოცემაში კი მას ჰქონდა მრავალსაუკუნოვანი ადგილობრივი ტრადიციები. მკაფიოდ გამომუშავებული ზოომორფული სახეების მთელი სისტემა. ამას უნდა დაემატოს ადრეფეოდალური ხანის საქართველოში სასახურ ირანის ზოომორფულ სახეთა დიდი პოპულარობა, ცხოველთა სახეებით შემკულ სასახურ ნივთთა დიდი რაოდენობა, რაც თავის კვალს ტოვებდა ქართული ხელოვნების ძეგლთა ხასიათსა და მათ თემატიკაზე¹⁵. ასეთ ვითარებაში სავსებით გასაგებია ფიგურულ გამოსახულებათა ერთგვარი მხატვრული გაუმართაობა (სერაფიმები.), რადგან საქმე ეხება ძველი ხელოვნების განვითარე-

15 ქრისტიანულ ძეგლებში ცხოველთა გამოსახულებების გამოყენებას შეეხო გ. ჩუბინაშვილი „ქართული ხელოვნების ისტორიის“ პირველ ტომში. მან ხაზი გაუსვა ამ თემატიკის უძველეს საწყისებს და სასახურ ხელოვნების მნიშვნელობას VI—VII საუკუნეთა საქართველოში (გვ. 44—45).

ბის იმ ეტაპს (V—VI სს.), როდესაც მიმდინარეობდა ქრისტიანული იკონოგრაფიის ჩამოყალიბება და ბევრი რამ ჯერ კიდევ ბოლომდე დაუდგენელი და ვაურკვეველი იყო.

ნაღვარევის სტელის სწორად განსაზღვრისათვის დიდმნიშვნელოვანი მომენტია ორნამენტული მოტივის მხატვრული გადაწყვეტა. მარცხენა გვერდითი წახნაგი შემკულია მცენარეული ორნამენტის ზოლით, რომელიც საღარელიეფურ ჩარჩოშია მოთავსებული. ეს ორნამენტული მოტივი საკმაოდ კავრცელებული ჩანს გარკვეული პერიოდის ქართულ ძეგლებში. ლ. მუსხელიშვილი ასეთ ორნამენტს უწოდებს „პალმეტებიან ორმაგ მშვილდას“¹⁶. ამგვარი ორნამენტი გვხვდება ქვემო ქართლის ძეგლებზე VI საუკუნის მანძილზე (ორსაყდრების ქვემო ეკლესიის ჩრდ. კედელში ჩასმული ქვა¹⁷, დამბლუტისწყლის მცირე ეკლესიაში სტელის წახნაგი, სოფ. ბალიქის ეკლესიაში — სტელის ფრაგმენტი¹⁸, ქვასვეტის ფრაგმენტი ბოლნისიდან¹⁹). იგივე ორნამენტია გამოყენებული მცხეთის ჯვრის სამხრეთის პორტიკის თაღზე²⁰, ზოგიერთ არქიტექტურულ ძეგლზე (აკვანება, VI ს. შუა წლებში²¹) და ქვასვეტებზე (დმანისის ქვასვეტი, საქართველოს ხელოვნების სახელმწიფო მუზეუმი), ვხვდებით ამ ორნამენტული მოტივის ვარიაციებს, მის გაორმაგებას. განსხვავებულია ამ „მშვილდა“ ორნამენტის პალმეტის ხასიათიც. ნაღვარევის სტელის ორნამენტში გამოყენებულია ლამაზი ფორმის შროშანის ყვავილი, რომლის ზედაპირის დამუშავების გარჩევა ვერ ხერხდება დაზიანების გამო. შროშანის ამგვარი დახვეწილი ფორმა შემონახულია ქვემო ბოლნისის სვეტის ბაზაზე (VI ს.) და დმანისის ერთ-ერთ სტელაზე მამაკაცის გამოსახულებით (VI ს.)²².

ნაღვარევის სტელის რელიეფური დეკორის იკონოგრაფიული პროგრამისა და პლასტიკურ გამოსახულებათა სტილის მხატვრულმა ანალიზმა გვიჩვენა მისი მჭიდრო კავშირი VI საუკუნის ქართული ხელოვნების ძეგლებთან. ამ ეპოქის ქართულ სტელათა კვლევამ არაერთხელ გამოავლინა ქართველ ოსტატთა ორიგინალური მხატვრული აზროვნების თავისებურებანი, გვიჩვენა, თუ რა დამოუკიდებლად, შემოქმედებითად წყვეტდნენ ისინი მათ წინაშე მდგომართულ მხატვრულ-თეოლოგიურ ამოცანებს. ამ თვალსაზრისით ნაღვარევის სტელის პლასტიკური დეკორი ძალზე მნიშვნელოვან ძეგლად უნდა მივიჩნიოთ, რადგან მან შეიძლება გარკვეულად შეავსოს ის ხარვეზი, რომელიც არსებობს ადრექრისტიანული ხანის სახვითი ხელოვნების სფეროში არა მხოლოდ საქართველოში, არამედ საერთოდ. ქვასვეტის ზედაპირის ძლიერი დაზიანება არ გვაძლევს კატეგორიული დასკვნების გაკეთების უფლებას. მაგრამ ზემოთმო-

¹⁶ ლ. მუსხელიშვილი, არქეოლოგიური ექსკურსიები მამაკაცის ხეობაში, თბ., 1941, 1941, გვ. 28.

¹⁷ იქვე, ტაბ. VI₁₀.

¹⁸ ვ. ჯაფარიძე, დასახ. ნაშრომი ტაბ. XXIV₂, XXV₄.

¹⁹ Г. Н. Чубинашвили, Болниси, ნახ. 56, გვ. 90.

²⁰ Н. Г. Чубинашвили, Хандиси, ტაბ. 43,1 (უახლოეს პარალელად ამ ორნამენტის სტილისა და ქრონოლოგიისათვის გ. ჩუბინაშვილს მოჰყავს ტავი-ბოსტანის ორნამენტული ფრინე ხოსრო II-ის ცხენოსანი ფიგურის თავზე).

²¹ Г. Н. Чубинашвили, Памятники типа Джвари, Тб., 1948, ტაბ. 28.

²² იქვე, ტაბ. 43₂, ტაბ. 30.

ყვანილი მხატვრულ-იკონოგრაფიული ანალიზი, ვიმედოვნებ, გვაძლევს გარკვეული ვარაუდის შესაძლებლობას. საფუძველს მოკლებული არ უნდა იყოს მოსაზრება ქვასვეტის კაპიტელზე ქრისტეს თეოფანურ ზილვასთან დაკავშირებული ვედრების თემის გამოსახვის შესახებ. ამგვარად, ჩვენს ხელთ არის ვედრების სიუჟეტის ერთ-ერთი უძველესი ნიმუში არა მარტო ქართულ, არამედ მსოფლიო ხელოვნებაში. თუ გავიხსენებთ, რომ შუა საუკუნეების ხელოვნებაში გავრცელებულ ვედრების თემის ყველაზე ძველ ნიმუშად აღიარებულია სინას მთის წმ. ეკატერინეს მონასტრის აბსიდის მოზაიკა იუსტინიანეს ხანისა (548—575), VI საუკუნის ქართულ ქვასვეტზე ამ კომპოზიციის არსებობა უკვე თავისთავად დიდმნიშვნელოვან ფაქტად უნდა მივიჩნიოთ. ამას უნდა დაემატოს სერაფიმთა გამოსახულებებიც, რომელთა უძველესი ნიმუში გვაქვს საქართველოში IX საუკუნის სამწერობელზე, ხოლო ბიზანტიურ სამყაროში VI—VII საუკუნის სირიულ სამწერობლებზე. შესაძლოა, ქვასვეტის რელიეფები გვიჩვენებს ექვსფრთედთა იკონოგრაფიის ჩამოყალიბების საწყის ეტაპს, რომელსაც მოჰყვება განვითარების ორგანული პროცესი, რომლის შედეგს ვხედავთ მესტიის ვერცხლის სამწერლობლის უკვე მკაფიოდ გარკვეულ სქემაში და შემდეგ მის თავისებურ გადამუშავებას X საუკუნეში უდეს სტელაზე.

ნაღვარევის სტელა, სხვა ქართულ სტელებთან ერთად, მნიშვნელოვნად ავსებს ჩვენს ცოდნას აღრეჰრისტიანული ეპოქის ქართული ხელოვნების შესახებ და გვარწმუნებს იმაში, თუ რა როლი და საინტერესო იყო ის ეტაპი შუა საუკუნეების ხელოვნების განვითარებაში, რომელიც „ბნელი“ ეპოქის სახელით იყო ცნობილი და რომლის ზოგიერთი მხარე მცირედ მაინც ნათდება ძველ ქართველ ოსტატთა ნიჭიერებით შექმნილი უნიკალური ძეგლების — ქვაჯვრებისა და ქვასვეტების წყალობით.

К. Г. МАЧАБЕЛИ

ФРАГМЕНТ СТЕЛЫ ИЗ СЕЛ. НАГВАРЕВИ

Резюме

В историческом Музее Самцхе — Джавахети хранится фрагмент стелы, украшенный рельефным декором (высота 0,62 м., сторона верхнего квадрата 0,3 м., нижнего — 0,26 м.), обнаруженный в сел. Нагвареви (Адыгенский р-н). Это — верхняя часть четырехгранного столбика под каменный крест, завершенная вырезанной в каменном монолите капителью. Поверхность стелы покрыта рельефными композициями, плохая сохранность которых осложняет восстановление цельной программы рельефного декора.

На фасадной стороне капители — трехфигурная композиция; в более крупной центральной фигуре следует предположить Христа на троне, слева от него фигура в длинном одеянии (Иоанн?), правая фигура не сохранилась. На боковых гранях капители расположены изображения шестокрыльцев.

На главной грани каменного столбика помещено изображение архангела с древнегрузинской надписью «асомтаврული» — св. Микаел.

На правой грани в особо выделенных рамках расположены фигуры оленей с ветвистыми рогами, с характерными для древних культовых изображений животных астральными знаками — розетками — на туловище. Левая грань заполнена полосой стилизованного цветочного орнамента.

Если верно предположение о наличии на лицевой грани капители сцены Деисуса, то изображение на боковых гранях серафимов, тесно связанных с центральным изображением, становится понятным в контексте раннехристианских идеологических представлений. Рельефная композиция капители предстает как олицетворение сложной идеи, объединившей теофаническое видение Христа второго пришествия, его Славу и Деисус. Такое сочетание этих тем точно соответствовало функции стел, возводившихся древними христианами для получения божественного покровительства, благословения.

Характер пластической проработки изображений, плоскостно-декоративное решение рельефных композиций, характерные приемы резьбы связывают стелу из сел Нагвареви с архитектурным декором грузинских церквей середины VI века (Квемо Болнись Эдзанский Сион, Тетри Цкаро). На ту же эпоху указывает характер изображения животных на нагваревской стеле, своеобразие растительного орнамента, встречающегося на протяжении VI века на целом ряде архитектурных памятников исторической Квемо Картли.

Стела из сел. Нагвареви является значительным памятником раннехристианского искусства, показывающим оригинальное художественное мышление древнегрузинских мастеров, свидетельствующим об их вкладе в создание ранней христианской иконографии. Эта стела, с ее уникальным рельефным декором, важна не только для понимания раннехристианского грузинского искусства, но является явлением общей истории искусства раннего средневековья.

წარმოადგინა საქართველოს სსრ მეცნიერებათა აკადემიის აკადემიკოსმა
 ვ. ბერიძემ

ა. გაგუნია, ა. ვეპუა, ვ. ჯანელიძე, ე. შვახაძე,

კირველი ზედაპალეოლითური სადგომი ჯავახეთის ზეგანზე (ბავრას მღვიმე I)

ჯავახეთის ზეგანზე, ქ. ახალქალაქის ჩრდილოეთით სამიოდე კილომეტრის დაშორებით, სოფ. ბავრას მიდამოებში მდ. ფარავნის მარჯვენა ნაპირზე, დოლერიტული ლავეების ციცაბო კედელში რამდენიმე მცირე მოცულობის მღვიმეა გამომუშავებული. სადაზვერვო სამუშაოების ჩატარების დროს ერთ-ერთ მღვიმეში, სამხრეთ საქართველოს მთიანეთის არქეოლოგიურმა ექსპედიციამ 1980 წელს ქვის ხანის არქეოლოგიურ ნაშთებს მიაკვლია. მომდევნო წლებში ჩატარებული გათხრების შედეგად მოპოვებული არქეოლოგიური და პალეონტოლოგიური მასალის ანალიზის საფუძველზე გაირკვა, რომ ბავრას მღვიმეში დალექილი ნაფენები შეიცავენ მეზოლითელი და ზედაპალეოლითელი ადამიანების სამეურნეო მოღვაწეობის ნაშთებს. ნაღებების მთელი დასტია სიმძლავრე გაკეთებულ ჭრილში 2—2,10 მ-ია. მათი ზედაპირი ციცაბოდ ეშვება მდ. ახალქალაქისწყლის კალაპოტისაკენ (5—7⁰-ით).

ბავრას მღვიმის შესასწავლი მდინარის კალაპოტიდან 9 მ-ის სიმაღლეზეა მღვიმის სიმაღლე შესასვლელთან 4 მ-ია, სიგანე 8 მ, სიღრმე 6,5 მ. მღვიმე, როგორც აღვნიშნეთ, დოლერიტულ ლავეებშია გამომუშავებული, რომლის გეოლოგიური ასაკი ზედა პლიოცენის და ქვედა პლეისტოცენის ქრონოლოგიურ ჩარჩოებში თავსდება (სურ. 1) გათხრილ ფართობზე (16 მ²) გრძივმა ჭრილმა (ზემოდან ქვემოთ) ასეთი სურათი მოგვცა (ნახ. 2): 1. მუქი მოყავისფრო შეფერილობის ფხვიერი, კორდოვანი დელუვიური ნიადაგი, ბაზალტის ღორღის იშვიათი ჩანართით; სიმძლავრე 10—80 სმ; 2. მოყვითალო ფერის მკვრივი ქვიშანარევი თიხნარი ბაზალტის დაკუთხული ლოდების ჩანართებით, სიმძლავრე 20—35 სმ, 3. კოშტოვანი სტრუქტურის მონაცრისფრო თიხნარი ბაზალტის დაკუთხული ლოდების ჩანართებით, სიმძლავრე 10—20 სმ; 4. ლიყავისფერი, კოშტოვანი სტრუქტურის მქონე თიხნარები ბაზალტის ღორღის შემცველობით — სტერილური ფენა, სიმძლავრე 60—80 სმ; 5. მდინარეული წარმოშობის მონაცრისფრო ქვიშები, როჭვი და წვრილი კაჭარი, სიმძლავრე 10—30 სმ.

აღნიშნულ ჭრილში წარმოდგენილი ფენებიდან ზედაპალეოლითურ მასალას მესამე ფენა შეიცავს.

გათხრილ ფართობზე მოპოვებულია 3771 ერთეული ბაზალტისა და ობსიდიანის ნაწარმი (ურევია ორიოდე კაჟი და ერთი კვარცი) და მცირერიცხოვანი ფაუნის ნაშთები.

შხა იარაღები (რეტუშიანი ლამელების გამოკლებით) 73 ცალია, რაც მთელი მასალის 2%-ს შეადგენს.

იარაღებში აშკარად ჩანს საფხეკების უპირატესობა 47 ც (25,40%). აქედან 50% ანატკეცებზეა დამზადებული, 25,5% ლამელებზე, 12% ლამელისებურ ანატკეცებზე, 10,6% კი ანამტვრევებზე (ტაბ. I 3,5—7,12—14).



სურ. 1. ბაგრას მღვიმის ხედი.


ტიპობრივად საფხეკები ძალიან მრავალფეროვნად გამოიყურება, აქ გვაქვს ნისკარტისებური, დაკბილული სამუშაო პირით, თავამოღარული, გვერდის, მრგვალი, ოვალური, თავსწორრეტუშიანი, თავირბრეტუშიანი. ლამელა — ანატეცებს, რომლებზეც ჩამოთვლილი საფხეკებია დამზადებული ხშირ შემთხვევაში გვერდებიც აქვთ დამუშავებული დამრეცი ან ფაქიზი რეტუშიო (ტაბ. I—16, 12, 14).

საფხეკების ასეთ მრავალფეროვნებასთან ერთად კოლექციაში სულ 6 საკრისია (ტაბ. I—4, 10—11), აქვე გვაქვს რვა დანა ბაზალტის მსხვილ ანამტვრევებზე დამზადებული (ტაბ. I—1, 2), მცირე ზომის სამკუთხა მოყვანილობის წვეტანა, რომელსაც გვერდებზე ორივე სიბრტყიდან აქვს შემღწევი რეტუშია. განსაკუთრებული ყურადღების ღირსია ე. წ. შატელპერონისებური ტიპის დანები — 6 ც. (ტაბ. II—19—21) და 8 ცალი მოზრდილი ზომის გრავეტისებური წვეტანა (ტაბ. II—27); რომლებიც გამოირჩევა ფართეფაცეტოვანი, ხშირად შემხვედრი ვერტიკალური რეტუშიოთ. სამ-სამი ეგზემპლარიტაა წარმოდგენილი სახვრეტები (ტაბ. I—15—16) და ზოწები (ტაბ. I—8—9).

მთელი მასალის 27% (1005 ც) შეადგენენ ლამელები, რომელთაგან მხოლოდ 11,14% (112 ც)—ია დამუშავებული. რეტუშიან ლამელებში 52%-ს აქვს

გამბული ან წყვეტილი ფაქიზი რეტუში ზურგის ან მუცლის მხრიდან ცალ ან ორივე გვერდზე. 18%-ს შეადგენენ გვერდობაზე დასრულებული ლამელები. უმეტესად დამუშავებული შემხვედრი ვერტიკალური ფართოფაცეტოვანი რეტუ-შით (ტაბ. II—12—18). 11% დაქილული ლამელებია და 6, 25%-გვერდამო-ღარული.

საინტერესოა აღინიშნოს ბავრას მღვიმეში თავირბრეტუშიანი ლამელე-ბის სერია (15 ც — 13, 40%), რომელთაც მკვეთრი მახვილი კუთხით ირიბად აქვთ დაქანებული თავი და ქმნიან წვეტიან იარაღებს (ტაბ. II—22—26).



სტორო-პილშევა დიაგრამა ოდღოენი პლეისტოცენური სტორიის
ბავრ. I

სურ. 2. ბავრას მღვიმის სტრატეგრაფიული კრილი.

ურეტუში ლამელებში (893 ც) 150 ც—17% მოზრდილი ზომისაა. მათი მნიშვნელოვანი ნაწილი (დანისებურია, ნაკეთებია ბაზალტზე და მოგვარონებენ ტიპურ ორინიაკულ ლამელებს. საშუალო ზომის ურეტუში ლამელებიც ძირითადად ბაზალტისაა—63 ც. ურეტუში ლამელებში დიდი სერიითაა ასევე წარმოდგენილი მცირე ზომისა 370 ც და მიკროლითური 310 ც, უნდა აღინიშნოს, რომ მათ შორის უკვე დიდი რაოდენობით გვხვდება ობსიდიანი, თითქმის თანაბრად ბაზალტთან, ან ოდნავ ჭარბობს მას (ტაბ. II—1—11; ტაბ. III—4—7).

ბავრას ნუკლეუსებში (სულ 27 ც) წამყვანია პრიზმული, კონუსური და დისკოიდალური ფორმები. ისინი უმეტესად დიდი ზომისანი არიან და მზად-დებიან ბაზალტზე, გვხვდება ობსიდიანის ნუკლეუსებიც, ყველა ნუკლეუსს აქვს ჰორიზონტალური დარტყმის მოედანი, ნეგატივები დაუყვება ან ირგვლივ ან მხოლოდ ფრონტალურ მხარეზე, მეორე მხარე კი სწორად კაპრის ქერ-ქითაა დაფარული (ტაბ. III, 1—3).

ტაბ. I



ტაბ. I 1—2 ბაზალტის დანები; 3, 5—7, 12—14 სხვადასხვა სახის საფხეკები, 4, 10—11 სხვადასხვა სახის საჭრისები; 8—9 ხოწყები; 15—16 სახვრეტები.

რაც შეეხება ანატკეცებს, მათი მეტი წილი დიდი ზომისაა, უხეში, ურეტუშო, იშვიათად აქვს შერჩენილი დარტყმის ბურცობი. არის ბურცობგამოკვეთილი და ზედა სიბრტყიდან სამკუთხა ანატკეცის ატკეცვის კვალით, ე. წ. პროტოლევალუაური ანატკეცები. ბევრია უსახო ანატკეცები, ანამტრევეები და ქერცლისებრი ანატკეც-ანამტრევეები — 2529 ც.

თუ შევაჯამებთ ბავრას მღვიმის კომპლექსის განმსაზღვრელ ნიშნებს დავინახავთ, რომ: 1. მის ტექნიკაში აშკარად წამყვანი როლი უჭირავს დისკო-დალურ და პრიზმულ-კონუსურ ნუკლეუსებს; 2. მრავალრიცხოვანია და მრავალფეროვნად გამოიყურებიან საფხეკეები. 3. საჭრისები უმნიშვნელოდაა წარმოდგენილი; 4. სულ სამ-სამი ან ოთხ-ოთხი ეგზემპლარითაა წარმოდგენილი სხვა დანარჩენი იარაღები (დანები, ხოწები, სახვრეტები); 5. გრავეტისებური და საერთოდ გვერდდაბლაგებული ლამელების მაღალი პროცენტია; 6. შატელპერონისებური იარაღები საკმაო რაოდენობითაა; 7. იარაღთა უმეტესობა (საფხეკეები, საჭრისები) დამზადებულია გვერდრეტუშთან ლამელა-ანატკეცებზე, ხშირად დაკბილულ ლამელებზე; 8. თვით ლამელები და მიკროლამელები მეტწილად ურეტუშოა; 9. ლამელებში მნიშვნელოვანი სერიითაა წარმოდგენილი ორინიაკული ლამელები; 10. ლამელებსა და ანატკეცებზე დამზადებული იარაღთა თანაუარდობა თითქმის თანაბარია; 11. რეტუშის სახეებიდან ქარბობს უსახო-ფაქიზი, მეორე ადგილზეა ბლაგვი-ციცაბო, ვერტიკალური და ბლაგვი-დამრეცი, მესამეზე კი დამრეცი, გვხვდება შემლწევი რეტუშიც.

თუ ბავრას ქვის ინდუსტრიის ზემოჩამოთვლილ მახასიათებლებს განმსაზღვრელ კრიტერიუმად მივიჩნევთ, მართლაც დავრწმუნდებით მის ტიპოლოგიურ ერთფეროვნებაში. ამავე დროს, ისიც აშკარაა, რომ ძველი ძალიან თავისებური ჩანს. სხვა მსგავსი დაჯგუფების დასახელება ძალიან გაგვიძნელებს.


ადვილი შესაძლებელია, რომ კომპლექსი შეესაბამება ქვის იარაღთა დამზადების ტექნიკის გარკვეულ ტრადიციებს და ამიტომაც ჩამოთვლილი დამახასიათებელი ნიშნები, მას თავისებურ ფაციესის ელფერს აძლევს. ჩვენ შეგვიძლია მხოლოდ გამოვყოთ ცალკეული შემთხვევები, რომლებიც უფრო მას ქრონოლოგიურ საფეხურს განსაზღვრავენ, ვიდრე ამა თუ იმ კულტურისადმი კუთვნილებას. მაგალითად, შატელპერონის ტიპის მსგავსი დანები დამზადების ტექნიკის თვალსაზრისით, შესამჩნევ სერიას შეადგენენ ამ სადგომში. ესაა ლამელები ვანიერი მორკალული ზურგით, რომელიც დამუშავებულია ვერტიკალური ორმხრივი რეტუშით, ასეთი იარაღები გავრცელებულია საფრანგეთის ლა-გრავეტის ზედაპალეოლითური სადგომის ბეიაკის კულტურაში. 1. 2. აქ მათ უწოდებენ შატელპერონის ტრადიციების მატარებელ იარაღებს. ბევრია ისინი აგრეთვე საფრანგეთის ორინიაკისა და პერიგორდის მთელ რიგ ძეგლებში¹. მსგავსი ფსევდოშატელპერონის დანები გვხვდება იაბრუდ I-ის მე-15 ფენაში, რომელიც პრეორინიაკს მიეკუთვნება².

¹ F. Lacorre La Gravette, 1960, Paris.

² M. Lenoir et S. Terraza, La Magdalenien superieur de l'abri Foustin Commune de Cessac (Gironde). BSPF, t. 68, fase. 1, 1971.

³ D. de Sonneville-Bordes, Problèmes généraux du paléolithique supérieur dans le Sud-Ouest de la France, L'Anthropologie, T—62, № 5—6, 1958.

⁴ A. Rust, Die Höhlenfunde von Jabrud (Sirien), 1950.




ტაბ. II

ტაბ. II. 1 ლამელა რეტუსის კვალით; 2—11 სხვადასხვა ზომის ურტუსო ლამელები; 12—18 გვერდდაბლაგვებული ლამელები, 19—21 შატელპერონისებური დანები; 22—26 თავი-
 ირიბრეტუსიანი ლამელების ფრაგმენტები; 27 გრავეტისმაგვარი იარაღი.

მეორე დამახასიათებელი ნიშანი ბავრას მლვიმისა ესაა გვერდდაბლაგვე-
 ბული ლამელების შედარებითი სიჭარბე. აქ გვხვდება ძალიან განსხვავებული ტი-
 პები: მიკროლითური, საშუალო და მოზრდილი ზომების. ყველაზე ნაკლებია

მათ შორის მიკროლითური. რეტუში უმეტესად ვერტიკალური შემხვედრია, უფრო იშვიათად კი ლამელის ნაპირს გასდევს მხოლოდ ზურგის, ან მხოლოდ მუცლის მხრიდან. ჩამოთვლილი ტიპები არ წარმოადგენს ტიპიურ გრავეტა წვეტანებს, ან დანებს, მაგრამ დიდი სერიებითაა წარმოდგენილი ლა-გრავე-



ტაბ. III. 1 ბაზალტის დისკოსებური ნეკლეული; 2 ბაზალტის პრიზმული ნეკლეუსი, 3 ბაზალტის კონუსური ნეკლეუსი; 4—7 ბაზალტის დიდი ზომის ლამელები.

ტის ე. წ. საშუალო და დიდი ზომის გრავეტში, ასევე საფრანგეთის ორინიაკ-სა და პერიგორდის ზოგიერთ სადგომში⁵. ასეთივე განიერი ბლაგვი რეტუში გვხვდება იაბრუდ I-ის მე-15 ფენაში⁶.

თავრეტუშიან ლამელებში გამოიყოფა მკვეთრი მახვილი კუთხით თავირაბ-რეტუშიანი ლამელები. მზგავსი ტიპები ძალიან დამახასიათებელია პალესტი-ნის ერკ-ელ-ახმარის ზედაპალეოლითური სადგომისათვის და მას პალესტინურ წვეტიანებს უწოდებენ. აქვეა ბავრას იდენტური ამოღარული და დაკბილუ-ლი ლამელები. ერკ-ელ-ახმარის საფხეკების ტიპები და მათი დამზადების ტექ-ნიკა ახლოა ბავრას საფხეკების ტიპებსა და ტექნიკასთან. ამავე დროს ერკ-ელ-ახმარშიც საფხეკები ბევრია და საჭრისები კი უმნიშვნელო რაოდენობითაა წარმოდგენილი⁷. ტიპობრივად ბავრას მზგავსი საფხეკები, დამზადებული, როგორც ლამელებზე, ისე ანატკეცებზე (მათ შორის მრგვალიც) გვხვდება ია-ბრუდ II-ის მე-7 ფენაში (აღრე ორინიაკი)⁸ და ასევე დასავლეთ ევროპის ორინიაკში⁹.

ბავრას მზგავსი პრიზმული და კონუსური ნუკლეუსები თითქოს მეორდე-ბა იაბრუდ II-ის მე-4-5 შუა ორინიაკულ ფენებში, ამავე დროს, აქაც გავრ-ცელებულია უსახო — წმინდა, დამრეცი და ბლაგვი რეტუშები¹⁰.

ასეთი მავალითი კიდევ არაერთი შეგვიძლია დავასახელოთ, მხოლოდ ან-ლა ვამჟობინეთ მოკლედ შევჩერდეთ საქართველოს ზოგიერთ ზედაპალეოლი-თურ ძეგლზე.

ბავრას ნუკლეუსები, განსაკუთრებით პრიზმული, ძალიან ემსგავსება ხერგულსკლდისას¹¹, მზგავსი ნუკლეუსები გვხვდება ასევე დევის ხერგლსა და საკაჟიაში. მიკრონუკლეუსები ჩამოთვლილ ძეგლებში ცოტაა, მაგრამ სა-მერცხლეკლდესა¹² და მღვიმევი¹³ ისინი უკვე საკმაო რაოდენობითაა წარ-მოდგენილი. დევისხერგლის¹⁴, საკაჟიას¹⁵, და სამერცხლეკლდის¹⁷ იარაღები დამზადებულია ასევე, როგორც ბავრაში ანატკეცებსა და ლამელებზეც. მაგრამ ამ სადგომებში ლამელები ჭარბობს, მაშინ როდესაც ბავრაში თანაფარდობა თითქმის თანაბარია. საქართველოს ყველა ჩამოთვლილ ძეგლში ბავრასაგან განსხვავებით, საფხეკებთან ერთად მრავლად გვხვდება საჭრისებიც.

⁵ D. de Sonneville-Bordes, დასახ. ნაშრომი; D. de Sonneville-Bordes et J. Perrot, Lexique typologique du paléolithique supérieur, BSPF, № 1, 1954.

⁶ A. Rust, დასახ. ნაშრომი.

⁷ И. И. Коробков, Палеолит Ближнего и Среднего Востока, Ленинград, 1978.

⁸ A. Rust, დასახ. ნაშრომი.

⁹ M. Lenoir et Terraza, დასახ. ნაშრომი.

¹⁰ A. Rust, დასახ. ნაშრომი.

¹¹ ხერგულის კლდის 1971—72 წლის განათხარი კოლექცია, დაცული საქართველოს სსრ მეცნიერებათა აკადემიის არქეოლოგიური კვლევის ცენტრის ქვის ხანის არქეოლოგიის გან-ყოფილებაში.

¹² მ. ნიორაძე, სამერცხლეკლდის ზედა პალეოლითი, თბ., 1975.

¹³ ნ. ბერძენიშვილი, მ. გაბუნია, მღვიმევის ზედაპალეოლითური სადგომის (სონოგრაფია) — ხელნაწერი.

¹⁴ გ. ნიორაძე, პალეოლითური ადამიანი დევის-ხერგლში, საქ. სახელმწიფო მეზეუ-უმის შრომები, ტ. VI, თბ., 1933.

¹⁵ გ. ნიორაძე, ქვის ხანის ადამიანი საკაჟიას გამოქვაბულში, «ტექნიკა და შრომა», თბ., 1953.

¹⁶ ნ. ბერძენიშვილი, მ. გაბუნია, დასახ. ნაშრომი.

¹⁷ მ. ნიორაძე, დასახ. ნაშრომი, თბ., 1975.



მღვიმევსა და საკაჟიაში არის მიკროლითური მრგვალი საფხეკებიც. ზურგდაბლაგველი მიკროლამელები, გრავეტები, შატელპერონის ტიპის დანები გვაქვს დევის ხვრელში, საკაჟიასა და მღვიმევეშიც. მაგრამ მათ ზურგი ბავრას მზგავსი განიერი რეტუმით არა აქვთ დამუშავებული. გრავეტები გვაქვს ხერგულის კლდეშიც.

ბავრას მღვიმის II კულტურულ ფენაში მოპოვებული არქეოლოგიური მასალის ანალიზი და მისი მსგავსება სხვა პალეოლითური სადგომების (სამერცხლესადე, საკაჟია, მღვიმევი, დევის ხვრელი და სხვ.) ქვის იარაღებთან საკმარისად მეტყველებს იმაზე, რომ იგი ზედაპლელითოს განეკუთვნება. მღვიმევეში მოპოვებული წარმოების ნაშთების სიმრავლე და ხასიათი (სხვადასხვა ზომის ანატეკები, ანამტერევეები, ნუკლეუსები) თვალნათლივ გვიჩვენებს, რომ ქვის იარაღების დამზადება ადგილზე ხდებოდა.

ქვის ხანის ზედაპლელითური მონაკვეთი ქრონოლოგიურად მეოთხეული პერიოდის უკანასკნელ გაყინვარებას ემთხვევა. ჭავჭავთის ზეგანს იანამედროვე ფიზიკურ-გეოგრაფიული პირობების (პირველ რიგში ჰიფსომეტრიული და კლიმატური) გათვალისწინებამ შეიძლება ეკვი დაბადოს იმის შესახებ, თუ აღნიშნულ რეგიონში მეოთხეული პერიოდის უკანასკნელი გამყინვარების დროს ადამიანის ცხოვრებისათვის რამდენად ხელსაყრელი პირობები იქნებოდა.

ჭავჭავთის ზეგანი ზ. დ. 1600—1800 მ მდებარეობს და საკმაოდ კონტინენტური ჰავით ხასიათდება. ახალქალაქის მეტეოროლოგიური სადგურის მონაცემებით იანვრის საშუალო ტემპერატურა — 7,2⁰-ია, აგვისტოსი 16,4⁰, საშუალო წლიური ტემპერატურა 5,3⁰ არ აღემატება, ხოლო ატმოსფერული ნალექების წლიური ჯამი 606—700 მმ შეადგენს¹⁸ თოვლის საბურველის ხანგრძლივობა, რომლის სისქე ზეგანზე არაუმეტეს 10—20 სმ, 4—5 თვეს ვრძელდება. ცხადია, ვიურმული გამყინვარების დროს ჭავჭავთის ზეგნის ჰავა თანამედროვესთან შედარებით, გაცილებით მკაცრი იქნებოდა, თუმცა ამჟამად არსებული პალეოგეოგრაფიული კვლევის შედეგები არ იძლევა იმის საშუალებას, რომ რამდენადმე მიახლოებითა მიახლოებით იქნეს წარმოდგენილი ამ რაიონის მეტეოროლოგიური ელემენტების (ჰაერის ტემპერატურა, ნალექები და სხვ.) ხასიათი გამყინვარების დროს. პალეოკლიმატოლოგიური კვლევის შედეგების მიხედვით ჭავჭავთის ზეგნის ფარგლებში აღმართულ სამსარ-კეჩუთის საშუალო მთიანმა რაიონმა ვიურმულ ეპოქაში განიცადა გამყინვარება, რომლის მორფოლოგიური კვალი აქაური მთების თხემურ ნაწილში კარგად არის შემორჩენილი, მაგრამ ისიც ცნობილია, რომ გამყინვარებას აქ გაცილებით ნაკლები მასშტაბები ჰქონდა ვიდრე კავკასიონის მთიან ქედზე. ჭავჭავთის ზეგანზე ძველმყინვარებელი რელიეფის და ნალექების გავრცელებით ირკვევა, რომ ვიურმული გამყინვარების დროს მყინვარებით ძირითადად დაკავშირებული იყო მთათა თხემური ზოლი ზღვის დონიდან 2800 მეტრზე მაღლა. მხოლოდ ზოგიერთი მყინვარის მოქმედების სუსტი კვალი შეიმჩნევა ალაგალაგ უფრო დაბლა — 2400 მ-მდე¹⁹. ასეთ პირობებში დასაშვებად მიგვაჩნია, რომ ჭავჭავთის ზეგნის ბრტყელი ნაწილი ვიურმული გამყინვარების დროს მთის სტეპებით იყო შემოსილი, რაც სხვათაშორის ბავრას

18 შ. ჭავჭავთისვილი, საქართველოს სსრ კლიმატოგრაფია, თბ., 1977, გვ. 236.

19 ლ. მარტუაშვილი, საქართველოს ფიზიკური გეოგრაფია თბ., 1970, გვ. გვ. 347.

მღვიმეში მოპოვებულ გარეულ ცხოველთა ძვლოვანი მასალის ანალიზითა და ამავე მღვიმის ფსკერზე დაღეჭილი ნაფენების პალინოლოგიური მონაცემებით დასტურდება.

მღვიმეში ვერ არ არის შემორჩენილი, მაგრამ ძირითადი არქეოლოგიური მასალა მოპოვებულია ნაცროვან შრეში, სადაც ნახშირის ნამცეცებიც გვხვდება. ბაერელების საარსებო საშუალებას ნადირობა წარმოადგენდა, რაც ცუდად შემონახული ფაუნისტური კომპლექსიდანაც ჩანს.

მიუხედავად ფრაგმენტულობისა იგი თავისი შემადგენლობით საკმაოდ მრავალფეროვანია. ა. ვეკუას მიერ აქ შესწავლილია 108 დასახელების ძვალი და დადგენილია შემდეგი სახეები: ომანა (*Cracetus sp.*), მემინდერია (*Pytimis sp.*), თუმცა, კერძოდ რომელი ვერ განისაზღვრა, პგელი (*Canis lupus*), მელა *Vulpes vulpes*), ცხენი (*Equus caballus var strictipes*) გარეული ღორი (*Sus serofa*), გარეული ცხვარი (*Ovis sp.*), გარეული თხა (*Capra sp.*), ირემი (*Cervus elaphus*), და ბიზონი (*Bison sp.*); ფრინველებიდან ნ. ბურჩაკ-აბრამოვიჩის მიერ (დადგენილია გარეული ქათამი (*Gallus sp.*), გარეული იხვი, ამიერკავკასიური ვნოლი.

ძვლის მასალის სიმრავლით ყველაზე კარგადაა წარმოდგენილი გარეული ცხენი (63 ძველი), მეორე ადგილზეა ბიზონი (53 ძველი), ხოლო მესამეზე გარეული ცხვარი (18 ძვალი) დანარჩენი ცხოველები თითო-ორიოლა ძვლითაა წარმოდგენილი.

მზგავსი ფაუნა სამხრეთ საქართველოს ტერიტორიაზე ბინადრობდა პლეისტოცენის მეორე ნახევარში და ჰოლოცენის პირველ ნახევარში. ამავე დროს ბავრას მღვიმის ცხენების ნაშთების დეტალური შესწავლის საფუძველზე ირკვევა, რომ ეს ფაუნა ზედაპლეისტოცენურზე უფრო გვიანდელი არ უნდა იყოს. ამ მოსაზრებას ადასტურებს ბავრას ცხენის ზედა და ქვედა კბილების საღეჭი ზედაპირის აღნაგობა, რითაც იგი დიდ მზგავსებას ამჟღავნებს აღმოსავლეთ საქართველოში დადგენილ ნამარხ წვრილთითა ცხენებთან (*Equus caballus var strictipes*), რომელთა გავრცელება პლეისტოცენის ზედა საზღვარს არ უნდა სცილდებოდეს. ამ ფაუნის ეკოლოგიური ხასიათის მიხედვით შეგვიძლია დავასკვნათ, რომ აქ ძირითადად გაბატონებული ყოფილა ტყე-სტეპის პირობები, შედარებით მშრალი ჰავით.

ბავრას მღვიმის ჭრილიდან აღებულია 16 ნიმუში პალინოლოგიური ანალიზისათვის. მტერისა და სპორების კონცენტრაცია ამ ნიმუშებში არათანაბარია. ჭრილის ქვედა ნაწილში, რომელიც გენეტიკურად წარმოდგენილია რიყის ქვითა და ხრეშით მტერისა და სპორების რაოდენობა მკვეთრად კლებულობს. მცირე რაოდენობითაა მტვერი 60—70 სმ სიღრმეზეც. მიუხედავად ამისა, მთლიანად ყოველი ნიმუშიდან დათვლილია მტვრიანის არანაკლებ 300 მარცვალი და სპორი.

სპორო-მტვრიანის სპექტრებიდან და თანამედროვე დანალექების მტვრის სპექტრებიდან გამომდინარე შეიძლება დაეუშვათ, რომ აღნიშნულ რაიონში შესწავლილი ნალექების სიზრქის დაგროვების განმავლობაში მცენარეულობამ არაერთხელ განიცადა ცვლილება.

სულ ქვედა ნალექების მტვრის სპექტრის ფორმირების დროს მდ. ფარავნის ხეობაში იზრდებოდა წიფლისა და რცხილის ტყეებით დაფარული უბნები

ასლომდებარე მათა ფერდობების დიდი ნაწილი იყო უტყეო, ფიჭვისა და სოჭის ტყეები ვრცელდება უმნიშვნელო ფრაგმენტებად.

ამ ფენაში გვიმრისა და ბოსტნის იის სპორების არსებობა მიუთითებს იმ დროს ჰავის ჰუმიდურ პირობებზე. დღესდღეობით ბოსტნის ია წარმოადგენს მცენარეულობის მეზოფილურ ელემენტს. შემდგომ კულტურული ფენის წარმოშობის დროს 110—150 მ სიღრმეზე ამ ხეობაში დაიწია წიფელისა და რცხილას როლმა, სჭარბობს მურყანი.


გარეუბნებში გაიზარდა ფიჭვისა და სოჭის ტყეები. კედრის მტვერი უნდა გადმოტანილად ჩაითვალოს.

ბალახეული მცენარეულობის ასოციაცია შედგენილია ძირითადად სხვადასხვა რთულყვავილოვნებისაგან მარცვლეულის მცირე მინარევით, ცენოპოლიაციებისა და ავშანისაგან.

შემდგომ იზრდება ქსეროფიტული მცენარეულობის ელემენტების როლი, რაც, როგორც ჩანს გამოწვეული იყო ჰავის დათბობითა და გამოშრობით (80—110 სმ სიღრმეზე), მაქსიმალურ მნიშვნელობას აღწევს ავშანთა, ცენოპოლიაციებისა და ეფედრას როლი, რომლებიც მშრალი მთის სტეპების ედიფიკატორებად ითვლებიან.

ფიჭვის ტყეებს მეტი გავრცელება ჰქონდათ ვიდრე წინა პერიოდში. ამ ტყეებით დაფარული იყო მომიჯნავე მთების კალთები. უფრო მაღალ ჰიფსომეტრიულ დონეებზე იზრდებოდა ნაძვის ტყის ფრაგმენტები. 50—80 სმ სიღრმის მტვრის სპექტრიდან გამომდინარე შეიძლება დავადგინოთ, რომ ჰავის არიდზაციის პროცესი რამდენადმე შეჩერებული იყო. ქრება ეფედრას მტვერი, მცირდება ავშანისა და ცენოპოლიაციების მტვრის რაოდენობა.

სსსკ-ის სახელმწიფო
ბუნებისმეტყველების
საქართველოს ინსტიტუტი
სსსკ-ის სახელმწიფო
ბუნებისმეტყველების
საქართველოს ინსტიტუტი
1988



სურ. 3. ბავრას დანაღებების პალინოლოგიური ანალიზის დიაგრამა.

ზედა ფენის დალექვის დროს იზრდება ფიჭვისა და ნაძვის ტყეების ფართობი, რაც, როგორც ჩანს, გარდა კლიმატური ცვლილებებისა წარმოადგენს ასევე, ანთროპოგენული ზემოქმედების შედეგს. ბალახეულ მცენარეთა შორის იზრდება მარცვლეულის როლი, სადაც საკმაო მნიშვნელობას იძენენ კულტურულ მცენარეთა სახეები. ამგვარად, აღნიშნული ნალექების პალინოლოგიური ანალიზის შედეგები (იხ. თანდართული დიაგრამა — სურ. 3) მოწმობს, რომ ბავრას მღვიმეში პალეოლითელი ადამიანის ცხოვრების დროს, ჯავახეთის ზეგანზე, ძირითადად ბალახეული ფიტოცენოზები იყო განვითარებული.

დას. საქართველოს მღვიმური ნალექების კომპლექსური შესწავლით ირკვევა, რომ ვიურმული გამყინვარების დროს ზამთრის სეზონი თანამედროვესთან შედარებით ხანგრძლივი და გაცილებით მკაცრი იყო, ზაფხული კი ჰავის პირობებით რამდენადმე არსებითად არ განსხვავდებოდა ამჟამინდელისაგან²⁰. ნაწილობრივ ამ გარემოებით ხსნიან იმ ფაქტს, რომ რუსეთის ვაკეზე და ციმბირში ვიურმული გამყინვარების დროს ზედაპალეოლითელი ადამიანი სახლობდა. მაგალითისათვის შეიძლება დავასახელოთ ზედაპალეოლითური სადგომი ხოტილოვო (რუსეთის ვაკე), რომლის რადიონახშირბადული ასაკი 23660 ± 270 წელია და რომლის არსებობაც ემთხვევა ვიურმული გამყინვარების მაქსიმალური განვითარების ფაზას, ზედაპალეოლითელი ადამიანის მიერ ამ სადგომის გამოყენების დროს აქ ზამთრის ტემპერატურა 18° -მდე ეშვებოდა, ხოლო ივლისისა $+17^{\circ}$ შეადგენდა²¹.

კარგადაა ცნობილი, რომ ვიურმული გამყინვარების დროს მეტად მკაცრი კონტინენტური ჰავის პირობებში ზედაპალეოლითელ ადამიანს ათვისებული ჰქონდა ციმბირის ტერიტორია (კოკორევი II, ჩერიომუშკა, დაშტიკი და სხვ.). სავარაუდოა, რომ აღნიშნული სადგომების გავრცელების რაიონებში ვიურმული გამყინვარების დროს ჰავის პირობები გაცილებით მკაცრი უნდა ყოფილიყო ვიდრე ჯავახეთის ზეგანზე. აქ ნიშანდობლივად ისიც უნდა მივიჩნიოთ, რომ სწორედ გამყინვარების დროს წარმოიქმნა მარადი მზრალობა ციმბირის ვრცელ ტერიტორიაზე, რაც, როგორც რელიქტური ფენომენი დღემდე შემორჩა ამ მხარეს. მსგავს მოვლენას ჯავახეთის ზეგანზე ადგილი არ ჰქონია, რაც ვიურმში მისი ჰავის ნაკლებ სიმკაცრეზე მეტყველებს.

ზემოთაღნიშნული ფაქტები მოწმობენ, რომ ვიურმის ხანაში ჯავახეთის ზეგნის ბუნებრივი გარემო ზედაპალეოლითელ ადამიანს თავისუფლად შეეძლო გამოეყენებია საცხოვრებლად.

აქ მოყვანილია ბავრას მღვიმის წინასწარული კვლევის შედეგები.

²⁰ Изучение пещер Колхиды, Тб., 1978, გვ. 293.

²¹ А. А. Величко, Х. А. Арсланов, Е. Н. Куренкова, Доклады АН СССР, 1976, т. 228, № 3, გვ. 713—716.

М. К. ГАБУНИЯ, А. К. ВЕКУА, Ч. П. ДЖАНЕЛИДЗЕ, Э. К. КВАВАДЗЕ

ПЕРВАЯ ВЕРХНЕПАЛЕОЛИТСКАЯ СТОЯНКА
НА ДЖАВАХЕТСКОМ ПЛОСКОГОРЬЕ
(БАВРСКАЯ ПЕЩЕРА I)

Резюме

В данной статье вниманию специалистов предлагаются предварительные данные комплексного изучения (геоморфологическое, палеогеографическое, палеонтологическое, палинологическое и археологическое) нового археологического материала, обнаруженного в с. Бавра (южная часть Грузии, Ахалкалакский район).

Стоянка представляет собой небольшую пещеру. Она находится на высоте 9 м от уровня реки и 1800 м над уровнем моря. Пещера выработана в долеритовых лавах верхнеплиоценового и нижнеплейстоценового возраста.

На основании анализа археологического и палеонтологического материала выяснилось, что в пещере сохранились следы хозяйственной деятельности мезолитского и верхнепалеолитского человека. Общая мощность пачки слоев в продольном разрезе 2—2.10 м.

На раскопанной площади найдено 3771 единица базальтовых и обсидиановых изделий.

Суммируя характерные черты верхнепалеолитского слоя (сл. III) Баврской пещеры заметим следующее: в ее технике явно преобладают призматические, конические и дисковидные нуклеусы; много и разнообразно выглядят скребки; незначительно число резцов и мало других видов орудий (ножей, стамесок, проколов); высок процент траветтообразных форм; в достаточном количестве имеются шательпероновидные орудия; значительной серией представлены ориньяковидные пластины; пластины и микропластинки большей частью без вторичной обработки.

Типологический состав материала, соотношение форм и технических приемов, сопоставление с рядом западногрузинских, западноевропейских и ближневосточных памятников позволяют отнести комплекс Баврской пещеры к верхнему палеолиту.

Из фаунистических остатков стоянки распространены: хомяк, волк, лиса, дикая лошадь, дикий кабан, дикая овца, козел, олень, баран и по определению Н. И. Бурчак-Абрамовича орнитофауна — дикая курица, дикая утка, закавказская куропатка.

Результаты палинологического анализа всей стратиграфической колонки показали, что в Баврской пещере во время обитания верхнепалеолитского человека в основном был распространен травянистый фитоценоз.

Баврская пещера тем более привлекает внимание, что она является первой находкой верхнего палеолита в данном регионе Грузии.

წარმოადგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის არქეოლოგიური კვლევის ცენტრმა.

მუშუნა პირაშვილი

ამანათობის საკითხისათვის აღმოსავლეთ საქართველოს
მთიანეთში

გამომცემლობა „მეცნიერებამ“ რუსულ ენაზე გამოსცა ეთნოგრაფ. მ. კან-დელაკის მონოგრაფია „Из общественного быта горцев Грузии—институт аманатства“, Тб., 1987, რომელშიც ავტორი, სწავლობს რა ამანათის ინსტიტუტს, აიგივებს მას მოსულის ინსტიტუტთან: 1) „На примере института аманатства обретаet ясность вопрос о „коренных“ (мквидри) и „пришлых“ (мосули) жителях горских общин. Изучение аманатства свидетельствует, что понятия „аманат“ и „мосули“ едины в своем значении“ (გვ. 133); ანდა: 2) „Другое мнение по этому вопросу см.: Эриашвили Ж. Г. „Древнейшие“... где автор резко противопоставляет „мосули“ (аманат) и мквидри друг другу. ... по сей день в среде горцев термин „мосули“ (грамматическое причастие от глгола „мосвла“—приходить) в отличие от равнины (?) не несет социальной нагрузки“. (გვ. 134). მოსულისა და ამანათის ინსტიტუტების გაიგივების ხაზი გატარებულია დასახელებულ ნაშრომში თავიდან ბოლომდე.

წინამდებარე რეცენზიაში შევეხებით სწორედ ამ საკითხს, კერძოდ, არის თუ არა მოსული და ამანათი ადეკვატური ინსტიტუტები.

წინასწარ უნდა შევნიშნოთ, რომ მოსულისა და ამანათის ინსტიტუტების გაიგივება არავითარ შემთხვევაში არ შეიძლება; ეს ნიშნავს მთელი მიგრაციული პროცესების ამანათობამდე დაყვანას¹, რაც, რბილად რომ ვთქვათ, უხეშო შეცდომა იქნებოდა. ამ გაიგივებამ მიიყვანა სწორედ ნაშრომის ავტორი ასეთ განცხადებამდე: В этой связи не лишено интереса замечание тушин—старцев о том, что вся Тusheti представляет собой сборище пришедших из различных горных, также низинных уголков Кавказа аманатов (Хевсурети, Пшави, Кистети, Дагестани, Имерети, Картли)“ (გვ. 15). მიგრაციული პროცესები, სხვა კუთხეებთან შედარებით, შესაძლოა ცოტა მეტად იგრძნობოდეს თუშეთის მაგალითზე, მაგრამ იმის თქმა — ინტერესმოკლებული არ არის იმ მთხრობელთა აზრი, რომელთა მიხედვით მთელი თუშეთი ამანათებით (კაცისმკვლელებით და სხვ.) იყო დასახლებული, უხერხულად გვეჩვენება.

ამანათობის ისეთი დასასრული, როდესაც ამანათად წასული მკვლეელი ვერ შეურიგდებოდა მოსისხლეს, ერთ-ერთი წყარო ხდებოდა მოსუ-

¹ ზოგიერთი ახალგაზრდა მეცნიერის მიერ გამოქვეყნებულ ნაშრომში უკვე იგრძნობა ტენდენცია, რომ ყოველგვარ მიგრაციას ამანათობა უწოდოს.



ლობისათვის. მაგრამ ეს იმას არ ნიშნავდა, რომ ამანათის სტატუსი მოსულის სტატუსის ადექვატური იყო.

ამანათობას ჰქონდა თავისი დასაწყისი და დასასრული (ამანათობას თავისი ვადა ჰქონდა). ის რაც ამანათობის დასაწყისსა და დასასრულს შორის იყო მოქცეული, იყო ამანათობის შინაარსი და მისი სტატუსის განმსაზღვრელი.

დასასრული ამანათობას შეიძლება ორნაირი ჰქონოდა: 1) როდესაც ამანათი შეურიგდებოდა მოსისხლეს და საცხოვრებლად თავის თემს უბრუნდებოდა (!) 2). ამანათობა მთავრდებოდა მაშინაც, როდესაც ის ვერ შეურიგდებოდა მოსისხლეს და იძულებული იყო ახალ თემში დასახლებულიყო. ეს ახალი თემი შეიძლება იგივე ყოფილიყო, სადაც აქამდე ამანათად იმყოფებოდა, უმეტესწილად კი იგი ტოვებდა მას, რითაც შურისმაძიებელთ გზაკვალს უტრევდა და იწყებდა მოძრაობას უფრო შორეული, ისეთი უცხო თემებისკენ, სადაც მოსისხლეს თვალი და ყური ადვილად ვერ მისწვდებოდა². მაგრამ ამ ახალ, შორეულ თემში იგი ამანათად კი აღარ მოდიოდა (ამანათად მიმიღეთო, ამას კი აღარ ითხოვდა) (!), არამედ მუდმივ საცხოვრებლად, თემის წევრად და მოსულის სტატუსით მკვიდრდებოდა³, ე. ი. ამანათი თემის მოსახლეობის იმ კატეგორიაში გადავიდოდა, რომელსაც „მოსული ერქვა (მკვიდრის საპირისპიროდ). თემში, რა თქმა უნდა, იცოდნენ, რომ იგი „ამანათად ნამყოფი“ იყო (!).

ამანათობა ერთადერთი წყარო კი არ იყო, რომელიც თავისი ცული გამოსავლის შემთხვევაში (მოსისხლესთან შეურიგებლობის შემთხვევაში) მოსულის კატეგორიის მოსახლეობას უერთდებოდა, არამედ ერთ-ერთი და ისიც არც თუ ძლიერი წყარო.

ამრიგად, ვიმეორებთ, ამანათობის ისეთი დასასრული, როდესაც მკვლეელი ვერ შეურიგდებოდა მოკლულის ოჯახსა და ნათესაებს, იყო დასაწყისი მოსულობისათვის. აქ იყო ამანათობისა და მოსულობის შეხების წერტილება. როგორც უკვე აღვნიშნავდით კიდევ, შეხების წერტილები ჩნდება მხოლოდ იმ შემთხვევაში, თუ მკვლეელი (მოკვეთილი და სხვ) ვერ შეურიგდებოდა ძველ თემს. პირველ შემთხვევაში კი, როდესაც ავი ურიგდებოდა მოსისხლეს, მოსულობასთან შეხების ეს წერტილები არ არსებობდა.

მოსულობას მხოლოდ დასაწყისი ჰქონდა, დასასრული კი არა, ე. ი. განსხვავებით ამანათობისაგან, მას თავისი ვადა არ ჰქონდა. ამანათობის ვადა იყო სამ, ან ხუთ წლამდე. ამანათი იყო შურისძიების განთავსების გარეშე უფრო უცხო თემში საცხოვრებლად მანამდე მყოფი, ვიდრე შერიგება არ მოხდებოდა. ამდენად, ის ამ თემის დროებითი მაცხოვრებლის კატეგორიაში ითვ-

2 თემის არჩევანში მიწის საკითხიც იყო გადამწყვეტი, რაზეც ავტორიც ამხეილებს ყურადღებას.

3 ამანათად კი მეთემე უფრო ახლომდებარე თემებში მიდიოდა, რომ თავის ძველ თემთან კავშირი ადვილად დაემყარებინა იმ წესების შესრულებაც არ გაძნელებოდა, რომელსაც მოსისხლესთან შესარიგებლად ასრულებდა; მაგ., როგორც იყო „ხატში შექვდი“ და სხვა მრავალი.

4 „ამანათად ნამყოფი“ ადგილობრივი (მთიანეთის) ტერმინია.

ლებოდა. ეს კარგად ჩანს თუნდაც ამანათის დასაფლავების წესიდანაც. თუ ამანათს მოსისხლე მოკლავდა, ახლო ნათესავეები მის გვამს გამოითხოვდნენ, ძველ თემში წაასვენებდნენ და იქ დასაფლავებდნენ, როგორც ამ თემის წევრს. იქვე ბრუნდებოდა მისი ოჯახიც. მოსული კი ახალ საცხოვრებელ თემში იმარხებოდა⁵.

რა მასალებს ეყრდნობა ზემომოტანილი მსჯელობა?

ჯერ კიდევ ადრე გვქონდა შემჩნეული, რომ ალ. ოჩიაური თავის მასალებში აშკარად ასხვავებდა ერთმანეთისაგან მოსულსა და ამანათს. მაგ., ჭიჩოს თემში მოსახლე ბურდულის გიარს იგი უწოდებს მოსულს და აი, რას სწერს შემდეგ მის შესახებ: „ბურდული რა მიზეზით მოსულა, არავინ იცის. უფრო ამბობენ, კაცის მკვლეელი გამოიხიზნულა და ჭიჩოს თემს მიკვლევია. ბურდული ჭიჩოს თემს პირველად ისე მიუღდია, როგორც ამანათი (!). მერე კი ადგილიც მიუცია და თავის სასოფლო და სათემო სალოცავების ყმად გაუხდია“ (ალ. ოჩიაური, ფშაური ხალხური დღეობები, გვ. 334).

დიდი დაკვირვება და ანალიზი არ სჭირდება, მე მგონია, იმას რომ აღნიშნული ნაწყვეტის მიხედვით ამანათობაში მიწის მიცემა და სასოფლო და სათემო სალოცავების ყმობა არ შედის. ე. ი. ამანათი სალოცავების ყმა არ არის, მას არა აქვს მიწის ნაკვეთი (რა თქმა უნდა, იგულისხმება მიწის მფლობელობაში მიცემა და არა მისით დროებით სარგებლობა; ამანათს დროებით სარგებლობაში აძლევდნენ ხოლმე მიწის ნაკვეთს). ანდა, უკანაფშავეის თემის ვაკისოფელში ერთ-ერთი მოსულის შესახებ ალ-ოჩიაური წერს: „ამათი პაპა, ე. ი. წინაპარი, ყოფილა თუში ჩაღმა. ისიც შემოიხიზნულა ამ თემში, დაყმობია წყაროსთაულს და გახდილა ამ თემის წევრი... რალაც შემთხვევით, ამათი გვარი, ამათ თემს კარგად ვერ შეუთვინებია; მამულები დროზე არ მიუცია და ჩვენამდინ თითქმის მოახწვია, რომ ამათ გვარისკაცებს ამანათებს ეძახდნენ: შენ აქ რა გეკითხება, ამანათი ხართ. მამულებიც გვიან დაიჭირეს, ხალხი არ ანებებდა. ხშირად ეტყოდნენ, თქვენ საიდანაც მოსულხართ, იქ წადით, აქ თქვენ მამულს ვინ მოგცემთ, განა აქაური მიწათიჯათ შვილები ხართ-ო“ (იქვე).

არც აქ არის დიდი დაკვირვება საჭირო და სრულიად აშკარაა, რომ აქ ამანათობა ნახსენებია აღნიშნული გვარის (მოსულის) იმ მდგომარეობის გამოსახატავად, როდესაც მას მიწა არა აქვს (თემი ვერ შეეთვისა და არ მისცა. ამ გვარის წარმომადგენლებს იმიტომ კი არ ეუბნებოდნენ „ამანათი ხართ“, რომ ისინი იმ დროს ამანათები იყვნენ, არამედ მათი მდგომარეობა — უმიწოდ ყოფნა, ამანათობასთან არის გატოლებული და გაიჭივებული; თქვენ თემის წევრები კი არა ხართ, ამანათები ხართო და მიწას ვინ მოგცემთო.

ამ ნაწყვეტებიდან ჩანს, რომ: ა) ამანათია ის, ვისაც თემში მიწა არა აქვს (მფლობელობაში — ე. ე.); ბ) ამანათი თემის „მიწა-თიჯათ შვილი“ არ არის, ე. ი. თემის წევრი არაა და არც ამ თემისკენ ჯვარ-ხატების ყმაა. აი, რას ამბობს, ამანათის გასაგონად, ერთ-ერთი მეთემე: „...ამანათსაც გონ უნდა ჰქონდა, ამანათსაც უნდა ავსონდას, რო ის ამანათი ას, ის აქაურ არას, არც წყალ-ადგილის პატრონი აქაურისა, არც ჯვარის ყმა

5 ზოგჯერ მოსულს (მის შთამომავლობას) ცალკე ჰქონდა სასოფლო.

ას აქაურისა“ (გვ. 6, M' 86. II ნაწ.). მაშ, ვინ იყო ამანათი? ის იყო უყმობა: „ამანათს სოფლის ხალხის იმედი ჰქონდა, რადგან ჯვარში საკლავით შეხვეწა ჯვარსა და ჯვარის ყმათ და, მაშასადამე, არავინ უღლატებდა და ყველა დაიცავდა. მაგრამ, ამას უფრო მეტად ჯვარის იმედი ჰქონდა, ის უშველიდა და მტერს არ გაამარჯვებდა შემოხვეწილ უყმობაზე (უყმობას უფრო პატრონობს და ეშველებო, რომელიც შეხვეწებო, იტყოდნენ)“ გვ. 2. M' 86. II).

ჩვენ ეჭვი არ გვებარება, რომ ეს მასალები ნაშრომის ავტორისათვის ცნობილია. „მისი აზრითაც, ამანათობა მთაერდება მაშინ, როდესაც მას მიწას მიცემენ მფლობელობაში (გვ. 46), მაგრამ, რატომღაც ამანათის სტატუსში ამ მასალებიდან გამომდინარე დასკვნები არ აისახა. წინააღმდეგ შემთხვევაში, ავტორი ამანათისა და მოსულის ინსტიტუტებს ერთმანეთთან აღარ გააიგივებდა. მოსული, როგორც ეს ჩვენ ნაშრომში არაერთხელ არის ხაზგასმული, ჯვარ-ხატების ყმაა და მიწის მფლობელიც გახლავთ. მხოლოდ მას ეს თემის წევრობა, ჯვარ-ხატების ყმობა და მიწის მფლობელობა განსაზღვრული წესების შესრულების შედეგად აქვს მოპოვებული. აგრეთვე მოსულად წოდებული გვარის თითოეული კომლი ყოველწლიურად ჯვარ-ხატს მსხვერპლად სწირავს ერთ საკლავს, ლუდს, არაყს და სხვ. მოსულის გვარის წარმომადგენელი საერთო სათემო სალოცავში ვერ დადგება ხელისნად (ხევესურეთში) და ხევისბრად (ფშავეში). ჯვარ-ხატში ხელისნად და ხევისბრად დადგომის უფლება აქვთ მხოლოდ მოსულთა შემდეგ კატეგორიას: მოყვანილ-მოწვეულთ. და ისეთ მოსულებს, რომლებსაც თემის წინაშე რაიმე დამსახურების გამო (ბრძოლებში თავის გამოჩენის, თემის მიმართ განსაკუთრებული ერთგულებით თავის გამოჩენის და დამსახურების) ჯვარ-ხატი ხელს დასდებდა და ჯელდებულ ყმებად აქცევდა. მოყვანილ-მოწვეულთა და ჯელდებულთაგან კი უკვე დგებოდა თითო-თითო ხევისბერი. ხოლო როდესაც ამანათი ჯვარ-ხატის ყმა და მიწის მფლობელი გახდება, ის ამანათი აღარაა, ის გახლავთ თემის მოსახლეობის სხვა კატეგორიის — ე. წ. მოსულის წარმომადგენელი. მოსულისგან განსხვავებით, ამანათი არის თემის დროებითი მაცხოვრებელი. რა მასალები გვაქვს ამის შესახებ პირდაპირი და არაპირდაპირი?:

1) „ხევესურს რომ თავის სოფელში ცხოვრება აღარ შეეძლო მოსისხლეობის, ან რაიმე ამგვარი მიზეზის გამო, რომელიმე სოფელს შეარჩევდა და იქ წავიდოდა ამანათად. პირველად სოფელში თვალსაჩინო კაცთან მივიდოდა და მას თხოვდა დახმარებას, რათა სოფელელებს ნება დაერთოთ მათთან დროებითი ცხოვრებისა (1). მასპინძელი საამანათოდ მოსულის სურვილს განუცხადებდა შეყრილ სოფელს და თავის მხრივ სთხოვდა, ნება დაერთოთ. სოფელი ამანათის მოსელაზე იშვიათად იტყოდა უარს. როდესაც დათანხმდებოდნენ, მაშინ ამანათი და მასპინძელი ჯვარში ერთ საკლავს მიიყვანდნენ და ყველას დაუძახებდნენ. მოსულ ხალხს მასპინძელი ეტყოდა: „აი, ეს სტუმარ ამ საკლავით თქვენ შამაგებარასთ ჯვარსაცად კაცსაც. ამ საკლავით ყველას გთხოვთ შაინახათა, დაინდვათ“. მერე ხუცესი საკლავს ამანათის სამწყალობნოდ დაკლავდა. ყველანი დაამწყალობ-

ნებდნენ ამანათსაც და სოფელსაც. ამის შემდეგ სოფელი ითვლებოდა ამ კაცის მფარველად, იცავდნენ მტრისაგან, ეხმარებოდნენ გაჭირვებაში. მას საჯვარო მამულიდან ორი-სამი დღის მამულსაც მისცემდნენ. სტუმარი, მათი შეხედულებით, ხალხსაც და ჯვარსაც ეკუთვნოდა, რადგანაც საკლავით როგორც ერთს, ისე მეორეს მიეზარა. ამანათი იცხოვრებდა ამ სოფელში, ვიდრე მისი სურვილი იქნებოდა. (ალ. ოჩიაური, სტუმარ-მასპინძლობა, 1980 წ. 247—248). ამ მასალიდან გამომდინარე ა) ამანათი თემში მოდის დროებით მაცხოვრებლად; ბ) ამანათის სტატუსი თემში სტუმრის სტატუსთანაა შედარებული გ) არც ისაა შემთხვევითი, რომ ამნათობის საკითხი ალ. ოჩიაურმა „სტუმარ-მასპინძლობაში“ შეიტანა.

2) „აღარ ჭრის ამანათის ცელით,
 ამანათობა მასწყენივით.
 აეგრავ ამანათის ცოლსათ
 დედათ ფერობა მასწყენივით“

(ალ. ოჩიაური, ხევსურული მასალები, II, გვ. 3, 1949—50 წ. M186).

ლექსიდან ჩანს, რომ ამანათი ახალ თემში ცხოვრობს, უკვე შრომით საქმიანობას ეწევა (ამ შემთხვევაში — თიბავს), ოჯახიც თან ჰყავს, მაგრამ მას მაინც მოსწყენდა ამანათობა, ე. ი. ის, რაც ამ ინსტიტუტში იგულისხმება. მოსწყენდა იმ „ჩარჩოს“ ფარგლებში ყოფნა, რომელშიც ის, როგორც ამანათი „ზის“, მოსწყენდა ის ყოფა, რომელსაც ამანათობა ჰქვია. ასევე („აეგრავ“) მოსწყენდა ამანათად ყოფნა მის ცოლსაც, კერძოდ, თემის მდებრობითი სქესის მოსახლეობისადმი თავისი მორჩილი, დამოკიდებული მდგომარეობა — „ფერობა“. მაშასადამე, ამანათობაში შედის მორჩილება. დამოკიდებულ მდგომარეობაში ყოფნა — ბიროვნული უფუფლებობა. აი, რას ამბობს ალ. ოჩიაური ამის თაობაზე: „ამანათობა ადვილი არ იყო. ამანათობა უძნელდებოდა ამანათსაც და იმის ცოლ-შვილსაც. საჭირო იყო მუდამ ხათრით და თავმდაბლად ქცევა სოფლელებთან. ამ სიძნელეზე პატარა-პატარა ნაწყვეტები არის კაფიებისა, რასაც „ცელისტარზე მთბლურად გერიონავენ“:

„ღმერთო, უშველე ამანათსაო,
 აკმაე ამანათობაო“

ანდა:

„შე გორისციხელთ ამანათო,
 გულდარდიანო, ნწუხარეო.
 არ ვიციმ აღარ გიჭრის ღულიო (ნამგალი),
 არ ვიციმ აღარ გითბის გულიო
 სთაქილობ ამანათობასაო
 ცრემლით მხერშაო ჰენცლისაო“
 (გვ. 10—11. M186 . II).

ან: „ზოგიერთ სოფელს ქონდა სახელი გავარდნილი, რომ ამანათს კარგად ინახავდნენ, დახმარებას უწევდნენ, არავინ რას აწყენდა არც კაცს, არც დიაც-ყმაწვილს. მაგრამ მაინც ამანათს და მისი ოჯახის წევრებს თავდაბლად ქცევას სთხოვდნენ, როგორც ამანათს და ეგულდიდებოდნენ მათ“ (გვ. 3. M186, II).

3) აი, როგორ მიმართავს ამანათი იმ სოფლის ხალხს, რომელსაც თავი უნდა შეაფაროს: „...მამიშვით თქვენს სოფელში, მანამ ნება რაისა მქენებისად' სოფელში მიმიშობენ, თორე მე იქნება დიდხანს არც კი დაგაღონათ, იქნება ხვალაც მკვლენ. თუ მიღმადლებთ ჯვართაცად' ღმერთსაც ჩემს აქ მაშობას, სხვასაც თუ ვერას გარგებთ, წყემს-მუშაში მაინც გამაგადგებით. მემრ იქნება ღმერთმ თქოსად მიაც რაში ვის გამაგადგათ. ...მცადეთად, თუ კი სამოლად სასოფლოდ ცუდ ვიქნები, მაშინაც შავიძლავთ გამაგად. ამანათს თუნდა დღეს გააგადებთაღ თუნდა ხვალ, თქვენს ველში ვიქნები“ (M'86, II, გვ. 4).

4) ხუცესის სიტყვა, სოფელს რომ მიმართავს ამანათის მისაღებად: „ეს კაც მივიდ ჯვარისდაცად' ჯვარის ყმათადაც შამასხვეწებულად. აემ კაცს მუჟღ ისით საქმე, რომ ადგილ დაელივ. აღარ აქვ იქ საცხოვრისი, სადაც ცხოვრობდ, თორემ ამას ამანათობა არაში შვირდებოდად არც ევადრებოდ. ეხლა ამ კაცს მუჟღ ესეთ საქმიედ' წინავ სხვას მასელივ, კლოვ კიდევ სხვას მუჟ. თავი-ლობს ამანათად მასვლას, მაგრამ სათაკილო არას, რაც ხთით მიერგების. თორე ამას სახლი სხვათაზე ნაკლებ არ ხქონდად არც ქონებაი, არც ადგილი აქვ სხვათაზე ნაკლები. შამაგხვეწოთ ეს კაცი ჯვარსაცად' ყმათაც. მუჟვით, დააყენეთ სოფელში, ყველაში გვერდ დაგიდგებისთ საჯვაროსად' სახალხო საქმეში, მტერთანაცად მაკეთესთანაც. გაივლის დროიდ' ხანი, სოფელში მისავალ ნება მქენების, ადგებისად იქავ წავ. სიკეთის მეტს არას წაიღებს აქით“ (M'86, II, გვ. 4). მოტანილი ციტატის ბოლო ნაწილიც ამანათს ისე გვეცნობს, როგორც თემის დროებით მაცხოვრებელს: დრო და ხანის გასვლის შემდეგ, როდესაც ამანათს თავის სოფელში მისვლის ნება ექნება, ადგება და ისევ იქ წავაო. ნაშრომის ავტორს ეს ადგილი ასე უთარგმნია: „Истечет срок его изгнания, ему разрешат вернуться к себе, и если он увидит, кроме доброй памяти ничего не должен унести от нас!“ (გვ. 19). არსად ქართულ ტექსტში არ წერია: „და თუ ის წავა“ („и если он уйдет“). ქართულ ტექსტში თეთრზე შავით სწერია: „ადგება და წავა ისევ იქ“, რითაც კატეგორიულად ხაზგასმულია, რომ ამანათი დროებით არისო ჩვენთან და ისევ უკან უნდა წავიდეს, როდესაც თავის სოფელში დაბრუნების ნებას მიიღებსო. რუსული თარგმანით კი უკან დაბრუნების აუცილებლობა მოხსნილია და აქცენტი ამანათის სურვილზეა გადატანილი — უნდა წავა, არ უნდა, არ წავა. რაში დასჭირდა ავტორს ტექსტის ასე გადაკეთება და ამდენად, მისგან გამომდინარე აზრის დამახინჯება? აი, ეს არის, თუ ნაშრომის ავტორის გამოთქმებს ვიხმართ, „ფაქტების შელამაზება“ და „თვითნებური“ თარგმანი. ახლა წარმოვიდგინოთ, რომ მეც ისევე მაწუხებს ეჭვები. როგორც ნაშრომის ავტორს, როდესაც წერს: „Похоже, что это делается с явной целью подогнать результаты своих исследований... და ა. შ., როგორ შეფასებას მივცემდი ამ ფაქტს? და საერთოდ, ყოველგვარი ეჭვების გარეშეც, როგორ შეფასებას იმსახურებს ეს ფაქტი?

5) ამანათს, როგორც თემში დროებით მაცხოვრებელს, არ შეეძლო მიწის ყიდვა („თუ ის მამულის ყიდვას მოინდომებდა, სოფელი ამის ნებას არ მისცემდა“ M'86, II, გვ. 9.), სახლის აშენება, ან ყიდვა (!) „სახლის აშენების უფლება ამანათს არ ქონდა, უნდა დასადმე დროებით შესულიყო სხვის სახლში“, იქვე, გვ.

8; 2) „არც სახლს აყიდვინებდნენ უწინელს დროში“, იქვე, გვ. 9). ყველაფერ ამას ალ. ოჩიაური ტრადიციული ყოფისათვის — „უწინდელ დროში“ — დამახასიათებლად მიიჩნევს. ახალი ყოფისათვის კი წერს: „მერე კი თანდათანობით შეიცვალა და ამანათები სახლსაც ყიდულობდნენ და ზოგიერთებმა მამულიც იყიდეს, ხოლო როცა წავიდნენ, ისევე გაყიდეს თავის ნაყიდი მამული“⁶ (იქვე, გვ. 9). იმ შემთხვევაშიც კი, როდესაც ამანათებს ახალ თემში მიწაც და სახლიც ნაყიდი აქვთ, ისინი ტოვებენ მათ და მიდიან თავიანთ ძველ თემებში. ამ მეტად მნიშვნელოვან ფაქტს აუცილებლად სჭირდება ახსნა.

6) ამანათი (ამანათობის პერიოდში) თავის ძველ თემში ასრულებს წესებს, მაგრამ ეს იმ საზოგადოებიდან „გამოსასვლელი“ წესები კი არაა (რადგან, ცნობილია, რომ როგორც ამა თუ იმ საზოგადოებაში „შესვლას“, ასევე იქიდან „გამოსვლას“ განსაზღვრული წესების შესრულება სჭირდებოდა), არამედ პირიქით. ეს წესები მიმართულია იქითკენ, რომ ამანათი როგორმე შეუბრუნდეს თავის ძველ თემს, მოკლული ოჯახს და ნათესავებს. საერთოდ, ამანათის მთელი ქმედება, ამანათად ყოფნისას, მიმართულია შერიგებისაკენ. ეს რომ ძველი თემიდან „გამოსასვლელი“ წესები ყოფილიყო, მაშინ შეიძლებოდა ამანათის სტატუსის ისე წარმოდგენა, როგორც ეს ავტორმა სცადა: „По сути феномен этот-категория переходная от членства и покровительства одной общины и ее святилища под покровительства другой на социальной, правовой, религиозной основе“ (დასახ. ნაშრომი, გვ. 120), ანდა ასეთი განსაზღვრა: „...„Это единое, унифицированное представление о сути аманатства, основное значение которого—стремление оставшегося в своей общине вне закона горца[восстановить свою законность в общине чужой“ (იქვე, გვ. 13). ჭეშმარიტად შთამბეჭდავი სიტყვებია, ადრესატი რომ სწორი იყოს. არა თუ აღწერა, იმ წესების ჩამოთვლაც კი შორს წაგვიყვანს, რომელსაც ამანათი ასრულებს შერიგებისათვის. ამანათობის არსის გასარკვევად, აუცილებლად დაცული უნდა იქნეს ქრონოლოგიური თანამიმდევრობა იმ წესებს შორის, რომელსაც ამანათი ასრულებს: ა) პირველი წესია მსხვერპლშეწირვა საკლავისა იმისათვის, რომ ამანათი მის მიერ შერჩეულმა სოფელმა, ხალხმა და ჯვარ-ხატმა დროებით შეიფაროს და მფარველობა გაუწიოს; ბ) შემდეგ, ქრონოლოგიურად, მოდის წესები, რომელთაც ამანათი ასრულებს თავის ძველ თემში მოსისხლესთან შესარიგებლად და სხვ.; გ) და მხოლოდ შემდეგ „აპირით შეყრა“, რომელსაც ამანათი ასრულებს მხოლოდ იმ შემთხვევაში, თუ ვერ შეუბრუნებდა მოსისხლეს და გადაწყვეტს დარჩენას ახალ თემში. წესების შესრულების ამ ქრონოლოგიური თანამიმდევრობის დაცვის გარეშე შეუძლებელია ამანათის ნამდვილი არსისა და მნიშვნელობის დადგენა. ამ მხრივ, გაუგებრობას ქმნის ავტორის მიერ წესების შესრულების ასე დაჯგუფება: ა) წესები, რომლებსაც ამანათი ასრულებს ახალ თემში და მასში განხილული აქვს ზემომოყვანილი პირველი და მესამე წესი და ბ) წესები, რომელსაც ის ასრუ-

⁶ ჩვენ რამოდენიმეჯერ, კიდევ და კიდევ გულდასმით წავიკითხეთ ნაშრომის თავი — „Земельный статус аманата“. აღმოჩნდა, რომ ეს მეტად მნიშვნელოვანი მასალები და მათგან გამოშლინარე დასკვნები ავტორის რატომღაც მხედველობიდან გამორჩენია.

ლებს თავის ძველ თემში. რჩება შთაბეჭდილება, რომ ამანათი „ჯარით შეყრის“ წესს ასრულებს მანამდე, სანამ გაირკვეოდეს მისი დამოკიდებულება მოსისხლესთან. ვიმეორებთ, აუცილებელია ხაზგასმა იმისა, რომ „ჯარით შეყრის“ წესს ამანათი ასრულებს მხოლოდ იმ შემთხვევაში, თუ ის ვერ შეურიგდება მოსისხლეს და გადაწყვეტს ახალ თემში დასახლებას. საყოველთაოდ ცნობილია, რომ „ხარით შეყრა“ იცოდნენ ძლიერმა და სუსტმა გვარებმა (არა მარტო საქართველოში, არამედ ჩრდ. კავკასიაშიც) და სხვ. და ეს წესი მხოლოდ ამანათობასთან დაკავშირებით არ ფიგურირებს.

ავტორი ამანათის მიმართ ხშირად ხმარობს ტერმინ ინკორპორაციას. ამანათი ინკორპორირებული კი არ იყო, არამედ მიკედლებული, დროებითი მაცხოვრებელი. ამანათის მიმართ ამ ტერმინის ხმარებაც, ავტორის მიერ ამანათისა და მოსულის ინსტიტუტების გაიგივების შედეგია. ამ გაიგივებისა და, ამდენად, ამანათის სტატუსის მცდარად გააზრების შედეგია ავტორის შემდეგი თვალსაზრისი: „Аманатство— явление общекавказского масштаба и представляет характерную разновидность искусственного родства“ ...**Посредством феномена аманатства к родству кровному пришивается его искусственная аналогия**“. (გვ. 5). ხელოვნურ დანათესაებასთან არავითარი კავშირი ამანათს არა აქვს. სხვა საქმია, ვიმეორებთ, როდესაც ამანათობის პერიოდში მკვლელი ვერ შეურიგდებოდა მოკლულის ოჯახსა და ნათესაებს და გადაწყვეტდა სხვა თემში სამუდამოდ დასახლებას. უცხო თემში, უცხო საზოგადოებაში „შესასვლელად“ იგი ასრულებდა სხვადასხვა წესებს და, მათ შორის, შეიძლება“ ჯარითაც შეყროდა „რომელიმე გვარს („ჯარით შეყრა“ იცოდნენ აგრეთვე სუსტმა და ძლიერმა გვარებმა და სხვ.), მაგრამ „ჯარით შეყრილი“ პიროვნებისა, თუ გვარის აღსანიშნავად ტერმინი ამანათის ხმარება, სრული პასუხისმგებლობით ვაცხადებთ, ეთნოგრაფიულ მასალებში არსად არ გვხვდება და არც შეიძლება რომ შეგვხვდეს, რადგან ამანათი, რომელიც „ჯარით შეყრება“ სხვა გვარს, (ე. ი. ხელოვნურად დანათესავდება) გადადის თემის მოსახლეობის სხვა კატეგორიაში; ასე აქვს გააზრებული ეს ავტორსაც (გვ. 93)⁷. ამიტომ ამანათის სტატუსში ხელოვნური დანათესაების ფენომენის შეტანა და თქმა, რომ „Аманатство... представляет характерную разновидность искусственного родства“ სინამდვილეს არ შეეფერება.

მართალია, ავტორი ამანათობასა და მოსულობას აიგივებს, მაგრამ მოსულის ინსტიტუტს, ამ კატეგორიის მოსახლეობის არსებობას თემში არა ცნობს. მისი თვალსაზრისით ამანათი და მოსული ერთი და იგივეა, მაგრამ „ჯარით შეყრილი“ მეთემე მოსული კი არ არის, არამედ ისეთივე სრულუფლებიანი წევრია თემისა, როგორც მკვიდრი (გვ. 67, 69, 93, 126, და. ა. შ.). მკვი-

⁷ ჩვენს აზრით, ის ხდება „მოსული“, ავტორის აზრით ის ხდება თემის სრულუფლებიანი წევრი. თუ თემის სრულუფლებიანი წევრია, მაშინ თემის ეს წევრი „представляет характерную разновидность искусственного родства“ და არა „аманатства“. ავტორის შეცდომა სწორედ ესაა, რომ ყველა თვისებას, რასაც „ჯარით შეყრის“ შემდეგ იქნენ მეთემე — ამანათი, კვლავ ამანათობას მიაწერს და არა მოსახლეობის იმ კატეგორიის წარმომადგენელს, რომელშიც გადადის ამანათი „ჯარით შეყრის“ შემდეგ ამანათობა კი არ წარმოადგენს „ხელოვნური ნათესაობის დამახასიათებელ სახესხვაობას“, არამედ მოსახლეობის ის კატეგორია, რომელშიც ამანათი გადადის „ჯარით შეყრის“ შემდეგ.

დ რ ი კ ი მ ც ხ ვ რ ე ბ ს და თ ე მ ი ს ყ ო ვ ე ლ წ ე ვ რ ს ნ ი შ ნ ა ვ ს (გვ. 73). კვლავ ლიტონი განცხადება. მკვიდრისა და მოსულის საკითხს მიედგნა 10 ფორმიანი ნაშრომი (იხ. ე. ერიავილი, უძველესი სოციალურ-რელიგიური ინსტიტუტები საქართველოს მთიანეთში, 1982, თბილისი), მ. კანდელაკი კი ერთის ხელის მოსმით, სულ ორი სიტყვით წყვეტს ამ საკითხს. „В горном же регионе „мквидри“ означает „коренной житель“//„член общины“ (გვ. 73). ა ასე, ერთი წინადადებით „მოხსნა“ ავტორმა ეს პრობლემა. თავი რომ დაგანებოთ ჩვენს ნაშრომს, რა ვუყოთ საარქივო ეთნოგრაფიულ მასალებს? რაშა საქმე, რა აიძულებს ალ. ოჩიაურს, ესა თუ ის გვარი, თუ პიროვნება აღნიშნოს მ ო ს უ ლ ა დ, ე. ი. დაარქვას მას საგანგებო სახელი, ანდა მ კ ვ ი დ რ ა დ, ანუ აგრეთვე დაარქვას მას საგანგებო სახელი? ანდა განასხვავოს, თუნდაც სახელწოდებით მკვიდრი ყმები, ვთქვათ **გარე ყმისგან, ან შემოხიზნული, გაფიცული.** შე წ ი რ უ ლ ი, კ ე ლ დ ე ბ უ ლ ი, ან მოყვანილი ყმისგან? რატომ არიან ისინი საგანგებო სახელწოდების მქონენი? რატომ გაჩნდა ტერმინი უნჯი//მკვიდრი, რას ან ვის დაუპირისპირდა იგი თემში? განა ამ ტერმინთა თუნდაც არსებობას არ უნდა ეკარნახა ავტორისათვის მეტი სიფრთხილის დაცვა?

რა ვუყოთ იმ ფაქტს, როდესაც ალ. ოჩიაური გვეუბნება: ს რ უ ლ ი ა დ ხ ე ვ ს უ რ ე თ ი ს სა ლ ო ც ა ვ ი ს — გ უ დ ა ნ ი ს ჯ ვ ა რ ი ს უ ნ ჯ ი (მკვიდრი) ყმები ჭინჭარაულნი, არაბულნი და გოგოჭურნი არიანო? თუ მთიანეთში უნჯი//მკვიდრი ყველა მცხოვრებს ნიშნავდა, მაშინ, გამოდის, რომ მთელი ხევსურეთის მცხოვრებნი მხოლოდ ჭინჭარაულნი, არაბულნი და გოგოჭურები ყოფილან. მაგრამ სხვა, უამრავი გვარიც რომ სახლობს იქ? რატომ ისინი არ იწოდებიან უნჯებად? ანდა, ფშავში — სადაც უ ნ ჯ ს არ ხმარობენ (უ ნ ჯ ი ფშავში მხოლოდ ხ ა ტ ი ს გ ა ნ ძ ს — ოქრო-ვერცხლს და სპილენძიულს ეწოდება) და სადაც უნჯს ტერმინი მკვიდრი ცვლის — როდესაც ალ. ოჩიაური გვეუბნება, გოგოლაურთის თემის მკვიდრები თურმანაულები არიან, დანარჩენი გვარები კი მოსულეებიო? მკვიდრი თუ თემის ყველა წევრს ნიშნავს, მაშ, გოგოლაურთის თემის წევრები მხოლოდ თურმანაულები ყოფილან.

რა ვუყოთ იმ ფაქტს, რომ სრულიად ხევსურეთის გუდნის ჯვარში ხელოსნებად მხოლოდ უნჯი ყმები დგებიან (ისიც შერჩევით და არა ყველა), ხოლო ხელოსნები კი ის მეთემეებია, რომელთაგანაც ჯვარ-ხატის მსახურნი — თემის თეოკრატიული ხელისუფლების მქონე პირები (ქადაგი, ხუცესი, მედროშე, მეგანძური, მესანილე, მესაფუერე და ა. შ.) დგებიან (ისიც არა ყველა ხელოსანთაგან, არამედ იმ გვარის, მამიშვილობის, ან ოჯახის ხელოსანთაგან, ვისაც „მოუღის“ ქადაგობა, ხუცესობა, მეგანძურობა და ა. შ. ხოლო ვისაც მოუღის, აქედანაც — მხოლოდ იმათგან, ვინც გადაიხდა და „საჯელოში ჩადგომის“, ან „ზღუბლის დაღაჯვის“ წესი).

ანდა რა ვუყოთ ასეთ ფაქტს, არხოტის თემის მაგალითზე, სადაც ს რ უ ლ ი ა დ არ ხ ო ტ ი ს თ ე მ ი ს სა ლ ო ც ა ვ შ ი ხ ე ლ ო ს ნ ა დ მ ი ს ვ ლ ა შეუძლიათ მხოლოდ უნჯებს ჯაბუშანურებს (მათგანაც მხოლოდ ერთ მამიშვილობას), სხვა გვარებს კი, ალ. ოჩიაური მოსულეებს რომ უწოდებს, არა აქვთ თემის სათავეში მდგომ ჯვარ-ხატში ხელოსნად დადგომის უფლება. არ გამოვიკვლიოთ, რა სოციალ-ეკონომიკური საფუძვლები განაპირობებდა ტრადიცი-

ულ ყოფაში ამ მოვლენებს? განა ეს მასალები ჩემგან და ეთნოგრაფ მ. კანდელაკისაგან დამოუკიდებლად, ობიექტურად არ არსებობენ? რატომ უნდა დაზარალებს მეცნიერება ისეთი მკვლევარების მოსაზრებებით, რომლებმაც ვერ შეძლეს დაენახათ, ან, სხვადასხვა მიზეზის გამო, არ სურთ დაინახონ მათი არსებობა.

ანდა, ავიღოთ ავტორის მიერ დამოწმებული შესანიშნავი ტერმინი **გადაგანძული**, რომელსაც იგი ასე განმარტავს: „человек, потерявший свою фамилию“. ავტორის აზრით ... аманат, принятый под покровительство села — общины и породнившийся с какой-либо из фамилий данной общины обычаем складства, как правило, заменял свою фамилию новой, становился гадагандзули“ (გვ. 90). გამოდის გადაგანძული ნიშნავს გ ვ ა რ დ ა კ ა რ გ უ ლ ს, უ გ ვ ა - რ ო ს. ეს უბრალო, პატარა ამბავი როდია!

გადაგანძული სხვანაირადაც შეიძლება გავიაზროთ. საქართველოს მთიანეთში განძი და უნჯი ერთმანეთის პარალელურად იხმარება და ნიშნავს როგორც ოქრო-ვერცხლსა და სპილენძულს — ხატის ქონებას („ხ ა ტ ი ს გ ა ნ - ძ ი“//„ხ ა ტ ი ს უ ნ ჯ ი“, ანდა ხ ა ტ ი ს გ ა ნ ძ ი ს//ხ ა ტ ი ს უ ნ ჯ ი ს შესანიხი საგანგებო ნაგებობა — „საუნჯე“//„საგანძე“), ასევე აღნიშნავს ჯვარ-ხატის ყმათა განსაზღვრულ კატეგორიას — „უ ნ ჯ ი ყ მ ე ბ ი“, „ს ა მ ო გ ა ნ - ძ ე რ ო“. ს ა მ ო გ ა ნ ძ ე რ ო ეწოდება გუდანის ჯვარის უნჯ ყმათა — ქინჯარაულთა, არაბულთა და გოგოჭურთა — თემს. ამდენად, ს ა მ ო გ ა ნ ძ ე რ ო უნდა გავიაზროთ როგორც ს ა უ ნ ჯ ო ზ. გ ა დ ა გ ა ნ ძ ე ლ ი, ისევე როგორც გ ა დ ა ჯ ი შ ე ბ უ ლ ი//ჯ ი შ დ ა კ ა რ გ უ ლ ი//ჯ ი შ ო, უნდა ნიშნავდეს გ ა ნ ძ ე დ ა კ ა რ გ უ ლ ს, გ ა დ ა უ ნ ჯ ე ბ უ ლ ს, ანუ უ ნ ჯ ო ბ ა დ ა კ ა რ - გ უ ლ ს, რაც შეესატყვისება ისეთი სტატუსის მქონე ფენამენს, როგორიც მ ო ს უ ლ ი ა (რა თქმა უნდა ჩვენი გაგებით). მოსული ის არის, ვინც უნჯობა დაკარგა. აი რატომ არ უნდა ამანათს ახალ თემში დარჩენა და იმ შემ-

8 სპეციალურ სამეცნიერო ლიტერატურაში უნჯი, საუნჯე მანუელია უცხოური წარმოშობის განძის ქართულ ეკვივალენტად (ი. აბულაძე, ქართული და სომხური ლიტერატურული ურთიერთობა IX—X სს., გვ. 091) მზია ანდრონიკაშვილი კი ქართულ უნჯს ირანული წარმოშობისად თვლის (მ. ანდრონიკაშვილი, ნარკვევები ირანულ-ქართული ენობრივი ურთიერთობიდან, გვ. 165).

9 ავტორი წერს: „...аманат, принятый под покровительство села — общины и породнившийся с какой-либо из фамилий данной общины обычаем складства, как правило, заменял свою фамилию новой, становился гадагандзули (человек, потерявший свою фамилию). В итоге аманат следовал всем правам и обязанностям, возложенным на коренных общинников — покровителей“. (გვ. 90). მოტანილ მსჯელობაში განა შეუტანამობა არაა, როდესაც გადაგანძული სსხელწოდების მქონე მეთემე თემის სრულფუნქციონარად არის წარმოდგენილი? „ჯარაი ნეყრილი“, გვარგამოცვლილი ამანათი — მეთემე თუ სრულფუნქციონარად წვერი ხდება, ანუ მოსახლეობის სხვა კატეგორიაში გადადის, მაშინ ის ამანათიც აღარაა და არც ეს მსჯელობაა სწორი: «В итоге аманат следовал всем правам и обязанностям, возложенным на коренных общинников — покровителей», ამანათი კი არა, **გადაგანძული** „следовал всем правам“... მაგრამ რადგან გადაგანძული არ შეიძლება რქმეოდა თემის სრულფუნქციონარად წვერს, ამიტომ გადაგანძული თემის მოსახლეობის ის კატეგორიაა, რომელიც უკვე აღარც ამანათია და თემის სრულფუნქციონარად წვერიც არაა. მოსახლეობის აი, ეს კატეგორია სწორედ მ ო ს უ ლ ი. ის არის გადაგანძული, ანუ განძდაკარგული, ანუ უნჯობადაკარგული.

თხვევამიც კი, სახლ-კარი და მამულიც ნაყიდი რომ აქვს, ყიდის და მიდის თავის ძველ თემში. მაგრამ არავინ იფიქროს, რომ თავის თემში იგი ძველი უფლებებით აგრძელებს ცხოვრებას. სრული რესტიტუცია მკვლელისა არც ძველ თემში არ ხდება. ძველ თემში დარჩენაც არ არის უმტკივნეულო და მთელი სიცოცხლის მანძილზე ამ მეთემისა და მისი შთამომავლობისაგან გარკვეული სახის დათმობებთან არის დაკავშირებული მოკლულის გვარის და ოჯახის წინაშე.

ეს მასალებიც ცნობილია ავტორისათვის, მაგრამ გააზრებული და შეფასებული არაა მათი ღირებული მნიშვნელობის თვალსაზრისით: „Таким образом, волей и силой святилища удаётся примирение враждующих сторон. Однако дело этим не завершается: традиция живёт, а следовательно и «остаток» кровной мести, длежащийся согласно преданию, ещё лет сто, именуясь «хмели тави», переходя из поколения в поколение. Суть его состоит в следующем: потомки совершившего деликт горца обязаны ежегодно приносить одну жертву, препровожденную ритуальным напитком в пользу семьи пострадавшего (!) Помимо того, при встрече представителей враждующих некогда сторон, виновная сторона обязана послать пострадавшей первую чашу (таси), именуемую «пативи»... По требованию того же «пативи» представителям рода убийцы строго запрещалось пить или веселиться в присутствии пострадавшей некогда стороны, не заполучив на то ее согласия... представителю со стороны убийцы не дозволено затевать ссору в присутствии пострадавших»... (გვ. 41).

განა ასეთი მეთემე — მოსისხლესთან და თავის ძველ თემთან შერიგებული ყოფილი (!) ამანათი, რომელსაც დამოუკიდებელი მოქმედების (ხმამალალი ლაპარაკის, სიცილის, მხიარულების, ჩხუბის და ა. შ.) უფლება აღარ აქვს მოკლულის მხარის წარმომადგენლის თანდასწრებით და მისგან ნებადაურთველად, თან ყოველწლიურად მოკლულის ოჯახის სასარგებლოდ გამოსათვლელ იღებს (მით უმეტეს, რომ ეს ყველაფერი „კმელი თავის“ სახელწოდებით თაობიდან თაობაზე გადადის ასი წლის განმავლობაში) — შეიძლება, ისევე თემის სრულუფლებიან წევრად ჩაეთვალოს? რა თქმა უნდა, არა. ასევე არ ჩაითვლება თემის სრულუფლებიან წევრად ახალ თემში მიღებული ყოფილი ამანათი. თუ კი სხვადასხვა მიზეზის გამო (ამ მიზეზებს მეცნიერულ ინტერესებთან არაფერი საერთო არა აქვს), კოლეჯის იმ მოსაზრების აღიარება გვჭირს, რომლის მიხედვითაც, თემში ყოველი მოსულად წოდებული ოჯახი, გვარი თუ მამიშვილობა, ყოველწლიურად ჭვარ-ხატში ერთ საკლავს (ცხვარი) სწირავს თავისი ლუდით, არყით და სანთლით, იმის აღიარება მაინც უნდა შეგვექმლოს, რაც საკუთარ ნაშრომში თეთრზე შავით დაბეჭდილი მასალებიდან გამომდინარეობს.

ასე რომ არ ყოფილიყო, მაშ, რაში უნდა გამოხატულიყო მკვლელის დანაშაულები? ეტყობა მკვლელისთვის შემდგომმა ცხოვრებამ, დარჩება ის საკუთარ თემში, თუ სხვა თემში გადასახლდება საცხოვრებლად, სასჯელის სახე უნდა მიიღოს. თუ ახალ თემში „კარით შეყრის“ შემდეგ, ის („გადაგანძული“) თემის სრულუფლებიანი წევრი გახდება (როგორც ეს ნაშრომის ავტორს აქვს წარმოდგენილი), მაშინ არც ერთი ამანათი აღარ შეეცდება შეურიგდეს მოკლუ-

ლის ოჯახსა და ნათესაებს, პირდაპირ აიყრება და გადასახლება ახალ თემში, სადაც მას, განსაზღვრული წესების შესრულების შემდეგ, თემის სრულფუნქციონარად მიიღებენ. რას ჰკარგავს მკვლელი? არაფერს. აქაც სრულფუნქციონარი იყო და იქაც სრულფუნქციონარი იქნება. მაგრამ თუნდაც, მორალურ-ზნეობრივი სასჯელი? საზოგადოების წინაქალაქობრივ საფეხურზეც (ასე აქვს შეფასებული ავტორის მთიანეთის საზოგადოებრივი განვითარების დონე) ხომ უნდა არსებულყო თუნდაც მორალური ნორმები?

ამანათობის მთელი არსი კიმაში მდგომარეობს, რომ ჯერ ერთი, თავი გაარიდოს მოსისხლეს დროებით და მეორეც, როგორმე ეცადოს მასთან შერიგებას. მ. კანდელაკის ნაშრომში იკაცე ნიტი გაკეთებულია ამანათის უცხოთემში დასახლება-ინკორპორირებაზე¹⁰, რითაც ამანათობის არსი, მისი ნამდვილი სახე გაბუნდოვანებული და გამოუცვეთელი დარჩა.

ამრიგად, მ. კანდელაკის დასახლებულ ნაშრომში აღვილი აქვს შეგნებულ, თუ შეუგნებელ აბერაციას—ამანათობის შესახებ ობიექტურად არსებული მასალებიდან (რომლის ნაწილიც მოვიტანეთ აქ) გამომდინარე დასკვნები არ აისახა ამანათის სტატუსში, რითაც მოხდა ამ ინსტიტუტის ერთგვარი „გამრუდვება-გალარიბება“, მისთვის დამახასიათებელი ნიშან-თვისებების დაკარგვით. ამანათობა რთული, „მდიდარი“ ინსტიტუტია და არც ვალორიზაციას არ საჭიროებს ამანათის სტატუსში თემის სხვა კატეგორიის მოსახლეობისათვის (მოხუცობის, მკვიდრის) დამახასიათებელი ნიშან-თვისებების ასახვის საშუალებით.

ამანათობის სტატუსის მცდარად განსაზღვრის შედეგად, ასევე მცდარად არის შემდეგ წასული თეორიული მსჯელობა „მთიელთა სოციალური სისტემის“ (социальной системы горцев) რეკონსტრუქციის შესახებ. მაგ., ავტორი წერს: „на примере института аманатства представляется возможность иллюстрирования в общественном быту одного из основных законов материалистической диалектики — единства и борьбы противоположностей, в данном случае представленных в виде кровно-родственных и искусственно-родственных (территориальных) начал в территориальной общине горцев Грузии“ (გვ. 5). გვესმის, რომ ავტორი აქ ამოდის ამანათობის მის მიერ დადგენილ სტატუსიდან, რომ ამანათი „представляет „характерную разновидность искусственного родства“ და რომ „посредством феномена аманатства к родству кровному примешивается его искусственная аналогия, основанная, в сущности, на договорных началах между чужаком (аманат-пришелец), инкорпорированным к покровителям, и общиной — покровительницей“ (იქვე). მაგრამ სწორედ თავისი კონცეფციიდან გამომდინარე, რაში ხედავს იგი ნათესაობის ამ ორი საწყისის დამირისპირებას და, მით უმეტეს, ბრძოლას, ამანათობის მაგალითზე? ავტორის აზრით, ამანათი ხომ თემის სრულფუნქციონარი წევრი ხდება. მას ხომ თემის რიგითი წევრის უფლებებში სეამენ — აძლევენ მიწას მფლობელობაში, ჯვარ-ხატების სამსახურში

¹⁰ Статус аманата первоочередно разумел инкорпорирование чужака в общину — покровительницу“ (128), რაც სინამდვილეს არ შეეფერება. ამანათობის პერიოდში მთემის მთელი ქმედება მიმართულია მოსისხლესთან შერიგებისკენ.

აყენებენ (ამანათს შეუძლია ჯვარ-ხატების სამსახურის სათავეშიც კი ჩადგეს). სად არის აქ დაპირისპირებულობა, მით უმეტეს, ბრძოლა? რით არის ნათესაობის ეს ორი საწყისი ამანათობის მაგალითზე, დაპირისპირებულთა ერთიანობისა და ბრძოლის კანონის ილუსტრაცია? ნაშრომიდან ეს ვერ დავინახეთ. თითქოს სრული სიმშვიდეა, არსად და არაფერში არა თუ ბრძოლის, ლეღვის ნიშნებიც კი არა ჩანს. აი, თვითონ ავტორი კი ნამდვილად ლეღავს, როდესაც გასაოცარი სითამამითა და ტონით ჩვენ გვიკვირებს „ელემენტარული პროფესიული ეთიკის სრულ უგულვებელყოფას“¹¹. (გვ. 51—52), გვიყენებს „ფაქტების შელამაზების“, „თვითნებური შეფასების“ ბრალდებებს (იქვე), ჩვენს ინტერპრეტაციას უწოდებს „თვითნებურს“¹², (გვ. 27), ემეციანობს, რომ „это делается с явной целью подогнать результаты своих исследований под общепринятые положения...“ და სხვა.

და საბოლოოდ, კიდევ ერთი საკითხის შესახებ, რომელსაც სხვა შემთხვევაში, ალბათ არც კი შევხებოდით, მსგავს საკითხებზე თვითონ ნაშრომის ავტორი რომ არ ამახვილებდეს ყურადღებას. ჯერ კიდევ სადისერტაციო ნაშ-

¹¹ ნაშრომის მეორე თავში (გვ. 51-52, სქოლიო № 3) ავტორი წერს: „...полностью игнорируя элементарную профессиональную этику, этнограф Эриашвили Ж. Г. в своем автореферате „Древнейшие...“ обходит названные выше материалы (в основном архивные и доступные для обозрения), а также исследование, посвященное специально вопросу пришлого-аманата. Похоже, что это делается с явной целью подогнать результаты своих исследований под общепринятые положения, приукрашивая факты для их подтверждения. Мы имеем в виду здесь не раз обыгрывающийся в работе Эриашвили Ж. Г. тезис относительно связей аманата с его гокровителем, произвольно квалифицированный ею как отношения господства—подчинения“.

ზემოდასახელებული ავტორეფერატი წარმოადგენს ჩვენი წიგნის — „უძველესი“... ზუსტ რეზიუმეს. ამიტომ ავტორეფერატი (და მით უმეტეს, წიგნში) ვერ აისახებოდა წიგნის გამოცემიდან (1982 წ. აპრილი) ერთი წლის შემდეგ დასაცავად წარმოდგენილი (1983 წ. აპრილი) ეთნოგრაფ მ. კანდელაკის ნაშრომი. რაც შეეხება მის სტატიას „Аманати у горцев Восточной Грузии“, რომელიც 1972 წელს დაიბეჭდა (მსგ., XVI—XVII, გვ. 293—297)

და საარქივო მასალებს ამანათობის შესახებ, მათზე ჩვენ საგანგებოდ ყურადღება არ გავვიმახვილებია იმ უბრალო მიზეზის გამო, რომ წიგნში (წიგნი იგივე სადისერტაციო ნაშრომია) ჩვენ ამანათის საკითხი არ შეგვისწავლია: ამის დასადასტურებლად მოვიტანთ ციტატას წიგნიდან: „აღნიშნულ რეგიონში, მოსალოდნელია, მოსახლეობის სოციალური შემადგენლობის უფრო რთული სურათიც აღდგეს (მაგ., ნაშრომში განხილული არაა თემის გარეთ მდგომი პირის — ამანათის, დაყრდნობილი თემების, მფარველობაში შემოსული სუსტი გვარების საკითხი და სხვა.), რასაც საკითხის შემდგომი კვლევა წარმოაჩენს“ (დასახ. ნაშრომი, გვ. 163).

ჩვენი „შედეგმა“ ის იყო, რომ ამანათის, როგორც ტერმინის, ჩვენეულ განსაზღვრვას წიგნში (გვ. 32), დაფუძნებულს საარქივო მასალების მონაცემებზე, არ მიუუწერეთ ფრჩხილებში: შდრ. მ. კანდელაკი, „Аманати у горцев Восточной Грузии“. კანდელაკის სხვა ნაშრომი ამანათობის შესახებ ჩვენი წიგნის გამოცემისას (დაიბეჭდა 1982 წ. აპრილში, გამოცემლობას გადაეცა 1980 წ.), არ არსებობდა. ეს არ გავაკეთეთ სწორედ კოლეგიალობის გამო — ვიცოდით რა, რომ ამანათობის საკითხი საგანგებოდ ისწავლებოდა ავტორის მიერ და ვფიქრობდით, რომ საკითხის მონოგრაფიული შესწავლა მას იმ ხარვეზებისაგან დააზღვევდა, რაც აღნიშნულ სტატიაში ჰქონდა დაშვებული. სამწუხაროდ, ეს ასე არ მოხდა. აი, სულ ეს იყო „შედეგმა“, რომელზედაც ააგო ავტორმა შემდეგ ჩვენი აუგად მოხსენიების მთელი გამოა.

¹² ჩვენი ეს ინტერპრეტაცია საკითხის საგანგებოდ შესწავლის შედეგად არის მიღებული და არა ისეთი ლიტონი განაცხადია, როგორსაც ავტორი აკეთებს.

რომში, შემდეგ ავტორეფერატსა და წიგნში, იგი არაერთხელ ხაზს უსვამს იმ გარემოებას, რომ ამანათობის ინსტიტუტი პირველად მან შეისწავლა მონოგრაფიულად, რაშიც ჩვენც სავსებით ვეთანხმებით მას. მაგრამ ავტორის პოზიციიდან გამომდინარე, თუ ამანათობა და მოსულობა ერთი და იგივე ინსტიტუტებია (რაშიც იგი მტკიცედ არის დარწმუნებული), აღნიშნული ხაზგასმა სწორი არ არის და ავტორს გვინდა ვუსაყვედუროთ „ელემენტარული პროფესიული ეთიკის სრული უგულებელყოფა“ (მისი სიტყვებით), რადგან მოსულობის ინსტიტუტი (და მისი საპირისპირო მკვიდრის ინსტიტუტი) შესწავლილია (მართალია, ცუდად — მისი აზრით) ჩვენს წიგნში „უძველესი...“, რომელიც გამოიცა 1982 წ. აპრილში (უფრო მეტიც, გამომცემლობას გადაეცა 1980 წ.), ხოლო ავტორმა თავისი სადისერტაციო ნაშრომი გადასცა და დაიცვა 1983 წლის აპრილში, წიგნად კი გამოსცა 1987 წ. მართალია, 1972 წელს მას გამოცემული ჰქონდა ხუთგვერდიანი სტატია (გვ. 293—297) ამანათობის შესახებ, მაგრამ ეს საკითხის მონოგრაფიულად შესწავლას ხომ არ ნიშნავდა? ამიტომ, მისივე პოზიციიდან გამომდინარე (მოსულობა-ამანათობის გაიგივებისას) ავტორს არ ჰქონდა საფუძველი დაეწერა, რომ ამანათობის ინსტიტუტი პირველმა მე შევისწავლე მონოგრაფიულად-ო. ჩვენი პოზიციიდან გამომდინარე კი (ამანათობის ინსტიტუტი სხვაა, მოსულის — ს რ უ ლ ი ა დ სხვა), მას ამის სრული უფლება ჰქონდა.

В. Б. ВИНОГРАДОВ

О РЕАЛЬНОСТИ ГРУЗИНСКОГО ВЛИЯНИЯ НА СЕВЕРО-ЗАПАДНОМ Кавказе в X—XIII вв.

В контексте увлеченного изучения постоянно актуальной проблемы алаано-византийских отношений В. А. Кузнецов счел недавно необходимым открыть полемику¹ с авторами ряда новейших работ, посвященных попыткам поисков вполне естественных в исторических условиях X—XIII вв. следов социально-политического и культурного влияния Грузии на полиэтничное население Прикубанья, как органической части Северо-Восточного Причерноморья. Автор полагает, что в свете его разработок «говорить о серьезном политическом и культурном влиянии Грузии в пределах Западной Алании (а это — часть разветвленного бассейна верховьев Кубани, — В. В.) вряд ли приходится. Тем более не приходится говорить о вассалите Западной Алании по отношению к феодальной Грузии даже в пору ее расцвета в XII в.».

Конкретной мишенью своих «нескольких критических замечаний» видный алаановед избрал давние уже работы А. Н. Дьячкова-Тарасова², Г. Зардалишвили³, и новые — М. Н. Ложкина⁴, В. Б. Виногорова⁵, В. Б. Бесолова⁶. Последний из оппонентов В. А. Кузнецова подвергся наиболее острой критике, причем в выражениях, которые существенно обесценивают предшествующие им упреки в «крикливых, некорректных» действиях осетинского архитектора-краеведа и невольно вызывают сомнения в умении автора «быть объективным в поиске научной истины, далекой от околонуточных спекуляций» и «не подверженной веяниям «прогрессивной» моды»⁷.

Следует отметить, что раздраженность тона полемики маститого специалиста всегда настораживает сама по себе. В данном случае

¹ Кузнецов В. А. Алания и Византия. — В кн.: Археология и традиционная этнография Северной Осетии. Орджоникидзе, 1985, с. 59—61.

² Дьячков-Тарасов А. Н. Сентинский храм и его фрески. — Кубанский сборник, т. V. Екатеринодар, 1899, с. 3—4.

³ Зардалишвили Г. К установлению некоторых географических наименований Клухорского района. — Известия Всесоюзного географического общества, т. 84, вып. 3, Л., 1952.

⁴ Ложкин М. Н. Новые памятники средневековой архитектуры в Краснодарском крае. — СА, 1973, № 4, с. 270—276; его же. Каменная алтарная преграда грама № 1 Ильичевского городища XII—XIII вв. в Отрадненском районе Краснодарского края. — II Международный симпозиум по грузинскому искусству. Тбилиси, 1977, с. 1—3.

⁵ Виноградов В. Б. Новое о периодизации и характере грузинско-северокавказских историко-культурных связей. — IV Международный симпозиум по грузинскому искусству. Тбилиси, 1983, с. 2—3.

⁶ Бесолов В. Б. Архитектура храма Сенты и многоаспектное сравнение его с памятниками христианского Востока и Византии. — IV Международный симпозиум по грузинскому искусству. Тбилиси, 1983, с. 18—22.

⁷ Кузнецов В. А. Указ. соч., с. 61.

это становится особенно ощутимо, если учесть, что кроме устаревших статей А. И. Дьячкова-Гарасова и Г. Зардалишвили объектом резко-го недовольства В. А. Кузнецова, выраженного в «узковедомственном издании», стала серия публикаций материалов Международных симпозиумов по грузинскому искусству (Тбилиси, 1977, 1983 гг.), уровень научной апробации которых не просто поставить под аргументированное сомнение.

Вряд ли подобные дебаты, незаметно для автора переходящие в окрик и категорическое назидание, могут привести к установлению истины, или хотя бы заметному движению по направлению к ее познанию. В Политическом докладе ЦК КПСС XXVII съезду партии подчеркивается: «Схоластика, начетничество и догматизм всегда были путями для действительного приращения знаний. Они ведут к застою мысли, мертвой стеной огораживают науку от жизни, тормозят ее развитие. Истину обретают не в декларациях и предписаниях, она рождается в научных дискуссиях и спорах, проверяется в действии»⁸.

Руководствуясь именно таким пониманием ситуации, попытаюсь внести вклад в решение дискуссионной проблемы, сконцентрировав внимание читателя на некоторых авторских трактовках, касающихся отдельных комплексов и ансамблей памятников или узколокальных районов, а также предлагая попытку ранее не предпринимавшейся сводки фактов и вытекающих из них исследовательских мнений, затрагивающих важную тему: «Грузия и Северо-Восточное Причерноморье в X—XIII вв.», которая, разумеется, имеет не меньшее право на беспристрастную разработку, чем любая иная из более привычных до сих пор.

Эта задача диктуется прежде всего тем очевидным для меня обстоятельством, что существует определенная тенденция противопоставить и даже взаимоисключить грузинское и византийское влияние в отдельных областях Северного Кавказа и прежде всего в Прикубанье. Происходит так прежде всего потому, что во главу угла анализа ставятся все еще эпизодические археолого-архитектурные объекты, главными толкователями которых выступают археологи, тогда как строго архитектурный подход к подобным источникам открывает иные, более широкие горизонты и уж во всяком случае часто не оставляет места для однозначных оценок⁹. К тому же — и в этом В. А. Кузнецов совершенно прав: «История архитектуры — часть материализованной истории общества, специфически отражающая не только крупные и длительные общественные процессы, но и некоторые исторические явления. Вряд ли нужно доказывать, что архитектурное развитие не существует отдельно и изолированно от общен исторического и что одно с другим тесно взаимодействует при условии конечного примата истории»¹⁰.

Однако это отнюдь не обязательно «примат истории» Византии или какого-либо еще государственно-культурного феномена или даже искусственно сконструированной группы таковых. Вот почему, например, вызывает неудовлетворенность тот факт, что в обобщающей кни-

⁸ Горбачев М. С. Политический доклад Центрального Комитета КПСС XXVII съезду Коммунистической партии Советского Союза. М., 1986, с. 108.

⁹ Гольдштейн А. Ф. Еще раз об изучении памятников архитектуры в горах Северного Кавказа. — В кн.: Археология и вопросы социальной истории Северного Кавказа. Грозный, 1984, с. 111—116.

¹⁰ Кузнецов В. А. Указ. соч., с. 61.

ге «Очерки истории алан» В. А. Кузнецов, наметив с помощью специальных глав пути взаимных связей алан с Ираном, Византией, хазарами и русами, совершенно устранился от комплексной оценки алано-грузинских взаимоотношений и взаимодействия. Но без них панорама истории алан и их государственного образования никак не может быть ни полна, ни объективна¹¹.

Чтобы последнего не случилось, следует стремиться восполнить этот досадный пробел привлечением другой (прежде всего — общеисторической) литературы, базирующейся на тех источниках, которые, собственно, и создают реальную канву исторических процессов и конкретных явлений.

Круг научных работ, освещающих (обычно сквозь призму древне-русско-восточных связей) взаимоотношения Грузии с Северо-Западным Кавказом, не так уже мал и принадлежит перу весьма знающих специалистов¹². В нем необходимо особо выделить ценную монографию З. В. Папаскири, содержание которой заметно шире буквального понимания ее названия¹³. В частности, оно мотивируется и таким важным соображением: «Так как взаимоотношения Грузинского царства с народами Северного Кавказа были составной частью общей северной политики Грузии, мы сочли нужным (в отдельной главе) кратко остановиться на грузино-северокавказских связях XI—XII вв. и определить место и значение этих отношений в северном направлении грузинской внешней политики в целом»¹⁴.

Избегая пересказа этого интересного труда, привлечем для нашей темы некоторые его положения и выводы.

З. В. Папаскири впервые охарактеризовал каналы русско-грузинских контактов, в том числе собственно черноморский, обеспечивающийся способом каботажного плавания вдоль восточного побережья, и Прикубанский сухопутный, роль которого неминуемо возросла в результате «завоевания Тамани и создания там русской политической единицы (Тмутараканского княжества)». «В XI—XII вв. границы Грузинского феодального государства на северо-западе находились где-то под Туапсе», что определяло хорошую взаимную осведомленность.

В книге убедительно показано, что «важным связующим звеном между Русью и Грузией (особенно с конца X века) являлась Византия», чья политика была к той поре достаточно активна в Алании и Прикубанье. Автор внес окончательную, пожалуй, ясность в трактовку вопроса о «варангах» в Грузии. Таковые представляются крупной военной дружиной, пришедшей из земель Киевской Руси в 1046 г на помощь непосредственно Баграту IV и состоявшей из русских и «варягов» (норманов).

Последний тезис трудно изолировать от использования в той или иной степени Северо-Западного Кавказа как транзитной территории

¹¹ Кузнецов В. А. Очерки истории алан. Орджоникидзе, 1984.

¹² См., например: Новосельцев А. П. и др. Древнерусское государство и его международное значение. М., 1965, с. 355—419; Анчабадзе З. В. и др. Очерки истории горских народов Кавказа. Тбилиси, 1969 (на груз. яз.); Папаскири З. В. Варанги грузинской «Летописи Картли» и некоторые вопросы русско-византийских контактов. — История СССР, 1981, № 3; Новосельцев А. П. Киевская Русь и страны Востока. — Вопросы истории, 1983, № 5, с. 17—31.

¹³ Папаскири З. В. У истоков грузино-русских политических взаимоотношений. Тбилиси, 1982.

¹⁴ Там же, с. 46—102.

движения «варангов». И здесь уместно вспомнить оригинальные и довольно веские поиски возможных следов варягов в лингво-этнографической традиции адыгов Прикубанья¹⁵, а также новые открытия Ю. И. Десятчикова на Таманском полуострове, где обнаружено и исследуется мощное городище, часть истории которого сопоставляется с деятельностью «русов» в Предкавказье в X в. н. э., имевших тут, вероятно, крупный военный «перевалочный» лагерь¹⁶.

З. В. Папаскири далее рассмотрел «грузино-овские» (т. е. грузино-аланские) отношения. Он очень тактично провел историографический обзор и анализ источников, сумев придти к доказательному выводу о том, что «в грузино-овских отношениях XI—XII века являются новым этапом развития связей между народами... На первом этапе (Георгий I) грузинская дипломатия не смогла добиться существенных успехов. Однако уже со времени Баграта IV намечаются определенные сдвиги, в результате которых грузинский царь к концу своего царствования оказался в силах привлечь многочисленное овское войско для участия в военной экспедиции против эмира Гандзи. В это время уже можно проследить элементы вассальной зависимости Овсетии (т. е. Алании) от Грузинского царства. В эпоху Давида Строителя Овсетия окончательно вошла в круг вассально зависимых от Грузии стран и продолжала пребывать в нем почти целое столетие». Автор резонно акцентирует, что в этом вопросе «в современной грузинской историографии нет принципиальных разногласий»¹⁷. И неправоммерно, как это делает В. А. Кузнецов, игнорировать столь авторитетное мнение.

Если же попытаться противопоставить историческую ситуацию в «западной Алании» остальной части аланского государственного образования, то, очевидно, следовало бы учесть и особенности реальных взаимоотношений Грузии с адыгами Прикубанья, которые на основе изучения письменных источников З. В. Папаскири суммирует так: «Джики, кашаги редко упоминаются в грузинских хрониках. Несмотря на это, можно предположить, что некоторая часть и этих племен в XI—XII вв. попала под влияние Грузии. Мы обращаем внимание на тот факт, что северо-западная граница феодальной Грузии в это время доходила до Никопсии. Еще в XI в. один из грузинских авторов называл Никопсию «нашей страной — Абхазией». Давид Строитель своею сыну оставлял землю «от Никопсии до Дарубандского моря. Царица Тамар владела землями от «Понтийского (Черного) моря до Гурганского (Каспийского) моря всех кавкасийцев, имеров и амеров до Хазарии и Скифии». По сообщению «Матиане» еще абхазский царь Георгий II (929—957 гг.) одного непокорного феодала отправил в Джикети для отбывания там наказания. Кашаги примкнули к сторонникам Юрия Андреевича и Вардана Дадияни во время конфликта 1191 г. Они же перечислены среди народов, «опекаемых царицей Тамар». Приведенные факты могут засвидетельствовать распространение грузинского влияния и на этой части Северного Кавказа»¹⁸.

¹⁵ Лавров Л. И. Возможный след варягов на Северо-Западном Кавказе. — В кн.: Краткое содержание докладов среднеазиатско-кавказских чтений, май, 1978 г. Л., 1978, с. 17—18.

¹⁶ Устное сообщение Ю. И. Десятчикова. Информацию см. в кн.: Археологические открытия 1985 года. М., 1986.

¹⁷ Папаскири З. В. У истоков..., с. 57.

¹⁸ Там же, с. 64—66.

Немалые по объему и содержанию извлечения из монографии З. В. Папаскири вовсе не означают моей принадлежности к числу апологетов идеи создания «единой феодальной монархии в Грузии и на всем Кавказе в XI—первой половине XIII в.»¹⁹. Однако, не отвлекаясь естественными преувеличениями средневековых источников, можно признать, что версия исторического процесса, отстаиваемая З. В. Папаскири, имеет серьезные основания. И нельзя делать вид, что таковых вроде и не существует, подменяя критическое исследование наличных данных хлесткими декларациями постоянного приоритета Византии.

При толковании и трезвой оценке имеющихся фактов большое значение приобретает объективный учет роли Абхазии как транзитной территории не только византийского, но и собственно грузинского влияния на Северо-Западный Кавказ. Для периода XI—XIII вв. представляются несколько абстрактными и схоластическими споры и мнения некоторых коллег о признаках и соотношениях «грузинской» и «абхазской» архитектурных традиций, «школ» как таковых в их взаимодействии на алан и касогов Прикубанья²⁰, об «опосредованном через Абхазию грузинском влиянии», исключаяшем-де «прямое влияние из Картли»²¹. Реальность того, что с 20-х годов XI в. Абхазия была включена в состав Грузинского государства и находилась под сильным воздействием собственно грузинской культуры, позволяет считать такую дискуссию в известной мере излишней, не учитывающей ясный исторический контекст.

Напомним теперь и наличные архитектурные и вещественные материалы во всем их доступном сегодня (и постепенно растущем) разнообразии.

На Ильичевском раннесредневековом городище в верховьях р. Уруп (в границах «западной Алании») М. Н. Ложкиным выявлены руины трех церквей, которые отмечены явным сходством с христианскими зданиями Закавказья, в частности, Грузии²². В 1977 г. В. А. Кузнецов писал о них: «Появление **группы грузинских памятников** (выделено мною — В. В.) в хорошо освоенных византийскими миссионерами районах западной Алании вносит некоторые коррективы в наши представления о ходе христианизации этой части Алании и исторических особенностях этого процесса»²⁴. Сегодня он настаивает на «специальном исследовании» этих объектов и, всячески преуменьшая возможный «политический смысл грузинского влияния»,

¹⁹ Сравни: Шавхелишвили А. И. Из истории взаимоотношений между грузинским и чечено-ингушским народами (с древнейших времен до XV в.). Грозный, 1963, с. 72—76; Виноградов В. Б., Саламов А. А. Об одной попытке освещения грузино-вейнахских связей. — В кн.: Археолого-этнографический сборник, т. I. Грозный, 1966, с. 167—175.

²⁰ Перфильева Л. А. Архитектурные памятники средневековой Алании. — В кн.: Конференция «Культурные взаимосвязи народов Средней Азии и Кавказа с окружающим миром в древности и средневековье». Тезисы докладов. М., 1981, с. 9.

²¹ Кузнецов В. А. Зодчество феодальной Алании. Орджоникидзе, 1977.

²² Анчабадзе З. В. Из истории средневековой Абхазии. Сухуми, 1959, с. 196—202.

²³ Ложкин М. Н. Новые памятники...; его же. Каменная... .

²⁴ Кузнецов В. А. Зодчество..., с. 94.

готов свести вопрос лишь к тому, что «иерархи Аланской церкви», находясь под диктатом Константинополя, но, «нуждаясь в опытных строителях, иногда приглашали их из близлежащих и единоверных Абхазии и Грузии»²⁵.

Не стану опспаривать возможности такого поворота дел в каких-то конкретных случаях, но следует учесть, что настойчивые изыскания М. Н. Ложкина ввели в научный оборот сведения о христианских храмах грузинской архитектурной школы и на северокавказском отрезке Черноморского побережья (Ахун, Агуа), за пределами западной Алании²⁶. Нуждается в учете и выявляемое ныне «присутствие грузинского элемента... в деталях (композиция завершений, форма, конструкция и материал покрытия зданий)» знаменитых зеленчукских храмов Алании, что связывается весьма компетентным исследователем с «вторичным строительным периодом», датируемым «не ранее XI века»²⁷.

Наконец, архитектурные доводы и соображения В. Б. Бесолова относительно храма Сенты в Теберде, высказанные в печати под редакцией такого знатока монументальной архитектуры Грузии и Закавказья, как В. В. Беридзе²⁸, отнюдь не сводятся к двум пассажиам, вызвавшим негодование и протест В. А. Кузнецова. Они заслуживают спокойной и деловой оценки. Только так можно определить меру достоверности исторически отнюдь не противостественной гипотезы, согласно которой архитектурные веяния проникали на Северо-Западный Кавказ не обязательно морским или прибрежным путем из Византии, но и «просачиваясь и преломляясь сквозь... грузинскую и, частично, абхазскую культуры, видоизменяясь в местных условиях и конкретной среде...»²⁹.

Но, как теперь выясняется, источники не ограничиваются лишь архитектурными объектами. Наличие определенных и ранее неуловимых связей Грузии с Северо-Восточным Причерноморьем фиксируется данными нумизматики.

Еще недавно бытовало убеждение о полном отсутствии к северу от Главного Кавказского хребта каких-либо грузинских монет первых трех веков II тысячелетия н. э. Размышляя над этим «странным на первый взгляд фактом», Е. И. Крупнов писал: «Надо помнить, что период наивысшего расцвета средневековой грузинской культуры и государственности — XI—XIII вв. — одновременно является и временем прекращения чеканки серебряных монет», которая «возобновилась только при шарице Русудан в 1230 году. А медные монеты, чеканившиеся в предшествующий период в Грузии, были абсолютно бесформенными и вряд ли могли привлечь внимание горских красавиц как украшения. В монетах же как в денежных знаках горские общества, даже будучи вассальными Грузии, пока потребности не испытывали»³⁰. Эта схема как будто бы подтверждалась и тем, что

²⁵ Кузнецов В. А. Алания..., с. 59—60.

²⁶ Ложкин М. Н. Христианские памятники домонгольского периода как источники изучения внешних связей народов Северо-Западного Кавказа. — В кн.: Конференция «Культурные взаимосвязи...». М., 1981, с. 92.

²⁷ Перфильева Л. А. Указ. соч., с. 123.

²⁸ Бесолов В. Б. Указ. соч.

²⁹ Там же, с. 18.

³⁰ Крупнов Е. И. Средневековая Ингушетия. М., 1971, с. 140—141.

в Киевской Руси не было известно грузинских монет позднее X в. (тбилисских Джафаридов и Давида Куропалата)³¹.

Теперь, однако, положение дел существенно изменилось³² и свой вклад в это внесли материалы Северо-Восточного Причерноморья. Выплыл из забвения случай 1848 г., когда «при постройке российского укрепления Хадыженского Майкопского отдела на Кубани найдено более 500 медных монет Русудан 1227 г.»³³. В 70-е годы нашего столетия в г. Азове Ростовской области была найдена «серебряная монета Багратиони: Русудан, 1227 г.»³⁴. Эти яркие (хотя и все еще эпизодические) находки делают отнюдь не безнадежными наши ожидания дальнейшего пополнения коллекции грузинских монет в Прикубанье и Восточной Европе вопреки логике цитированных выше мнений.

Представляется, что все приведенные выше факты неизбежно должны поставить под сомнение уверенность В. А. Кузнецова в «проникновении закавказско-грузинского влияния» только «в район западной Алании, ограниченный пока верховьями р. Уруп»³⁵. Учет их должен помочь уяснению реального соотношения византийского и грузинского влияний на Северо-Западном Кавказе в X—XIII веках, которое до сего дня допускалось как бы теоретически.

Остается упомянуть и о некоторых нюансах «Аланского послания» епископа Феодора, относящегося ко времени между 1222 и 1240 гг.³⁶ и многократно привлекавшегося В. А. Кузнецовым для доказательства постоянного византийского влияния на положение дел в Аланской епархии. Однако в действительности ситуация была (как это и должно) значительно сложнее. Это легко улавливается в сюжете послания, «содержавшего в себе живые и современные свидетельства об аланах» (Ю. Кулаковский).

После ряда дорожных мытарств по пути из Никеи, Феодор прибыл, наконец, к месту назначения («следует полагать, — поясняет В. А. Кузнецов, — «в ущелье Большого Зеленчука», т. е. в центр Западной Алании»)³⁷. Там он и обнаружил, что какой-то купец из страны Лазов воспользовался отсутствием епископа в Алании и, объехав всю страну, сам рукоположил священников, а себя объявил епископом. После появления Феодора он скоро ретировался в Лазикку.

Горько сетуя по поводу того, что аланы могли поверить «самозванцу», (а именно так аттестовал его Феодор как «истинный» иерарх церкви), священнослужитель сокрушался, что «между ними есть люди, пережившие смену трех епископов, а теперь видят меня — четвер-

³¹ Топография кладов восточных монет (сасанидских и куфических, составил А. Марков). Спб., 1910, с. 5, 24, 38; Капанадзе Д. Грузинская нумизматика. М., 1955, с. 51—52.

³² Виноградов В. Б. Монетные находки — малоизученный источник о грузино-северокавказских связях (в печати).

³³ Пахомов Е. А. Монетные клады Азербайджана и других республик, краев и областей Кавказа, вып. I. Баку, 1926, с. 54, № 135.

³⁴ Федоров-Давыдов Г. А. Новые находки восточных монет VIII—XIII вв. на территории Восточной Европы. — Эпиграфика Востока, т. XIII. Л., 1985, с. 47.

³⁵ Кузнецов В. А. Алания..., с. 60.

³⁶ Епископа Феодора «Аланское послание». Пер. Ю. Кулаковского. — Записки Одесского общества истории и древностей, т. XXI. Одесса, 1898, с. 11—27.

³⁷ Кузнецов В. А. Очерки..., с. 210.

того». Далее Феодор сообщает, что вынужден рукоположить многих лиц из тех, которые были рукоположены самозванцем, «так как опасность грозила всей церкви...».

Все эти коллизии, по моему разумению, плохо укладываются в конъюнктурно-наивную версию Феодора о «самозванстве» некоего лазского «купца», а скорее выдают соперничество двух церквей в стремлении установить свой контроль над Аланской епархией. Оригинальную и убедительную, как представляется, интерпретацию этого памятника предложил М. К. Джиев³⁸. В ней нет места доверчивому восприятию жалоб и субъективных толкований епископа Феодора. Вопрос решается именно в плоскости реального столкновения интересов византийской и грузинской церквей в целях борьбы за преобладающее влияние среди алан, переживших ужас первого знакомства с монголо-татарской агрессией. И «опасность» всей системе церковно-византийского диктата на Северо-Западном Кавказе возникла не вдруг, а была подготовлена ходом предшествующих событий.

Данная небольшая статья меньше всего претендует на роль решающей в развернувшейся дискуссии о грузинском воздействии в X—XIII вв. на Северо-Восточное Причерноморье. Ее цель скромна: путем сводки фактов и существующих исследовательских их трактовок поставить назревшую и ранее упускавшуюся проблему не только грузино-западноаланских, но и грузино-адыгских, грузино-русских связей на Северо-Западном Кавказе конца раннего средневековья. В разработке ее непременно следует избегать преувеличений. Но и сводить вопрос лишь к постоянной и безговорочной политико-конфессиональной доминанте Византии уже нельзя.

28 Джиев М. К. Алания в XIII—XIV вв., канд. диссерт., М., 1982.

გენიანი სილაგაძე

XIII საუკუნის დამდგენი საქართველოს ისტორიის ქრონოლოგიიდან

1984 წელს გამოცემილია „საბჭოთა საქართველო“-მ დასტამბა აწ განსვენებული ი. ლოლაშვილის წიგნი „მრავალკარედის „სახელწოდებით, რომელშიც მოთავსებულია ნარკვევი. მიძღვნილი თამარ მეფის გარდაცვალების თარიღისადმი. ავტორის თქმით, „ოფიციალურ სახელმძღვანელო ლიტერატურაში“ საქართველოს დედოფლის აღსრულების თარიღად მიღებული 1213 წელი, დადგენილი თ. ყორღანისა და ი. ჯავახიშვილის² მიერ და გაზიარებული მ. ჯანაშვილის ნაშრომებში³, XX ს-ის 20-იანი წლებიდან. „უფრო კი ამ უკანასკნელ ხანს... სავამათოდ აქციეს კ. კეკელიძემ. ს. კაკაბაძემ. ბ. სილაგაძემ, ჯ. ოდიშელმა, თ. ნატროშვილმა, გ. ჯაფარიძემ და შ. დარჩაშვილმა“⁴ (გვ. 88).

კ. კეკელიძემ თამარის გარდაცვალების თარიღად გამოაცხადა 1216 წელი, თ. ნატროშვილმა, გ. ჯაფარიძემ და შ. დარჩაშვილმა — 1210, ხოლო ს. კაკაბაძემ, ბ. სილაგაძემ და ჯ. ოდიშელმა — 1207 წელი. ამის გამო თანამედროვე ისტორიოგრაფიაში ბატონობს აზრთა დიდი შეუსაბამობა, გამოწვეული ძველ საისტორიო წყაროებში საძიებელი თარიღის გარშემო ერთმანეთის გამომრიცხველი ცნობების არსებობით. ამიტომაც. — აცხადებს ი. ლოლაშვილი, — „საჭიროა ყველა ძველი ცნობის დეტალური განხილვა“. და ამ საქმეს იწყებს ლაშა გიორგის დროინდელი მემატიანის ჩვენების კრიტიკით.

ამ მემატიანის მიხედვით, თამარმა „მეფობასა. შინა დაჰყო ოცდასამი წე-

1 ნ. ბერძენიშვილი და სხვ., საქართველოს ისტორია, I, დამხმარე სახელმძღვანელო, თბ., 1958, გვ. 205; საქართველოს ისტორიის ნარკვევები, III, თბ., 1979, გვ. 339.

2 თ. ყორღანისა, ქრონიკები, I, 1892, გვ. 300—301; ი. ჯავახიშვილი, ქართველი ერის ისტორია, II, თბ., 1965, გვ. 290, 385.

3 მ. Джанашвили, Царица Тамара, 1901, გვ. 115; მისივე, თამარ მეფე, 1917, გვ. 74.

4 კ. კეკელიძე, ისტორიანი და აზმანი შარავანდეთანი, 1941, გვ. 40—43; ს. კაკაბაძე, როდის მიიცივლა თამარ მეფე („თემი“, 1912, №56); მისივე, Год смерти грузинской царицы Тамары Великой. Изв. Тифл. Высш. Жен. Курс, Тифлис, 1917, кн. I, вып. I, გვ. 163—168 მისივე, ერთი საკითხი საქართველოს ისტორიიდან (ინდუსტრიული ქუთაისი, 1940, № 286); მისივე, რუსთაველი და მისი ეფემერისტუკოსანი, თბ., 1969, გვ. 228—230; ბ. სილაგაძე, XII—XIII სს. საქართველოს ისტორიის ზოგიერთი საკითხი იმ ალ-ასირას ცნობათა შესუზე (კრებული „საქართველო რუსთაველის ხანაში, თბ., 1966, გვ. 124—129); ჯ. ოდიშელი, ქართული ისტორიული ქრონოლოგიის ერთი საკითხი („ციცქარი“, თბ., 1976, № 1, გვ. 118—125); მცირე ქრონიკები, გამოსცა ჯ. ოდიშელმა, თბ., 1968, გვ. 94—96; თ. ნატროშვილი, გ. ჯაფარიძე, ცდა ერთი თარიღის დადგენისა („მაცნე“, ენისა და ლიტერატურის სერია, თბ., 1974, № 1, გვ. 151—165 და № 2, გვ. 168—189); შ. დარჩაშვილი, XIII ს-ის დასაწყისის საქართველოს ქრონოლოგიის საკითხები („მნათობი“, 1975, № 2, გვ. 151—158).

ლიწადი და აღვიდა წინაშე ღმრთისა... თუესა იანვარსა თორმეტსა, დღესა ოთხ-
შაბათსა... ქრონიკონსა ოთხასოცდამეცხრამეტსა⁵ ე. ი. ამ ცნობის თანახმად თამარის
1207 (427+780) წელს გარდაცვლილა.

მაგრამ მკვლევარს ეს არ სჯერა. იგი უნდობლობას იჩენს როგორც მოტა-
ნილი ცნობისადმი, ისე მთლიანად თხზულებისადმი, რადგან მასში, თურმე,
დამწებულია ზოგიერთი უზუსტობა, კერძოდ, კალენდარული გაანგარიშებია,
„ოთხშაბათი 12 იანვარი მოდიოდა 1205 წელს“ და არა 1207 წელს. აქ მემა-
ტიანეს ერევა ან წელი, ან თვის რიცხვი, ანდა დღის სახელწოდება. მეტიც, მის
მატიანეში არეულია სხვა ცნობილი ამბებიც. მაგალითად, ავტორის ჩვენებათ,
ქართველებმა „აიღეს დვინი მეცხრესა წელსა მეფობისა თამარისა, ქრონიკონი
იყო [ოთხ]ას ოცდამეცხრე“⁶. მაშინ, როცა ცნობილია, რომ დვინი აღებულ
იქნა 1202 და არა 1193 (1184+9) ან 1213 (433+780) წელს (გვ. 9).

სწორი შენიშვნაა. ლაშასდროინდელი მემატიანის თხზულება, ისე რო-
გორც სხვა მატიანე, არაა ისეთი ტიპის ისტორიული ნაშრომი, სადაც ყვე-
ლაფერი მათემატიკური სიზუსტით იყოს აღწესწესულ-გაანგარიშებული. მასში
არის გარკვეული შეუსაბამობანი, რაც თავის დროზე შემჩნეული ჰქონდა
ი. ჯავახიშვილს. მაგრამ არც მას და არც სხვა ვინმეს ამის გამო ეჭვი არ შეჰ-
პარვია მისი როგორც პირველწყაროს მნიშვნელობაში. ეს შეუსაბამობანი
ზოგი თვით ავტორისეულია, ზოგიც შემდეგ გაჩენილი თხზულების გადაი-
წერთა თუ რედაქტორთა დაუდევრობით. ასეა ამ კონკრეტულ შემთხვევაშიც
„ოთხშაბათი 12 იანვარი“, რომელიც კალენდარული გაანგარიშებით 1205
წელს მოდიოდა, დავით სოსლანის გარდაცვალების დღე და რიცხვი უნდა
იყოს. რაც შეეხება დვინის აღებას, ნამდვილად 1202/3 წელს რომ მოხდა, აქ
ამჟამად, რომ თამარის მეფობის „მეცხრე წელს“ აკლია 10 წელი და ის შეც-
დომით მიმატებული აქვს ქრონიკონის აღმნიშვნელ რიცხვს. ასეთი შეუსაბა-
მობანი, როგორც ამას თვით ლოლაშვილიც აღნიშნავს, ცხადია, დედანში არ
იქნებოდა (გვ. 90). თუმცა ის მასში კიდევაც რომ ყოფილიყო, მაინც არ გამო-
რიცხავდა თამარის მეფობის ხანგრძლივობისა და მის გარდაცვალების აღნიშნუ-
ლი წლების სისწორეს, რადგან დასტურდება, სხვა წყაროთა მონაცემებითაც.
მაგალითად, „აფხაზთა ქრონიკაში“ (A. 1110) ვკითხულობთ: უკზ (ხ ყ ი ა),
„ე. ი. 1207 წელსა „კარი აიღეს და თამარ დედოფალი გარდაიცვალა“. ბასი-
ლი ეზოსმოდვრის ცნობითაც, „თამარ ოცდასამთა შინა წელიწადთა შეაწყუ-
ლია ყოველი გვარი კეთილმეფობისა“. XIII-ს-ის სომეხი მწერალი ვარდან დი-
დი გვაუწყებს: „...თამარ მეფემ... მოიყვანა ქმრად ოსი სოსლანი... ამისგან შვა...
ძე და უწოდა მას ლაშა. ხოლო თვითონ ეპყრა ტახტი ოცდასამ წელს“⁹, ე. ი.
1207 წლამდე. სამუელ ანეცის ქრონიკის გაგრძელებაში, რომლის ავტორად
სტეფანოს ორბელიანს მიიჩნევენ, ვკითხულობთ. სომხური წელთაღრიცხვის
655 (+551=1206) წელს „საქარიამ ტაჭიკებს წაართვა კარი... მომდევნო ე. ი.
1207) წელს კი გარდაიცვალა თამარი“¹⁰. ასეთივე ცნობას იძლევა თამარის თა-

5 ქართლის ცხოვრება, I, გვ. 369.

6 იქვე, გვ. 363.

7 თ. ქო რ დ ა ნ ი ა, ქრონიკები, I, გვ. 294; მცირე ქრონიკები, გვ. 25; ი. ლოლაშვილი, დასახ. ნაშრომი, გვ. 89.

8 ქართლის ცხოვრება, II, გვ. 150.

9 ლიპარიან აკთონიკსან ქარყანაყ ქარყაყსოხ, ქსნსოხ, 1862, გვ. 139.

10 მარტ ძიანოსიანციკლიკინს, ჰაყმეე ვ. ზაკიყან, ნაო. ს, სრ., 1951, გვ. 37.

ნამედროვე არაბი მწერალი იბნ ალ-ასირიცი მისი ჩვენებით. ჰიჯრის 603 (1206/7) წელს ალაჰმა მოაკვდინა ქართველთა დედოფალი და იხსნა მუსლიმთა მოდგმა განსაცდელისაგან¹¹.

ამის შემდეგ გაოცებას იწვევს მკვლევრის განცხადება: ლაშა გიორგის დროინდელი მემატიანის მიხედვით, „თამარის გარდაცვალების დროის განსაზღვრა (მინც) სათუაოა“ (გვ. 90). ასევე გაუგებარია მისი შემდეგი მსჯელობაც, რომლის თანახმად „დავით სოსლანი 5—6 წლით ადრე გარდაიცვალა თამარზე; დავითი 1206 წელს (კარის აღების დროს) ცოცხალია: ლაშა თამარმა თავის სიცოცხლეშივე გაამეფა დავითის გარდაცვალების უმალ; ლაშას გამეფების შემდეგ თამარმა კიდევ იცოცხლა ხუთ წელს. მაშ, როგორ შევათანხმოთ ეს ფაქტები 1207 წელსო? კიბხულობს ი. ლოლაშვილი და შემდეგ ვანაგძობს „თუ ამ თარიღს მივიღებთ, მაშინ ლაშა დაბადებულა 1189 წელს, დავით სოსლანი გარდაიცვალა 1202 წელს, კარი აუღიათ 1201 წელს და ა. შ. ერთი სიტყვით, 1207 წელი თამარის ოჯახისა და XIII ს. დასაწყისის ისტორიულ ამბავთა ქრონოლოგიას თავდაყირა აყენებსო“, — დაასკვნის მკვლევარი (გვ. 91).

რას ემყარება მისი ეს მსჯელობა? თ. ჟორდანიანი-ი. ჯავახიშვილის საფუძვალზე (1213 წელს) თამარის გარდაცვალების შესახებ და ამ თარიღზე აგებულ თავის შეხედულებას. მან 1213 წელი საქართველოს დედოფლის აღსრულების ურყევ, როგორც თვითონ ამბობს. „კანონიკურ“ თარიღად მიიჩნია. აქედან გამოთვალა დავითის გარდაცვალებიდან თამარის აღსრულებამდე განვლილი დრო, ლაშა გიორგისა და დედამისის თანამეფობის პერიოდი. შემდეგ კი ასეთი გზით მიღებული არასწორი მონაცემები 1207 წელს შეუდარა.

ქმათაღმწერლის თქმით, „გიორგი... იყო წლისა ათცამეტისა, რაჟამს დაიდგა გვირგვინი მეფობისა და მეფემან თამარ მიულოცა მეფობა“¹².

„აფხაზეთის ქრონიკის“ თანახმად კი ლაშა 12 წლისა ყოფილა ოდეს და უდგამს გვირგვინი მეფობისა¹³. მისივე ცნობით, ეს მომხდარა ყარსზე ქართველთა პირველად გალაშქრებისას¹⁴, რომელსაც თ. ჟორდანიანი 1205 წლით ათარიღებს¹⁵.

ლაშა გიორგის გამეფება თავისთავად გულისხმობს, რომ ამ დროს დავით სოსლანი უკვე ცოცხალი აღარ იყო და, რადგან ი. ლოლაშვილის აღიარებითაც გიორგი დავითის აღსრულების უმალ აღაზევეს გამოდის, რომ სოსლანი 1205 წელს გარდაიცვალა¹⁶. ეს კი ძირს უთხრის მოსაზრებას იმის შესახებ, რომ

11 იბნ ალ-ასირი, დასახ. თხზულება, ტ. XII, გვ. 119.

12 ქართლის ცხოვრება, II, გვ. 151.

13 თ. ჟორდანიანი, ქრონიკები, I, გვ. 294; მცირე ქრონიკებოთაც იგივე დასტურდება (გვ. 25).

14 თ. ჟორდანიანი, ქრონიკები, I, გვ. 24.

15 იქვე.

16 ვახუშტი ბაგრატიონიც ამას აღნიშნავს. მართალია, მისი ქრონოლოგიით დავითი 1197 წელსაა გარდაცვლილი (ქართლის ცხოვრება, IV, გვ. 189), მაგრამ თუ მხედველობაში მივიღებთ მისი ქრონოლოგიის 6 წლიან ჩამორჩენას თამარის მონაქვეთში, როგორც ამას აღნიშნავს რ. კოცნაძე (იხ. მისი, ფარსადან გორგიჯანიძე..., თბ., 1975, გვ. 131), მაშინ გამოდის, რომ დავითი 1205 (1199+6) წელს გარდაცვლილა. ამ ვანაგარიშებით დავითი 1205 წელსაა გარდაცვლილი, აგრეთვე, იოანე ბაგრატიონის მიხედვითაც (ისტორია ქართლისა, საქ. მეცნ. აკად. კ. კეკელიძის სახელობის ხელნაწერთა ინსტიტუტი, ხელნაწერი 2134, ფ. 643ა) მარამე-

1207 წელს თამარმა კი არა, მისმა მეუღლემ დავით სოსლანმა დაასრულა სიცოცხლე.

თუ წყაროთა ამ მონაცემებისა და მათ საფუძველზე გაკეთებული ჩვენი დასკვნის სისწორეს სადავოდ არ გავზნდით, მაშინ აშკარა გახდება, რომ ლაშა გიორგი 1189 წელს კი არა, 1192/3 წელს დაბადებულია; დავით სოსლანი 1202 წელს, რუმის სულთნის რუქნ ად-დინის თავდასხმამდე კი არა, მის შემდეგ 1205 წელს მომკვდარა და 12 თუ 13 წლის ლაშაც მაშინ გაუშეფებიათ. ხოლო თამარ მეფეს მეუღლის გარდაცვალებიდან 5—6 წელი კი არა, მხოლოდ 2 წელი უტოცხლია.

მკვლევარი აშკარად გრძნობს, რომ წყაროთა ჩვენებანი დავით სოსლანის აღსრულების შესახებ მის სასარგებლოდ არაფერს ამბობენ, ამიტომ სხვა გამოსავალს ვეღარ პოულობს და აცხადებს: „უცხოელ ისტორიკოსებს და გვიანდელ ქართველ ავტორებს ერთმანეთში აერიათ გარდაცვლილი მეფის სახელით“ (გვ. 91). და თავისი ნათქვამი რომ დამაჯერებელი გახადოს, აღნიშნავს ეს „ისტორიული ფაქტების პარალელური შეპირისპირებით ნათელყვეს თ. ნატროშვილმა და გ. ჭაფარიძემ“-ო (იქვე). მაგრამ პირდაპირ შეიძლება ითქვას, რომ ამ მსჯელობას არავითარი ლოგიკური საყრდენი არ მოეპოვება. ყველა ისტორიკოსს როგორც ქართველს, ისე უცხოელს, შეუძლებელია ერთნაირი შეცდომა დაეშვა. ამიტომ, რასაც ისინი ამ შემთხვევაში ერთმანეთისაგან დამოუკიდებლად წერენ, აღრევა კი არა, სრული სინამდვილეა და აქ თ. ნატროშვილი-გ.ჭაფარიძის დამოწმება საქმეს ოდნავაც ვერ შეველის. მათ მხოლოდ იმის დამტკიცება შეძლეს, რომ თამარი 1213 წლამდე კარგა ხნით ადრე გარდაიცვალა¹⁷.

ნაშრომის 91-ე გვერდზე ი. ლოლაშვილი ისევ უბრუნდება ყარსის აღებას და თამარის მეორე ისტორიკოსზე დაყრდნობით აღნიშნავს: ეს 1206 წელს, დავითის მონაწილეობით მოხდაო. ნამდვილად იმავე მემბატანის ცნობით, ყარსი აღებული იქნა თამარის გამეფების 23-ე წელს¹⁸ ანუ 1206 წელს¹⁹. ამას ადასტურებს იბნ ალ-ასირი²⁰. ამ დროს კი, როგორც უკვე აღვნიშნეთ, დავით სოსლანი ცოცხალი აღარ იყო. ამდენად, ქართულ წყაროებში დაშვებულია უზუსტობა, რომელსაც თითქოს ახსნაც ეძებნება. საქმე ისაა, რომ, როგორც ბასილი ეზოსმოდვარი იტყობინება, ყარსისათვის ბრძოლა გაგრძელებულა დიდხანს²¹, არაბი მემბატანის ცნობით „რამდენიმე წელიწადს“²².

ლაშქრობას თავიდან დავით სოსლანი ხელმძღვანელობდა²³, ხოლო მისი

ტის 1206 წლის წარწერაში ლაშას მეფედ მოხსენიებაც ხომ იმაზე მიგვიითებს, რომ დავითი ამ დროს მკვდარა? (ი. ჭაფარიძის შვილი, ქართველი ერის ისტორია, II, გვ. 290—291); შ. დარჩაშვილი, XIII ს-ის დასაწყისის საქართველოს ქრონოლოგიის საკითხისათვის, „მნათობა“, 1975, №2, გვ. 154—155. იქვე „ჰალბატის 1221 წ. წარწერა“, შენ. 35).

17 ვრცლად ამის შესახებ იხ. თ. ნატროშვილისა და გ. ჭაფარიძის დასახელებულ ნაშრომში („მაცნე“, ენისა და ლიტ. სერია, თბ., 1974, №1, №2).

18 ქართლის ცხოვრება, II, გვ. 143.

19 თუ გავითვალისწინებთ, რომ მაშინ წლების ათვლა იანვრიდან არ ხდებოდა, ეროვნული სხვაობა დასაშვებია.

20 იბნ ალ-ასირი, დასახ. თხზულება, ტ. XII, გვ. 113.

21 ქართლის ცხოვრება, II, გვ. 143.

22 იბნ ალ-ასირი, დასახ. თხზულება, ტ. XII, გვ. 119.

23 იოანე ბაგრატიონსაც სწორედ ეს ცნობა აქვს მხედველობაში, როცა ამბობს დავითი კარის ბრძოლაში მონაწილეობდაო (იხ. მისი დასახ. თხზულება, ფ. 643ა).

გარდაცვალების შემდეგ 1205 წ.) ეს საქმე ამირსპასალარმა ზაქარიამ იტვირთა და ქალაქი მის დროს იქნა აღებული²⁴. მაგრამ ქართველმა ისტორიკოსმა, მისი თხზულების გადამწერმა თუ რედაქტორმა, ეს ვრცელი ისტორია, ეტყობა, შეამოკლა და მოჭრით თქვა: ყარსი დავითმა აიღო. თორემ დავითს ყარსის აღებაში კი არა გაცილებით უფრო ადრე მოწყობილ არდებელის ლაშქრობაშიც კი არ მიუღია მონაწილეობა.

ამ ლაშქრობას, რომელიც „ისტორიათა და აზმათა“ ავტორის თანახმად, ანისის დარბევიდან რამდენიმე კვირის შემდეგ მოხდა და ანისის აკლესიის საბასუხო თავდასხმას წარმოადგენდა, მ. ბროსე ვარდანის გავლენით, ჯერ 1210 წლით ათარიღებდა²⁵, შემდეგ — 1208 წლით²⁶. ი. ჯავახიშვილი აღნიშნული ლაშქრობის დათარიღებისას ემყარება იბნ ხალიქანის ცნობას, რომ ქართველებმა მარანდი (და არა არდებილი, რომლის დარბევა წინ უსწრებდა მარანდის ბრძოლას) აიკლეს 603 წელს ჰიჯრით²⁷. ჰიჯრის 602 წელი კი ქრისტიანული წელთაღრიცხვით დაიწყო 1205 წლის 18 აგვისტოს და დამთავრდა 1206 წლის 7 აგვისტოს. რაც შეეხება 603 წელს, ის 1206 წლის 8 აგვისტოდან 1207 წლის 27 ივლისამდე გრძელდებოდა²⁸. მაგრამ ი. ჯავახიშვილმა ჰიჯრის თარიღის გადაყვანისას უმნიშვნელო უზუსტობა დაუშვა და არდებელის ლაშქრობა 1207/8 წლით განსაზღვრა²⁹. ამ თარიღს იმეორებს ყველა, მათ შორის ი. ლოლაშვილიც. იგი არ ეთანხმება რ. კიკნაძეს, რომელმაც ეს, ე. წ. „ტრადიციული თარიღი“, უარყო და მეცნიერულად დაასაბუთა, რომ არდებელის ლაშქრობა უხდა მომხდარიყო 1205 წლის მაისში, როცა აღდგომა რამდენიმე კვირით წინ უსწრებდა მუსლიმების გახსნილების დღესასწაულს, და არა 1207, 1208, 1209 ან 1210 წელს³⁰, როცა აღდგომა მუსლიმთა გახსნილების დღის შემდეგ იყო.

რ. კიკნაძის ამ დაკვირვების სისწორის დასტურს წარმოადგენს იბნ აღასირის ერთი ცნობა, რომლის თანახმად ჰიჯრით 601 წელს (1204. 29. VIII. 1205. 17. VIII) ქართველები აზერბაიჯანის მხრიდან ისლამის სამყაროში შეიჭრნენ. მათ გაძარცვეს, დააქციეს იქაურობა და უამრავი ტყვე წაასხეს³¹.

ი. ლოლაშვილის აზრით, რაკი რ. კიკნაძე არდებელის ლაშქრობის თარიღად 1205 წელს დებს, ამით წინააღმდეგობაში ვარდება და ამის გამო შენიშნავს: „თუ ეს ასეა, მაშინ ქართველებს დავით სოსლანის მონაწილეობით კარო უნდა აეღოთ 1204 წელს, რაც გამორიცხულია თამარის მეორე ისტორიკოსისა და იბნ აღასირის ქრონოლოგიით“-ო (გვ. 94, შენ. 16).

²⁴ „655 (1206) წელს ზაქარიამ ტაჯიკებს წაართვა კარსიო“ ამბობს სტეფანოს ორბელიანი (მცირე ქრონიკები, ერევანი, 1951, გვ. 37; ჯ. ო. დ. ი. შ. ე. ლ. ი., ქართული ისტორიული ქრონოლოგიის ერთი საკითხი, „ციხეკარი“, 1976, № 1, გვ. 124).

²⁵ Additions et éclaircissement..., გვ. 297.

²⁶ მ. ბროსე, საქართველოს ისტორია, ნაწ. I, გვ. 175.

²⁷ ივ. ჯავახიშვილი, ქართული ერის ისტორია, II, გვ. 287.

²⁸ Синхронические таблицы Хиджры и европейского летоисчисления, М.-Л., 1961, 83-127.

²⁹ ივ. ჯავახიშვილი, ქართველი ერის ისტორია, II, გვ. 287.

³⁰ რ. კიკნაძე, დასახ. ნაშრომი, გვ. 126—128.

³¹ იბნ აღასირი, დასახ. თხზულება, ტ. XII, გვ. 95; ბ. სილაგაძე, დასახ. ნაშრომი, გვ. 115.

მაგრამ აქ არავითარი წინაღმდეგობა არ შეინიშნება. არღებლის ბრძოლამ მხოლოდ შეაყოვნა ყარსის აღება. სხვა მხრივ მას არავითარი კავშირი არ აქვს ყარსის ამბებთან. არღებლის ბრძოლა, როგორც უკვე ითქვა, გაიმართა 1205 წლის მაისში, ხოლო ყარსი დაეცა 1206 წელს. ასე რომ, ი. ლოლაშვილის მიერ არღებლის ლაშქრობის თარიღად შემოთავაზებული 1207 წელი მიუღებელია. მას არც ქართული წყაროები ეთანხმებიან და არც უცხოელი ავტორები.

რ. კიკნაძის კრიტიკის შემდეგ მკვლევარი ამ სტრიქონების ავტორის განჭიქებას იწყებს და მას რამდენიმე ბრალდებას უყენებს: პირველი; „შაღრესად ტენდენციურია ბ. სილაგაძის მსჯელობა „ისტორიათა და აზმათა“ ტექსტის მეცნიერული ღირებულების შესახებ. აი, როგორ ეღერს იგი: „მართალია, „ისტორიანი და აზმანი“ ივ. ჯავახიშვილის თქმით, „საზოგადოდ შინაარსიანი თხზულებაა (და ამ მხრივ იგი არც ერთ სხვა საუკეთესო ქართულ საისტორიო ძეგლს არ ჩამოუვარდება), მაგრამ. ამ თხზულებათა დარღვეულია თანმიმდევრობა ისეთი ამბებისა, როგორიცაა, მაგალითად, ანისისა და დვინის, აგრეთვე ბასიანისა და ყარსის ბრძოლები; თითქმის მთლიანად გამოტოვებულია ქართველების მიერ არჰემის, მანასკერტის აღებისა და ხლათში ივანე მხარგრძელის დატყვევების ამბები; თითქმის არსად არ არის მითითებული თარიღების დატყვევების ამბები; იმას უნდა მოწმობდეს, რომ ეს თხზულება თამარის მეფობიდან რამდენიმე ათეული წლის შემდეგ არის დაწერილი, როცა მის ავტორს არათუ ამათუ იამბის თარიღი, არამედ თვით ამბების თანმიმდევრობაც აღარ სცოდნია (დაყოფა ი. ლოლაშვილისაა). ამიტომ ასეთი წყაროს მონაცემებს, თუ ისინი სხვა წყაროებით არ დასტურდება, არ შეიძლება გადამწყვეტი მნიშვნელობა მივანიჭოთ“ (გვ. 98—99).

რამი გამოიხატება აქ ძეგლისადმი ჩვენი ტენდენციურობა? თურმე იმაში, რომ „ისტორიათა და აზმათა“ ასეთი შეფასების გამო „ფასი აგვიწევია ლამასდროინდელი მემატიანისა და იბნ ალ-ასირის ცნობებისათვის თამარის 1207 წ. გარდაცვალების შესახებ“ (გვ. 98). იგი კატეგორიული ტონით აცხადებს: „თუ ამ ძეგლისადმი (ე. ი. „ისტორიათა და აზმათადმი“ — ბ. ს.) უნდობლობითი და რამდენადმე ჰიპერკრიტიკული დამოკიდებულება 1912 წელს მისატყვევებელი იყო, დღეს იგი არაფრით არ არის გამართლებული: ახლა ეს თხზულება შესწავლილია კარგად და მისი ცნობების მაღალი ღრსება და ჭეშმარიტება დიდი ხანია მეცნიერთათვის ნათელიცაა“ (დაყოფა ი. ლოლაშვილისაა, გვ. 99—100).

მაგრამ ეს მხოლოდ მკვლევრის სურვილია. „ისტორიათა და აზმათა“ ისტორიულ-ფილოლოგიურსა და ლიტერატურულ ანალიზს სპეციალური გამოკვლევები უძღვნეს ივ. ჯავახიშვილმა და კ. კეკელიძემ³². თამარის ისტორიის საკითხებს შეეხნენ აგრეთვე თ. ჟორდანი, პ. ინგოროყვა და ს. კაკაბაძე³³. მათ

32 ივ. ჯავახიშვილი, ძველი ქართული საისტორიო მწერლობა, თბ., 1945; გვ. 220—241; კ. კეკელიძე, ისტორიანი და აზმანი შარავანდედთანი, თბ., 1941, გვ. 17—24.

33 თ. ჟორდანი, ქრონიკები, I, გვ. 285—290; პ. ინგოროყვა, ჩაბრუნება, პოეტი, მოგზაური; „კავკასიონი“, 1924, № 1—2, გვ. 277; ს. კაკაბაძე, ვეფხისტყაოსანი, თბ., 1927, გვ. XIX შენიშვნა, გვ. XXI—III; მისივე, ახლად აღმოჩენილი ქართლის ცხოვრება და თამარ მეფის მეორე აქამდე უცნობი ისტორიის თხზულება, (საისტორიო მოამბე“, 1924, I, გვ. 285—291).

ყოფილება მიაქციეს თხზულების შედგენილობას. მისი დაწერის თარიღს და ავტორის ვინაობას.

თ. ჟორდანასა და ივ. ჯავახიშვილის დაკვირვებით. „ისტორიანი და აზმანი“ თამარის თანამედროვე ერთი ავტორის თხზულებაა. შედგენილი ორ ნაწილად. I ნაწილი, შამქორის ბრძოლამდე, დაწერილია 1195/6 წელს, II — თამარის გარდაცვალებისთანავე.

თ. ჟორდანა-ივ. ჯავახიშვილისაგან განსხვავებით. პ. ინგოროყვა თელის, რომ თხზულების თითოეულ ნაწილს ჰყავს ცალ-ცალკე ავტორი. ამასთან, მეორე ნაწილი დაწერილია XIII ს-ის I მეოთხედში. ს. კაკაბაძის მიხედვითაც „ისტორიანი და აზმანი“ შედგენილია ორი ავტორისაგან, მაგრამ I ნაწილი დაწერილი უნდა იყოს არა 1195/6 წელს, არამედ 1199 წელს, ხოლო მეორე — 1270—1295 წლების ახლოს.

ყველასაგან განსხვავებულ პოზიციაზე დგას კ. კეკელიძე, მისი აზრით. თამარის ისტორია კია ერთი ავტორის ერთიანი თხზულება, მაგრამ, ვინაიდან ისტორიკოსი აღნიშნავს: „რომელი აწ ჩანს დაწერასა შინა ამისსა ათერთმეტი მოქცევათა ჟამთა თამარ სამეფის სანატრელისათა“, ის არ შეიძლება დაწერილიყო თამარ მეფის სიცოცხლეში. იგი შედგენილი ჩანს 1222 წლის მახლობლად³⁴.

აი, ის ძირითადი მოსაზრებანი, რომელსაც მკვლევარნი გამოთქვამენ „ისტორიათა და აზმათა“ შემდგენლის, შედგენილობისა და შედგენის თარიღთან დაკავშირებით. ესენი წარმოადგენენ სამუშაო ჰიპოთეზას. ასე რომ, „ისტორიათა და აზმათა“ ტექსტი საბოლოოდ დადგენილი არაა³⁵. იგივე ითქმის მისი სანდოობის შესახებაც. მართალია, მკვლევარი აქ იმომებს ივ. ჯავახიშვილს, რომ ეს ძეგლი „დიდი ნდობის ღირსიც არისო“³⁶. მაგრამ მეცნიერი იქვე მიუთითებს, რომ „ისტორიათა და აზმათა“ ავტორი არ შეიძლება იყოს „ყოველი მოთხრობილის თვითმხილველი და თანადამხდური“. ამიტომ იგი „იძულებული იქნებოდა თავის თხზულებაში სხვათა ნაამბობიც შეეტანა“. აკი ისტორიკოსი თვითონვე იუწყება: „ამას გარდა, რაც ჩემი თვალით მიხილავს, ჩემს შრომაში ისიც შემომმაქვს, რომელიც სხვათაგან მსმენიაო. მაგრამ მისი ინფორმატორები თვითონ იყვნენ ნაამბობის თვითმხილველნი და თანამედროვენი თუ არა, ამის შესახებ არაფერს იტყობინება. ამიტომ მათ ნაამბობს ფასი ეკარგება. თხზულების ბოლო ნაწილი შეცვლილი და ნაკლები უნდა იყოს, რადგან „თამარ მეფის სიკვდილის აღწერა მეტად მკრთალია და მოკლე... გარდაცვალების თარიღიც კი არ არის“³⁷.

„ისტორიანი და აზმანი“ რომ უნაკლო თხზულებას არ წარმოადგენს, ეს შემჩნეული აქვთ აგრეთვე თ. ჟორდანას³⁸ ს. კაკაბაძე³⁹, რ. კიკნაძეს⁴⁰, ჯ. ოდი-

34 კ. კეკელიძე, „ისტორიანი და აზმანი შარავანდედთანი“, როგორც ლიტერატურული წყარო; რუსთაველის კრებული, თბ., 1938, გვ. 157; ქართლის ცხოვრება, II, გვ. 09—010.

35 ივ. ჯავახიშვილი ხომ აღნიშნავს, მისი ბოლო ნაწილი შეცვლილი და ნაკლები ჩანსო (ძველი ქართული საისტორიო მწერლობა, გვ. 225).

36 ივ. ჯავახიშვილი, ძველი ქართული საისტორიო მწერლობა, თბ., 1945, გვ. 241.

37 იქვე, გვ. 225, 232—233.

38 თ. ჟორდანა, ქრონიკები I, გვ. 299.

39 ს. კაკაბაძე, როდის მიიკვალა თამარ მეფე („თემი“, 1912, № 56).

40 რ. კიკნაძე, დასახ. ნაშრომი, გვ. 113.

შელს⁴¹ და თვით ი. ლოლაშვილსაც. აი, რას ამბობს იგი: „თამარის ორივე ისტორია ჩვენამდე თავდაპირველი სახით არ არის მოღწეული: „აზმათა“ ტექსტის მეორე ნაწილი უამით-უამად შეეკსების კვალს ტოვებს, მასში რედაქტორის ნახელავიც შეიმჩნევა. ისიც უნდა აღინიშნოს, რომ ამ მატრიანეში სწორედ ის ადგილებია დაზღანებული, რომლებშიც დავით სოსლანის გარდაცვალებაზე, ლაშა გიორგის გამეფებაზე და თამარის ავადმყოფობასა და გარდაცვალებაზე უნდა ყოფლიყო საუბარი“ (გვ. 98). სხვას რომ თავი დავანებოთ, განამარტოვებს წყაროს ნაკლებად მიუთითებს? ანდა როგორ შევეუთავსოთ მკვლევარის ეს მსჯელობა მის მიერ იქვე გაკეთებულ დასკვნას: „ცხადია, ყოველივე თქმული არ გვაძლევს საფუძველს, ეჭვის თვალთ შევხედოთ ამ მატრიანეთა (თამარის ორივე ისტორიას — ბ. ს.) მეორე ნაწილების ცნობებს ან ამბავთა გადმოცემის თანმიმდევრობა უყურადღებოდ დავტოვოთ“ (გვ. 98).

აქვე უნდა შევნიშნოთ ერთი გარემოება. ი. ლოლაშვილი სხვას აფრთხილებს, „აზმათა“ მონაცემები სრული ჭეშმარიტებაა და მისდამი კრიტიკული მიდგომა არაფრით არაა გამართლებული. თვითონ კი არ ასრულებს ამ შევხედვას და, როცა სჭირდება, მის კრიტიკას არ ერიდება, რის გამოც თავის თავს ეწინააღმდეგება.

მეორე ბრალდება, რომელსაც ი. ლოლაშვილი ჩვენ გვიყენებს ისაა, რომ თურმე სიტყვისიტყვით ვიმეორებთ ს. კაკაბაძის მიერ 1912 წელს გამოთქმულ მოსაზრებას ავტორის მიუთითებლად (გვ. 99). ე. ი. ბრალი გვედება პლაგიატში. ვნახოთ, რამდენად მართებულია ეს ბრალდება. აი, რას წერდა 1912 წლის ს. კაკაბაძე: „როგორც კრიტიკულმა შესწავლამ გვიჩვენა, თამარის მატრიანის („ისტორიათა და აზმათა“⁴¹). მეორე ნაწილი თანამედროვეის მიერ კი არაა დაწერილი, არამედ უფრო გვიან, არაუადრეს XIII საუკუნის დასასრულისა. მაშასადამე 2—3 თაობის შემდეგ. გარდა ამისა ეს შემართიანე, რომელსაც დაწერილი აქვს თამარის მეფობის მეორე ნახევარი, არც თუ დიდად განათლებული კაცი ყოფილა. მისი თხზულებაც ფაქტების მხრივ და მეთოდოლოგიურადაც მდარე ღირსებისაა. ამით აიხსნება, რომ მას მრავალი ღირსშესანიშნავი ფაქტი თამარის მეფობისა სრულიად აღნიშნული არ აქვს და რაც აღნიშნულია ისიც შეცდომით“⁴² (დაყოფა ლოლაშვილისა — ბ. ს.).

თუ ს. კაკაბაძის ნაშრომიდან ამოღებულ ამ ვრცელ ციტატას შევუდარებთ ჩვენს მსჯელობას, რაც სრულად ზემოთ (გვ. 175) იყო მოტახილი, აღმოჩნდება, რომ ს. კაკაბაძესთან საუბარია „ისტორიათა და აზმათა“ მეორე ნაწილზე, ჩვენთან — მთელ თხზულებებზე; ს. კაკაბაძის მიხედვით, „აზმათა“ მეორე ნაწილი დაწერილია XIII ს-ის დასასრულს, 1270—1295 წლებში, ე. ი. 2—3 თაობის შემდეგ, ჩვენ კი ვვარაუდობთ მის დაწერას თამარის დროიდან რამდენიმე ათეული წლის შემდეგ; ს. კაკაბაძის დაკვირვებით, თხზულების მე-

41 ვ. ოდიშელი, დასახ. ნაშრომი, გვ. 119.

42 ს. კაკაბაძე, როდის მიიყვალა თამარ მეფე (თემი“, 1912, № 56; „საისტორიო მოამბე“, I, 1924, გვ. 289—291).

12. „მაცნე“, ისტორიის სერია, 1988, № 2

ორე ნაწილის დამწერი არაა დიდად განათლებული კაცი, ჩვენ ამის შესახებ კრინტს არ ვძრავთ. სამაგიეროდ აღვნიშნავთ, რომ თხზულებაში დარღვეულია ქრონოლოგიური თანმიმდევრობა ისეთი ამბებისა, როგორცაა, მაგ., ანისის, დვინის, ბასიანისა და ყარსის ბრძოლები; გამოტოვებულია ქართველთა მიერ არჭვეისა და მანსკერტის აღება და ივანე მხარგრძელის დატყვევება ხლათში. ს. კაკაბაძესთან კი ისეთი რამ საერთოდ არ არის ნახსენები.

აი, თურმე როგორ მივიტაცეთ სხვისი აზრები, როგორ დავარღვიეთ მეცნიერული ეთიკა, მაგრამ ამის განსჯა მკითხველისათვის მიგვიწევდა. ჩვენ კი, გვახსენდება ალ. გამყრელიძის გულისტკივილით აღსავსე ვანცხადება ბასიანის ბრძოლის თარიღის დაზუსტებას რომ ეხებოდა⁴³.

ი. ლოლაშვილი უარყოფს ქართულ ისტორიოგრაფიაში გამოთქმულ მოსაზრებას იმის შესახებ, რომ „ისტორიანი და აზმანი“ დაწერილია თამარის აღსრულებიდან რამდენიმე ათეული წლის შემდეგ⁴⁶. მისი თქმით, ასეთი მოსაზრება „უფრო ნაჩქარევია, ვიდრე ღრმა მეცნიერული ძიების საფუძველზე შემუშავებული დასკვნა“ (გვ. 100). იგი ამის დასამტკიცებლად აღნიშნავს: „აზმათა“ მეორე ნაწილის ავტორი რომ გვიანდელი მწერალი იყოს, იგი ლაშასა და რუსუდანის ხანაზეც იტყოდა რაიმეს და მონგოლთა ურდოებზეც რაღაც სიტყვა წამოსცდებოდა“ (იქვე).

კითხვა ისმის: თუ კი „აზმათა“ ავტორი თამარისა და მისი ძის თანამედროვე იყო და (რაც მთავარია) თავის თხზულებას მათ დროს წერდა, მაშინ რითღა აიხსნას ის ფაქტი, რომ, როგორც ამას თვით ი. ლოლაშვილი კითხულობს, ეს თანამედროვე ისტორიკოსები თხზავენ თამარის ცხოვრება-მოღვაწეობის ამსახველ ვრცელ საკითხავენს და ერთ სიტყვასაც არ ამბობენ დედის სიცოცხლეში ლაშა-გიორგის გამეფებაზე? ანდა კიდევ: „აზმათა“ ავტორი რატომ არაფერს იუწყება „დავით სოსლანის გარდაცვალებაზე“, მისი მეუღლის... ავადმყოფობაზე და გარდაცვალებაზე (გვ. 97—81), ლაშას დროს მომხდარ ამბებზე, კერძოდ, მონღოლთა მოსვლაზე? განა ესა და სხვა დანარჩენი, რაზეც ნაწილობრივ ზემოთ გვქონდა მსჯელობა, მარტო რედაქციის ნახელავია? რა თქმა უნდა, არა. ამის მთავარი მიზეზი უფრო ისაა, რომ თხზულება იწერებოდა გვიან, დაახლოებით XIII ს-ის ოცდაათიანი წლების დასაწყისში, როცა ავტორს ბევრი რამ თამარისდროინდელი ამბებიდან აღარ ახსოვდა ხეირიანად. სხვაგვარი ახსნა ამ საკითხს, ვფიქრობთ, არ მოეძებნება. ამიტომ ან უნდა ვალი-ართო, რომ თხზულება დაწერილია გვიან⁴⁷, რუსუდანის ზეობისას, ანდა უნდა

43 ალ. გამყრელიძე, ბასიანის ომის თარიღი და ტრაპიზონის იმპერიის დაარსების ზოგიერთი საკითხი („კავკასიის ხალხთა ისტორიის საკითხები“, თბ., 1966, გვ. 16, 47—53).

44 ი. ლოლაშვილი, ძველი ქართველი მეხოტბენი, II, თბ., 1964, გვ. 111—113.

45 ა. გამყრელიძე, დასახ. ნაშრომი.

46 ბ. სილაგაძე, დასახ. ნაშრომი, გვ. 126.

47 ამასთან დაკავშირებით ყურადღებას იქცევს კიდევ ერთი გარემოება, შემატანიის თქმით, მას თხზულებაში შეუტანია არა მარტო ის ამბები, რის მომსწრე და თვითმხილველი თვითონ იყო, არამედ ისიც, რაც ბრძენთა და გონიერთა კაცთაგან მოუსმენია. მაშასადამე თხზულებაში ავტორს შეტანილი აქვს სხვისი მონაყოლი ამბებიც და, თუ მისი ინფორმაციები თვითონ არ იყვნენ ნაამბობის თანამედროვენი და თვითმხილველნი, რის შესახებ მემართინე არაფერს იტყობინება, მაშინ მათ მიერ მოწოდებული ინფორმაცია სრულფასოვანი ვერ იქნება (ივ. ჭავჭავაძის თქმით, ძველი ქართული საისტორიო მწერლობა, გვ. 232—233) და ის შეუსაბამოა, რომლებიც თხზულებაში შეინიშნება, შეიძლება მათი მიზეზით იყოს გაჩენილი.

უარყოფთ ის აღრევანი, რომელიც მასში შეინიშნება. ამის უარყოფა კი არაფრით არ შეიძლება.

ასე რომ, ი. ლოლაშვილის მტკიცება იმის შესახებ, თითქოს ფილოლოგიურ მეცნიერებაში მიღებული მოსაზრების თანახმად „ისტორიანი და აზმანი“ ლაშას სიცოცხლეშია შედგენილი⁴⁸ და ამ თარიღის გადასინჯვით საეჭვოა ვინმემ პოზიტიურ შედეგს მიღწიოს (გვ. 100), უსაფუძვლოდ მიგვაჩნია.

რაც შეეხება კითხვის მეორე ნაწილს, თუ „ისტორიანი და აზმანი“ გვიანა დაწერილი, მაშინ რატომ მისი ავტორი არაფერს აღნიშნავს ლაშასა და რუსუდანის ეპოქაზე, მონღოლთა ან ხვარაზმელთა გამოჩენაზე, ეს მწერლის გარკვეული მოსაზრებით, წინასწარ შედგენილი გეგმით უნდა აიხსნას. მას განზრახული ჰქონდა თამარის ისტორიის შედგენა და, რამდენადაც შეძლო, ეს გააკეთა. განა ასე არაა დაწერილი, მაგალითად, ჟამთააღმწერლის თხზულება? მასშიც ხომ არაფერია თქმული თამარის მეფობის შესახებ. ანდა, თუ „აზმანი“ ლაშას დროსაა შედგენილი, როგორც ამას მკვლევარი ამბობს, მაშინ მასში რატომ ერთი სიტყვით მაინც არაა მინიშნებული ლაშას ერთმეფობის დროს მომხდარ ამბებზე? ასე რომ, თამარის ისტორიაში ლაშასა და რუსუდანის დროინდელი ამბების მოუხსენებლობა სრულიადაც არ ნიშნავს, რომ იგი თამარის ან მისი ძის მეფობაში არაა შედგენილი.

1966 წელს დაბეჭდილ ნაშრომში, სადაც შეძლებისდაგვარად ვცადეთ გვეჩვენებინა, რომ თამარი 1207 წელსაა გარდაცვლილი, სხვა წყაროთა შორის ვიმოწმებთ მხითარ აირივანცის ცნობას, სადაც ნათქვამია „გარდაიცვალა თამარი და გამეფდა ვაჟი მისი ლაშა, რომელმაც (1209—1210 წელს) მოაწყო თავდასხმა არეშზე და ვარაგზე, (ხოლო) სპარსელთა ქვეყანაში ის ზრეხამდე მივიდა“⁴⁹.

ი. ლოლაშვილს ეჭვი შეაქვს ამ ჩვენების სისწორეში და გვსაყვედურობს, რომ „მას ხალას ჭეშმარიტებად ვიღებთ“, რის გამოც, თურმე, ვაუფასურებთ „აზმათა“ ვრცელ მოთხრობას სპარსეთში ლაშქრობაზე“ (გვ. 102). მისი რწმენით, ვინაიდან მაშინ ლაშა არ იყო „სრულასაკოვანი“, ვერც ლაშქრობაში მიიღებდა მონაწილეობას და ვერც რომელიმე სამხედრო ექსპედიციის ინიციატორი იქნებოდა; ამასთან, მხითარ აირივანცის ცნობა იმდენად ბუნდოვანია, რომ მასში მოთხრობილ ამბავს შ. დარჩაშვილი 1210 წლის შემდეგი დროით ათარილებსო“ (იქვე).

ჭ ე რ ე რ თ ი, თუ მხითარ აირივანცის ცნობის სისწორე დასტურდება ჩვენს მიერ იქვე დამოწმებულ სხვა წყაროთა მონაცემებით, რატომ უნდა შეგვეპაროს ეჭვი მის ჭეშმარიტებაში? მეორე, მემატანის სიტყვები „გამეფდა ვაჟი მისი ლაშა, რომელმაც მოაწყო თავდასხმა არეშზე, ვარაგზე და სპარსთა ქვეყანაში ის ზრეხამდე მივიდა“, იმას კი არ ნიშნავს, რომ იგი უსათუოდ თვითონ სარდლობდა აღნიშნულ ლაშქრობებს, არამედ უფრო იმას გვაფიქრებინებს, რომ ყველაფერი ეს მოხდა მისი ერთმეფობის დროს და მისი უშუალო

48 კ. კეკელიძის დაკვირვებით, ის დაწერილია თამარის გარდაცვალებისა და ლაშა გიორგის გამეფების წელს („ეტიუდები“, თბ., 1956, გვ. 288). ლოლაშვილის მიხედვით კი 1214—1222 წელს (იხ. მ. ი. ს. „მრავალკარედი“, გვ. 100).

49 ბ. ს. ი. ლ. ა. გ. ა. ძ. ე, დასახ. ნაშრომი, გვ. 127. შდრ. Хронологическая история, составленная отцом Мхитаром... Аириванским. Пер. с армянского К. Патканова. СПб., 1969, გვ. 413.

თანხმობით. მაგრამ ერთი წუთით დავუშვათ, რომ მხითარის ცნობის ი. ლოლაშვილისეული ვაგება სწორია და მემატიაანის ცნობაში იგულისხმება. რომ ლაშა გიორგი პირადად ხელმძღვანელობდა აღნიშნულ ბრძოლებს. მაშინ იბადება ასეთი კითხვა: თუ კი მკვლევარში ეჭვს არ იწვევს ბასილი ეზოსმოდურის სიტყვების სისწორე იმის შესახებ, 1206 წელს ყარსის- აღებისას „მეცხოვნებმა კლიტენი (15 წლის) ლაშას ჩააბარეს“ და ქალაქიც მას გადასცეს (გვ. 92), რატომ არ უნდა დაეიჯეროთ, რომ უკვე 18 წელს მიღწეულ საქართველოს მეფეს თვითონ მოეწყო ლაშქრობა არეშზე, ვარაგზე ან სპარსელთა ანუ მაჰმადიანთა ნებისმიერ ადგილებში? განა მსოფლიო ისტორიამ ცოტა იცის შემთხვევა. როცა 18 წლის მეფენი თუ სარდლები ლაშქრობებს ხელმძღვანელობენ? განა დავით აღმაშენებელიც ამ ხნისა არ იყო ბრძოლებს რომ ედგა სათავეში? მემატიაანენიც ხომ ლაშას თავის დიდ წინაპარს ადარებენ და აღნიშნავენ, რომ ის იყო „ტანად ძლიერი, გულადი მხნე მოისარი, ჭკვიანი და დამხედვარი, მეტად ჟამისა და ასაკისა მისისა“⁵⁰.

მესამე, ი. ლოლაშვილის მიერ დამოწმებულ ნაშრომში შ. დარჩაშვილი არსად არ ამბობს, რომ მხითარ აირივანცის ცნობა „ბუნდოვანი“ და მოუღებელია. არც შეიძლება ასეთი რამ ეთქვა, რადგან სომეხი მემატიაანის ცნობა მას მხოლოდ იმის ნათელსაყოფად დასჭირდა, რომ თამარის შემდეგ ტახტზე ასულ გამოუცდელი, ჭბუხი მეფის დროს, საქართველოს ვასალობიდან განთავისუფლები სურვილი აღეძრა მაჰმადიან ყმადნაფიც ქვეყნებს, რომელთა შემოტევა იქნებოდა მას 1209—1210 წელს უკვე უხდებოდა⁵¹ (დაყოფა ჩვენია — ბ. ს.).

მეოთხე, „აზმათა“ ავტორის ცნობას, როგორც ისტორიული ფაქტის ამსახველს, კი არ ვაუფასურებთ და უარვყოფთ, არამედ მიგვაჩნია, რომ იგი ქრონოლოგიური თანმიმდევრობის თვალსაზრისით არ ზის თავის ადგილას და. აი, რატომ: თუ ის დიდი ლაშქრობა რომელიც წყაროს ცნობით ქართველებმა ირანში (ხორასანში) მოაწყვეს, ნამდვილად თამარის დროს მოეწყო, მაშინ იგი 1207 წლამდე, ე. ი. დედოფლის გარდაცვალებამდე მომხდარ ფაქტად უნდა მივიჩნიოთ. მაინც როდის? თუ „აზმათა“ ცნობა სწორია, მაშინ ამ ლაშქრობას ადგილი უნდა ჰქონოდა იმ წლის შემოდგომაზე, რომელაწლის გაზაფხულზეც არდებილის სულთანმა აეკლო ანისი, ხოლო ამის საპასუხოდ ქართველებმა დალაშქრეს არდებილი, რაზეც უკვე გვქონდა საუბარი. მაგრამ ჩვენ ვფიქრობთ, რომ მხითარის ცნობა არავითარ კავშირში არაა ქართული წყაროს ჩვენებასთან. ამიტომ სომეხი ავტორის ცნობის შინაარსი სულ სხვაგვარად უნდა იქნას გაგებულნი. კერძოდ, ავტორი იუწყება, რომ თამარის შემდეგ საქართველოს ხელმწიფედ გამხდარ ახალგაზრდა ლაშა გიორგის ხმლით უხდება ამ დროს უკვე საქართველოს ვასალობიდან განმდგარი ყმადნაფიცი ქვეყნების დაპყრობა-დამორჩილება. ასე რომ, სომეხი მწერლის ცნობა არც ისე „ყურმოკრული“ და „მცდარია“. ყოველ შემთხვევაში 1209—1210 წელს რომ თამარი ცოცხალი აღარ იყო, რისთვისაც ეს ცნობა დავიმოწმეთ, არავითარ ეჭვს არ იწვევს⁵², საეჭვო ამ ცნობაში შეიძლება იყოს ის ადგილი,

⁵⁰ ლაშას დროინდელი მემატიაანე (ქართლის ცხოვრება, I, გვ. 371); დ. გვრიტიშვილი, ნარკვევები საქართველოს ისტორიიდან, თბ., 1962, გვ. 213.

⁵¹ შ. დარჩაშვილი, დასახ. ნაშრომი, გვ. 153.

⁵² ეს დასტურდება კირაკოს განმაცეცის ცნობითაც (Киракос Гандзакечи, История Армении, М., 1976, გვ. 129).

სადაც საუბარია „სპარსელთა ქვეყანაში“ ქართველთა ლაშქრობაზე და ისაკ მხოლოდ იმ შემთხვევაში, თუ აქ ვიგულისხმებთ იმ შორეულ ლაშქრობას, როცა ქართველებმა დალაშქრეს მთელი ჩრდილო ირანი და რომ გურამდე მიადწიეს, მაგრამ ცნობის შინაარსზე დაკვირვება გვარწმუნებს, რომ ავტორი „სპარსელთა ქვეყანაში“ საკუთრივ სპარსეთს კი არა, საერთოდ მუსლიმურ აღმოსავლეთს გულისხმობს. „სპარსეთი“ მაშინ უფრო ამ გაგებით იხმარებოდა საისტორიო მწერლობაში⁵³.

მხითარ აირევანცის ცნობის ასეთი ინტერპრეტაცია ძირს უთხრის მისეულ ვარდან-კირაკოს-სტეფანოსის გაგებას, რომ სპარსეთს გალაშქრება მოეწყო ზაქარიას დროს, კერძოდ 1210 წელს⁵⁴. მაშასადამე, იგი საფუძველს აცლის ამ სომხურ წყაროებზე დაყრდნობით ქართულ ისტორიოგრაფიაში გამოთქმულ და გაბატონებულ იმ თვალსაზრისსაც, რომ არდებილ-მარანდის ლაშქრობები (თამარის სიცოცხლეში მომხდარ ფაქტად რომ ჩანს), გვიან მოხდა.

თამარი რომ 1207 ან 1210 წელს არ უნდა იყოს გარდაცვლილი ამის დასამტკიცებლად ი. ლოლაშვილი მიმართავს ნუმისმატიკურ მასალას, კერძოდ, 1210 წელს თამარის სახეზე მოჭრილ მონეტას⁵⁵ და იმავე თარიღის ლაშა ვაორგის მონეტას⁵⁶. თამარის მონეტაზე „მეფეთა მეფედ“ დედოფალია მოხსენიებული, ხოლო მეორე მონეტაზე „მეფეთა მეფე“ — ლაშა გიორგი. ვინაიდან ერთდროულად ორი მეფეთა მეფის თანაარსებობა უპრეცედენტო შემთხვევაა, ამ უჩვეულო მოვლენას, როგორც მას მ. ბროსე უწოდებდა⁵⁷, თავისი ახსნა უნდა მოეძებნოს.

ქართულ (და არა მარტო ქართულ) ისტორიოგრაფიაში ამ საკითხთან დაკავშირებით გამოთქმულია რამდენიმე მოსაზრება: ზოგი ფიქრობს, რომ 1210 წელს თამარმა მთელი ძალაუფლება დაუთმო შვილს⁵⁸ და თავად მონასტერში აღიკვეცა⁵⁹. ზოგს კი მიაჩნია, რომ ეს შეიძლება მომხდარიყო სახელმწიფო გადატრიალების ან დედის გარდაცვალების შედეგად⁶⁰. ი. ლოლაშვილი სრულიად მართებულად უარყოფს ამ მოსაზრებებს, მაგრამ ცდება, როცა საკითხის თავისებურ ახსნას გვთავაზობს. მისი რწმენით, „სავსებით დასაშვებია, რომ დედა-შვილ მეფეთა შეთანხმებით, 1210 წელს ერთდროულად მოეჭრათ ორი სახის ფული: ერთი თამარის სახელზე, მეორე გიორგის სახელზე. საამისოდ

⁵³ „რუსუდან ითხოვეს ხლათსა დასასმელად დიდმან სულტანმან მელიქმან, რომელსა ეგვიპტით ვიდრე ხლათამ დის სპარსეთი ჰქონდა“ (ლაშა გიორგის დროინდელი მეტიტინე (ქ. ც. I, გვ. 371 ვ. დონდუა, საისტორიო ძიებანი, 11, თბ., 1973, გვ. 111).

⁵⁴ Вардан, დასახ. თხზულება, გვ. 171.

⁵⁵ Е. Л. Пахомов, Монеты Грузии, Тб., გვ. 91.

⁵⁶ იქვე, გვ. 96.

⁵⁷ M. Brosset, Report sur l'ouvrage intitulé Нумизматические факты грузинского царства et Revue de Numismatique Georgienne. St-Petersbourg. 1847, გვ. 67. უჩვეულო მოვლენად მიაჩნდა იგი ე. პახომოვსაც (იხ. მისი, დასახ. ნაშრომი, გვ. 98).

⁵⁸ Е. Л. Пахомов, დასახ. ნაშრომი, 87; А. А. Быков, Грузинские монеты XII—XIII вв. (Памятники Эпохи Руставели, Л., 1938, გვ. 85); D. M. Lang, Studies in the Numismatic history of Georgia in Transcaucasia (The American Numismatic Society Numismatic Notes and Monographs, № 130, New-York, 1955, გვ. 25).

⁵⁹ Е. Л. Пахомов, დასახ. ნაშრომი, გვ. 87.

⁶⁰ თ. ნატროშვილი, გ. ჯ ა ფ ა რ ი ძ ე, დასახ. ნაშრომი, გვ. 163.

არც პოლიტიკური გადატრიალება იყო საჭირო, არც რომელიმე მათგანის წებით გადადგომა (თუ გარდაცვალება) (გვ. 108).

როგორც ვხედავთ, მეკლევარი სრულიად მარტივად წყვეტს საკითხს, მაგრამ როგორც სხვა მოსაზრებანი, ეს ახსნაც დაუჭერებელია და მიუღებელი.

დედა-შვილის შეთანხმება. ცალ-ცალკე მოექრათ ფულის ნიშნები მეფეთა მეფის ტიტულით, არ ესადაგება ნუმიზმატიკურ პრაქტიკას. იგი ვერ იძლევა აასუხს ერთდროულად, ერთ და იმავე სახელმწიფოში ორი მეფეთა მეფის თანაარსებობის აუცილებლობის შესახებ. მასასადამე, მას სხვანაირი ახსნა სჭირდება.

სამონეტო საქმის ისტორიაში ცნობილია შემთხვევები, როდესაც მონეტა იჭრება უკვე სამეფო ტახტიდან გადაყენებული ან გარდაცვლილი ხელმწიფის სახელზე⁶¹. ცნობილი ნუმიზმატი ე. პახომოვი, სახალიფოსდროინდელ მუსლიმურ მონეტებზე მუშაობისას დარწმუნდა, რომ ზოგი მონეტა უსახელოა, ზოგი კი ისეთი, რომელზედაც აღნიშნულია არა მმართველი ხალიფას, არამედ მისი წინა მორბედი გამგებლის სახელი⁶².

ვფიქრობთ, ასეთ შემთხვევასთან გვაქვს საქმე 1210 წელს თამარ მეფის სახელზე მოჭრილი მონეტის საკითხშიც. ამ დროს საქართველოს ერთპიროვნული მმართველი, მისი მეფეთა მეფე ლაშა გიორგია და ფულიც მის სახელზე იჭრება. მაგრამ ამავე დროს უკვე აღსრულებული თამარის მონეტის ემისიაც გრძელდება. რაშინა საქმე? თუ საქართველოს დედოფალი ნამდვილად 1207 წელს გარდაიცვალა და ტახტი მისმა ვაჟმა დაიკავა, მაშინ რატომ ასე გვიან — 1210 წლიდან იწყება მისი სახელით ფულის მოჭრა?

ამის თავი და თავი მიზეზი საქართველოს სამეფო კარზე მაშინ არსებულ რთულ პოლიტიკურ სიტუაციაში და შინაკლასობრივ ბრძოლაშია საძებარი. არაბი მემატინე ხომ პირდაპირ ამბობს: თამარის გარდაცვალების შემდეგ საქართველოს სამეფო კარზე თავი იჩინა არეულობამ⁶³... უცხო ავტორის ამ მეტად მნიშვნელოვანი ჩვენების სისწორე მთლიანად დასტურდება ქართულ წყაროთა მონაცემებითაც.

ლაშა გვევლინება დამოუკიდებელ სახელმწიფო მოღვაწედ. მისი იდეალი იყო ქვეყნის ცენტრალიზაციის შენარჩუნება და მეფის ხელისუფლების გაძლიერება. რასაც ხელს უშლიდნენ მსხვილი ფეოდალები, მეტადრე თამარის დროს მეტისმეტად აღზევებული და გაძლიერებული სამეფო კარის დიდმოხელენი. მათ სურდათ მეფის ხელისუფლების დასუსტება და მეფის გადაქცევა მათზე დამოკიდებულ პიროვნებად.

ამიტომ მეფეს განზრახული ჰქონდა ცვლილებების მოხდენა: ურჩების დამცრობა-გადაყენება და მათ ადგილას თავისი მომხრე ახალგაზრდობის დაწინაურება.

ამ ღონისძიების გატარებისას იგი ეყრდნობა ფეოდალური წრიდან გამოსულ რაინდული სულისკვეთებით გამსჭეალული ახალგაზრდობის განსაკუთრებულ სოციალურ კატეგორიას — „რინდებს“. ამის გამოა ქამთალმწერელი

⁶¹ თ. ნატოშვილი, გ. ჯაფარიძე, დასახ. ნაშრომი, გვ. 160.

⁶² Е. Л. Пахомов, Монеты Азербайджана, вып. IV, Баку, 1913, გვ. 145.

⁶³ იბნ ალ-ასირი, დასახ. ნაშრომი, XII, გვ. 119.



უკმაყოფილოდ რომ ამბობს: მეფემ „განიშორნა ვაზირნი სანატრელისა დედოფლისა და... შეიყუარნა თანამოჰასაკენიო“⁶⁴.

ძნელი სათქმელია ახალგაზრდა მეფე ასეთ ღონისძიებას თვითონ, სხვისა კარნახის გარეშე ახორციელებდა თუ ჰყავდა ერთგული მრჩეველნი. მაგრამ ვისგანაც არ უნდა მოდიოდეს იდეა თამარისდროინდელი ვაზირების განშორებისა, რელიგიისადმი თავისუფალი დამოკიდებულებისა, კულტის მსახურთათვის ანგარიშის გაუწველობისა და მეფის ხელისუფლების გაძლიერებისა, ის კი ცხადია, რომ ასეთი საქციელი მსხვილი ფეოდალების, მათ შორის სამეფო კარის დიდმოხელეთა მოწონებას ვერ დაიმსახურებდა. და როგორც ჟამთააღმწერელი იუწყება, „ამისნი მცნობელნი თავადნი საქართველოსანი, ფრიად მწუხარენი, და უმეტეს ივანე ათაბაგი და ვარამ გაველი ზაქარიას ძე განეყენებოდეს დარბაზს ყოფისაგან“ და მეფეს მოახსენებდნენ: „არა თავს ვიდებთო... შენსა მეფედ ყოფასა, უკეთუ არა განეყენო ბოროტთა კაცთა სიახლესა და ავსა წესსა, რომელსა იქმ“⁶⁵.

მემატინის ამ სიტყვებიდან აშკარაა ის კონფლიქტური სიტუაცია, რომელიც სუფევს სამეფო კარზე ლაშას ერთმეფობის დასაწყისში.

უთანხმოება მეფესა და ფეოდალებს შორის კარგ ხანს გრძელდებოდა. მეფე თავიდან უარს ამბობდა მის მიმართ წაყენებული მოთხოვნების მიღებაზე, მაგრამ ბოლოს ოპოზიციამ მაინც იძალავრა და თავისი ვაიტიანა. ლაშა გიორგიმ აღუთქვა, რომ „არარასა იქმდა თვნიერ მათისა განზრახვისა“⁶⁶. მაშასადამე, მან თავი მათ მორჩილად სცნო და იმათაც ამის შემდეგ შეცვალეს დამოკიდებულება. მისდამი. იგი ქვეყნის სრულუფლებიან გამგებლად სცნეს და ეს, როგორც წყაროებიდან⁶⁷ ჩანს, 1210 წელს კურთხევით დაადასტურეს⁶⁸. მანამდე კი, ვინაიდან მისი მეფობა პირობითი იყო, მის სახელზე ფულის მოჭრაზეც თავს იკავებდნენ და თამარის მონეტების ემისია გრძელდებოდა. ამრიგად, 1210 წლით დათარიღებული თამარისა და მისი ძის მონეტების არსებობა არც იმას ნიშნავს, რომ თამარი მაშინ ცოცხალი იყო და არც იმას, რომ ლაშას ერთმეფობაც იმ დროს დაიწყო. ხოლო თე ეს ასეა (რასაც წყაროთა მონაცემები უჭერენ მხარს), მაშინ დედა-შვილს შორის რაიმე შეთანხმებაზე საუბარი ზედმეტია. ასევე გამორიცხული ჩანს ისიც, რომ დედამ შვილს ტახტი გადასცა და თვითონ მონასტერში აღიკვეცა. ცდილობს რა როგორმე დაიცვას თამარის გარდაცვალების „ტრადიციული“, „კანონიკური“ თარიღი — 1213 წელი, ი. ლოლაშვილი იმოწმებს თ. ნატროშვილს, გ. ჯაფარიძეს და შ. დარჩაშვილს იმ შემთხვევაში, როცა ისინი აღნიშნავენ, რომ თამარი 1207 წელს არ აღსრულებულა. მაგრამ არ ეთანხმება როცა ისინი საქართველოს დედოფლის გარდაცვალების თარიღად 1210 წელს დებენ. მისი აზრით, თამარი 1211 წელსაც ცოცხალი ყოფილა და ამის დასამტკიცებლად მიმართავს ჟამთააღმწერლის, ფარსადან გორგიჯანიძის, ვახუშტი ბაგრატიონის, „ქართლის ცხოვრების“ ბართაშვილისეულ და ვახტანგისეული რედაქციის (ERdps) სხვა ნუსხათა ცნობებს, აგრეთვე A 85 ხელნაწერის II კვიკვლოსის მინაწერს (გვ. 106—107).

⁶⁴ ქართლის ცხოვრება, II, გვ. 155.

⁶⁵ იქვე.

⁶⁶ ქართლის ცხოვრება, II, გვ. 155.

⁶⁷ იხ. „ჰალბატის 1210 წლის წარწერა“ (შ. დარჩაშვილი, დასახ. ნაშრომი, რომი, გვ. 152).

⁶⁸ დაახლოებით ასეთსავე აზრს გამოთქვამს ჯ. ოდიშელიც (იხ. მისი, დასახ. ნაშრომი, „ცისკარი“, № I, 1976, გვ. 123).

ყამთალმწერლის ცნობით, „რაჟამს მიიცივალა თამარ, იყო ლაშა ათრვა-მეტისა წლისა“⁶⁹. ე. ი. თამარი გარდაიცვალა 1211 (1193+18) წელს. მაგრამ, ჯერ ერთი, ეს ცნობა გვიანდელია (XIV ს.) და მეორე, იგი ეწინააღმდეგება მეორე ცნობას, რომელშიც იგივე ავტორი აღნიშნავს, რომ ლაშამ გვირგვინი მეფობისა დაიდგა „ათცამეტისა წლისამ“⁷⁰, (დავით სოლომონის გარდაცვალების შემდეგ)⁷¹, ე. ი. 1205/6 წელს. თუ ეს ცნობა სწორია, მაშინ გამოდის, რომ 1207 წელს დავითი კი არა, მისი მეუღლე თამარი გარდაიცვალა და, ცხადია, ის 1211 ან 1213 წელს ვეღარ მოკვდებოდა. ამასაც რომ თავი დაეხსნებოთ, თმარის გარდაცვალების ყამთალმწერლისეული თარიღი (1211 წ.) ი. ლოლაშვილისთვისაც არაა ხელსაყრელი.

ფარსადან გორგიჯანიძეს დამოუკიდებელი თვალსაზრისი თამარის მეფობის დასასრულის შესახებ არ გააჩნია. მისი წყაროა ყამთალმწერელი და ისიც იმას ამბობს, რაც წყაროში სწერია. მისგან განსხვავებით მხოლოდ იმას აღნიშნავს, რომ „ხუთი წელი დედამ იცოცხლა შვილის მეფობაშიო“⁷² და აქაც შეცდომას უშვებს.

ვახუშტი ბაგრატიონის ძირითადი წყაროც ყამთალმწერელია. მაგრამ წყაროსაგან განსხვავებით მას აქვს საკუთარი ქრონოლოგია, რომელიც საერთოდ 107³, ხოლო თმარის მეფობის მონაკვეთში ძირითადად 6 წლით⁴ ჩამორჩება რეალურს. ამის გათვალისწინებით, მის თხზულებაში თმარის გამეფების 1174 და გარდაცვალების თარიღად დასახელებული 1201 წელი უდრის 1184/1174+10/ და 1207/1201+6/ წლებს. ასე რომ, ვახუშტიც არ უჭერს მხარს ი. ლოლაშვილს. იგივე ითქმის „ქართლის ცხოვრების“ მის მიერ დასახელებული ნუსხებისა და A 85 ხელნაწერის II კვიცილოსის მინაწერთა შესახებაც.

„ქართლის ცხოვრების“ ბარათაშვილისეული ნუსხის მინაწერი „თამარ დაიძინა... ქორონიკონსა ულ“⁷⁵/780+930=1210/ ბასილის თხზულებას ეკუთვნის. მინაწერი შესრულებულია გვიან. ამასთან, იქვეა სულ სხვა ხელით გაცემებული მეორე მინაწერიც, რომელიც გვამცნობს, რომ თამარი აღესრულა ქორონიკონსა „უი“⁷⁶ /411/, რაც შეესატყვისება 119/411+780/ წელს. ამრიგად, არსებობს სხვადასხვა ხელით შესრულებული ორი ერთმანეთისაგან განსხვავებული მინაწერი. უთითებენ მხოლოდ ერთ მინაწერს, რომლის თანახმად თამარი 1210 წელს ჩანს გარდაცვლილი, მეორეს კი საერთოდ არ ახსენებენ,

⁶⁹ ქართლის ცხოვრება, II, გვ. 151.

⁷⁰ იქვე.

⁷¹ დავითის სიცოცხლეში ლაშას კურთხევა შეფედ ვერ მოხდებოდა.

⁷² ფარსადან გორგიჯანიძე, საქართველოს ცხოვრება, ხელნაწ. H 2140, ფ. 33. მ. ლოლაშვილის მიხედვით ეს დიდმნიშვნელოვანი ფაქტია (გვ. 107). სინამდვილეში ნახევრად ეალებ მონაკვეთზე აგებული უბრალო მათემატიკური გაანგარიშებაა. გამეფებისას ლაშა იყო 13 წლის, დედის დაკარგვისას — 18 წლის. რაკი ფარსადანმა იცოდა, რომ ლაშა 1192/3 წელსაა დაბადებული, ამის მიხედვით გამოიყვანა მათი თანამეფობის 5 წელი.

⁷³ Saint-Martin, Memoires Historiques et Geographiques sur Armenien, t. II-Paris, 1819, გვ. 25, 292; თ. ქორდანიძე, ქრონიკები, I, გვ. 90-91.

⁷⁴ რ. კიკნაძე, დასახ. ნაშრომი, გვ. 131.

⁷⁵ ქართლის ცხოვრება, II, გვ. 146 (ვარიანტები); ჯ. ოდიშელი, დასახ. ნაშრომი, გვ. 120; ი. ლოლაშვილი, დასახ. ნაშრომი, გვ. 106.

⁷⁶ მცირე ქრონიკები, გვ. 28.

თითქოს ის არც არსებობდეს. მიზეზი და მიზანი ასეთი მოქმედებისა ისაა, რომ როგორმე უაყოფო თამარის სიკვდილი 1207 წელს. მაგრამ არც პირველი მინაწერის სისწორე დასტურდება ისტორიული წყაროებით და არც მეორისა. ამდენად, ისინი არ იმსახურებენ ნდობას. ყოველ შემთხვევაში, ეს მონაცემები სწორიც რომ იყოს, მაინც ი. ლოლაშვილის კონცეფციას ეწინააღმდეგება.

რაც შეეხება A 85 ხელნაწერის I E კვიცილოსის მინაწერს — „ულა /1211/ თამარ მეფე გარდაიცვალა... და მეორესა წელსა მეფედ დაჯდა გიორგი“... არსებობს მისი სხვახაირი წაკითხვაც. თ. ბრეგაძე მას კითხულობს ასე „ული [თამარ] დედოფალი გარდაიცვალა. უმ. მეორესა წელსა მეფედ და[ჯდა] გიორგი...“.

„ულა“-ს რიცხვითი მაჩვენებელია 431, „ული“-სა 440. მაშასადამე, პირველი წაკითხვით თამარი გარდაიცვალა 1211, ხოლო მეორე წაკითხვის თანახმად — 1220 წელს. ამ ორი წაკითხვიდან არც ერთია სანდო და არც მეორე. თ. ჟორდანიას დაკვირვებით, ეს მინაწერი გაკეთებულია XV ს-ში⁷⁸. ი. ლოლაშვილის თქმით კი უფრო გვიან — XVII ს-ში (გვ. 106). ამასთან, თ. ჟორდანიას ფიქრობს, რომ მინაწერში მოხსენიებული დედოფალი თამარი არ არის თამარ მეფე, მით უფრო, რომ მინაწერი ჩართულია XIV მოქცევის ქრონოკონებში. ასეთსავე მოსაზრებას გამოთქვამს ჯ. ოდიშელიც. მისი დაკვირვებითაც ეს ცნობა მექანიკურადაა გადმოტანილი სხვა კვანძოსიდან და თარიღში დაშვებულია მექანიკური შეცდომა⁷⁹. ამის დასტურად გამოდგება თუნდაც ის, რომ I კვიცილოსის მინაწერებიდან ერთ-ერთში /5/ აღნიშნულია: „უკვ /ხყო/ — 1206 — აქა მიიცივალა თამარ და მეორ[ესა] წელს გამე[ფდა] ძე მისი] გიორგი“. მართალია, აქაცაა მცირე შეცდომა დაშვებული, მაგრამ სინამდვილეს აღდგენა იოლად ხერხდება. საქმე ისაა, რომ ლაშას გამეფება მოხდა თამარის გარდაცვალების წელსვე. ამიტომ ამ ცნობის მიხედვით, ან ლაშაც 1206 წელს უნდა გამეფებულიყო, ანდა თამარი უნდა აღსრულებულიყო ლაშას აღზევებას დროს, ცნობის თანახმად 1207 წელს. ვინაიდან 1206 წელს სხვა წყაროები არ უჩქერენ მხარს, ეჭვი არაა, რომ თამარის გარდაცვალებისა და გიორგი ლაშას ერთმეფობის დასაწყისის სწორი თარიღია 1207 წელი.

ამრიგად, ირკვევა, რომ ი. ლოლაშვილის მიერ მოხმობილი გვიანდელი წყაროებიდან არც ერთით არ დგინდება, რომ თამარ მეფე უდავოდ 1211 წელს რყო გარდაცვლილი. მაგრამ კიდევაც რომ დავუშვათ, რომ ეს ასე არ არის და საქართველოს დედოფალი 1211 წელს აღესრულა, მაშინ როგორღა უნდა გამოტოვოთ, რომ ის ნამდვილად 1213 წელს მოკვდა?

ი. ლოლაშვილი ფრანგი რაინდის დე ბუას გახმაურებული წერილის შესახებ აცხადებს: „ასეთი დოკუმენტი (რომელსაც თარიღი არ უზის) არ შეიძლება რაიმე სხვა თარიღის დადგენა“ (გვ. 105). თუმცა მან მშვენივრად იცის, რომ წერილი დაწერილი უნდა იყოს 1208/9 წელს, რადგან მასში ლაშა 16 წლისადაა მოხსენიებული. მაშ რატომ ამბობს მის მიხედვით სხვა რომელიმე თარიღის დადგენა შეუძლებელია და ის წყაროდ არ გამოდგება? მხოლოდ და მხოლოდ იმის გამო, რომ როგორც წერილის შინაარსიდან ჩანს, მისი დაწერის დროს თამარი ცოცხალი აღარ არის.

77 A ფონდის ქართულ ხელნაწერთა აღწერილობა, I, თბ., 1973, გვ. 296.

78 თ. ბ რ ე ა ნ ი ა, ქრონიკები, II, გვ. 91.

79 მცირე ქრონიკები, გვ. 95.

ასევე მიუღებელია მისი მსჯელობა რომის პაპის ინოკენტი III-ის მიერ საქართველოს მეფე გიორგი ლაშასადმი 1211 წლის 7 ივნისს გამოგზავნილი წერილის შესახებაც. გიორგისადმი წერილით მიმართვა უეჭველად იმას ნიშნავდა, რომ თამარი მაშინ უკვე ცოცხალი აღარ იყო. მკვლევარი კი უარყოფს ამას და აღნიშნავს: თუ ასე ვიმსჯელებთ, მაშინ გამოდის რომ 1224 წელს რუსუდანიც მკვდარი ყოფილა. რადგან რომის პაპი ონორეს 1224 წლის 12 მაისს ივანე ათაბაგისადმი გაგზავნილ წერილში რუსუდანის სხენება არ არისო (გვ. 109).

მაგრამ ეს ანალოგია არ გამოდგება. მკვლევარს ავიწყდება, რომ როცა ონორე ივანეს წერილს უგზავნიდა, ასეთივე ეპისტოლეთი მიმართა საქართველოს მეფე რუსუდანს. ამიტომ ამირსპასალარისადმი გაგზავნილ წერილში მეფის სახელის მოხსენება საჭიროდ აღარ ჩათვალა. ასე რომ, აქედან გაკეთებული დასკვნა: რომის პაპს დედა-შვილის თანამოსაყდრეობის დროს შეიძლება ეპისტოლე მეფეთა მეფის თამარის გვერდის ავლით მხოლოდ გიორგი მეფის სახელზე დაეწერა და მისთვის ეთხოვა ჯვართს უღლაშქრობაში მონაწილეობის მიღება (გვ. 109), ყოვლად დაუჯერებელია. პაპი ინოკენტი III თამარის გვერდის ავლით არავითარ შემთხვევაში არ დაუკავშირდებოდა ლაშას, რადგან ეს იქნებოდა დიპლომატიური ეთიკის უხეში დარღვევა, საქართველოს მეფის შეურაცხყოფა, მისი და ამავე დროს საკუთარი თავის დამცირება.

„ისტორიათა და აზმათა“ ავტორის ჩვენებით, თამარი აღსრულებულა ზაქარია ამირსპასალარის შემდეგ⁸⁰. სომხური ეპიგრაფიკული მასალით კი ჩანს, რომ საქმე პირიქითაა, ჯერ თამარი გარდაცვლილა, შემდეგ — ზაქარია⁸¹. ეპიგრაფიკულ მონაცემებს მხარს უჭერენ ნარატიული წყაროებიც. ვარდან აღმოსავლელისა და სტეფანოს ორბელიანის ცნობით, არდებილ-მარანდის 1210 წლის ლაშქრობებიდან დაბრუნებული ზაქარია ამირსპასალარი გარდაიცვალა 1212 წელს⁸². კირაკოს განძაკეცის თქმით, ზაქარიას სიკვდილს ვერაღებულად დაუმწუხრებია საქართველომ მეფე გიორგი ლაშა, „ზაქარიას ძმა ივანე და მთელი ქართული ლაშქარი“⁸³.

მოსალოდნელი იყო, რომ ი. ლოლაშვილი სხვა წყაროთა ცნობების მოშველებით. მათი შედარებისა და სათანადო ანალიზის შედეგად შეეცდებოდა წინააღმდეგობებით აღსავსე ამ საკითხის გარკვევას. მან კი ეს პრობლემა სულ მარტივად გადაწყვიტა.

მისი თქმით, სომხური სავანეების — ჰალბატის, მარმეთის, მორო ძორისა და ბაგავანის წარწერება ერთი შეხედვით, მართლაც, ადასტურებენ თამარის გარდაცვალებას ზაქარია მხარგრძელზე უწინ (გვ. 109—110), მაგრამ ეს ასე არ არის, რადგან ზოგიერთი რეალია უნდობლობას იწვევს (გვ. 110). თურმე მკვლევარში უნდობლობის გრძნობა აღძრა იმან, რომ, ჯერ ერთი, ჰალბატის 1210 წლის წარწერა ამოიკვეთა „მეფეთა-მეფის გიორგი... თამარის ძის (მეორედ) კურთხევის წელს“ და შ. დარჩაშვილი მას სრულიად სანდოდ მი-

⁸⁰ ქართლის ცხოვრება, II, გვ. 110—112.

⁸¹ შ. დარჩაშვილი, XIII ს-ის დასაწყისის საქართველოს ქრონოლოგიის საკითხისათვის, „მნათობი“, 1975, № 2, გვ. 151—155.

⁸² ვარდანის, დასახ. ნაშრომი, გვ. 171—172; სტეფანოს ორბელიანის, დასახ. ნაშრომი, გვ. 64.

⁸³ Киракос Гандзакец, დასახ. თხზულება, გვ. 129, დამწუხრებულთა შორის თამარის მოუხსენებლობა იმის მაუწყებელია, რომ იგი მაშინ ცოცხალი აღარაა.

იჩნევს; მეორე, მორო ძიროს 1213 წლის წარწერის მიხედვით ზაქარია მაშინ ცოცხალი აღარ ყოფილა, ხოლო ს. კაკაბაძე მისი გარდაცვალების თარიღად 1215 წელს ასახელებს (გვ. 110).

რომელ ერთს დავუჯეროთო კითხვობს ი. ლოლაშვილი და თვითონვე უპასუხებს: „საკითხის მართებულად გადაწყვეტისათვის ერთადერთი სწორი გზა XIII ს-ის ქართველ და სომეხ ისტორიკოსთა მონათხრობისა და მათივე ქრონოლოგიური მონაცემების შედარებითი შესწავლა და ანალიზი“ (გვ. 110). მაგრამ სწორედ ამ ანალიზს ვერ ვხვდებით მის ნაშრომში. იგი კმაყოფილდება მხოლოდ ავტორთა დასახელებით და დასმულ კითხვაზე: ზაქარია უწინ გარდაიცვალა თუ თამარი, უბრალოდ ასკვნის, ერთადერთ სწორ პასუხს იძლევა მხოლოდ „ისტორიათა და აზმათა“ ავტორი, რომლის მიხედვით თამარი ზაქარიას შემდეგაც ცოცხალიაო. ხოლო რაც შეეხება იმას, რომ სომეხი ავტორები ზაქარიას გარდაცვალების გამო დამწუხრებულთა შორის თამარს არ იხსენიებენ, ეს იმას კი არ ნიშნავს, რომ თამარი ამ დროს ცოცხალი აღარ იყო, არამედ იმას, რომ მათ არ იცოდნენ როგორ იმოქმედა თამარზე ზაქარიას სიკვდილწამო (გვ. III).

წარმოდგენილია სომეხ ავტორებს გიორგის განწყობილება სცოდნოდათ, ამირსპასალარის დაქარგვის გამო და თამარისა — არა. ერთი წუთით დავუშვათ რომ ი. ლოლაშვილის მსჯელობა მართალია. მაგრამ ამას ხომ დასაბუთება უნდა. ეს მით უფრო აუცილებელია, რომ ეპიგრაფიკული მასალა ეწინააღმდეგება „აზმათა“ ავტორის ზემოთ მოტანილ ცნობას. ამ მასალიდან ხომ ჩანს, რომ ზაქარია თამარის შემდეგაც ცოცხალია და ასეთ შემთხვევაში, ცხადია, თამარი ძას ვეღარ იგლოვდა.

ჩვენ არ ვიცით, რამდენად სანდოა სომეხი მწერლებისა და ეპიგრაფიკული ძეგლების მონაცემები, რომელთა აღიარებით ზაქარია 1212 წელს აღესრულა (ამას დამატებით კვლევა სჭირდება), მაგრამ ვერც იმას ვიტყვით ხელაღებული, რომ ქართულ წყაროში ეს ამბავი ზუსტად და თავის ადგილზეა გადმოცემული. ასეთ ეჭვს ბაღებს თუნდაც მარტო ის ფაქტები, რაზედაც ზემოთ თავის ადგილას იყო საუბარი. ამიტომ საჭიროა შემდგომი კვლევა-ძიება ამ მიმართულებით და, როცა ეს საკითხი საბოლოოდ გაირკვევა, მაშინ დადგინდება ზაქარია უწინ გარდაიცვალა თუ თამარი, ასევე ისიც, თუ როდის მოეწყო ქართველთა ძღვევამოსილი ლაშქრობა შორეულ ირანში. ამის დადგენას კი თავის მხრივ არსებითი მნიშვნელობა ენიჭება იმის შესამოწმებლად, თუ რამდენად სწორია ვარაუდი იმის შესახებ, რომ აღნიშნულ ლაშქრობას ადგილი უნდა ჰქონოდა არა 1210 წელს, არამედ 1205/6 წელს ანის-არდებილის ამბების შემდეგ, იმავე წლის შემოდგომაზე, როცა თამარი, ჯერ კიდევ ცოცხალია.

ი. ლოლაშვილი არაფერს ამბობს ამ საკითხების შესახებ და ისე უნდა აბსოლუტური ჭეშმარიტების მნიშვნელობა მიანიჭოს თ. ჟორდანიასა და ივ. ჯავახიშვილის ვარაუდს თამარ მეფის 1213 წლის გარდაცვალების შესახებ. მაგრამ, როგორც უკვე დავინახეთ, ამას ვერ ახერხებს და ყოველ ნაბიჯზე წინააღმდეგობაში ვარდება. ამდენად, მისი განცხადება ნაშრომის დასაწყისში (გვ. 89), რომ თამარის აღსრულების გამო თანამედროვე ისტორიოგრაფიაში არსებობს მოსაზრებათა დიდი შეუსაბამობა და ამიტომ საჭიროა ყველა ძველი ცნობის დეტალური განხილვა, რათა მკითხველს უჩვენოთ, თუ რომელი თარიღია სარწმუნო — განცხადებადვე რჩება. ნაშრომი მიზანს ვერ აღწევს.

თამარი 1213 წელს კი არა, 1207 წელს აღესრულა.

М. В. НАТМЕЛАДЗЕ. ИСТОРИЯ РАБОЧЕГО КЛАССА ГРУЗИИ (июнь 1941—1980 гг.), т. III, «Мецниереба», Тб., 1987.

დიდი ოქტომბრის სოციალისტური რევოლუციის 70 წლისთავის იუბილეს კარგად მისადაგა გამოცემლობა „მეცნიერები“-ს მიერ გამოქვეყნებული პროფ. მაყვალა ნათმელაძის მონოგრაფია — საქართველოს მუშათა კლასის ისტორიის სამტომეულის მესამე ტომი, რომელიც მოიცავს ჩვენი საუკუნის 40—70-იანი წლების ისტორიულ მონაკვეთს და ქრონოლოგიურად აგრძელებს საქართველოს მუშათა კლასის ისტორიის მეორე ტომს, რომელიც საბჭოთა ხელისუფლების დამყარების ისტორიული თარიღიდან იღებს სათავეს და საბჭოთა კავშირის დიდი სამამულო ომის დაწყებით მთავრდება. მეორე ტომის ავტორიც მ. ნათმელაძე გახლავთ.

ფრიად სასიამოვნო მოვალეობად მიგვაჩინა ხაზი გაუსვათ იმ გარემოებას, რომ ამ ახალი მონოგრაფიის გამოცემით მ. ნათმელაძემ შექმნა საბჭოური ხანის საქართველოს მუშათა კლასის თანმიმდევრული მეცნიერული ისტორია. საერთოდ, ამ პრობლემის შესწავლას ავტორმა მრავალი ნაშრომი უძღვნა ქართულ და რუსულ ენებზე, მათ შორის ცალკე უნდა გამოვეყთ განზოგადებული ხასიათის, 1970—1975 წლებში გამოქვეყნებული საბჭოთა საქართველოს მუშათა კლასის ისტორიის ორი ტომი ქართულ ენაზე, ამიტომ ამთავითვე უნდა აღვნიშნოთ, რომ საქირთა და აუცილებელიც ქართულ ენაზეც გამოიცეს მესამე ტომი, რომელსაც, ცხადია, რუსული გამოცემის მესამე ტომი დაედება საფუძვლად.

სანამ თვით მონოგრაფიაში განხილულ საკითხებს შევეხებოდეთ, საჭიროდ მიგვაჩნა იმის აღნიშვნაც, რომ დღეს, როდესაც პარტიის მიერ მიღებული გარდაქმნის სტრატეგიული კურსის განხორციელება აყენებს ჩვენი ქვეყნის ისტორიული წარსულისადმი ახლებური მიდგომის ამოცანას, კერძოდ პიროვნების კულტის დაძლევის ფონზე უახლესი ისტორიის რიგ საკითხებზე უკვე გამოქვეყნებულ და მით უფრო გამოსაქვეყნებელი საისტორიო სამეცნიერო ლიტერატურისადმი ახლებური მიდგომის ამოცანას, განსაკუთრებული მნიშ-

ვნელობის ფაქტად აღვიქვამთ სარეცენზიო მონოგრაფიის გამოცემას.

მუშათა კლასის ისტორიის პრობლემატიკაზე მ. ნათმელაძის ავტორობით გამოქვეყნებული ნაშრომები, კერძოდ კი საქართველოს მუშათა კლასის როგორც მეორე, ისე მესამე ტომი დაწერილია და გამოცემულია სკკპ XX ყრილობის შემდგომ პერიოდში, ამიტომ ისინი სრულიად თავისუფალნი არიან პიროვნების კულტის პერიოდის ისტორიული კვლევა-ძიებისათვის დამახასიათებელი ტენდენციებისაგან, მით უფრო კი მესამე ტომი, რომელშიც გათვალისწინებულია სკკპ XXVII ყრილობის მიერ შემუშავებული ზოგადი შეფასება უახლესი წარსულისა. საერთოდ კი უნდა ითქვას, რომ მ. ნათმელაძის ახალი მონოგრაფია საბჭოთა საზოგადოების წამყვანი ძალის — მუშათა კლასის საწარმოო და პოლიტიკური მოღვაწეობის, პარტიის მიერ დასახული გეგმების რეალიზაციისათვის თავდადებული შრომის ისტორიაა, შრომის სოციალისტური ფორმების დახასიათება-ანალიზი, მუშათა კლასის სოციალისტური განვითარების განზოგადება. უძველესი მთელი ჩვენი ქვეყნის, მათ შორის საქართველოს მუშათა კლასის სოციალურ-პოლიტიკური მდგომარეობისა და საწარმოო საქმიანობაზე გავლენას ახდენდა 40—70-იანი წლებში — სოციალიზმის მშენებლობისა და სოციალიზმის საერთო განვითარების ობიექტური და სუბიექტური ფაქტორები, ნეგატიური მოვლენები, რომელთაც თავი იჩინეს 50—70-იან წლებში მრეწველობისადმი ხელმძღვანელობასა თუ სხვა დარგში დასახულ მრავალრიცხოვან ექსპერიმენტებსა და მათი განხორციელებას არცთუ სასურველ შედეგებში. მაგრამ ერთი უდავოა, რომ მუშათა კლასი მისთვის დამახასიათებელი მაღალი შეგნებულობით იბრძოდა ქვეყნის წინაშე პარტიის მიერ დასახული სახალხო სამეურნეო ამოცანების შესრულებისათვის. აქვე ისიც უნდა დავძინოთ, რომ სარეცენზიო მონოგრაფია ქრონოლოგიურად მთავრდება 80-იანი წლების დამდეგით, ამიტომ მასში, ცხადია, ვერ აისახებოდა საბჭოთა კავშირის სოცია-



ლურ-ეკონომიკური და საზოგადოებრივ-პოლიტიკური განვითარების პროცესში წარმოჩენილი უძრავობის ტენდენცია, რომლის შედეგებმა უფრო მოგვიანებით მშ-იანი წლების მიჯნაზე და მის შუა ხანებში გამოკვეთილად იჩინა თავი.

მონოგრაფიაში საქართველოს მეშუა კლასის ისტორიას საკითხები წარმოდგენილია ქვეყნის სოციალურ-ეკონომიკურ განვითარების ეტაპების მიხედვით. კერძოდ, ნაშრომის პირველი თავი ეძღვნება საქართველოს მეშუა კლასის შრომით და პოლიტიკურ საქმიანობას საბჭოთა კავშირის დიდი სამამულო ომის პერიოდში, როდესაც აუცილებელი გახდა მთელი სახალხო მეურნეობის, პირველ რიგში მრეწველობისა და ტრანსპორტის გადაყვანა სამხედრო ყაიდაზე. მეშუა კლასის ძალების დაძაბვა ფრონტისადმი დახმარებისა და რესპუბლიკის საწარმოო ძალების განვითარების, ფაშისტური ოკუპაციისაგან განთავისუფლებული რაიონების მეურნეობის აღდგენაში აქტიური მონაწილეობის უზრუნველსაყოფად. მონოგრაფიაში ამ ნაწილში ყურადღებას იქცევის სამამულო ომის პერიოდში შრომის სოციალისტური ორგანიზაციის ფორმების ავტორისეული ინტერპრეტაცია. არგუმენტირებულად გვეჩვენება ავტორის აზრი სოციალისტური შეჯიბრების ძირითადი ფორმების გამოყოფის თაობაზე, რომელიც განსხვავებული იყო ომამდელი ფორმებისაგან. ეს განსხვავება განპირობა იმან, რომ ომიანობის ვითარებასთან დაკავშირებით შეიცვალა სოციალისტური შეჯიბრების მოწინავე მეშუა კლასური, კვალიფიკაციური, სქესობრივი და ასაკობრივი შემადგენლობა. აღნიშნულ გარემოებათა გათვალისწინებით ავტორი შრომის სოციალისტური ორგანიზაციის ფორმებად მიიჩნევს მეშუა შრომითი აქტივობის არაყოველთაურ გამოყენებას, არამედ დიდი სამამულო ომის პერიოდისათვის დამახასიათებელ ისეთ ფორმებს, როგორც იყო კომკავშირულ-ახალგაზრდულ ბრავადებ, რომელთა შორის მოწინავენი ფრონტულ ბრავადებდა იწოდებოდნენ. სოციალისტური შეჯიბრების ერთ-ერთ ძირითად ფორმად ავტორს მიაჩნია, და მართებულადაც, ორასოვანთა და ათასოვანთა მოძრაობა, რომელიც ავტორისავე თქმით შეიძლება ემსგავსებებინა საწარმოო გვიგების ორმაგად და ა. შ. შესრულებას, რაც სამამულო ომამდელ ფართოდ იყო გავრცელებული საქართველოს სამრეწველო საწარმოებში, მაგრამ ამჟერად საქმე ეხება არა მართლოდენ საწარმოო ნორმების შესრულებას, არამედ ამ ნორმების შემსრულებელთა რაოდენობრივ ცვლილებებსაც. ამასთან ავტორი ასახულებს,

რომ ორასოვანთა და ათასოვანთა მოძრაობას სისტემატური და მასობრივი მოძრაობის ხასიათი ჰქონდა. სამამულო ომის პერიოდის სოციალისტური შრომის ახალ ფორმად მიიჩნევის ქალთა მოძრაობას ე. წ. მამაკაცთა პროფესიების ათვისებისათვის, სხვადასხვა მხლოდ ომიანობის დროს საწარმოებში მამაკაცების ქალეობით შეცვლის პირობებში შეიძლება წარმოშობილიყო. ტრანსპორტზე, მათ შორის რკინიგზის ტრანსპორტზე სოციალისტური შეჯიბრების ძირითად ფორმად ავტორს მიაჩნია ლენინური მოძრაობა. მონოგრაფიაში კარგად არის ნაჩვენები სოციალისტური შეჯიბრების სხვა ფორმების (მრავალდაზღვანობა, პროფესიათა შეთავსება და სხვ.) განვითარება, მაგრამ მათი ნაწილი ომის წინაპერიოდში განვითარდა და ომის პირობებში ახალი შინაარსი არ შეუძენია, ან მასობრივ მოძრაობად არ ჩამოყალიბებულა.

ნაშრომის პირველ თავში განხილულია მეშუა კლასის რაოდენობრივ და თვისებრივ შემადგენლობაში მომხდარი ცვლილებები, სქესობრივ შემადგენლობასთან ერთად. თვისებრივი ცვლილებები გამოიხატა მეშუა კლასის ცვლილებები კვალიფიკაციურ და ასაკობრივ შემადგენლობაში და, რაც მთავარია, მეშუა კლასის შეესების წყაროების ცვლილებაში. მეშუა კლასის წყაროს სამამულო ომის წლებში წარმოდგენილნი ქალები და მოზარდები, ამასთან წარმოებას უბრუნდებოდნენ ხანდახმული კვალიფიკაციური მუშები, ომის ინვალიდები და არასამწყობრო სამსახურის მებრძოლები.

მონოგრაფიის მეორე თავში განხილულია მეშუა კლასის შრომითი საქმიანობა ომის შემდგომ სახალხო მეურნეობის აღდგენისა და განვითარებისათვის, რომლის უზრუნველყოფაში გადამწყვეტი როლი შეასრულა მეშუა კლასის საწარმოო აქტივობის განვითარებამ.

ნაშრომის მესამე თავი მიძღვნილია მეშუა კლასის ისტორიის საკითხების განხილვისადმი 50-იან წლებში, კერძოდ, ამ ნაწილში გაშუქებულია საქართველოს მეშუა კლასის ბრძოლა ტექნიკური პროგრესის დაჩქარებისათვის, შრომის სოციალისტური ორგანიზაციის ახალი ფორმების, მათ შორის მოძრაობების შრომისადმი კომუნისტური დამოკიდებულების განვითარებისათვის. ხაზგასმულია ის გარემოება, რომ მეშუა კლასის შრომით ინიციატივაში პოლიტიკური აქტივობაცაა იმავდროულად გამოხატული, რადგან თავდადებულ შრომისათან ერთად წარმოებაში მეშუა კლასი წამყვან როლს ასრულებდა კომუნისტური პარტიის მოღვაწეობაში, მისი რეგების ზრდაში. ფართოდ მონაწილეობდა საბჭოების, პრო-



ფესიული კავშირებისა და კომკავშირის ორგანიზაციულ განმტკიცებაში.

სარეცენზიო მონოგრაფიის მეოთხე და მეხუთე თავებში გაშუქებულია 60—70-იან წლებში მუშათა კლასის მრავალმხრივი მოღვაწეობის საკითხები. აქ განსაკუთრებული ყურადღება აქვს დათმობილი საქართველოს ინდუსტრიულ განვითარებას მერვე და მეცხრე ხუთწლეულების პერიოდში. ამ მიზნით შეცნიერებისა და ტექნიკის მიღწევების დანერგვის წარმოებაში ეკონომიკური რეფორმის პირობებში 60-იანი წლების მეორე ნახევარში, მუშათა კლასის ბრძოლას რესპუბლიკის ჩამორჩენის დაძლევისათვის ეკონომიკაში და საზოგადოებრივ ცხოვრებაში 70-იან წლებში.

ნაშრომში განალიზებულია მუშათა კლასის შემოქმედებითი ინიციატივის ახალი ფორმების განვითარება 70-იანი წლების მეორე ნახევარში.

მომდევნო თავებში განხილულია საქართველოს მუშათა კლასის სოციალური განვითარების პრობლემა. განალიზებულია მუშათა კლასის რაოდენობრივი ზრდის დინამიკა, ცვლილებები მის შინადაზღვრებში სტრუქტურაში, მუშათა კლასის შევსების წყაროები. მოცემულია საბჭოთა მუშის სოციალური პორტრეტის შექმნის ცდა რესპუბლიკის მუშათა კლასის მოწინავე მუშათა მოღვაწეობის მაგალითზე.

ნაშრომის ცალკე თავი ეძღვნება საქართველოს მუშათა კლასის კულტურულ-ტექნიკური ღონის დახასიათებას, ამასთან დაკავშირებით ნაჩვენებია მუშათა კადრების მომზადების ფორმები და მეთოდები, მუშათა მონაწილეობა წარმოების მართვაში, რაციონალიზატორობისა და გამომგონებლობის განვითარება მრეწველობაში.

მონოგრაფიის მნიშვნელოვანი ადგილი აქვს დათმობილი მუშათა კლასის საზოგადოებრივ-პოლიტიკური აქტივობის ჩვენებას უმთავრესად რესპუბლიკის საზოგადოებრივ-პოლიტიკურ ცხოვრებაში, მუშათა მონაწილეობის სოციალისტური დემოკრატიის განვითარების, კოლმეურნე გლეხობასთან კავშირის განხილვის საფუძველზე.

ნაშრომის უკანასკნელ თავში გაშუქებულია მუშათა კლასის მატერიალური მდგომარეობა 60—70-იან წლებში. ყერაოდ, მუშათა ეკონომიკური სტიმულირება, შრომის ანაზღაურების სრულყოფის, ასევე მუშათა საყოფაცხოვრებო, სავაჭრო, სოციალურ-კულტურულ და სამედიცინო მომსახურების გაუმჯობესების ღონისძიებანი.

უნდა აღინიშნოს, რომ ავტორი მართებულად იქცევა, როდესაც მუშათა კლასის პოლიტიკური, სოციალური და კულტურული განვითარების, მატერიალური მდგომარეობის საკითხებს იხილავს არა ცალკე მოკლე ისტორიული მონაკვეთების მიხედვით, არამედ შედარებით დიდი ისტორიული ეტაპის განმავლობაში, რაც მუშათა კლასის ისტორიის ამ სფეროების განვითარების პროცესის უკეთ წარმოდგენისა და გააზრების შესაძლებლობას იძლევა.

უნდა აღინიშნოს, რომ სარეცენზიო მონოგრაფიაში დამოწმებულია მდიდარი ფაქტობრივი მასალა, რომლის საფუძველზე განხილულია მუშათა კლასის ისტორიის ყველა ძირითადი საკითხი. ყოველი ავტორისეული დებულება სათანადოდ არის არგუმენტირებული. უდავოდ მოსაწონია ის გარემოება, რომ ავტორი ხშირად დამართავს თვით მუშათა გამონათქვამების დამოწმებას, რომელიც მიხედვით კარგად ჩანს მუშათა კოლექტივებისა თუ ცალკეულ მოწინავე მუშათა დამოკიდებულება გადასაქრელი ამოცანებისადმი, მუშათა წერილობითი გამოსვლების შეიცავენ სიძნელეებისა და მუშაობის ნაკლოვანებების გააზრებისა და მათი დაძლევის გზების ძიების პათოსსაც.

მაგრამ ამასთან ისიც უნდა ითქვას, რომ ზოგიერთი საკითხის გაშუქება ერგვარი უკმარისობის დაღს ატარებს. მაგალითად, ეს შეიძლება ითქვას მუშათა კლასის რაოდენობის დინამიკის, მისი დარგობრივი სტრუქტურის, საშუალო წლიური რიცხვის ზრდის ტემპების, მუშათა ეროვნული შემადგენლობის განხილვასთან დაკავშირებით. ჩვენი აზრით, სასურველი იყო უფრო ფართო მსჯელობა წარმოებაში მუშათა დენადობის მიზეზების შესახებ და სხვ.

დაბოლოს უნდა ითქვას, რომ მ. ნათქვამის საქართველოს მუშათა კლასის ისტორიის მასამე ტომი მაღალ მეცნიერულ დონეზე შესრულებული ნაშრომია. იგი ქართული საბჭოთა ისტორიოგრაფიის შენაძენად მიგვაჩნია. ამ ნაშრომის მნიშვნელობა მხოლოდ იმით არ განისაზღვრება, რომ შეიქმნა მუშათა კლასის ისტორიის უკანასკნელი პერიოდის ამსახველი ნაშრომი (ერთ-ერთი პირველთაგანი მუშათა კლასის საბჭოური ისტორიოგრაფიაში), არამედ იმითაც, რომ საქართველოს მუშათა კლასის ისტორიის საკითხები შეიძლება აისახოს საბჭოთა კავშირის მუშათა კლასის ისტორიის ექსტრემულს შესაბამის ტომებში.

ვალერიან ჯიქია
მამია ჯიქაიშვილი,



ქართულმა სამეცნიერო საზოგადოებამ მძიმე დანაკლისი განიცადა, 73 წლისა გარდაიცვალა ცნობილი მეცნიერი, საზოგადო და პარტიული მოღვაწე, საქართველოს სსრ მეცნიერებათა აკადემიის ივ. ჯავახიშვილის სახელობის ისტორიის, არქეოლოგიისა და ეთნოგრაფიის ინსტიტუტის განყოფილების ხელმძღვანელი, საქართველოს სსრ მეცნიერების დამსახურებული მოღვაწე, ისტორიის მეცნიერებათა დოქტორი, პროფესორი პროკოფი კონსტანტინეს ძე რატიანი.

პ. რატიანი დაიბადა 1914 წელს, ჭიათურის რაიონის სოფელ რგანში, მუშის ოჯახში. საშუალო განათლება ჭიათურაში მიიღო. 1938 წელს თბილისის სახელმწიფო უნივერსიტეტის ისტორიის ფაკულტეტი დაამთავრა და მას შემდეგ ერთგულად და დულადავად ემსახურებოდა ქართულ მეცნიერებას და ქურნალისტიკას. მრავალმხრივია მისი მოღვაწეობა. იყო გაზეთ „ჭიათურელი მაღაროელის“, შემდეგ რესპუბლიკური გაზეთის „კომუნისტის“ თანამშრომელი. გაზეთ „კომუნისტში“ მუშაობდა განყოფილების გამგედ, პასუხისმგებელ მდივნად, რედაქტორის მოადგილედ. მოგვიანებით კი 1957—1958 წლებში რედაქტორად. მეცნიერების ცნობილი ორგანიზატორი და პარტიული მუშაკი პ. რატიანი ხელმძღვანელობდა საქართველოს სსრ მეცნიერებათა აკადემიის იფხაზეთის ენის, ლიტერატურისა და ისტორიის ინსტიტუტს, მუშაობდა საქართველოს კ საჩხერის რაიონის პირველ მდივნად, საქართველოს კ ცენტრალური კომიტეტის სასკოლო და სამეცნიერო განყოფილების გამგედ. იყო ისტორიული მეცნიერების ისტორიის საკავშირო საკორდინაციო საბჭოს საქართველოს სექციის თავმჯდომარე, ინსტიტუტის მუდმივ-

მოქმედი მეთოდოლოგიური სემინარის ხელმძღვანელი. მისი რედაქტორობით გამოვიდა „ქართული ისტორიოგრაფიის“ სამი წიგნი.

ყველა საქმეს პროკოფი რატიანი ასრულებდა სამაგალითო კეთილსინდისიერებითა და შემოქმედებითად. ცნობილი იყო კრისტალური პათიონებით, ქედმობუხტელი პრინციპებით, პირუთენელობითა და პირდაპირობით, საქვეყნო საქმისადმი უსაზღვრო ერთგულებით.

უაღრესად ფართო და მრავალმხრივი იყო პროკოფი რატიანის მეცნიერულ ინტერესთა სფერო, მისი შემოქმედების სარბივლი. განსაკუთრებით ნაყოფიერი აღმოჩნდა მისი მეცნიერული კვლევა-ძიება ივ. ჯავახიშვილის სახელობის ისტორიის, არქეოლოგიისა და ეთნოგრაფიის ინსტიტუტში, სადაც მან რამდენიმე ათეული წელი იმღვავა. მის სახელთანაა დაკავშირებული ინსტიტუტში ორი განყოფილების დაარსება.

ნიჭიერ ახალგაზრდას აკადემიკოსმა სიმონ ჯანაშიამ 1945 უჩინა ხელი მოეციდა XIX საუკუნის გამოჩენილი ქართველი მოღვაწეების — თერგდალეულების, უპირველესად კი მათი იდეური ხელმძღვანელის ილია ჭავჭავაძის შემკვიდრების შესწავლისათვის. ამ პრობლემის იმპრონიდელი დღემ არ იყო დამაკმაყოფილებელი. პ. რატიანი 40 წელზე მეტხანს იკვლევდა XIX ს-ის საქართველოს ეროვნულ-განმათავისუფლებელ მოძრაობასა და მის განმაპირობებელ კონკრეტულ ისტორიულ ვითარებას, რომელიც ქართველი საზოგადოებრივ-წოდებრივ თუ კლასობრივ ძალთა განლაგებას განსაზღვრავდა. ბაზისური და ზედნაშენური მოვლენების ერთმანეთთან კავშირში, ერთობლივად გააზრებთ პ. რატიანმა ღრმად შეისწავლა ილია ჭავჭავაძისა და მისი თანამებრძოლების მოღვაწეობა და შემოქმედება, მათი ადგილი საქართველოს ისტორიაში. 122 გამოქვეყნებული ნაშრომიდან, რომელთა შორის 15 მონოგრაფიაა, მეცნიერმა უმეტესობა შემოსხენებული პრობლემის კვლევას მიუძღვნა. ქართული ისტორიოგრაფიის დიდი შენამენია პ. რატიანის „ჩრეული ნაწიერების“ ცნობილი სამტომეული (1984, 1985), რომელიც დიდი ილიას საიუბილეოდ გამოცა.

პ. რატიანს ეკუთვნის თვალსაზრისი, რომ ილია ჭავჭავაძე და თერგდალეულები 1860—1870-იან წლებში იყვნენ არა თავადანაპრობისა ან ბურჟუაზიის იდეოლოგები, როგორც ეს მიღებული იყო ადრე, არამედ ქართველი მშრომელი ხალხის, პირველ რიგში გლეხობის ინტერესების გამომხატველ და დამცველი რევოლუციონერ-დემოკრატები. მკვლევარმა ცხადყო, რომ თერგდალეულთა იდეოლოგიაში სოციალური თავისუფლებისათვის ბრძოლა

ორგანულად დაუკავშირდა ეროვნული თავისუფლებისათვის ბრძოლას, რადგან ისინი ჩაგრული ერის შვილები იყვნენ. ეს გარემოება თერგდალელთა რევოლუციურ დემოკრატიზმს თავისებურ ხასიათს ანიჭებდა. პ. რატიანის ახალი თვალსაზრისი საისტორიო მეცნიერებაში და ისტორიულ-პარტიულ ლიტერატურაში აისახა. პ. რატიანმა მწყობრი ისტორიული კონცეფცია შექმნა, რომლის საფუძველზე მან ჩვენ ისტორიოგრაფიაში პირველმა გამართა XIX ს-ის მეორე ნახევრის ისტორია. ამავე თვალსაზრისით გადასინჯა მან „დასების“ გ. წერეთლისეული თეორია, თბილისის ღარიბი მოსახლეობის 1865 წლის აჯანყების არსი, გლეხთა განთავისუფლების საკითხებისადმი ილია ჭავჭავაძის დამოკიდებულება, ნიკო ნიკოლაძის მსოფლმხედველობის ევოლუციის, ასევე სომეხი ხალხისადმი ილია ჭავჭავაძის დამოკიდებულების საკითხი და სხვა.

პ. რატიანმა ჩვენ ისტორიოგრაფიაში პირველმა წაოთაყენა დღეს უკვე საყოველთაოდ აღიარებული და დასაბუთებული მოსაზრება XIX ს-ის რეფორმამდელ საქართველოში (პირველი) რევოლუციური სიტუაციის არსებობაზე. მისი მეცნიერული მემკვიდრეობის ერთ-ერთი ღირსება მრავალფეროვანი საისტორიო წყაროების და მათ შორის საარქივო პირველწყაროების მეცნიერულ მიმოქიკვაში შემოტანა და მათი მონაცემების ფართოდ გამოყენებაა. XIX ს-ის ისტორიის კვლევისადმი ასეთი ღრმა მიდგომა პ. რატიანსა და მის თანამედროვე ისტორიკოსებს წინამორბეტთაგან მკვეთრად გამოარჩევს. მეცნიერის დიდი დამსახურებაა XIX ს-ის მეორე ნახევრის საქართველოს ისტორიის სისტემატური კურსის გამართვა. ეს კურსი ახალი სიტყვაა ქართულ ისტორიოგრაფიაში. ის შევიდა 1958 წელს გამოცემულ „საქართველოს ისტორიაში“. ეს კურსი სრული სახით გამოქვეყნდა „საქართველოს ისტორიის“ სამბოლომუშოში. 1986 წელს კი ცალკე წიგნად გამოიცა პ. რატიანის „საქართველოს ახალი ისტორიის ნარკვევები“. კურსი ზოგიერთი კორექტივით შევიდა აკადემიკოს ე. მელიქიშვილის მიერ გამოცემულ „საქართველოს ისტორიის“ საკითხავ წიგნში (1980 წ.).

საგანგებოდაა აღსანიშნავი პ. რატიანის დამსახურება ქართულ ისტორიოგრაფიაში ლენინური ეტაპის დადგენაში. ამ საკითხის შესწავლას მან ორი წიგნი მიუძღვნა. მნიშვნელოვანია მის მიერ ივანე ჯავახიშვილის მსოფლმხედველობისა და ალ. წულუკიძის შეხედულებებისადმი მიძღვნილი გამოკვლევები.

ოც წელზე მეტი მუშაობდა პ. რატიანი ფეოდალური ხანის ქართულ ისტორიოგრაფიაში და საზოგადოებრივი აზრის საკითხებზე. მან გამოაქვეყნა საყურადღებო ნაშრომები XI ს-ის ქართველი ისტორიკოსის ლეონტი მროველის ისტორიული კონცეფციის თაობაზე, ადრეული ჰუმანიზმის ასახვაზე კახა თორელის „აღწერილობა“, აბუსერიძე ტბელის თხზულების წყაროთმცოდნეობით მნიშვნელობაზე.

პ. რატიანი სწავლობდა XII ს-ის საქართველოში მიმდინარე სოციალურ-პოლიტიკური პროცესების ხასიათს. მისი დაკვირვების საგანია „ქართლის ცხოვრებაში“ ასახული ხალხის მასების პოლიტიკური და სოციალური აქტიურობის ფაქტები. დაბოლოს აღსანიშნავია მისი ორიგინალური თვალსაზრისითა რუსთაველის ვინაობაზე, რის დასაბუთებასაც მან ორი წიგნი მიუძღვნა.

პ. რატიანს თვალსაჩინო დამსახურება მიუძღვის საქართველოს ახალი ისტორიის, ისტორიული მეცნიერების ისტორიისა და საზოგადოებრივი აზრის ისტორიის სპეციალისტთა მომზადებაში. მისი გამოზრდილი მეცნიერები წარმატებით მოღვაწეობენ რესპუბლიკის უმაღლეს სასწავლებლებში და სამეცნიერო დაწესებულებებში. ის 1952 წლიდან იყო საქართველოს მწერალთა კავშირის წევრი, 1958 წლიდან კი სამეცნიერო კავშირის ეურნალისტთა კავშირის წევრი, აქტიურად მონაწილეობდა ჩვენი ქვეყნის მეცნიერულ და საზოგადოებრივ ცხოვრებაში.

ვისაც პროკოფი რატიანთან მუშაობის ბედნიერება ჰქონია, დაგვეთანხმება, რომ მასთან მუშაობა ძალიან ადვილიც იყო და ძალიან ძნელიც. ადვილი იმიტომ, რომ ახალი იდეებით მუდამ დამუხტული ნიჭიერი პიროვნება თანამოსაქმეებს უშურველად ეხმარებოდა, ძნელი კი იმიტომ, რომ მუშაობაში სხვების მიმართაც მომთხოვნი იყო. სამშისადმი გულგრილობა და უპასუხისმგებლობა არავის აპატიებდა. ჩვენი უფროსი მეგობარი ამავე დროს საოცრად გულთბილი, კეთილშობილი და მომხიბვლელი ადამიანი იყო. განუმეორებელი იყო ბატონი პროკოფი — განრისხებული და ასევე განუმეორებელი იყო გახარებული. წმინდა შინაგანი სამყაროთი გამორჩეული, გარეგნულადაც ლამაზი და მომზიდველი იყო. ასეთი იყო ბატონი პროკოფი — კოლეგა და მასწავლებელი, მეგობარი და ამხანაგი.

დიდებული პიროვნების, ნიჭიერი ისტორიკოსის ცხოვრება დამთავრდა. ქართულ ისტორიოგრაფიაში მან ღრმა და მეტად თავისებური კვალი დატოვა.

გრიგოლ მარგინი,
 უზანანი სიღამონიძე

ლ. 1 მან. 30 კპ.

630/163

ინდექსი 76197

